





M

13-12. c. 43

518/12



XV. 4. 23.

Ex legato Dni. Fred. Toornbarof.  
a. 1629



FRANCISCI  
HOTMANNI  
IVRISCONS.

Quæstionum illustrium liber.  
EIVSDEM DISPUTATIO  
contra cap. Raynutius, de testam.

EIVSDEM  
vetus-renouata Explanatio in l. Frater à fratre.

SEXTA EDITIO,  
*denuò recognita.*



Apud Guillelmum Læmarium.

M. D. XCVIII.



THE  
HISTORY  
OF THE  
CITY OF  
NEW YORK

FROM THE  
FIFTH  
TO THE  
NINETEENTH  
CENTURY  
BY  
JOHN  
B. HENRY



APRIL 1891



ILLVSTRISSIMO  
ET POTENTISSIMO PRINCIPI  
AC DOMINO,  
DOM. VVILHELMO,  
LANDGRAVIO HASSLÆ,  
comiti in Catzenelnbogen,  
Dietz, Zigenhain,  
Nidda, &c.  
Domino suo clementissimo.



Vod à Platone quon-  
dam dictum est, illu-  
strissime Princeps, eas  
demum beatas esse  
Respublicas, in qui-  
bus vel Principes sapientiæ dediti  
sunt, vel sapientiæ dediti dominan-  
tur: id Hassi c.v. clientes ac subiecti  
verissimè dictum fuisse experiuntur.  
Habes à patre Philippo, heroicæ



# EPISTOLA.

quondam virtutis Principe, ab auis  
 item & proavis principatum sum-  
 mum: ditionem viris, armis, opibus  
 florentem. Itaque magna toto terra-  
 rum orbe illustrissimi tui nominis  
 auctoritas atque amplitudo est: bea-  
 túsque inter mortales, qui humani-  
 tus humanis de rebus iudicant, eo  
 nomine iudicaris. Verùm ad tuam  
 felicitatem non mediocre momen-  
 tum illud affert, quòd clientes ha-  
 bes, cùm Platonis, sapientissimi viri,  
 tum etiam suo atque adeò gentium  
 exterarum iudicio beatos. Primum,  
 quod summum in hac vita bonum  
 est, vt piè ritèque Deum colere li-  
 ceat, id illi singulari c. r. benignitate  
 consequuti sunt. Quod secundum  
 numeratur, vt otio & pace fruatur,  
 tranquilléque ac placidè vitam de-  
 gant, neque ciuilibus dissensionibus  
 conflict

## EPISTOLA.

conſiſtentur, id quoque tuo benefi-  
cio ſunt adepti. An verò quicquam  
ad eorum felicitatem amplius afferri  
poſteſt? Facit clementia & manſuetu-  
do tua vt poſſit. Nam vt eorum iu-  
uentutem artibus optimis exerceri  
liceat, Academiam inſtituiſti do-  
ctiſſimis viris florentem ac nobilem:  
in qua ita multos ac præſtantes viros  
liberalitate tua ſuſtentas, vt meritissi-  
mo atque optimo iure bonarum ar-  
tium domicilium dici poſſit. Neque  
verò multorum id Principum alio-  
rum exemplo facis: qui literis qui-  
dem & literatis fauent, eosque bene-  
uolentia ſua dignos iudicant, ſed a-  
liena tantum fiducia id faciunt. Tan-  
ta enim C. T. in omni literarum gene-  
re præſtantia eſt, tanta antiquitatis  
memoria, tanta bonarum omnium  
artium peritia, vt iam de doctis & e-



## EPISTOLA.

ruditis præcipuum tuum esse iudicium existimetur. Sciunt omnes qui in Germania versati sunt, C. T. ita in omni philosophiæ genere, sed præsertim in Astrologiæ scientia excellere: vt ceteræ quidem artes C. T. cum aliis communes, huius tua quasi propria ac præcipua possessio videatur. Quæ vidi ego, cùm istic aliquandiu apud C. T. commorabar, mathematica instrumenta! quas machinationes! qualem verò & quanto artificio elaboratam sphaeram! vt etiam Archimedeam illam prope modum superare videretur. O beatos tali Principe clientes! ô miseros qui furiosis & agrestibus dominis seruiunt. Iam verò quid dicam de fortitudine & virtute militari, cuius adolescens ac penè etiam puer tanta ac tam præclara orbi vniuerso documenta



## EPISTOLA.

menta præbuiſti? Ad tantas laudes acceſſit præterea incredibilis animi manſuetudo, & naturæ bonitas, qua literatos viros complecteris : & quamvis Deus c. t. in iſto altiſſimo dignitatis gradu collocarit, nunquam tamen ab eorum conſuetudine abhorres. Me quidem (ſi tamen in illo mihi numero aliquid loci relictum eſt) me, inquam, ſumma iam olim benignitate, favore, & benevolentia complexus es. Nuper verò ubi me propter fatalem patriæ tempeſtatem, extorrem eſſe audiſti, non modò conditionem in tua ditione honeſtiſſimam mihi detuliſti, verum etiam fortunam meam miſeratus, ſingulari ac planè regali munificentia muneratus es. Itaque valde me ingratum ac potius impium iudicari patiar, niſi tantam munificentiſſi-

## EPISTOLA.

mi Principis liberalitatem non modò memori mente prosequar, verumetiam quibus possim modis prædicem. Qua de caussa quum hunc Quæstionum aliquot civilium libellum in manibus haberem, neque alia ratione mei erga C.T. animi obseruantiam testari possem, non alienum officio meo esse iudicaui, si eum ego illustrissimo tuo nomini inscriberem. Cùm enim earum Quæstionum tractationem in illum contulissem, quæ in iure nostro principem locum obtinent, multorumque Iurisconsultorum disputationibus vexatæ, claræ in primis atque illustres habentur: commodissimè facturum me putaui, si tractationem omnium illustrissimam Principi omnium illustrissimo, doctissimo & munificentissimo dicarem. Primum

EPISTOLA.

mum vt munificentia tuae gratias  
quibus possem modis agerem: dein-  
de, vt si quam de meo erga C. T. stu-  
dio & fide opinionem concepisti,  
eam ego omni animi atque ingenij  
contentione confirmem: magnitu-  
dinemque meae erga C. T. obseruan-  
tia qualicunque ratione possum, te-  
stificer. Vale, illustrissime Princeps,  
& salue. Deum oro, vt C. T.

quamdiutissimè beatam  
ac florentem esse pa-  
tiatur. x. Kal.


Iulij,

M. D. LXXIII.



*Illustrissima C. T. obsequentissimus*  
*Fr. Hotmannus.*





## TITVLI

QVÆSTIONVM ILLVSTRIVM  
quæ hoc libro tractantur,

55

*An Regibus ius sit regna et ditiones suas  
arbitratu suo deminuere.* Quæst. I.

*Ex duobus Regis filiis, quorum alter an-  
te adeptum à patre regnum, alter postea  
natus est, uter præferatur.* II.

*Rege mortuo, cuius nepos ex primo eius  
filio demortuo, & alter eiusdem filius ex-  
tant, utri hereditas deferatur.* III.

*Ex tribus fratribus cum secundus relicto  
filio decessit, uter in primi, qui Rex mortuus  
est, hereditate præferatur: fratris huius fi-  
lius, an frater tertius superstes.* IIII.

*An ciuitas bello capta, si in libertatem  
vindiceretur, iura quoque sua pristina om-  
nia recuperet.* V.

*An*

TITVLI QVÆST.

*An ei qui testamenti tempore in rebus humanis non est, relinqui aliquid testamento possit.* VI.

*An fides data seruanda sit.* VII.

*Vtrum refectione rerum singularum vniuersitas mutetur, an eadem res maneat.* VIII.

*An matrimonij sine parentum auctoritate contracti pœna ulla constituta sit.* IX.

*An principalis obligatio pœnali stipulatione nouetur.* X.

*An dominium sine possessione acquiri possit.* XI.

*In dominio transferendo an præsentia & naturalis traditio requiratur.* XII.

*An liberi in conditione positi intelligantur ad hereditatem vocati.* XIII.

*Inter duorum fratrum liberos, vtrum patrui hereditas in stirpes, an in capita diuidenda sit.* XIII.

*An alterius generis numos quàm cuius*

*crediti sunt, vel exigere vel soluere liceat.*

XV.

*In lite frugum debitarum per iudicem æstimanda, quæ ratio tenenda sit: id est, cuius temporis aut loci pretium spectari oporteat.*

XVI.

*An quæ à falso magistratu per magistratus nomen gesta sunt, rata esse debeant.*

XVII.

*Quæ res diuiduæ, aut indiuiduæ dicantur, & quænam utrarumque natura sit.*

XVIII.

*Vtrum vehiculi & nauigij natura diuidua, vel indiuidua sit: & qui pariter utendum sumpserunt, utrum in solidum an pro virilibus teneantur.*

XIX.

*Vsusfructus utrum diuiduus sit, an, ut ceteræ seruitutes omnes, indiuiduus.*

XX.

*Hereditas utrum diuidua, an indiuidua sit.*

XXI.

*An debitor solutionis partem offerens, inuito creditore pro ea liberetur.*

XXII.

*An*



QVÆSTIONVM.

*An de crimine pacisci aut transigere liceat.* XXIII.

*An ius utendi fruendi re aliena, salua eius substantia, de nullo alio quàm de usu-fructu dici possit.* XXIIII.

*An iustum coniugium solo partium consensu sine publica testatione contrahatur.* XXV.

*An debitor qui soluendo non est, iure Rom. affici pœna corporali possit.* XXVI.

*Iudex utrum ex conscientia, an secundum edita in lite instrumenta iudicare debeat.* XXVII.

*An iudicandi munus iuris & legum imperitis mandari possit.* XXVIII.

*An, & quibus casibus pluribus concurrentibus actionibus uti liceat.* XXIX.

*Naturalis interitus rei post moram accidens, utrum ad actorem, an ad reum pertineat.* XXX.

*An pendente iudicio petitorio, agi pos-*

## TITVLI

*Jeſſorio liceat.*

XXXI.

*An totius & partium idem ius ſit quod  
vniuerſitatis et rerum ſingularum: aut qui-  
bus inter ſe rebus differant.*

XXXII.

*Re à pluribus furto ſublata, quam tol-  
lere ſinguli non potuiſſent, utrum vniuerſi  
tantum, an verò ſinguli furti teneantur.*

XXXIII.

*An legis actionum & actuum legiti-  
morum eadem ratio eſſet, aut quibus inter  
ſe rebus vel conuenirent, vel differrent.*

XXXIIII.

*An Imperator, de Ducatu, quem ante  
adeptum Imperium habuit, etiam poſt Im-  
perium adeptum, fidelitatem præſtare de-  
beat.*

XXXV.

*Utrum adiuncti pacti eadem tum in ſtri-  
ctis, tum in bonæ fidei contractibus vis ſit,  
aut verò quibus in rebus ſit diſſimilis.*

XXXVI.

*Ecquænam eorum pactorum natura  
ſit*

QVÆSTIONVM.

*sit, quæ vel contractus formare, vel per se  
vitiari dicuntur.*

XXXVII.

*Quenam & quarum rerum fictiones  
in iure ciuili numerentur.*

XXXVIII.

*An, ut quod ab initio statum non cepit,  
recipere postea non potest, ita quod semel  
statum cepit, amittere illum non possit.*

XXXIX.

*An fœneratio in bene morata ciuitate  
toleranda sit.*

XL.

*Quæ res facti, aut iuris, aut animi esse  
dicantur, & quenam illarum differentia  
sit.*

XLI.

*Qua ratione pœna in vindicando mul-  
titudinis delicto temperanda sit.*

XLII.

*An filius fideicommisso grauatus  
detrahere duas quartas  
possit.*

XLIII.

*Eiusdem Hotm. Disputatio contra cap.  
Raynutius, extr. de testam. fol. 364*

*Quemadmodum ex variis coniunctio-  
num modis ius accrescendi cuique coniun-  
cto competat. Quæst. xxxiiii. 376*

[ ¶ Not. hæc xxxiiij Quæstio, xliij dici  
debet, ac proinde alias subsequi, quem-  
admodum & in Indice : sed serò nimis  
à me observatum fuit; quapropter hæc  
culpa iis imponetur qui primas editio-  
nes impresserunt. ]

*Eiusdem Hotm. Vetus-renouata Di-  
sputatio, in l. Frater à fratre, D. de cond. in-  
deb. 391*

*Appendix aduersus nouam eiusdem  
legis interpretationem, quam nu-  
per Lescurius, vir eruditissi-  
mus, promulgauit in  
suo Africano.*





FRANCISCI HOTMANNI

IVRISCONSULTI,

QVÆSTIONVM ILLVSTRIVM

LIBER.

*An Regibus ius sit regna & diuiones suas arbitrato  
suo deminuere.*

## QVÆSTIO I.



Etus & præclara hæc quæstio est: eiúsque vsus cùm in Gallia nostra persepe magnus est, vbi de dominio Regis disputari solet: tum etiã apud Germanos insignis fuisse memoratur, anno M. cclxx. cùm imp. Carolus III. Venceslaum filium Cæsarem designandum curauit. Promisit (inquit Naucletus) Electorum cuique centum aur. millia pro consensu: quæ cùm soluere non posset, obligauit illis telonia & vectigalia imperialia, oppida, proprietates & iura, titulo pignorum. Ex quo insurrexit disputatio grandis. Vna enim pars probare contendebat, quòd non liceat neque expediat exossare imperium: alia asseribat rationabiliter hoc factum, ne ipsorum Electorum regiones grauentur à potentioribus. Hæc ille in Chron. Gener. 46. Similimam inter Papam & imp. Ottonem IIII. controuersiam anno M. ccx. exortam, Ioh. Tritemius c. 22. commemorat: propter Marchiam Apulizæ, quam Imperator (inquit Tritemius) ad Im-

perium, Papa verò ad Ecclesiam pertinere Romanam confirmabat, per donationem testamentariam Do. Mathildis, filia quondam Rotgeri principis Siciliae famosissimi, & vxoris Conradi regis, filij Henrici imp. iiii. Hanc donationem per mulierem sine consensu Principum factam Ecclesiae, Papa validam, Imperator verò inuvalidam esse dicebat. Tandem cum Imperator Pape ipsam Marchiam non vellet concedere, ab ipso fuit excommunicatus.

Quare operæpretium fore videtur, quid de quaestione proposita in vtranque partem afferri possit, considerare. Nam quantum ad ius Rom. attinet, satis constat, lege Regia summum ius Cæsaribus in res omnes tum diuinas, tum humanas, iudicium arbitriumque tributum fuisse. Itaque Senec. lib. de benef. 7. c. 4. Iure civili, inquit, omnia Regis sunt: & tamen illa quorum ad Regem pertinet vniuersa possessio, in singulos dominos descripta sunt. Et c. seq. Sub optimo Rege, omnia Rex imperio possidet: singuli dominio. Item c. 6. Cæsar omnia habet: fiscus eius priuata tantum ac sua, & vniuersa in imperio eius sunt: in patrimonio, propria. Atque in eandem sententiam extat locus ille nobilis Ambros. epist. 33. vbi de Valentiniano imp. loquitur. Conuenior, inquit, à Comitibus & Tribunis, vt basilicæ fieret matura traditio dicentibus Imperatorem iure suo vti, eo quòd in potestate eius essent omnia. Respondi, si à me peteret quod meum esset, id est fundum meum, argentum meum, ius huiusmodi meum: non refragaturum: quanquam omnia quæ mea

mea sunt, essent pauperum. verum ea quæ diuina, Imperatoris potestati non esse subiecta. Quinetiam cæterarum ferè gentium similia licet instituta commemorare. Nam apud Flo- rum lib. 2. Eutropium lib. 4. & in Epit. Liuij 58. Attalus rex Pergamenorum regni sui hæredem pop. Rom. instituit, his verbis, Populus Romanus bonorum meorum heres esto. Bonorumq; nomine pop. R. regnum ipsius vniuersum, diuina humanaque, publica & priuata complexus est. Sic in ead. Epit. 93. Nicomedes Bithyniæ rex moriens pop. R. fecisse heredem dicitur: regnumque ipsius in prouinciæ formam redactum. quod idem refert Eutropius lib. 6. Item, Epit. 59. Aristonicus regis Eumenis filius Asiam occupasse dicitur: cum testamento Attali regis legata pop. R. libera esse deberet. Sic apud Cic. Agrar. orat. 2. Alexander Ægypti rex Alexandriam & Ægyptum populo R. legasse dicitur. Apud Liuium lib. 70. Ptolemæus Cyrenarum regnum: apud Tacit. lib. 14. Prasutagus regnum Icenorum Cæsari, & ipsius filiabus. Ex quibus intelligi potest quàm absurdè & ἀνισότηως Alb. Krantzius lib. Dan. 2. c. 3. ita scripserit, Vnguinus Gottorū rex erat, quem Haldanus post se regni moderatorem in Dania designauit, Noruagiæ Hasmundum impuberem filium relinquens. Nouum & antehac incompertum munus testamento datum. Equidem ædes, agros, prædia, vineas, & his similia testamento dari audiuius: regnum autem præstare chartæ beneficio, prodigij loco habitum est. Iam verò cui

nota non est vel donationis Constantini fabula, vel donationis Ludouici, cognomento Pij, verissima historia, qui papæ Paschali urbē Romam cum Italiæ parte donauit? cuius donationis instrumentū extat apud Volaterr. lib. Geog. 3. Item, donatio Delphinatus facta regi Galliæ à principe Vmberto, anno M. CCCXLIX. ea lege vt Regis filius natu maximus Delphinus diceretur, & ditionem illam tanquam Imperij feudum ab Imperio recognosceret, eoque nomine Imperij vassallus esset: vt scribit Theod. Niheimius, lib. hist. 2. c. 25. Item, donatio totius regni Gallici mortis causa facta à Carolo V I. Galliæ rege, collatæque in Henricum Angliæ regem anno M. CCCXX. cuius donationis formulam Enguer. Monstrel. prodit, c. hist. 225. Denique nota omnibus est donatio XX. oppidorum Israelij regni facta à rege Salomone, Hiram, Regi extero & fortasse profano: cuius testimonium extat I. Reg. 9.

Sed quoniam de imp. Rom. iure instituta disputatio est, locus hic postulat, vt iuuentutis causa paulo subtilius de eo differamus: quòd ea res à nemine, quod sciam, adhuc explicata sit. Intelligendum est igitur, earum rerum quæ sub Cæsaris imperio ac ditione sunt quatuor genera fieri à Iurisconsultis. Aliæ nanque, res Cæsaris appellantur, aliæ res Fisci, aliæ Publicæ, aliæ Priuatae. l. 3. §. pen. D. de iur. fis. l. 1. C. de pœn. iud. mal. l. 1. §. 2. D. de cal. Res Cæsaris dicuntur, quæ in principis cuiusque priuato patrimonio sunt: non quatenus est princeps, sed quatenus est



est Arcadius, aut Honorius, aut Antoninus. l. cum seruus, trigefimanona. §. vltimo. D. de legat. 1. l. 3. C. de quad. præscr. Itaque res Priuata, & priuata principis substantia, & res dominicæ, itémq; patrimoniales appellantur. l. pen. & l. vlt. C. de fun. pat. Nonnunquam etiam Ærarium hoc priuatum appellatur: quod duplex fuit. vnum, largitionum, siue rerum priuatarum Augusti Augustæque: aliud sacrarum largitionum, siue thesaurorum. l. 1. C. de loc. præd. ciuil. l. 2. & l. 3. C. de quad. præsc. Res autem Fiscales dicuntur, quæ non tam in Principis quam in principatus patrimonio sunt: eique ad suam dignitatem tuendam, quasi vsusfructus nomine attribuuntur. qua de caussa patrimonium Fisci nominatur, in l. 2. §. 2. D. neq. in loc. pub. l. pacta conuenta, 72. §. 1. D. de cont. empt. Sic in l. vlt. D. qui pot. in pig. apertissimè res Cæsaris à rebus Fisci separantur: & principio species proponitur, qua priuatus præfertur Fisco in hypotheca: post altera species, qua priuatus Cæsari similiter in hypotheca præfertur. Item, in l. Fiscus. 6. D. de iur. Fisc. vbi ratio Cæsaris à ratione Fisci separatur. Itémque in l. οἱ ἐπίτροποι, 49. D. loc. vbi χωρὶς Καίσαρος separantur ἀπὸ τῶν χωρίων τῆς ταμείου. & l. 2. & l. 3. C. de quad. præsc. & l. vlt. C. de col. fun. Fisc. Iam verò res Publicæ dicuntur, quæ in populi patrimonio sunt, l. quod in litore, 14. D. de acq. rer. dom. l. 1. de rer. diuis. l. inter, 17. de ver. sig. non autem quæ vsui publico sunt, & in quæ pop. Rom. imperium habere dicitur, in l. 3. D. neq. in loc. pub. In publicis igitur

rebus primùm numerabimus *Ærarium* quod non Principis fuit, sed populi & Reip. Spartianus in Adriano: *Damnatorum bona* in fiscum priuatum redigi vetuit, omni summa in *ærario* publico recepta. Plin. in Panegy. At fortasse non eadem seueritate fiscum, quàm *ærarium* cohibes? Imo tanto maiore, quanto plus tibi licere de tuo quàm de publico credis. Præter *ærarium* erant & ciuitatum agri publici, qui si in perpetuum locabantur, *Veſtigales* appellabantur. l. cotem. 11. §. 1. D. de pub. l. 1. D. si ag. veſt. l. Lucius, 21. §. ult. D. ad mun. Nam *Publica* generaliter nunc appellamus, siue populi, siue ciuitatum. l. cum qui, 16. de ver. sig. Quamuis igitur multo maxima pars *veſtigalium* in fisci iure esset, l. 1. D. de pub. l. inter, 17. de ver. sig. tamẽ quedam populis & ciuitatibus concessa erant, l. *veſtigalia*, 10. l. ult. C. de veſt. & com. l. *veſtigalia*, 10. D. de pub. l. 3. Cod. de comp. Restant res *Privatæ*, siue singulorum, quæ in cuiusque ciuis patrimonio esse dicuntur. l. 1. D. de rer. di. Ergo quantum ad *Cæsaris* patrimonium attinet, dubium nemini esse debet, quin id Romano iure alienari, Principis iussu atque arbitrato, liceret: propter d. l. cum seruus, 39. §. ult. de leg. 1. & l. vniuersi. 9. & l. seq. C. de fun. pat. Quantum autem ad res *Fiscales* attinet, idem quoque iuris fuisse constat ex l. 2. §. 2. D. neq. in loc. pub. ybi res *fiscales*, quasi *privatæ* & *propriæ* Principis dicuntur: & d. l. 3. C. de quad. præsc. Quæ differentia, inquit, introducatur, cùm omnia Principis esse intelligantur, siue ex sua substantia, siue ex *Fiscali*

cali fuerit aliquid alienatum. Denique Fiscali-  
um rerum commercium esse, patet ex l. si pro-  
curator, 5. D. de iur. Fisc. Quantum autem ad pu-  
blicas res attinet, video harum quoque rerum  
summum iudicium penes Imperatorem fuisse:  
vt de vectigalibus traditur in l. 3. C. vect. nou.  
inst. non poss. & de locis communibus. l. 2. §. si-  
quis à Principe, D. neq. in loc. publ. & de agris  
pub. l. cotem. 11. §. 1. D. de publ. & de itin. pub.  
l. seruitutes, 14. D. de seru. Quid ergo est? an Cæ-  
sar's res, quæ publici iuris erant, alienandi ius  
fuit? Sed obstat l. imperatores, 37. D. de pact. &  
l. 1. D. de off. proc. vbi procuratori Cæsaris non  
alienandæ sed bene gerendæ rei potestas per-  
missa esse traditur: quasi summum ius admini-  
strandi, non etiam alienandi haberet. Restant  
res Privatæ: de quibus ex iuris Rom. ratione du-  
bitari videtur posse, propter l. Lucius, 11. D. de  
euct. vbi privati hominis prædia Imperatoris  
iussu alienata proponuntur. Quo argumento  
plerique confirmari putant, imperatoris Rom.  
etiam in priuatorum fortunis alienandis sum-  
mum ius summamque potestatem fuisse. Sed  
peruersè & absurdè illo loco ad eam sententi-  
am abutuntur. Non enim de agris, qui proprietatis  
iure in ciuium R. patrimonio sunt, ibi Paulus  
loquitur, sed de prædiis quæ in Germania trans  
Rhenum bello quæsitæ fuerant: & non proprie-  
tatis, sed tantum possessionis iure fruenda con-  
cedebantur: de quibus in l. quæstio, 115. D. de  
ver. sig. vnde illud Felti, Possessiones appellan-  
tur agri latè patentes, publici priuatique: quia



non mancipatione, sed vſu teneantur. Eoſque pertinet l.cotem. 11. §. agri, D. de pub. & vect. & litem prædia, 10. D. ſam.erc. vbi vectigalia prædia dicuntur non eſſe noſtri patrimonij. Quæ de re vberius in Feudali diction, diſſeruimus. Cum igitur huiuſmodi eſſent prædia illa Germanica trans Rhenum, non mirum eſt ſi Imperatoris præcepto poſtea diſtracta, vel veteranis, assignata fuerint. Quinetiam alio loco traditur, in priuatorum agris nihil, ne publico quidem conſilio, cum ipſorum iniuria capi ius fuiſſe. l. venditor, 13. D. de com. præd. In eamque ſententiam Cic. Off. 2. Videndum, inquit, erit ei qui Remp. adminiſtrabit, vt ſuum quiſque teneat, neque de bonis priuatorum publicè deminutio fiat. Eodémque peruulgata pertinet quæſtio de vinea Nabothi, quam Achabo regi poſtulantibus vt eam ſibi venderet, aut permutaret, reſuſcit. 1. Reg. 21. Quanquam diſſimiles regnorum formas eſſe conſtat: neque in regno Iſraelio videatur tantum iuris Regibus conſeſſum: partim quia Deus certos cuique tribui agrorum fines attribuerat, partim quia Deut. 17. vbi lex Regia perſcripta eſt, interdictum erat Regi ne ſupra ſuos fratres efferret. vt facile intelligatur, regibus Iſraeliis ius non fuiſſe, ciuibz inuitis ſuos agros eripere: quorum fructuarij tantum erant, non pleno iure domini lege diuina conſtituti.

Verum vt ad inſtitutam quæſtionem de Regno deminuendo reuertamur, exiſtimamus Regibus ius non eſſe ditiones ſuas ſine populi & ſubiectorum ſuorum conſilio & conſenſu alienare

nare. Sententiæ autem nostræ argumentum hoc primum ac summum est, quoniam per huiusmodi conuentiones non tantum agri & domicilia, verum etiam incolæ alienantur: qui etsi in Regis ditione, imperio ac potestate esse dicuntur, tamen multo magis in ipsius fide & clientela sunt: neque tam eius potestati permixti, quam fidei & beneuolentiæ commixti. Itaque & liberorum & nobilium nomen iusque retinent. Non enim omnes qui sub Regum imperio subiecti sunt, continuo serui habendi sunt. Aliud est enim Regem aliud Tyrannum esse: ut Arist. Pol. 3. demonstrat. Rex, inquit, volentibus & consentientibus imperat, tantum ut eos regat: Tyrannus verò inuitis dominatur, tantum ut eos pro pecudibus, nedum pro seruis & mancipiis, habeat. Rex, inquit, omnia ad subiectorum salutem & incolumitatem refert, Θεοῦ γὰρ δίκανος ὅτι σοι εἰς τὸ ἀγαθόν, ut ait Paul. Rom. 13. Tyrannus verò ad suum commodum, utilitatem & voluptatem omnia contorquet. Quod quam præposterum & naturę contrarium sit, vel ex eo intelligi potest, quod subiecti non Regum causa, sed ex contrario Reges subiectorum causa reperiuntur: possuntque subiecti esse sine regibus. Reges sine illis esse non possunt. Cum igitur in huiusmodi alienationibus etiam homines, ii que ingenui, contineantur, liberorum autem hominum commercium non sit: consentaneum est, Reges ditiones suas neque in totum neque in partem sine subiectorum suorum consensu alienare posse. l. liber homo, 103. D. de ver. ob. l. si

emptione, 34. §. 1. D. de cont. emp. Quid verò, si etiam illa consideratio accedat quòd subiecti in eius fortasse Principis ditionem abalienantur, qui sua potentia ad tyrannidem abutetur? Annon absurdum est existimare, duriores civium subiectorum cōditionem esse, præsertim ingenuorum, atque adeò nobilium, quàm olim fuerit libertorum? Atqui Rom. iure cautum est, ne heres servum, cui libertas per fideicommissum relicta est, alij possit manumittendum tradere, ut eius libertus fiat, quàm qui à testatore manumittere rogatus est. l. generaliter, 24. §. ult. & l. inuitus, 34. D. de fid. lib. Eodē accedit, quòd liberti cogi à patronis non poterant alio loco, quàm quo illis liberet, domicilium suum habere. l. pen. C. de op. lib. neque licita negotiatione prohiberi poterant. l. 2. D. de iur. pat. aut ibi artē suam exercere, ubi patronus nolebat. l. quæro, 18. D. eod. & l. libertus, 45. D. de op. lib. Verum, ut hac de re paulo subtilius disciplinæ causa exponamus, quadripartita disputatio instituenda est. Nam aut regnum populi iudicio suffragiisque delatum est, ut hoc anno 1573. de Polonico deferendo haberi comitia videmus: aut à maioribus hereditate & antiqua successione relictum: aut ab extraneo testamento legatum: aut armis ac bello partum. Neque enim Tertul. assentior, qui in Apolog. aduersus gentes scribit, se arbitrari regnum omne vel imperium armis quæri, & victoriis propagari. Si regnum populi suffragiis delatum est, primùm animaduertendum est, ecquæ pactiones & con-

dit



ditiones in Rege creando interpositæ fuerint: velut in c. intellecto, 33. ext. de iureiur. vbi in rege Hungarię inaugurando iusiurandum ab illo exactum fuerat, nequid è ditionibus suis alienaret, sed iura regni integra cōseruaret. Nam si qua pactio interposita est, quoniam (vt vulgò dicitur) nihil tam humanæ fidei consentaneum est, quàm ea quæ placuerunt seruari: l. 1. D. de pact. l. non minorem, 20. C. de transf. Rex qui fidem publicam subiectis datam & iureiurando confirmatam violat, iam non Rex sed humanæ fidei & iuris gentium expers habendus est. Quòd si pactio nulla in creatione adhibita est, sed simpliciter ei regnum delatum est, tum verò, quia Rex moderator Reip. non euerfor constitutus est, aurea regula de Reip. curatoribus seruanda est, vt ius Reip. pactionib. mutare non possint. l. 2. §. ius Reip. D. de adm. rer. ad ciu. Item, de omnibus administratoribus, vt quibus administratio permessa est. non vtique alienandi potestas pemissa intelligatur, l. contra, 28. D. de pact. Denique Rex tanquam populi sui tutor præscriptam tutoribus regulam seruare debet, vt tum denique pro domino habeatur, cùm pupillis prouidet: hoc est, cùm salutem & incolumitatem populi tuetur. l. tutor, 27. D. de adm. tut. l. 7. §. si tutor, D. pro emp. l. interdum, 56. §. pen. D. de furt. Nam (vt Cic. Off. l. scribit) vt tutela, sic procuratio Reip. ad vtilitatem eorum qui commissi sunt, non ad eorum quibus commissi est, gerenda est. Et lib. de Rep. 3. Resp. inquit, dicitur res populi, quum bene & iustè ge-

ritur: siue ab vno Rege, siue ab optimatib. siue ab vniuerso populo. Quum verò, inquit, iniustus Rex est, quem Tyrannum voco, non iam vitiosa, sed omnino nulla Resp. est: quoniam non est res populi, quum Tyrannus eam factiōve capessat. Iam verò si regnum à maioribus alicui relictum est, hoc casu nō dubium est quin tacito iure & diuturno populi consensu regum extra familiam alienari non possit: ac propterea si quis malis vtens consiliariis illud alienaret, successorem eo contractu non teneri. l. peto, 69 §. prædium. D. de leg. 2. ac proinde proximo agnato successoris ius esse, quod eius alienatum erat reuocare. l. omnia. 32. §. vlt. l. peto, 69. §. fratrem, D. eod. Quid igitur si regnum non maiorum hereditate & continuata successione, sed extranei alicuius testamento ac beneficio relictum esset? Tum verò dubitari posset, an quo iurè quæsitum illud esset, eodem iure ab alienari posset: quoniam qui pleno iure dominus est, alienandi, dissipandi, disperdendi ius habet. l. 7. C. de relig. l. sed etsi lege, 25. §. consuluit, D. de her. pet. & (vt vulgò dici solet) suæ quisque rei arbiter ac moderator est. vulg. l. in re mandata, 21. C. de mand. Sed superius demonstrauimus, in huiusmodi alienationibus non tam agrorum & oppidorum, quàm ciuium & libertorum hominum rationem habendam esse: quos contra voluntatem alienari, & in tyranni fortasse alicuius potestatem transferri, planè tyrannicum videtur: Rom. iure ne patronis quidem in liberos ea potestas esset. d. l. generaliter, D. de fid. li. & huc

& huc pertinet, quod est apud Agel. lib. 5. c. 19. tutoribus in pupillos tantam esse auctoritatem potestatemque fas non fuisse, ut caput liberum fidei suæ commissum alienæ ditioni subiiceret. Quinetiam feudali iure Seniori non licet feudum alicui constitutum sine ipsius vassalli voluntate in alterum quoque titulo alienare. lib. Feud. 1. tit. 22. §. 2. & tit. 27. §. 2. & lib. 2. tit. 2. 6. §. 4. & tit. 34. §. 3. Quo exemplo uti videmur posse ad coercendam alienandorum regnorum potestatem: quasi defunctus delegisse videatur, cuius non modò potestati clientes & subiectos suos permetteret, verumetiam fidei committeret. Restat pars vltima, cum armis & bello regnum quæsitum est. Nam cum armis Principis partum atque in eius ditionem redactum sit, consentaneum videtur, ut de eo statuere arbitrato suo possit. Sed quum eam ditionem solus ac per se non acquisierit, sed civium suorum sanguine, laboribus, periculis, non alienum videtur regulam iuris civilis sequi, ut quod communibus multorum laboribus quæsitum est, non nisi communi eorum consilio & consensu alienari possit. arg. l. 1. & pass. C. de com. rei al. l. si in re communi, 19. D. de nox. act.

Nunc superest ut contrariis argumentis respondeamus. Ergo quantum ad locos Senecæ, non difficilis solutio est: dum intelligatur, Senecam non hoc statuere, Regis esse omnia, ut singula, verum ut vniuersa. nam regnum vniuersè consideratum, est Regis: at per singulas partes, est singulorum: siue ciuitates singulas

spectemus, quarum certi cuiusque fines & territoria fuerunt, quæ superius publica dici demonstrauimus: siue singulos ciues, & patres, qui suos fundos privato patrimonio & proprietatis iure possident. Itaque illo eod. c. 4. sic infert, Illa quorum ad regem pertinet vniuersa possessio, in singulos dominos descripta sunt: & vnaquæque res habet possessorem suum. Itaque dare Regi & domum & mancipium & pecuniam possumus: nec donare illi de suo possumus. Ad Reges enim potestas omnium pertinet: ad singulos, proprietas. Item c. 6. Vniuersa, inquit, in imperio eius sunt: in patrimonio, propria. Denique c. 4. quod de Rege superius dixerat, idem de singulis ciuitatibus affirmat. Fines, inquit, Atheniensium aut Căpanorum vocamus, quos deinde inter se vicini priuata terminatione distinguunt: & totus ager aut vllius (legendum puto AVT VICVS) Reip. est. pars deinde suo domino quæque censetur. Ideoque donare agros nostros Reip. possumus, quanuis illius esse dicatur: quod aliter illius sunt, aliter mei. Ex quibus perspicuum est, cum dicimus, res cuiusque patris, esse vel Principis, vel Reip. in cuius illa ditione atque imperio sunt, ita intelligendum esse, vt cum Hippoc. dixit legem esse rerum omnium dominam: quia sc. & ciuitatis cuiusque & ciuium singulorum patrimonium constituit, definit, tuetur, lex sola dominium rerum confert: sola dominij acquirendi modos cōstituit: citra quos acquiri nullius rei dominium potest. §. 2. de bon. pos. & apud Vlp. tit. Reg. 19. Sed & qui



& qui legis vim ac potestatem habet, rerum dominium confert: veluti tacitus populi consensus. §. 1. de acq. per arrog. post etiam princeps. l. 1. C. de iur. dom. imp. itémque Senatus. l. 1. & pas. D. ad Treb. Quòd si penes populum, aut Principem rerum dominium non esset, conferre quod non haberet, non posset. Ex contrario tamen videmus, & Principi & populo vendi, donari, legari, posse: cùm tamen quod cuiusque est iterum eius fieri non possit. Sed (vt dixi) imperio ac ditione sunt Principis aut populi: possessione autem & vlu ac proprietate, sunt priuatorum. Vtraque hac distinctione aduersus illos Valentiniani comites & assentatores aulicos vtendum erit, de quibus Amb. loquitur, Vniuersa quidem esse Regis, sed non singula. De qua differentia planius infrà differendi locus erit, vbi de Toto & Vniuerso explicabimus. Quanquam in templo, quod vel sancti vel publici iuris est, commodius respōdit Ambr. quæ diuina sunt nullius dominio subiecta esse. Quântum autem ad reliqua regna pertinet, quæ diximus interdum vniuersa testamēto donata fuisse, interdum donationibus deminuta: lex formulæque Imperij (vt suprà diximus) obseruanda est. Neque enim gentem vllam (præter Turcicam) ita stupidam ac barbaram, & pecudum potius quàm hominum similem esse arbitror, quæ non in Rege inaugurando aliquam ab illo regni conseruandi fidem & iusiurandum exigat: quemadmodum videmus feudali iure Seniores eandem Vassallo fidem debere, quam Vas-

fallus Seniori : & antiquo iure Rom. patronum eandem clienti benevolentiam debere , quam hic illi. In Gallia quidem nostra Rex sine publico gentis concilio , quod vulgò Trium ordinum conuentus appellantur, nihil nec alienare, ac ne oppignerare quidem potest : vt cùm alij Pragmatici omnes, tum etiam Bald. testatur in c. 1. Si de feud. fuer. contr. itémque Papon. Arrest. lib. 5. tit. 10. art. 4. In eámque sententiam proferri solet textus in l. vlt. C. de præd. cur. Sic in imperio Germanico extat aurea bulla Caroli I I I. vbi c. 20. certæ cuique Principi Electori ditiones dignitatis tuendæ causa sunt attributæ, quas ipforum arbitrato deminui ius non est. Neque verò vel stultorum Regum , qualis fuit Carol. V I. vel aliorum qui arbitrato suo ditiones alienarunt , exempla nobis magnopere aduersantur. nam, vt vulgò dici solet , non exemplis , sed legibus iudicandum est. l. nemo, 13. C. de sen. & interl. Restat Salomonis donatio : de qua ita statuendum arbitror , Salomonem non perpetui iuris & proprietatis ac dominij alienandi causa oppida illa xx. Regi extero tradidisse. primùm propter rationem religionis, quæ sub extero Rege mutari aut corrumpi potuisset: deinde quia ne priuatorum quidem possessiones mutare Regibus Israeliis licuit: vt superius de Nabothi possessione dictum est. quid ergo est ? nimirum cùm Hiramus magnam Salomoni pecuniam ad templum ædificandum credidisset, magnamque præterea materiæ vim illi ad idem opus vendidisset, neque satisfacere illi

illi Salomon per id tempus posset, de populi consilio Salomon ei xx. oppida fruenda dedit, ut ex eorum vectigalibus & fructibus suum Hiramus seruaret: neque illa emptionis iure, & ut proprietarius possideret, sed tantum quasi ἀντιρρωπος, aut certè eo iure quod Longobardi Precariam appellarunt, de quo in Dict. feudali commemorauimus. Cuius rei etiam argumentum extat, 2. Chron. 8. Ædificauit, inquit, oppida quæ Hiramus ei dederat, eaque ab Israeliis incolenda curauit. Quibus ex verbis probabile est, non tantum Hiramum aliquanto post illa oppida Salomoni reddidisse, verum etiam quamdiu ipse illa possedit, Israelios in iis propter varietatem religionis non habitasse.

## QVÆSTIO II.

*Ex duobus Regis filiis, quorum alter ante adeptum à patre Regnum, alter postea natus est, uter præferatur.*

**V**etus hæc quæstio est, & nobilitata inter historicos: primum propter veterem Artemenis & Xerxis contentionem, quorum hic ex Dario, Rege iam facto, ille ex eodem privato natus fuerat: itémq; propter illam alteram Cyri & Arsicæ, quorum hunc alter Darius Rex iam creatus, illum adhuc priuatus genuerat. Videndum est igitur quemadmodum utranque in partem disputari possit. Nam pro posterius nato pugnare hæc videntur. Primum textus in 1. neque Dorotheum, 61. & 1. doctitij, 63. l. ne-

minem, 64. cum l. pen. & ult. C. de decur lib. 10. & l. ex libera, 6. C. de suis & leg. in quib. omnib. concordissimè statuitur, vt filij post adeptam à patre dignitatem suscepti, certis priuilegiis fruuntur: antè verò nati, in pristina conditione mancant, neque illo iure frui possint. Secundus est in l. imperialis, 23. §. his illud, C. de nupt. vbi statuitur, vt liberi mulierum quæ à scenica vita sese Principis beneficio liberarūt, si quidē post liberationem suscepti sint, iure & Priuilegio matribus concessio fruuntur: sin prius nati sint, eius expertes sint. Tertius est in l. quicunque, 7. C. de prin. ag. in reb. vbi liberi eius cohortalis qui principatum agentium adeptus est, si post nati sunt, cohortali conditione soluuntur: sin antè, in pristina conditione remanent. Quartus est in l. eos qui, 65. D. de rit. nupt. quam Gordianus profert in l. & si, 6. C. de nupt. vbi matrimonium in provincia contractum ab eo qui officium in ea gerebat, ita valere & iustum esse iubetur, si officio deposito in eadem voluntate perseuerarint: vt tamen prius nati liberi, iusti & legitimi non sint. Quintus est in l. senator. 11. C. de dign. vbi Imperatores statuunt, vt ij demum clarissimatus iure fruuntur, qui post adeptum à patre clarissimatum suscepti sunt. Sextum argumentum ex eo induci potest, quòd quemadmodum is qui post alicuius mortem conceptus est, ei neque suus, neque cognatus dicitur (l. Titius, 6. & l. item prætor, 8. D. de suis & leg. l. 1. §. si quis, D. vnd. cogn. l. si quis filio, 6. §. 1. D. de iniust. rupt. & §. cum autem, 7. Inst. de leg. her.) ita qui  
ante



ante adeptum à patre regnum conceptus est, Regi neque filius, neq; adeò cognatus dici potest. Quò pertinet l. emâcipatum, 7. D. de senat. vbi ante adeptam à patre, senatoriam dignitatem conceptus, senatoris filius non habetur. Nam isto modo disputari ex contrariis potest: Si filius post amissum à patre regnum pro Regis filio non numeratur: certè ante adeptum ab eodem regnum dici Regis filius non potest. facit l. diuo Marco, 11. C. de quæst. vbi honoratorum quorundam pronepotes certis privilegiis fruuntur, quæ tamen liberorum infamia & turpitudine amittuntur. item l. 3. D. de interd. & rel. vbi liberi eius cui ciuitas adimitur, ius omne quod per ipsius personam obtinebant (quale est regnum aut Imperium delatum) amittunt: quanuis alia iura quæ aliundè iis obueniebant, non amittât. Et secundum hanc disputationem Herod. lib. vii. Iustinus hist. lib. 11. & Plutarch. in Artoxerxe scribunt, cùm in Perside orta esset cõtrouersia inter Artabazanem (vt Herod.) siue Artemenem (vt Iustinus appellat) & Xerxem filios Darij Hystaspis filij, de Persici regni successionem: fortè tum ibi affuisse Demaratum Spartano regno eiectum, dixissèque Spartano- rum institutis filium post adeptum à patre regnum natum alteri antegenito præferri. atque hanc ob causam Xerxi regnum adiudicatum fuisse. Nam in rei summa tres illi Scriptores consentiant, cùm in aliis quibusdam minutioribus dissideant. Quod etiam Guicciard. lib. hist. I. valuisse scribit, in contentione de Me-


diol. Ducatu inter Ludovicum & Galeatium fratres: quorum hic ante adeptum à patre ducatum, ille post adeptum natus fuerat.

Deinceps igitur, quæ ab altera parte disputari possint, videamus. Primum autem proferri solet l. senatoris, §. D. de senat. vbi Vlp. dilucidè scribit, Senatoris filium eum esse habendum non modò qui ex patre in senatoria dignitate constituto, verum etiam eum qui antea susceptus est. Facit l. filij, 22. §. senatoris, D. ad mun. vbi tamen videndum est, ne pro QVOQVO TEMPORE, vt in libris Flor. scriptum est, vulgatam scripturam EO TEMPORE, quæ mendosa est, & apertam in Vlp. disputatione discrepantiam induceret, retineamus. Secundum est ex l. 2. §. 1. D. de decur. & l. moris, 9. §. parètes, D. de poen. vbi Pap. & Vlp. statuunt, legem quæ vetat decurionum filios atrociorib. suppliciis affici, etiam ad eos qui in plebeia familia suscepti fuerant, pertinere. Tertium induci potest, ex l. diui, §. & l. cum quis, 10. & l. seq. C. de nat. lib. & Nouel. 89. vbi quod statuitur, vt liberi in concubinato suscepti, per contractum matrimonium legitimorum numero habeantur, valere iubetur, siue soli maneant, siue alij ex contracto matrimonio suscipiantur. Quartum ex l. cum aduocatio. 8. C. de ad. di. iud. & l. 2. C. de aduoc. di. iud. tit. seq. vbi liberi eorum qui fisci aduocati fiunt, etiam ante adeptum illud munus geniti, à cohortali conditione eximuntur. Itaque Plutarch. in Artotexxis vita scribit, cum post Darij mortem hæc eadem controuersia inter Arsicam Dario pri

privato, & Cyrum eodem Rege iam facto natum exorta esset, ac Parysatis mater in Cyri persona, veterem illam Xerxis disputationem vingeret, Persas tamen Arsicæ regnum adiudicasse. Quod idem Ioseph. lib. Antiq. xvi. factum esse scribit ab Herode Iudæorum Rege, qui Alexandro & Aristobulo ex se post adeptum regnum genitis Antipatrum antè natum prætulit. quod tamen Herodis iudicium sibi non probari Iosephus non obscurè significat. Pòst etiam multis seculis idem in Hungaria vsuuenisse. Fl. Blondus, Decad. 2. lib. 6. & Mich. Ritiuss, lib. de Regib. Hung. 2. vbi scribunt, Bela Rege mortuo, Geysam privato patre natum, regni hereditatem obtinuisse. Præterea circiter annum salutis D. ccccxl, eadem in Germania contentio exorta est, cùm Ottoni I, Rom. imperium delatum est: quod frater eius Henricus patre iam Imperatore natus, Euerhardi Comitis Palatini, & Giselberti Lotharingiæ Ducis, aliorumq; Principum suasu armis vindicabat. quam historiam Sigeb. in Chron. & alij quidam perstringunt. Suggerebant ei (inquit Sigeb.) regnum magis competere illi in patris regno nato, quàm Ottoni ante regnum nato. Sed cùm ad pugnam ventum est, victoria Ottoni regnum adiudicauit.

Nunc considerandum est, ecquidnam ex iuris ciuilis ratione constitui oporteat. Nam, si quidem attentionem adhibere volumus, facile intelligamus, maximam peruulgatæ istius disputationis partem nihil ad rem pertinere: quip

b 3



pe, cum hîc quærat<sup>ur</sup> de iure hereditario, quod filiis post parentum demum mortem defertur: in illis verò locis agatur de iure singulari, & certis priuilegiis, quæ liberis etiam in vita parentum conceduntur. Hæc autem iura incerta esse, & arbitraria, atque ex Principum beneficio ex liberalitate pendere, cum ex omnibus suprà scriptis locis constat, tum præcipuè ex d.l. senator. ii. C. de dign. in qua imp. Valentinianus abrogat Vlp. sententiam in d.l. senatoris, D. de senat. qua in sententia nonnullos ex Doctoribus fuisse constat. Nam si legatur, si SENATOR, hoc modo incepta oratio quò referatur non habebit: cum posterius non TAMEN sed AVTEM subiunctum sit. considerandumque illud verbum est, MANEAT: quod in fine legis usurpatur. & ad eos restrictè pertinet, qui in paterno honore & dignitate suscepti sunt. Quare superest, ut ad illud extremum respondeamus: quo dictum est, quemadmodum is qui post amissum à patre regnum natus est, Regis filius non est: similiter neque is qui antè à patre regnum adeptum susceptus est. Intelligendum est igitur, aut scriptam ea de re legem esse, ut apud Spartanos, aut non scriptam. Si scripta est, tum dilectatio ex verbi ambiguitate nascitur: cum aut ita scripta profertur, Filius Regis natus maximus, isque solus heres esto: aut ita, Primogenitus Regis heres esto. Nam aliud est Regis filium esse, aliud ex Rege natum: aliud senatoris filium, aliud ex senatore, aliud Decurionis, aliud ex Decurione. Item ut aliud est filium esse liberi, aliud ex li-  
bero



bero natum:ita aliud serui,& ex seruo.l.2.C.de lib.& eor.lib.Idque luculenter Marcellus ostendit in l. Titius, 25. D. de test. mil. vbi scribit, testamentum à pagano factum, quanuis idem postea miles factus sit: tamen nisi militiæ tempore se id valere velle dixerit, iure militari non censi: quia constitutionibus Principum non militum testamenta, sed quæ à militibus facta sint, confirmantur: contraque in l. si miles, 92. ad leg. Falc. testamentum post annum missionis factum, iure militari non censendum. quò pertinet l. de eo qui, 10. §. 1. D. de fals. & l. in delictis, 4. §. 1. & l. quod ait prætor, 31. in fi. D. de nox. act. cùm igitur scripta lex sic profertur: Filius Regis primus heres esto: satis constare, etiam eum ad hereditatem vocari, qui ante adeptum à patre regnum natus est. At cùm ita profertur, Primogenitus Regis: quod perinde est ac si scriptum esset, Rege-genitus: tum is demum admittendus est, qui patre iam Rege creato natus est. Quid igitur si scripta lex nulla est? Tum verò ad æquitatem naturalem decurrendum: & ex inductione similium hereditatum hoc modo constituendum. Omnium bonorum à patre quæditorum hereditas, cuiuscunq; generis sint, hoc est, siue corpora, siue iura, itémque siue allodia, siue feuda sint, æquè ad filios ante illorum acquisitionem genitos, ve ad alios postea susceptos defertur: cùm omnia parentes liberis suis ex voto parent: l. nihil interest. 50. De bon. lib. & l. scripto, 7. in fi. D. si tab. test. quam regulam ad eos restringere qui post parta bona

gignerentur, extreme esset amentia. Itaq; quod permultis Feudalis iuris locis statuitur, vt filij & nepotes in feudis Ducatus, Marchionatus, Comitatus, ceterorúm; generum inferiorum succedant, nunquam quisquam dubitauit, etiam ad eos filios nepotésve pertinere, qui ante inuestituram adeptam suscepti fuissent: non magis quàm quòd statuitur in l. hi quibus, 6. C. de fun. pat. vti quibus patrimoniales fundi donati sunt, eos ad suos liberos hereditate transmittant: adeò vt iura immunitatum & vacationum & sepulcrorum alicui & ipsius posteris attributa, indistinctè & æquabiliter ad liberos quocunque tempore natos pertinerent. l. 4. D. de iur. im. & l. vocatio. 13. D. de mun. & hon. l. vel quòd, 6. D. de relig. & sum. fun. vbi leges generaliter & indistinctè scriptæ, generaliter accipiendæ sunt. Quæ cum ita sint, consentaneum est, cum aliarum omnium hereditatum & successuum hoc ius sit, idem quoque in regnorum hereditatibus seruandum esse. Secundum argumentum induci potest ex natura iuris antè nato quæsitum. Satis constat, ius alicui ex sua persona quæsitum, propter aliquem externum & aduentitium fortuiti casus euentum (id est, qui personam ipsius non attingat) etsi diminuat, tamen non penitus extinguui. veluti ius Sui-tatis filio quæsitum, superuenientibus aliis quantumuis multis liberis, quantum ad portionem hereditariam, imminuitur, sed non extinguitur. Quare si Xerxi, dum solus extabat, quæsitum succedendi ius erat, iniquissimum esset propter  
sup

superuenientem extrinsecus aliorum natiuitatem id ei eripi. Quæsitum autem illi ius fuisse, ex eo patet, quia si natus Artemenes non fuisset, successio regni summo omnium consensu delata ei sine controuersia fuisset. Quod autem nonnulli disputant, si regnum hereditarium est, prius natum præferendum esse: sin autem suffragiis armisve adeptum, nequaquam: planè absurdum est. Nam siue hereditarium, siue suffragiis delatum est, priori genito hereditas debetur: cum ius sanguinis quod in legitimis successio- nibus spectatur, ipso natiuitatis tempore quæ- situm sit: veluti, si dum Titius regnum obtine- bat, nepos ei ex filio nascatur: ac tum deinde al- terum filium suscipiat: post Titius decedat: cui dubium est, quin nepos secundo filio patruo suo sit præferendus? arg. l. emancipatum, 7. in fi. D. de senat. non magis quàm si dum è duobus fratribus Titio & Mæuio, Titius regnum obti- neret: Mæuius filium suscepisset: deinde Titij morte Mæuius regnum adeptus esset: cui du- bium est quin primus Mæuij filius, alteri post regnum à patre adeptum nato sit præferendus? Alioqui cum in iis regnis quæ sunt hereditaria, deficientib. filiis, proximi agnati admittantur: eos qui remotissimo gradu essent, etiam filiis aut fratribus ante adeptum regnum natis ante- ferri, contra iura omnia proximitatis graduum. l. 2. D. de suis & leg. §. 4. D. de leg. hered. & ius filio suo quæsitum per aliorum postea natorum agnationem non adimatur. l. 3. §. ex his, D. de iniust. rup. Jam verò etiam si vel suffragiis vel

armis regnum adeptum esset, tamē eadem hoc quoque casu ratio valeret. quod hoc modo facile intelligetur. Nam cū in huiusmodi controuersis non dubitetur, quin regnum posteaquam in patris personam incidit, hereditarium factum sit: ne illud quidem dubitari potest, tam ante adeptum regnum, quā post adeptum natis hereditarium factum esse. Itaque vt reliqua bona, tam corporalia quā iura, tam allodia quā feuda, à patre quæ sita, æquē ad priores vt ad posteriores liberos pertinent: l. 3. & l. si quis prioris, 8. C. de sec. nup. ita consentaneum est, regni hereditatem æquē prioribus vt posterioribus desponsam & destinatam esse.

---

### QVÆSTIO III.

*Rege mortuo, cuius nepos ex primo eius filio demortuo, & alter eiusdem filius extant,  
Viri hereditas deferatur.*

**H**Vic quæstioni locus est apud eas demum gentes ac nationes, quæ in hereditatibus ætatis prærogatiuam seruant. nam iure Romano, nullus ei locus relictus est, propter legem XII. tab. quæ iubet, vt si quis ex suis heredibus maribus suis heres esse desierit, liberi eius & ceteri in locum suorum sui heredes succedant: ac tum hereditas non in capita, sed in stirpes diuidatur. l. 2. l. 3. l. 4. C. de suis & leg. & l. postumorum, 13. D. de iniust. rupt. item, §. cū filius, 6. & §. ult. Inst. de her. qui ab int. l. 1. §. si filius. D. de suis & leg. vbi nepos ex demortuo filio vnā  
cum



cum altero filio superstite pariter æquabiliterque succedit. Et in hanc sententiam Vvitichind. Saxo lib. hist. 2. scribit, cum circiter annum D. ccccxlii. in Germania contentio exorta esset inter patruos & nepotes de legitimarum hereditatum iure, tum eius disceptandæ causæ imp. Ottonem I. comitia Germanica indixisse: deinde cum in comitiis inter Principes & ciuitatum legatos conuenire non posset, duello rem commisisse: quæ fuit illorum temporum consuetudo frequentissima. Vicit (inquit Vvitichind.) pars, quæ filios filiorum cõputabat inter filios, & firmatũ est vt æquabiliter cum patris hereditatem dirimerent. Idemque scribit Sigeib. in Chron. Ottonis I. sub ann. 942. vbi tamen pro PATRIS vitiosè legitur PATRIBVS. Apud exteras verò nationes creberrimæ hac de re contentiones exortæ sunt. Plutarch. in vita Lycurgi scribit, cum Eunomus Lacedæmoniorum Rex duos filios haberet, Polydectem, & Lycurgum: Polydectes autem nullo filio superstite decessisset, atque ob eam causam, Eunomo mortuo, regni hereditas Lycurgo delata fuisset, regnassetque menses circiter viii: post, cum Polydectis vidua filium peperisset, Lycurgum ei coronam celsisse, quod idem Iustinus, variis tamen nominibus, scribit lib. hist. 3. Pausanias verò lib. 3. scribit, Cleomene Lacedæmoniorum Rege mortuo, litem de regni hereditate coortam inter Areum, ex Acrotato primo filio demortuo nepotem, & Cleonymum secundum filium, ipsius Arei patrum. Senatum autem Spartano

Arco regnum adiudicasse. Polyd. Virg. in hist. reg. Angl. scribit, Eduardo Anglorū rege mortuo, circiter annum 1350. Anglos Ioannem ex primogenito filio demortuo nepotem, reliquis Eduardi filiis Hemoni & Thomæ prætulisse. Paul. Æmil. in vitā Caroli Crassi: Hanno, inquit, dominatum solus inuaserat, expulso Ercembaldo adolescentulo, fratris maioris filio, antea defuncti: ut in magnis imperiis iure controuerso, utrum nepos ex maiore filio antea defuncto ad auitam hereditatem, an minor filius legib. vocetur. Hanno coactus est positis armis iudicio procerum stare. adolescenti idem ius datum, quod patri, si viueret, adiudicaretur. Ex contraria parte contraria exempla historię suppetant. Procop. lib. bel. Vandal. 3. scribit, Gizericum Vandalorum regem natu grandem testamentum fecisse, iussisseque ut qui sibi sanguine proximus esset, & ex his qui natu maximus esset, is sibi heres esset. Erant ex Gensone primo filio demortuo, nepos Gundabundus & Honoricus filius secundus, regnum Honorico delatum est. Contr. Vecerius vir doctissimus, qui Henrici VII. vitam literis mandauit, in eandem sententiam ita scribit: Interea Carolus Siciliæ rex ij. rebus humanis excessit. plures huic filij: nempe maior natu Carolus, Martellus cognomine, & Robertus. Martellus viuo etiam dum patre, mortem, sed filio relicto, obiit. Qua in specie exque facto ipso larga disputandi materia iurisconsultis est nata: Neposne antecedere iure possit, patrum in successione auita. Sed &

resp

responsis prudentum, & pontificia pronuntiatione quadam Robertus annixus, compendium hereditatis obtinuit: paternaque nece comperita, mox Auenionem properat. Ibi nullis non modis Clemētis apicidia comparata, adeo promouit, vt Rex vtriusque Siciliae appellaretur. Hæc ille. Porro ad hanc rem pertinere Cl. pastoralis, de re iud. Doct. plerique existimant. Sed neque text. ad eam pertinet, & eius auctor est non Bonifacius, sed Clemens v. Deniq; Mich. Ritus lib. Reg. Sic. 3. disertè scribit, ad eum Robertum pertinuisse, cui imp. Fridericus sua sentētia regnum abiudicarat: quam sententiam Clemens rescidit. Bart. autem in auth. post fratres, C. de leg. her. illius sententiæ rationem hanc profert, quia regnum Apuleiæ feudum erat ecclesiæ Romanæ: qua de causa non successionis iure Roberto regnum adiudicatum, sed ex domini concessione & inuestitura quam rationem scribit ab se præter cæteros Doct. excogitatam. Verum vt ex iure nostro remotis auctoritatibus disputemus, & ne vagari cogatur oratio, certa, in qua quæstionis termini consistant, legis formula proponatur his Latinis concepta verbis: Si rex moritur cui plures liberi sint, tum qui è liberis virilis sexus natu maximus erit, is potissimum heres esto. aut illis vſitatis, Si Rex moritur, filius eius primogenitus regni heres esto. Proponatur secundo loco lex his concepta verbis, quibus Procopius vſus est, Si Rex moritur, qui ei genere proximus, & natu maximus erit, regni heres esto. Si

lex Latinis verbis concepta est, tum necessario distinctio adhibenda est. Nam aut nepos ante patrum natus est, aut postea. Si ante patrum natus est dubitandi causa nulla est, quoniam & scripto legis & sententia iuuatur. quippe, cum appellatione liberorum nepotes sine dubio contineantur. l. liberorum, 220. de ver. sig. Sin autem postea natus est, tum disceptatio nascetur ex scripti & sententiæ contentione. Nam scriptum apertè pugnat pro patruo. Ac scitum est quod Strabo lib. 16. scribit, apud Nomadas fratres fratrum filiis anteferri, atque iis honoris prærogatiuam deferri: vbi causam subiungit, ætatis prærogatiuam: ἀδελφοὶ τιμωτέροι τῶν τέκνων, καὶ πρεσβυτέρων. Sententiam igitur nepos vrgebit iure successionis, quam vulgus repræsentationem appellat. quali lege XII. tab. & civili iure nepos in filij demortui patris sui locum gradumque succedens, ad ipsius conditionem reductus sit. l. sed etsi, 6. §. 1. D. de her. inst. Verùm his non obstantibus intelligendum est, legum illarum omnium certissimam hanc esse sententiam, vt quemadmodum natu maior filius ceteros omnes natu minores excludit, ita stirps natu maioris stirpem natu minoris excludat. hanc nimirum ob causam, quoniam eo mortuo qui suus heres erat, nepos in ipsius gradum locumque succedens repente suitatem illam adipiscitur. d. l. 1. §. si filius, D. de suis & leg. l. 2. l. 3. l. 4. C. eod. l. scripto, 7. D. si tab. test. nul. adeò vt sui heredis locus ne punctum quidem temporis vacasse intelligatur. l. 1. §. liberos. D. de



de coniun. cum eman. l. si post mortem, 68. l. quæsitū, 91. §. necessario, D. de leg. 1. Quare cum in huiusmodi regnis Sitas soli nati maximo filio quæsitæ sit, ceteri autem nati minores ab ea exclusi sint, sequitur, ut illo mortuo nepos in ipsius locum ascendens, solus, exclusis omnibus aliis, sui heredis ius obtineat. quandoquidem ut non plures Reges, nec plures primogeniti, nec plures regni heredes esse possunt, ita viuo Regi plures sui heredes esse nequeunt. nam cum successio regni neque communionem, neque diuisionem admittat, locus est regulæ iuris, quæ dicimus, plures vni heredes esse non posse. l. quod contra, D. de reg. iur. l. 5. §. vlt. D. commod. Ex quo magnam licet inter ius Rom. & ius horum regnorum differentiam animaduertere. Nam iure Rom. nepos quidem in filij locum succedens suus heres efficitur, sed tamen vnâ cum altero filio, suo patruo: imò cum aliis quantumuis multis filiis, suis patruis: atque ita omnes auo mortuo coniunctim pro virilibus partibus heredes existunt. At horum regnorum institutis, is qui viuo Regi suus heres fuit, eadem mortuo solus pleno iure heres existit: neque quæquam vel ætate vel gradu propinquiorum coheredem admittit. Denique par eademque huius regiæ successionis ratio est, quæ fideicommissariæ substitutionis. Nam si ponamus testatorem, puta Titium, cui plures filij erant, vnicum ex iis nati maximum, reliquis omnibus exheredatis, heredem instituisse: tum deinde illi heredi instituto nepotem suum na-

tu maximum, rursusque huic pronepotem natu maximum exclusis semper natu minoribus substituisse : idémque deinceps institutum in reliquis inferioribus graduum liberis seruasse vsq; in infinitum : vt fieri solebat. l. pater filium, 38. §. 1. §. 2. §. 3. D. de leg. 3. l. libertis, 108. D. de cond. & dem. cui dubium est, quin vnicus semper bonorum illius testatoris successor futurus esset, remotis reliquis liberis omnibus, quamuis & gradu & ætate anterioribus? ac proinde non modò nepotem natu inaximum exclusurum suum patrum, verumetiam pronepotem suum patrum, magnum, & abnepotem patrum maiorem, & atnepotem patrum maximum? Par igitur eadémque ratio est successionis in hoc genere regnorum : quia sinitas semel vni stirpi quæsitæ, quâdiu in ea masculini supersunt, nunquam ab ea diuellitur : sicuti de feudorum successionem traditur in lib. feud. 2. tit. 31. si vas. feu. pri. & tit. 50. de nat. suc. feu. in fi.

---

### QVÆSTIO IIII.

*Ex tribus fratribus cùm secundus relicto filio decessit, Vter in primi, qui rex mortuus est, hereditate præferatur: fratris huius filius, an frater tertius superstes.*

SEquitur altera quæstio, quæ non, vt superior, ad liberorum & descendentium, sed ad agnatorum, qui à latere veniunt, ordinem ac lineam pertinet : E tribus fratribus, quorum primus

mus Rex est, secundus relicto filio decessit, rege defuncto utri superstitum hereditas deferatur? Nam hæc quoque quæstio nihilo paucioribus doctorum disputationibus agitata est. Pro patruo pugnat illud acerrimè, quòd in agnatorum successionib. ex lege XII. tab. propinquior ulteriore excludit: propter illa verba, Si paterf. intestatò moritur, proximus agnatus familiam habeto. l. 2. D. de suis & leg. hic autem secundo gradu est à nouissimo Rege mortuo, & fratris filio, qui tertio gradu est, sine dubio est propinquior: neque enim, ut in parentum, ita in agnatorum hereditatibus successio permittitur: hoc est fratris filius in fratris sui locum non succedit. l. 3. C. de leg. her. l. 2. §. 1. D. de suis leg. §. 1. ver. non tamen, & §. si plures, Inst. de leg. agn. suc. Neque obst. quod nouo ac singulari Iustiniani iure contra civilem rationem filius fratris admittatur. Nou. 118. & Nou. 127. quippe, cum apertè ac nominatim Iustinianus scribat illud esse priuilegium, eoque nomine ius illud disertè appellet. d. Nou. 118. §. reliquum: unde satis constat, neque repræsentationem illo speciali priuilegio inductam, neque cetera iura cõmunia tacitè abrogata fuisse: arg. vulg. l. præcipimus, C. de appel. & l. eas obligationes, 8. D. de cap. min. veluti, ut non modò in fratrum hereditate, sed ne in alio quidem iure, quod hæreditatum exemplo inductum est repræsentatio sit: sicut in tutela patronorum legitima. Nam si duo patroni sint, & vnus relicto filio decesserit, solus patronus superstes tutelam obtinet.

Item, si alter ex patronis filium alter nepotem reliquerit, quamvis nepos in aui familia primus ac proximus sit, tamen ad solum filium tutela exemplo hereditatis deferetur: post filium, tunc ad nepotem. l. 3. §. 1. D. de leg. tut. l. si libertus, 23. §. 1. de bon. lib. quod eodem modo de assignatione liberti traditur, in l. vtrum portio, 5. D. de assign. lib. quæ omnia iure speciali certo illo privilegio, quod restrictè ad hereditates pertinet, abrogata non fuisse constat. Secundum pro patruo argumentum est, quòd plerunque huiusmodi patrui nepotes ætate antecedunt: atque iccirco ætatis prærogativa, siue (vt vulgus loquitur) iure progenituræ potiores natu minoribus habentur. quod in regnorum successione plerunque observari constat vt maior natu minori anteponatur. Verùm his non obstantibus, contraria sententia verior ac certior videtur: propterea quòd in regalibus successione. non tam graduum, aut ætatis quàm Suitatis, & stirpis ratio habetur. nam ætatis quidem prærogativa dominatur, sed in filiorum gradu duntaxat, qui in liberorum linea primus est. vbi verò ultra filiorum gradum controuersia, quamvis ab vna tantum parte perducta est (sicut hinc in nepote & patruo (tum ætatis ratio non habetur: sed loci ac sedis: cui propterea Suitas attributa est, quoniam ætate præstantior ei loco prærogativam attribuit. Nam reuera nepos iste propterea patruo suo potior habetur, quoniam in ius & locum sui patris, qui & loco & ætate patrum anteibat, successit. Vincet igitur secundi filius,

non



non gradu: remotior enim est, quàm patruus: non ætate, si ratio ad naturalem veritatem reuocetur. ecquonam igitur iure? Stirpis nimirum & loci, cui quæsitæ Suias fuerat, & in quem ille secundi filius ascendit. Quod cùm ita sit, & secundi filius Tertio patruo suo præferatur, nulla dubitatio relinquitur, quin multo magis eiusdem patruui sui filium, si in contentionem cum eo deuenerit, superare debeat: vt nullus illi quæstioni, quam à nonnullis tractari video, locus relictus intelligatur. Neque verò illud prætermittendum videtur, quòd vbi de feudali successione agitur, ius representationis à Iustiniano in fratrum liberis inductum, locum non habet: quamuis id vulgò credatur ex lib. Feud. 2. tit. II. §. 2. vbi statuitur, vt deficientibus filiis vocentur fratres cum fratrum præmortuorum filiis. Nam (vt illo loco exposuimus) cùm regula sit vt in feudis nouis fraterna successio nulla sit: non agitur de feudo fratris, cui frater succedat: sed de patris, cui filius: neque de patruui, cui fratris filij: sed de aui, cui nepotes succedant: denique non alia eius loci sententia est, quàm eius regulæ, qua traditur, Auo mortuo nepotes ex filio demortuo vnà cum filio superstite, id est, patruo suo, in stirpes succedere. lib. I. tit. I. §. 3. & tit. 8. & tit. 19. §. si quis miles. & in lege Conradi, §. 3. quæ extat in Lombard. lib. 3. tit. vlt. Ex quo intelligitur, si duo ex demortuo filio nepotes essent superstites, hereditatem in stirpes, non in capita diuidendam esse. lib. I. tit. 8. & tit. II.

## Q V Æ S T I O V.

*An ciuitas bello capta, si in libertatem resti-  
tuatur, iura sua omnia pristina  
recuperet.*

**A**Spera & vehemens quæstio hæc appella-  
tur à Quintiliano, lib. 5. c. 10. vbi exemplum  
hoc proponit, Cùm Thebas euertisset Alexan-  
der, inuenit tabulas, quibus centum talenta mu-  
tua Theſſalis dedisse Thebanos, continebatur.  
Has, quia erat vsus commilitio Theſſalorum,  
donauit his ultro. Postea restituti à Cassandro  
Thebani reposcunt Theſſalos. Apud Amphi-  
ctyonas agitur. Nunc quæ dici in vtranque par-  
tem possint, videamus. Ac primùm pro Theſſa-  
lis hoc pugnat, quòd creditor cautionem debi-  
tori reddens, pacisci de non petendo intelligi-  
tur. l. 2. D. de pact. l. mortis causa, 18. §. Titia, D.  
de mort. caus. Alexander autem creditoris in  
locum successit, cautionisq; illius est dominus:  
quia bello parta victoris fiunt. l. 5. in fi. & l. 7. D.  
de acq. rer. dom. Secundum argumentum est  
huiusmodi, Eadem est vis solutionis imagina-  
riæ, hoc est pacti de non petendo, & acceptila-  
tionis, quæ veræ & naturalis. l. solutionis, 54. &  
l. prout, 80. D. de sol. Constat autem si Theſſali  
pecuniam Alexandro soluissent, liberatos eos  
sine dubio futuros fuisse. l. si urbana, 55. D. de  
cond. ind. vbi inquilinus prædoni soluens libe-  
ratur. Tertium argumentum est, quòd ciuitas  
capta, propter amissam libertatem, capite mi-  
nuta

nuta videtur, & quasi mortua. l. si ususfruct. 27. D. quib. mod. ususfru, am. ac proinde restituta, non illa eadem vetus, sed alia & noua videtur: quemadmodum de homine seruo liberato dicitur: in l. seruus, 27. D. de adim. leg. l. qui res suas, 98. §. ult. D. de sol. Cōtrariam tamen Thebanorum disputationem probabiliorē esse arbitror. nam pro iis hoc pugnat: primū quod iure quasi postliminij ciuitas in libertatem restituta eadem, eiusdēque iuris & status esse fingitur: vt de agrorum captorum, & liberatorum proprietate traditur: in l. si captiuus, 20. §. 1. D. de cap. & de eorundem usufructu. in l. si ager, 26. D. quibus mod. ususf. am. denique de omni iure per postliminium recuperato, in l. in bello, 12. §. codicilli, vers. cetera, D. de cap. quo eodem modo quasi postliminium fingitur in locis sacris & religiosis. l. cum loca, 36. D. de relig. & ædificiis in ripa fluminis positis. l. in tantū, 5. D. de rer. diuis. vel in littore maris. l. quod in littore, 14. D. de acq. rer. dom. Secundum argumentum est, quod armis & manu militari capta, nisi eadem manu retineri non possunt. itaq; simulātque captiuus ex hostium potestate, quomodo se subduxit, iure postliminij liber est. l. in bello, 12. & pass. D. de capt. Quare vt Thebarum dominus propter ius belli Alexander fuerit, tamen iis restitutis ius illius intercidit: ac propterea postliminij iure Thebani suum pristinum statum recuperant, quod idem dici solet de iis rebus omnibus, quæ occupatione acquiruntur: vt simulātque amissæ sunt, in

pristinam causam reuertantur, veluti aues & feræ. l. 3. & l. 5. D. de acq. rer. dom. Tertium argumentum est, quod quæ vniuersitati debentur, quandiu quilibet vnus superest, ei debentur. l. sicut, 7. §. vlt. D. quod cuiusque vniu. Quare cum Thebani non omnes in Alexandri potestatem venerint, multi etiam supersint, consentaneum videtur, thessalos iis obligatos manere. Superest vt ad superiores obiectiones respondemus. Quantum igitur ad primam attinet, neganda est assumptio: quoniam Alexander non vniuersalis & iuris successor est, sicuti heres, aut bonorum possessor: sed particularis, & rerum singularum, vt emptor aut donatarius: quia victores earum demum rerum domini sunt iure belli, quæ manu capi possunt, ac proinde corporales sunt: cum totum illud ius in manu, & occupatione, & captiuitate positum sit. d. l. 5. in fi. & l. transfugam, 51. D. de acq. rer. dom. l. 1. D. de acq. poss. Ad secundam obiectionem distinctio adhibenda est: si Thessali soluisent, vtrum sua sponte, an terrore adducti soluisent. nam priore casu nihilo magis liberati fuissent, quam qui possessori hereditatis solvunt. l. siquid, 31. §. vlt. D. de pet. hered. aut qui falso procuratori. l. qui hominem, 94. §. si nullo, D. de solut. aut qui offerenti se negotiis alienis. l. si quis offerenti, 58. D. cod. nam quæ tyrannidis tempore gesta sunt, sublata tyrannide nullius momenti sunt. l. decernimus, 15. C. de sacros. eccl. Quod si belli & armorum metu territi, & ab Alexandro flagitati soluisent, propter iustum terrorem



forem liberatio contigisset. arg. l. Fulcinius, 7. §. quid sit, D. quib. ex cau. in poss. Solutio verò ad l. si vrbanam, ex eo facilis & expedita est, quòd inquilinus cum prædone contraxerat. Tertiæ autem obiectioni superius responsum est, disputandi quidem subtilitate non eandem Thebanorum ciuitatē videri: sed propter ius postliminii, & legis Corneliæ fictionem, pro eadem prorsus haberi: quod etiam in religionis causa dictum est ex l. cum loca, 36. D. de religios. Ad hanc autem quæstionem illud pertinet, quod M. Tull. Verrin. v. 1. de Segestanis & Carthaginensib. commemorat his verbis: Hoc oppidum (de Segesta loquitur) à Carthaginensib. vi captum atque deletum est: omniâq; quæ ornamēto vrbi esse possent, Karthaginem sunt ex illo loco deportata. Aliquot seculis post P. Scipio Karthaginem cepit: qua in victoria conuocatis Siculis omnibus iubet omnia conqueri, &c. Illo tempore Segestani maxima cum cura hæc ipsa Diana, de qua dicimus, redditur. Plutarchus autem ἀποφθεῖμ. βασιλ. eadem de re cōmemorans: Ευρών δὲ τὴν πόλιν (τῆς καρχιδονίων) ἀνδρείανδων Ἑλλήνων, καὶ ἀναθημάτων δὸτὸ Σικελίας μιστῶν οὖσαν, ἐκήρυξε τοὺς δὸτὸ τῆς πόλεως παρίστας ὁπλινώσκειν, καὶ κομίζεσθαι. Cum reperisset urbem Græcis simulachris & eorum donis refertam, per præcones pronuntiari iussit, vt omnes ex ciuitatib. Siciliæ ad sua simulachra recognoscenda conuenirent, eaque reciperent. Pertinet etiam ad eandem quæstionem quod Matthæus Afflicticius decis. Neapol. c. l. scriptum reliquit de rege

Gallia Carolo octauo, qui fugato Neapolitano rege Alfonso, eiusque filio Ferdinando Neapolim urbem occuparat, ac nonnullis Gallis, quorum forti opera in illo bello usus erat, nomina complurium Neapolitanorum, quib. Alfonso regi obligati erant, donarat. Nam cum Alfonso suum regnum quatuor post mensibus recuperasset, denuo illa sua nomina exigere ab illis suis debitoribus, qui Gallis exsoluerant, volebat. Matthæus disputabat æquum esse debitores qui in mora fuerat, iterum verò creditori soluere: propterea quod periculum post moram commissam ad debitorem pertinet. l. quod te, §. D. de reb. cred. l. nemo, 82. in fi. D. de verb. oblig. l. promissor hominis, 23. D. de constitut. pecun. Ex contrario tamen videmus Sabinianos existimasse, ubi res fato, ac sine debitoris culpa interiit, hoc est quo casu æquè apud creditorem, ut apud debitorem interitura fuisset (cuiusmodi hunc fuisse casum apparet) eo casu periculum speciei depositæ ad creditorem pertinere. l. si plures, 14. §. ult. D. de pos. Sed alia est speciei, alia quantitatis ratio. species enim interiit, cuius certum subest corpus. quantitas non interiit, quæ sine corpore iuris intellectum habet. l. si pecuniâ, 12. D. de leg. 2. itaque sicut incendium, ita nec bellum, aut naufragium ære alieno debitorem liberat. l. incendium, 11. C. si cert. pet. Hæc cum ita sint, miserationis tamen ratio postulare videtur, ut quod de naufragio & incendio iuris est, idem in direptione urbis seruetur: nempe, ut quod quisque ex hostium

stium manib. ac direptione quoquo modo suū  
 seruare potuit, sibi seruauit. l.5. & l.7. D. de leg.  
 Rhod. neque verum esse, quod Matthæus cen-  
 suit, eos ciues qui se pactione cum gallis victo-  
 ribus vel ab integro debito, vel ab eius parte  
 liberarunt, pro rata non soluti debiti Regi o-  
 bligatos mansisse. Facit illa Vlpiani contra La-  
 beonem æquissima sententia, vt vicino ædes  
 vicinas inflammatas, si arceri aliter incendium  
 non possit, disturbare liceat. l.3. §. quod ait, D. de  
 incend. naufrag. l. si quis, 49. in fi. D. ad leg. A-  
 quil. l. si alius, 7. §. est & alius, D. quod vi aut clā.  
 Item illa iuris regula, vt ei qui vitam suam aut  
 familiæ pudicitiam (quæ vita charior est) quo-  
 quomodo redemerit, venia dignus censeatur.  
 l.1. D. de bon. eor. qui ant. sent. l. vlt. D. de præ-  
 uaric.

## QVÆSTIO VI.

*An ei qui testamenti tempore in rebus humanis  
 nondum est, relinqui aliquid testa-  
 mento possit.*

**H**Vius quæstionis tractatio, quæ inter Prag-  
 maticos nostros vsitata est, non modò illo-  
 rum imperitiā patefacit: verumetiam eorum  
 adolescentum simplicitatem coarguit, qui ex  
 illorum lacunis iuris civilis disciplinam hauri-  
 unt. Remotis igitur illorum delirationibus, in-  
 telligendum est, quæstionem hanc ad postu-  
 mos pertinere: quorū duo genera sunt. nam a-  
 lij sunt sui, alij extranei. Sui postumi sunt, qui si

viuo testatore nati fuissent, in eius potestate  
 fuissent, & primum ab eo gradum obtinuissent.  
 l. scripto, 7. D. si tab. test. nul. §. 3. Instit. de hered.  
 qui ab intest. def. Alieni sunt, qui, si nasceren-  
 tur, aut in eius potestate non fuissent, aut pro-  
 ximo ab eo gradu non fuissent, siue agnati, siue  
 cognati, siue omnino extranei sint. §. posthu-  
 mo. 25. & §. seq. Instit. de legar. Secundò illud sci-  
 re oportet, antiquo iure, hoc est ante legē Vel-  
 leam, non modò extraneis postumos alienos  
 instituere non licuisse, sed ne suos quidem ipsis  
 parentibus. l. Gallus, §. pen. D. de lib. & post. v-  
 bi Scauola dilucidè & perspicuè hoc scribit, &  
 legis Velleæ primo capite permissum fuisse as-  
 cribit, vt liceret institui nondum natos. Cer-  
 tum enim testatoris consilium ac iudicium esse  
 oportet. l. qui liberū, 8. §. vlt. D. de vulg. & pup.  
 subst. §. postumus, §. incertum, de legat. Qua de  
 causa incertę personę relinqui testamento non  
 potest. l. sciendum, 70. D. de verb. sig. In eo ve-  
 rò qui natus nondum est, multa incerta sunt.  
 Primùm an nasciturus sit: deinde vtrius sexus:  
 postremò quot nascituri sint, cùm re incerta de  
 tergemini statuatur. l. 3. si pars her. pet. Itaque  
 quod ei qui testamenti tempore in rebus hu-  
 manis esse desiit ascribitur, pro non scripto ha-  
 betur. l. pen. D. de his quæ pro non script. hab.  
 l. 1. §. cum triplici, C. de cad. toll. Deinde Scauo-  
 la hanc causam affert, quia cùm aliquid testa-  
 mento datur, esse debet is cui detur: id est, in cu-  
 ius persona donatio consistat. Qua de causa  
 statuit, legatum per codicillos, ei qui testamen-  
 ti



ti tempore in rebus humanis non erat, nullius esse momenti. l. quidam referunt, 14. D. de iur. codic. quod eodem modo de donationibus statuendum esse, ut nondum nato donatio facta nullius momenti sit. Papinianus aperte ostendit, in l. Seia, 42. D. de mort. causa donat. quoniam, inquit, in eius persona consistere donatio atque initium accipere non potest. Ac similiter statuit, sententiam aduersus eum dictam, qui in rebus humanis non est, inefficacem esse. l. 2. D. quæ sent. sin. app. Hæc igitur cum ita essent, utilitatis publicæ causâ, ne testamenta postumorum agnatione rumperentur, institutum est ut suos postumos instituere liceret, si post mortem nascerentur: extraneos, si viuentem testatorem, ex lege Vellea. d. l. Gallus, & apud Vlp. tit. Regul. 22. itemque l. 4. D. de lib. & post. & de legato nondum natis relicto exemplum extat in l. qui quartam, 15. §. ult. l. qui filiabus, 17. D. de legat. 1. Sequitur ut de alienis postumis differamus, de quibus aperte Iustinianus scribit in §. 1. de bon. poss. eorum institutionem iure civili non valuisse: cuius rei ratio superius exposita est. A prætore tamen ita confirmatam fuisse, ut bonorum possessionem secundum tabulas impetrare possent, quod ita intelligendum est, si modò viuentem testatorem in utero fuissent. l. 3. D. de bon. poss. sec. tab. & §. tutor, 26. de leg. l. postumus, 36. D. de inof. test. quoniam qui in utero est, cum de ipsius commodis agitur, pro iam nato numeratur. l. qui in utero, 7. D. de stat. hom. Ex quo intelligitur, ei qui testamenti tempore

nondum conceptus erat, relinqui testamento non licuisse, propter eam causam quam superius exposuimus, quòd in donatione non modò personam esse oportet, què donet: verùm etiam quæ donationem recipiat, & in qua donatio consistat. d. l. quidam referunt, & d. l. Seia. Prætor igitur benignè cum eo qui in vtero erat agebat, & ventrem in possessionem mittebat. l. i. §. si filius in adoptionem, & l. extraneo, 6. D. de vent. in poss. mitt. Quamquam postumorum, qui legitimi & agnati erant, veluti si quis fratris postumus erat, aut in matris testatoris vtero, ius erat multo præstantius. nam illi etiam ab intestato admittebantur. l. pen. D. de leg. i. & l. i. §. penul. de leg. 2. In postumis autem extraneis memorabile est, quod scribitur in l. si quis postumos, 9. §. sed si ex ea, D. de liber. & post. Postumos ex ea quæ alteri nupta est turpiter institui: quoniam hæc erat formula, Si quis mihi ex illa nascatur. At ex vidua postumus institui rectè poterat. l. postumum, 27. D. eod. Positum igitur illud sit, de quo dubitandi causa omnis sublata est, civili alienis postumis nihil neque institutionis, neque legati nomine relinqui licuisse: iure prætorio licuisse. ac proinde fideicommissum vtiliter relinqui potuisse. l. 5. 6. 7. D. de reb. dub. quoniam fideicommissa iuris prætorij sunt: ut inter omnes constat. Pòst verò Iustinianus constituit, ut etiam alienis postumis, & hæreditatis & legati nomine relinqui liceret: denique ut cum iis testamenti factio esset. §. postumo, 25 de legat. Et quoniam sola voluntas in fidei-

com

commisſis ſeruatur, conſentaneum eſſe, non modò poſtumis, qui in vtero erant mortis teſtatoris tempore, verumetiam iis qui concepti nondum erāt, relinqui per fideicommiſſum licuiſſe. d.l.pen.de leg.1.l.Titia,85.D.de cond.& demonſt. l.cūm pater,77.§.penult.de leg.2.l.in annalibus,22.C.de legat.adeo vt etiam eius qui nondum natus eſt fidei committi poſſit, non modò qui natus nobis ſucceſſurus eſt, vt in l.1. §.pen.D.eod.verūm etiam qui planè alienus & extraneus futurus eſt. l.fi ita fuerit,9. D.de leg.3. Quæ cūm ita ſint, difficile dictu eſt, probabilem videri Nicolai Vallæ ſenatoris Pariſienſis ſententiam, aut eius qui poſtea ſuppreſſo nomine hanc quæſtionem totidem propè verbis tractauit: vt ei qui in rebus humanis non eſt, relinqui teſtamento non poſſit.

---

## QVÆSTIO VII.

*An fidem hoſti datam ſeruari oporteat.*

**H**Oſtes generali nomine, mala conſuetudine, dicuntur omnes contra quos arma ſeruntur: quorum ſex genera ſunt. Nam alij ſunt verè proprièque hoſtes, qui externi ſunt (cūm eo verbo vetuſtè Peregrini appellarentur) & pari atque nos iure ac libertate vtuntur: inter quos publico conſilio bellum interceſſit. l. hoſtes,118.l.quos nos,234.D.de verb.ſign.l. hoſtes,24,D.de capt.& poſtlim. Alij defeſtores, qui cūm imperio ac ditione noſtra tenerētur, à nobis deſciuerunt. l.5.D.de cap.min. Alij Prædo-

nes, hoc est piratæ & latrones. d.l.hoftes, D.de capt. Alij aduersarij, inter quos non bellum, sed ciuilis discordia exerceri dicitur: in l. si quis ingenuam, 21. §. 1. D. eod. eoque nomine Cæsar in libris de bello ciuili frequentissimè Pompeianos appellat. quod non leui momento estimandum est. Nam de Antonio Cicero Philipp. xii. commemorans: Ego, inquit, semper appellaui Hostem, cum alij Aduersarium: semper hoc Bellum, cum alij Tumultum. Contrà verò nonnulli è Pompeianorum militibus Cæsarianos, hostes non appellabant. vt lib. belli ciuil. 3. Ac nonnullæ militum voces audirentur, sese contra hostem si ducerentur, ituros: contra ciuem & consulem, arma non laturus. Alij sunt Proscripti, siue iudicio damnati, & hostes à senatu iudicati: de quib. in d.l. 5. D. de cap. min. l. sunt quidam, 17. D. de pæn. Postremi sunt Serui fugitiui, cum arma ferunt: vt Spartacus, de quo in l. 3. D. de acq. pos. itémque Eunus, Athenio, & alij, qui generali nomine Hostes appellantur in l. 3. C. de iis qui ad Eccl. confug. Ad quæstionem autem illa præmunitio adhibenda est: Inter quos iuris alicuius communio est, inter eos obligationem contrahi: inter ceteros, non contrahi. vt de seruis dicitur in l. quod attinet, 32. D. de reg. iur. l. serui, 14. D. de obl. & act. l. naturaliter, 13. D. de cond. indeb. Itaque vt de singulis ordine differamus, quia cum hostibus iurisdictionis communio est. l. ult. D. de legat. sequitur, vt cum iis conuentionum, ac proinde obligationum communio sit. l. conuentionum, 5. D. de pact.



pact. qua de caussa violandis hostium legatis ius gentium violari dicitur: in d. l. ult. & apud Livium lib. 15. & lib. 38. & apud Cicer. Verr. 3. ex quib. constat, eos qui legatos violarunt, hostib. dedi pro noxa solitos, vicissimque legati eos ad quos missi sunt, violantes, ius gentium violare dicuntur, apud Livium lib. 5. Sic violandis induciis ius gentium violari dicitur, apud eundem lib. 40. Itemq; hostibus per colloquij speciem violandis, lib. 38. vt T. Labieni factum in Com- mio Atrebate vulnerando defendi non posse videatur: apud Hircium bell. Gall. 8. c. 3. Ex eodem genere peruulgata illa sunt, de deditio- ne eorum qui cum hostibus pacem fecerunt, quam Senatus ratam non haberet: apud Cicer. de Off. 3. & in d. l. ult. D. de legatio. & l. 4. D. de cap. & de Attilio Regulo, qui quandiu hostium iure- iurando teneretur, senatorem se esse, aut sen- tentiæ in senatu dicendæ ius se habere negabat: apud Cice. eodem lib. de Offic. 3. & de Clælia, ceterisque virginibus obsidibus apud Livium lib. 2. Deinceps de ceteris videamus. Cum de- fectoribus ergo ius gentium communionem intercedere, vel eo patet, quod cum hostium numero sint: eodem quo illi iure habendi vi- dentur: ex d. l. 5. D. de cap. min. De prædonibus autem maior dubitatio est, propter auctori- tatem Ciceronis de Off. 3. vbi negat eum qui præ- donibus pactum pro capite pretium non attu- lit, teneri, ne si iuratus quidem id non fecerit: nec enim cum illis fidem, aut iusiurandum esse commune. Sed videamus, primùm quia lex nul-

la est, quæ pactionibus & conventionibus cum illis contrahendis interdicat, an quæ nominatim vetita non sunt, permiffa intelligantur: l. ex co. 18. D. de testib. Deinde naturalis & gentium iuris communionem etiam prædones ac latrones habere, docet l. bona fides, 31. D. depositi. vbi Tryphoninus ex Marcelli sententia statuit, si res à latrone, prædone, & fure apud ipsum dominum ignorantem deposita sit, iure gentium obligationem non contrahi: sed si apud alium deposita sit, contrahi. Quo ex loco perspicuum est, etiam latrones iuris gentium communionem habere. Præterea locus est apud Cæsarem belli ciu. 3. vbi apertè scribitur, actum à Romanis ducibus in Pyrenæis montibus cum prædonibus & fugitiuis, de compositione, legatosque ad eos missos fuisse. De aduersariis autem dubitari non posse, argumento est primum d. l. si quis ingenuam, D. de cap. vbi multo meliore quàm hostes conditione esse dicuntur: deinde quòd sublata colloquiorum & conventionum facultate, spes concordia & reconciliationis omnis præcisa videretur. Memini (inquit Cicero Phil. xii.) colloquia & cum acerrimis hostibus, & cum grauissimè dissentientibus ciuib. Cn. Pompeius Sext. filius Consul, me præsentem, cum essem tyro in eius exercitu, cum P. Vectio Catone duce Marforum, inter bina castra colloquutus est: quo quidem memini Sex. Pompeium fratrem Consulis ad colloquium ipsum Roma venire, doctum virum atque sapientem, quem Cato cum salutasset, Quem te appell

appellem, inquit : At ille, Voluntate hospitem, necessitate hostem. Tertiò quòd etiam damnatis & proscriptis ( quæ quinta hostium species est) iuris gentium communio relinquitur. l. sunt quidam, 17. D. de pœn. & d. l. bona fides, 31. D. de pos. vbi Tryphoninus statuit, vt quæ reus capitalis iudicij deposuit, si deportetur, propter naturale & gentium ius ei reddantur. Eoque nobilis illa caussa pertinet in Orat. Ciceronis pro C. Rabirio, cum L. Apuleio Saturnino & ipsius comitibus, qui in Capitolium, ne prederentur, confugerant, fides publica data est: & tamen vis ac cædes contra fidem publicam alata, præcipuò adiutore Rabirio, qui propterea sex & triginta pòst annis in iudicium vocatus est: auctoribus Dione lib. 37. Floro lib. 3. Appiano bell. ciu. 1. & Plutarcho in Mario. Sic cùm Catilinarij hostes à senatu iudicati sunt, tamen iis fidem publicam à senatu datam esse, Sallustius auctor est. De fugitiuis autem dubitandi caussam iam antea Cæsaris locus sustulit, & l. quod attinet, D. de reg. iur. Deinceps sequitur, vt quæ contrà disputari possint videamus. quorum primum argumentum est ex 2. Reg. 10. vbi Rex Iehu, cui Deus imperarat vt Baalinos sacerdotes omnes de medio tolleret: illos in Baalim fanum per sacrificandi caussam euocatos interfecit. Sed locus ille nihil ad institutam disputationem pertinet, in qua quæritur, An fidem hosti datam negligere liceat. Nullâ enim Iehu fidem illis publicam dederat: tametsi ad illos euocandos & vnum in locum cogendos dolo

d

bono sit vsus, quod sine controuersia probatur. l. i. D. de dol. mal. Secundum est ex Augustini quæst. in Iosuaam: Cùm iustum, inquit, bellum susceperit, vtrum apertè pugnet, an ex insidiis, nihil ad iustitiam interest. quod relatum est in 23. q. 2. c. dominus. & paratam ex superiore loco responsionem habet. Nam ante fidem datam verissimum est quod dici solet ex Virgilij i. i. Dolus, an virtus, quis in hoste requirat? Et ex Amm. Marcellin. lib. 17. Nullo discrimine virtutis ac doli, prosperos omnes laudari debere bellorum euentus. Qua de caussa Vlp. in d. l. i. D. de dol. mal. scribit, bonum esse dolum, si quis aduersus hostem latronemve machinetur. Sed intelligendum, aliud esse Dolum, aliud Perfidi- am. Dolus fit, vbi fides data non est: post fidem datam, locum dolo & fraudi non esse, superius ex Liuiο demonstraui- mus: vbi statuit, fraude per colloquij speciem adhibenda, ius gentium violari. atque ita responsum volumus ad l. ni- hil, 26. D. de capt. vbi scribitur, ius esse dolo ma- lo & fallacia in hostes vti. Nam tum demum dolo vti aduersus hostes licet, cùm fides non- dum data est: vbi semel data est, lædi eam non licet. & ad legem nihil exemplum Clæliæ vir- ginis pertinet. Tertium est ex l. i. D. quod vi, aut met. sed edictum prætoris ad pactiones cum ciuibus, non cum hostibus factas pertinet. Quar- tum est ex lib. Liuij 5. vbi Camillus pactionem cum Gallis factam rescidit. sed causam nomi- natim Liuius adscribit, quia cùm Dictator es- set ( Dictatore autem facto magistratus omnes cess



cessent, auctore Plutarcho in Fabio) quæ ipsius iniussu pacta erant, rata esse non poterant. Sic enim apud Salust. in Iugurth. quam pacem A. Albinus cum Iugurtha Rege Senatus iniussu fecerat, Senatus rescidit. Et apud Lium lib. 30. matrimonium Masanissæ & Sophonisbæ sine Scipionis permisso contractum, ipsius imperio rescinditur. Quintum ab Vldarico Zazio excogitatum est ex l. 2. C. de commer. Sed satis constat, etiam cum barbaris ius gentium esse. l. pen. in fin. D. de bon. damn. deinde aliud est aurum à barbaris subtili ingenio subducere, aliud fidem iis datam fallere. Superest acerrima Bartholi disputatio, ut pactiones inter belli duces factæ obligationem inducant: à priuatis, non inducant. Itaque in quæstione, An liceat ciui proscriptum, quem ipse reum peregerat, post reconciliatam inter ipsos gratiam, & fidem utrinque datam, insidiosè interficere: respondit, licere. Quo responso magnam se gladiatorum & perfidiarum occasionem præbuisse, ipsemet in fine 1. Quæst. ingenuè fatetur. qua de causâ Fulgosi, medicum, qui bello inter Bononienses & Imolenses exorto captus ab aduersariis mille ducatos pro capite promiserat, absoluit. Bartholi argumentum est primum ex l. 2. & l. 3. C. quand. lic. vnic. fin. iud. & l. 3. D. de sicar. Sed aliud est transfugam & latronem, ubi iuris & legum concessu permixtum est, aliud post ereptam sibi eam libertatem interficere. nam post fidem datam ea facultas adimitur. Secundum est ex l. 1. D. de bon. eor. qui ant. sent. ubi ignos-

citur ei, qui sanguinem suum qualiter qualiter redemptum voluit. Sed ea regula ad quæstionem in lege propositam restringenda est: ne captio sit à dicto secundum quid, ad dictum simpliciter. deinde nulla similitudo rectè inducitur ab eo, qui ab ignominiosa morte se liberat, ad eum qui sine periculo & contra fidem datam reconciliatum amicum interficit. Tertium est acerrimum ex l. ius publicū, 38. D. de pact. Quare distinctio adhibenda est. Aut enim pactio Reip. statum & dignitatem imminuit: aut ad priuatam paciscentium rationem, & rem familiarem pertinet. Priore casu nullius momenti pactio est: altera verò valere dicitur in l. iurifgentium, 7. §. si paciscar, D. de pact. vbi etiam de criminib. pacisci licet. Deinde Cic. de Off. 1. apertè scribit, si quid singuli (hoc est priuati, de quibus proposita Bartholi quæstio est) temporibus adducti hosti promiserint, esse in eo ipso seruandam fidem. Alterum argumentum inducitur ex l. pactum, 46. D. de pact. vbi renuntiatio sui iuris per pœnitentiam reuocari non potest. Tertio si pactio Lucani nobilis Remp. lædebat, pœna paciscenti debebatur: ex l. 4. in fin. D. ad leg. Iul. maiest. vbi qui in vincula coniectum emisit, damnatur. Fulgosio verò sola est obliicienda l. nam & seruus, 21. D. de negot. gest. vnde perspicuum est naturalem obligationem ab iis contrahi, qui hostibus pretium redemptionis promittūt. nam si naturale debitum non fuisset, sibi negotiorum gestorū imputare debuisset. l. si quis negotia, 23. eod. Postremò si Scri

ptur

pturæ sacrae auctoritas quæritur, quam valere apud Christianos oportet, memoriæ proditum est, Sedeciam Israeliorum Regem impium, à Nabuchadnezare vinctum & captum, atque vna cum principibus eius gentis omnibus abductum fuisse: ac tametsi Nabuchadnezar eum in fidem recepisset, illum tamē per literas ac nuntios Ægypti regem sollicitasse, vt se ab illius potestate liberaret. Hanc perfidiam Prophetæ vehementissimè damnarunt: neque ita multo post liberi eius in ipsius oculis interfecti sunt. post eidem oculi effossi. tandem catenis vinctus Babylonem deportatus est. Quæ de causâ Augustinus epist. 1. ad Bonifacium, cuius fragmentum relatum est in 23. q. 1. c. noli. Fides, inquit, quando promittitur, etiam hosti seruanda est, contra quem bellum geritur. Et Ambros. libr. de Offic. 1. c. 29. Liqueat, inquit, etiam in bello fidem & iustitiam seruari oportere, nec vllum decorū seruari oportere, si violetur fides. Item lib. iij. cap. 10. docet exemplo Iosue, qui iussurandum à Gabaonitis fraude & mendacio extortum seruarat, fidem etiam perfidiosæ & fraudulentis seruandam esse.

---

## QVÆSTIO VIII.

*Vtrum refectione rerum singularum, vniuersitas mutetur, an eadem res maneat.*

**V**etus exemplum est de naue Thesei, quæ cum singulæ tabulæ exemptæ essent, tamen

ita refecta est, vt eandem speciem ac formam retineret. Iurisconsulti autem distinctionem adhibuerunt, vtrum res singulæ vno tempore mutatae sint, an sensim, particulatim, ac diuersis temporibus. Nam corruptionem & effectiōem cuiusque rei duplicem fecerunt: vniuersalem, & particularem. Si vniuersalis est, veluti si naus simul vsquequaque dissoluta sit, licet iisdem tabulis, nulla præterea adiecta, restaurata sit: tamen Sabinus, Vlpianus, & Iulianus statuerunt, non eandem nauem manere: ac proinde vsumfructum naus constitutum extinguere. similiter, si domus diruta sit, & ex iisdem cæmentis lignisque restituta. l. quid tamen, 10. §. pœn. & l. repeti, 5. §. 2. quib. mod. vsusfr. amitt. Idemque Paul. statuit in l. seruitutes, 20. §. si sublatum, de seru. vrb. Et Africanus in l. qui vsumfr. 36. D. de vsumfr. Et Caius in l. si ita legatum, 65. in fi. D. de leg. 1. vt sublato ædificio, vsumfructus intereat, eiusque iuris æquitas hæc est, quia ex forma quæque res est id quod est, & (vt vulgus loquitur) forma dat esse rei. l. Iulianus, 9. §. si quis, D. ad exhib. Quare cum sublata per dissolutionē forma naus corpus esse desinat, sequitur, vt quamuis ex iisdem tabulis reficiatur, tamen non idem corpus sit. Aliud enim materia est, aliud species. l. si conuenerit, 18. §. pen. D. de pign. act. & cui materia legata est, species ex ea facta non debetur. vt si lana legata est, deinde vestis fiat, aut ex tabulis naus, aut armarium. l. lana. 88. de leg. 3. vbi similiter traditur, si naus legata dissoluta sit, neque materiā, neq; nauē refectā deberi. quod idē de dom



domo traditur, & usufructu legato. l. qui vsumf. 36. D. de vsumf. itémque de ornamento, aliis gemmis & margaritis adhibitis in aliam formam commutato: vt legatum ornamenti ea mutatione extinguatur: in l. Seia, 6. D. de aur. & arg. Quanquam hac in parte tria magnopere animaduertenda sunt. primùm, quòd Paulus in l. inter stipulantem, 83. §. sacram, D. de verb. obl. à ceteris (vt opinor) dissentiens, distinguendum esse statuit, vtrumne dominus cōsiliū habuerit eiusdem navis aut domus reficiendæ, aut tabulas, & tigna & cæmenta alium in vsum conuertendi. nam illo casu, eandem esse navem & domum: hoc, non esse. quasi videlicet ad rei diuersitatem aut identitatem, ad corporis deniq; qualitatem consiliū & propositum hominis aliquid valeat. quod tamen idem statuitur in l. qui res, 98. §. vlt. D. de solut. Alterum est, quòd de metallis, in quibus materia potentior est forma, dissentire quoque inter se Iurisconsulti videntur. Nam Africanus in l. qui vsumf. 36. D. de vsumf. apertè scribit: si scyphorum vsumf. legatus sit, deinde massa facta, & iterū scyphi, quauis pristina qualitas scyphorum restituta sit, non tamen illos esse, quorum vsumf. legatus fuerat: à quo certè dissentire Paulus videtur in l. quæsitum, 78. §. illud fortasse, D. de leg. 3. vbi scribit, aliam metallorum rationem esse, vt auri & argenti, quæ sæpius in sua initia redigi possunt: aliam ceterarum rerum, vt lapidum, tigni, & marmoris. Nam si argentum legatum sit, scyphos deberi: si marmor, nihil præter rudem

materiam deberi. quòd eodē modo idem scribit in l. lana, 88. eodem tit. tabulis legatis, na-  
uem non deberi: massa legata, scyphos ex ea  
conflatos deberi. Et Vlp. in l. item legato, 49. §.  
pen. d. eod. aurum vxori legatum, si postea con-  
flatum sit, deberi. Postremū est, vt in area, quan-  
uis eius species mutetur, tamen aliud iuris sit.  
nam area legata, si inædificata, post iterum area  
facta sit, debebitur: auctoribus Celso, Vlpiano,  
& Iaboleno. l. si chorus, 79. §. area, D. de leg. 3. l.  
seruum filij, 44. §. si areæ, D. de leg. 1. l. si areæ, 39.  
D. de leg. 2. & si domus oppignerata postea di-  
ruta sit, oppignerata manebit area: nimirum,  
quia superficies ius soli sequitur: l. Paulus, 29. §.  
pen. D. de pig. Sic enim in l. vlt. eiusd. tit. pa-  
ctum vt domum oppigneratam vendere liceat,  
adeo sublata superficie manet, vt etiam in ean-  
dem renouatam valeat. quoniam (vt modò di-  
ctum est) ius soli superficies sequitur: cum area  
pars domus sit, eaque maxima. l. qui res, 98. §. vlt.  
D. de sol. vbi Paulus dilucidè scribit, aream non  
desiisse in rerum natura esse. quòd summè no-  
tandum est: vt partes in toto, & naturam & no-  
mē suum retineant. Sequitur altera pars disjunc-  
tionis, si particularis dissolutio instaurata fue-  
rit. Tum enim Iurisconsulti speciem manere  
pristinam statuunt, ac proinde rem eandem ac  
non diuersam esse. veluti si nanis, aut domus  
particulatim resecta sit: quia cuius rei species  
(ait Alfenus) eadem consisteret, rem quoque  
eandem existimari. l. proponebatur, 76. de iud.  
quòd idem Caius de domo scribit, quæ parti-  
cul

culatim reſecta eſt, vt ea legata debeatur. l. ſi ita legatum, 65. §. vlt. de leg. 1. & de grege, qui prioribus capitibus decedentibus, & aliis ſubſtitutis omnino renouatus eſt, vt tamen & legatus debeatur, & oppigneratus maneat. l. ſi grege, 22. de leg. 1. & l. grege, 13. de pign. Itémque de taberna, cuius merces particulatim ſummotæ ſunt. l. cum tabernam, 34. D. eod. quanquam in navi video Pomponium aliquatenus diſſentire videri: & requirere vt eadem carina maneat. l. quod in rerum, 24. §. vlt. D. de leg. 1. Neque illi ſententiæ magnopere aduerſatur diſputatio Hermolai Barbari apud Alex. ab Alex. lib. 3. c. 1. quòd idem, apud philoſophos dicitur. cuius eadem permanet materia, quæ prius fuit. Hic autem & partes, & ſingulæ res omnes mutatæ ac renouatæ ſunt. nam cum ſpecies extincta non fuerit, ſed idem perpetuò corpus eadémq; forma conſtiterit, dici non poteſt aliam rem eſſe. quemadmodum enim forma eſt. ex qua quæque res eſt id quod eſt, d. l. Iulianus, ad exhib. ita continuatio formæ, rei ipſius continuatio eſt: quemadmodum partis vnius renouatio totum non renouat, quoniam ſpecies & forma eadem manet, vt ſi ſtatuæ brachium aliud appoſitum ſit. l. ſi ſtatua, 14. de aur. & argen. leg. ita particularis renouatio rem vniuerſam non renouat. Cuius rei Alfenus etiam exempla profert ex corporibus humanis, ex quibus ſenſim ac minutatim aliquid aſſiduè decedit, cuius in locum aliunde aliquid ex nutrimento ſuccedit. Itaque & homo idem dicitur, qui quinquaginta antè

annis cùm infans editus est, fuerat:& infans surreptus, si apud furem adoleuit, vt adolescens æstimatur. l. inficiando, 67. §. 2. D. de furt. & l. ex argento, 13. D. de furt. cond. Et infans, aut pul-  
lus legatus, si in virum, aut equum magnum creuerit, nihilominus idem censebitur. l. si infantis, D. de vsuf. & eadem sylua hodie est, quæ olim fuit Ercinia: idémque fluius Rheni aut Rhodani, qui mense superiore fuit, quamuis aquæ corpus non idem sit. Et idem pons ille publicius Rheni proximè urbem Argentoratum, qui quotidianis operis ita continenter atque assiduè renouatur, vt vix vlla ipsius particula ad decennium perduret.

## QVÆSTIO IX.

*An matrimonii sine parentum auctoritate contracti pœna vlla constituta sit.*

**P**rimum distinctio adhibenda est. nam liberorū alij in potestate sunt, alij sui iuris sunt. Qui in potestate sunt, si sine parentum auctoritate matrimonium contrahant, hac afficiuntur pœna, vt eorum iniustæ nuptiæ dicantur, iniustique ipsi coniuges, iniusti liberi: nuptiæ denique non consistent. l. 2. D. de rit. nupt. imò ne nuptiarum quidem nomine appellentur. l. dotis, 68. de iure dot. adeo vt nepos auo viuente conceptus, quamuis eodem mortuo nascatur, iustus tamen neque patri filius, neque auo nepos dicatur. auus denique nepotem illum suum agn



agnoscere non teneatur. l. Paulus. 11. D. de stat. hom. neque distinguitur, vtrum mares liberi, an fœminę sint. l. in cōiunctione, 20. C. de nupt. atque iccirco nec dos in eiusmodi coniunctionibus locum habet. nec dotis promissio obligationem parit: quoniam, vbi nuptiæ non sunt, ibi nec dos est. l. 3. D. de iur. dot. Idq; adeo verum est, primùm vt si pater apud hostes sit, vel vbi sit ignoretur, tamē per triennium sit expectandus. quanquam si tale matrimonium contrahatur, quod pater repudiaturus non esset, nuptiæ comprobentur. l. si nepos, 9. §. 1. & duabus ll. seqq. D. de rit. nupt. deinde, vt non modo contrahi, sed ne distractæ quidem reconciliari nuptię sine eadem auctoritate possint. l. nuptiæ, 18. D. de rit. nupt. l. si vt proponis, 7. C. de nupt. Legis æquitatem Iustinianus exponit, ciuilis & naturalis iuris rationem. §. 1. de nup. per ciuilem intelligens patriam potestatem, quę Quiritium propria fuit: per naturalem verò, pietatem & reuerentiam, quam liberi parentibus debent. l. 2. D. de iust. & iur. l. 9. D. de obseq. parent. l. 41. §. 1. 6. D. de in ius voc. Nunc ad tria legis verba triplex adhibenda interpretatio est. Primùm in voce PARENTVM. nam ex illa quæstio hæc exoritur: Vtrum in nepotis aut neptis nuptiis, qui in aui potestate sunt, aui auctoritas sufficiat, an etiam filij consensus exquiratur. nam Paul. l. 3. D. de rit. nupt. statuit, si nepos ex vno filio & neptis ex altero matrimonium contrahant, solius aui auctoritatem sufficere. At idem in l. oratione, 16. §. 1. D. cod. Nepote, inquit, vxor-

rem ducente, & filius consentire debet: neptis verò si nubat, voluntas & auctoritas aui sufficiet. Quæ ut inter se non pugnent, propterea quòd priore casu nurus filio ex eadem familia quæritur: posteriore, ex aliena: tamen perspicuè & naturali & diuino iuri contraria sunt: quo utroque iure & par patri & auo reuerentia debetur: & par eadèmq; patri in filiam & filium potestas tribuitur. Neque huc pertinet, quod dici solet, suum heredem invito non agnasci: ac propterea nepotem quasi ex filio natum sine filij consensu adoptari non posse. l. cum nepos, 6. l. si quis, 10. D. de adopt. Neque enim utrouis casu suus heres filio per illud matrimonium agnascitur: cum pronepos viuo nepote suus heres dici filio non possit: nepos autem qui volēs nuptias contraxit, dici inuitus non possit. Alterum legis verbum est, AVCTORITAS, in quo duplex nascitur quæstio. prior, utrum auctoritas præcedere debeat, ut in acquirenda hereditate: l. si quis mihi, 25. §. iussum, de acquiren. hered. an satis sit eam in gerendo negotio interponi: ut in tutorum auctoritate. l. obligari, 9. §. tutor, D. de auct. tut. l. 1. §. ult. D. de tutel. aut verò post negotium gestum adhiberi, tanquam ratihabitionem. velut in specie. l. 2. §. vltim. D. solut. matrim. l. 3. §. sed si mutua, D. de in rem vers. Ne longum faciam, credo ratihabitionem in hac causâ non retraheri: quæ tamen ex Iustiniani constitutione aliis omnibus in causis retrocurrit. l. ult. C. ad Macedon. l. donationes, 25. D. de don. int. vir. l. si fundus, 16. §. 2. D. de pign. ac ridic

diculum quidem esset negare, ratihabitione nuptias confirmari. non enim potest pater habere ratas nuptias, quin easdem ratihabitione confirmet. Sed negandum est ratihabitionem illam retrahere: quia concepti ante illam liberi, iusti liberi non censeantur. Cuius rei hæc argumenta sunt. primum, quod Imp. aperte scribit, Iussum patris præcedere oportere. deinde quod Vlp. in l. vxor, 13. §. si quis, D. ad leg. Iul. de adul. respondit, eum qui filiam suam duxit, cuius nuptiis pater post adulterium ab ea commissum consensit, non posse iure mariti eam illius adulterij nomine accusare: nimirum quoniam ante patris consensum neque illa vxor, neque hic maritus fuit. Tertium argumentum est ex l. dotis, 68. D. de iur. dot. ubi nuptiæ ignorante ab initio patre contractæ, si pater postea cõlenserit, tum demum iustæ esse, & dos promissa ex eo tempore deberi dicitur. Quartum ex l. 6. C. de nupt. ubi nuptiæ in provincia muliere consentiente contractæ, si post officium depositum perseuerent, tum demum iustæ effici dicuntur. Non summam quintum ex l. 5. C. eod. ubi auus qui cognitis filij nuptiis non contradixit, dicitur debere nepotem suum agnoscere: quasi nepos iste post illum demum consensum & conceptus & natus fuisset. quia verba illa, COGNITIS NVPTIIS, rectissime accipi & interpretari possunt de cognitione nuptiarum, quo tempore, in alia forte ciuitate vel regione, contrahebantur. Altera quæstio est huiusmodi, Vtrum expressa auctoritas requiratur, an tacitus consensus sufficiat.

Respondeo, Tacitum consensum sufficere: hoc  
 est, iussum expressum non requiri, sed satis esse,  
 si pater non cōtradicat, atque apertè dissentiat.  
 d. l. si vt proponis, §. C. de nupt. l. in sponsalibus,  
 7. D. de spons. Tertium legis verbum est, NUP-  
 TIAS NON CONSISTERE: ex quo hæc fluxit quæ-  
 stio: Vtrum contractæ nuptiæ, ipso iure nullæ  
 sint, an verò per magistratum rescindantur? de  
 quo Paulus dubitare nos non finit, qui lib. Sen-  
 tent. 2. titu. 19. scribit, matrimonia hæc iure non  
 contrahi, sed tamen contracta non solui. con-  
 templationem enim publicæ utilitatis privato-  
 rum commodis anteferri. Quod vt intelligatur,  
 illud scire oportet, aliam dici legem perfectam,  
 quæ quod contra præscriptum ipsius factum est,  
 vel ipso iure, vel per magistratum rescindit. l.  
 non dubiunt, C. de legib. aliam perfectam, quæ  
 factum quidem non rescindit, sed pœnam irro-  
 gat: qualis est lex Furia testamentaria: de qua  
 scribit Vlpianus titu. Regul. 1. Pœna autem hu-  
 iusmodi matrimoniorum est, vt neque vir, neq;  
 vxor, neque nuptiæ, neque dos intelligatur: &  
 qui liberi nascentur, inter spurios numerentur.  
 §. penult. Instit. de nupt. Et quemadmodum  
 scribit Apul. lib. 6. Nuptiæ, inquit, patre non  
 consentiente factæ, legitime non possunt vide-  
 ri, ac per hoc spurius ille nascetur. Deinceps  
 consequens est, vt de iis qui sui iuris sunt, disse-  
 ramus. In quo distinctio adhibenda est. Nam  
 mares quidem, etiam viginti quinque annis mi-  
 nores, parentibus inconsultis iustum matrimo-  
 nium contrahunt: & suscepti liberi iusti atque  
 her



heredes sunt. l. filius, 25. D. de ritu nupt. l. 3. §. si emancipatus, D. de cont. tab. Fœminæ verò minores annis xxv. iultū matrimonium non contrahunt: adeò vt etiam patre mortuo, siue pupillę sint, matris, tutoris, & propinquorum sententia requiratur. l. 1. C. de nupt. & siue viduæ sint, siue virgines puberes. l. viduæ, 18. l. in coniunctione, 20. C. eod. At post xxv. ætatis annum, propter patris socordiam, si honestum matrimonium contraxerint, exheredari non possunt. Nouella 115. Animaduertendum est autem, quamuis emācipati matrimonium patre inconsulto contractum, iure ciuili Quiritium iustum esset, tamen si mulierem ignominiosam duxisset, veluti minam, aut meretricem, quoniam familiæ dedecus afferebat, antiquo iure iustam hanc exheredationis causam in nepotib. fuisse: tamen si de inofficioso agere nepotibus permetteretur: vt non minus eorum merita, quàm patris delictum perpenderetur. l. 3. §. si emancipatus, D. cont. tabul. Nouo verò Iustiniani iure qui certas exheredationis causas constituit, prætermissa hæc est. dict. Nouell. 115. quanquam regis Galliæ constit. anno 1556. sancitum sit, vt mares ante annum 30. fœminæ ante 25. ob contractas sine parentum auctoritate nuptias, & donationibus in ipsos collatis, & legitima portione spoliari possint. Iure autem Canonistico contra gentium omnium instituta & exempla matrimonia sine parentum consensu facta pro iustis & legitimis haberi, patet ex c. sufficiat, 27. q. 2. vbi glossa subiungit requiri consensum ex

honestate, non necessitate. Item glos. in c. hoc sanctum, 32. q. 2. & c. cum caussam, 6. Ext. de raptor. & c. cum quæ. de despon. impub. vbi textus & glossa disertè in easdem istas ineptias consentiunt: contra textum expressæ diuinæ legis Iudic. c. 14. Exod. c. 22. & Samuel 2.

---

## QVÆSTIO X.

*An principalis obligatio pœnalis stipulatione nouetur.*

Pœnæ stipulatio quatuor modis adhibetur. nam aut pacto subiungitur, aut contractui. pactum autem aut de contrahendo negotio, siue obligatione constituenda, aut de transigendo (id est distrahenda obligatione) interponitur. l. i. §. i. D. de pact. similiterq; contractus aut est stipulatio (quæ generaliter contractuum omnium communis est) aut quiuis alius specialis. Quantum ad primum, quo pactum fit de dando, vel faciendo, si quia iure Quiritium vim ad obligandum non habet, ei pœnæ stipulatio subiiciatur: dubitari non potest, quin locus nouationi non sit. quippe, cum obligatio, quæ nouetur, nulla sit. Nam illo casu à conditione stipulatio incipit, Si nauem non feceris, centum dabis? l. ita stipulatus, 115. §. itaque, D. de verbo. oblig. atque ita intelligendæ sunt. l. obligationum, 44. §. si ita, D. de obl. & act. Si fundum non dederis, centum dabis? Item l. i. §. 4. D. ad leg. Falc. l. i. D. de pen. leg. Si penum non dederis centum dato. Sed res exemplo illustranda est.

Qui

Qui nudo pacto promiserat se Stichum datum, idem aduersario stipulanti spondit centum dari, Stichum præstare, Stichus, quia neque in stipulatione est, neque in obligatione, etiam in petitione non erit. sola igitur pœna peti poterit. Stichus tamen ante moram promissoris erit in solutione, quod apertissimè traditur in l. si pacto, 14. C. de pact. itémque in l. nuda, 5. C. de cont. stip. siquidem nudam pollicitationem de qua ibi agitur, ad dandi aut faciendi pactum referamus. Sed multò commodius est, eam ad pactum de non petendo referre. primum propter illa verba, POST MOTAM LITEM, ex quibus apparet litem contra fidem in pacto datam institutam fuisse: ac proinde contra pactum de non petendo, quod apertissimè confirmatur in l. qui Romæ, 122. §. ult. de verb. oblig. ubi transactio inter fratres coheredes facta fuerat: cuius hæc erat formula: Nihil amplius peti: l. siquidem, 24. & l. si de certa, 31. C. de transact. tum pœnæ subiecta stipulatio, si peterent. & quia vnus petierat Sczuola respondet, pœnam esse commissam. Eò accedunt illa legis illius verba, SI CONTRA pactum fecerit. Nam si de dando, vel faciendo pactum fuisset, tum ita scribi oportuisset, SI ITA FACTVM non erit: ex regula Labeonis in l. cum quid, 71. & l. continuus, 137. §. si vt aliquid, D. de verb. oblig. Quinetiam tentari potest, d. l. nuda, pertinere ad actionem in rem: vt qui possidebat, transigendi causa, certam pecuniam sit pollicitus: post cum promissam summam non solueret, neque actio ex

pacto competeret, qua virgeri posset: semperq;  
 rei vindictio penderet, tū illa redintegrata sit.  
 nam post motam litem, & instauratam vindica-  
 tionem, non modò aduersus transactionis ex-  
 ceptionem, doli vel in factum replicatio con-  
 cedetur: verum etiam ex stipulatu actio, qua pœ-  
 na petatur. quod valde consentaneum est cum  
 l. siue apud, 28. C. de transact. Secundus casus  
 pertinet ad pactum de non petendo, & ad tran-  
 sactionem, quæ ad distrahendum potius quàm  
 ad contrahendum negotium adhibentur. Ergo  
 hoc casu quæstio hæc exoritur, An ex pacto; cui  
 pœnæ stipulatio subiecta est, simul & exceptio  
 & pœnæ petitio concedatur, vt actor exceptio-  
 ne summotus & iudicio victus insuper etiam  
 pœnam debeat. Ambigui causa permagna est,  
 videnturque textus in l. rescripto, 10. §. 1. D. de  
 pact. significare inter Proculianos & Sabini-  
 nos ista de re concertationem fuisse. Proculia-  
 ni iuris summi rationem vrgebant: commissam  
 scilicet pœnæ stipulationem fuisse, & per litem  
 motam obligationis conditionem extitisse. l.  
 nuda, §. D. de cont. stipul. Sabiniani contra pro  
 æquitare pugnant, quemadmodum aperte  
 Vlp. ostendit in d. l. rescripto, quasi æquius ef-  
 fet debitorem, cui creditor liberaliter debitum  
 remisserat, illa donatione contentum esse, neq;  
 summo iure cum donatore agere. donatoris e-  
 nim causa fauorabilis est, & ei pinguius succur-  
 rendum est: ait l. & exheredatum, 49. D. de re  
 iud. Vnde intelligitur, totius controuersie sum-  
 mam hanc fuisse quòd Proculiani conventio-  
 nem



nem sic interpretabantur, quasi per coniunctionem creditor promississet, Et hoc, & illud: Et non petam, & si petam, centum dabo. Sabiniani verò per disiunctionem, Aut hoc, aut illud. Aut non petam; aut si petam, centum solvam. Sabinianis astipulantur Mela, Paulus & Ulpianus l. si pater, 12. §. si mulier, D. de pact. dotal. l. rescripto, 10. §. 1. D. de pact. itémque Papinianus in l. si ita stipulatus, 115. §. ult. de verborum obligationibus, Proculianis imperat. Arcad. sed tamen in ea causa ubi periurium accessit. l. si quis maior, 41. Cod. de transactio. ubi in pœnam periurij statuitur, vt petens contra pactum iuratum, primùm suo iure excidat, deinde pœnam cõpromissam exsoluat. In hac contentione Hermogenianus arbitrum se honorarium interponit. Censuit enim si clausula, Rato manente pacto, adhibita fuisset, Proculianorum sententiæ locus esset: sin minus, Sabinianorum. l. penultim. D. de transact. quod idem traditur in l. cum proponas, 17. C. de transact. Sequitur tertia species, cùm principali negotio & contractui, pœnæ stipulatio subiungitur. Ad quam intelligendam duabus Regulis pro fundamento & præmuntione vtendum est: quarum hæc prior est, Fraudatio prodesse fraudatori non debet. l. ait prætor, 10. §. penult. cum simil. D. quæ in fraud. cred. altera huiusmodi, Neque quod in alicuius favorem inductum est, in eius odium converti debet: neque vicissim quod in alicuius odium inductum est, id in eius favorem converti. l. nulla, 25. D. de legib. & l. relega-

torum, 7. in fin. D. de interd. & rel. Quare cum in fraudatoris pœnam & odium instituta nouatio sit, videndum est, ut iis tantum casibus admittatur, qui ei prodesse non possint. veluti, cum testator ita dixisset: Heres vxori penum dato: nisi dederit, centum dato: mora commissa nouatio fit, ut pœnam solam soluendo liberari heres possit: ex Q. Mutij auctoritate, quam Sabinus, Mela, Papinianus, Paulus, & Ulpianus sequuti sunt. l. 1. §. 4. D. ad l. Fal. l. 1. D. de pen. leg. l. si penum, 14. D. quand. di. leg. ced. l. ita stipulatus, 115. §. Mutius, D. de ver. obl. Itaque huius rei exemplo qui ex aliquo contractu centum dare obligatus erit, & nisi dederit, ducenda, post moram ducenda debebit: neque centum soluendo liberabitur. Refragari tamen videtur l. prædia, 28. & l. Lucius, 47. D. de act. empt. l. duo societatem, 71. & l. si quis à socio, 41. cum l. seq. D. pro soc. quarum legum auctoritate permoti complures statuerunt, per stipulationem pœnæ præcedentem contractum non nouari. Verum intelligendum est, quod superius diximus, absurdum esse ut nouatio in fraudatoris odium inducta, in ipsius fauorem conuertatur. quod illis casibus omnibus accidisset, quibus id quod interest, pœnam exsuperabat. quare si maior pœna est, quam quantum principalib. actionib. obtineri potest, fiet nouatio: sin minus, electio actori dabitur: ne quod ipsius causa inductum est, in ipsius damnum conuertatur. Atq; hoc eodem modo responsum volumus ad l. 4. §. Labeo ait, D. de dol. excep. sed multo vehementius ad-

uer

uersari creditur. l. qui Romæ, 122. §. Flavius, D. de verb. obl. vbi Scæuola scribit, ob seruum manumittendi causa donatum, agi & de libertate, & de pœna licere : quod si contrarium Scæuola respondisset, indignissimus iurisperiti nomine fuisset, quid enim? liceretne frustratori soluenda pœna hominem libertate sua fraudare? Duo sunt igitur quæ causam hanc specialiter adiuuant: primùm fauor libertatis: vt quâquam regulariter & res & pœna non debeantur, nisi nominatim id actum sit: l. ita stipulatus, 115. in fi. D. de ver. ob. tamen fauore libertatis singulare in hoc casu statuatur. l. generaliter, 24. §. si quis seruo. D. de fid. libert. deinde Adriani constitutio, quæ nominatim id sanxerat: quam constitutionem illo loco Scæuola respexit. Cùm tamen post Scæuolam aliud ius nouum ex Marci & Commodi constitutione inductum sit: vt seruus manumittendi causa donatus, aut venditus ipso iure liber sit. l. vlt. D. de ser. export. l. 2. & l. 3. C. si mancip. ita fuer. alien. Superest quarta species, cùm duæ stipulationes factæ sunt, quarum prior est de dando, vel faciendo : altera de pœna. In quo casu nihil est quod dubitari possit, propter l. obligationum, 44. in fin. D. de obl. & act. vbi Paulus ait, priorem stipulationem de nauis ædificanda transferri in posteriorem pœnalem: & quasi nouationem prioris fieri. Neque mihi aliquis dixerit, Paulum non absolutè dixisse, Nouationem factam, sed quasi nouationem: & nouationem contingere tantum, vbi vel persona debitoris, vel causa obligationis

mutatur:mutatione rei debitæ,(vt hoc casu pecunię pro Stichō)novationem non contingere. Nam & vox,QVASI,sæpenumero pro vtpote vsurpatur:& constat mutata obligationis forma nouationem fieri. veluti si purę stipulationi conditionalis subiecta sit: vt hoc casu §. 1. De nouat.& l.14.D.eod.denique Papin.apertè scribit in l.ita stipulatus,115,in fi. D.de verb.oblig.nisi nominatim cautum sit,vt vtrunque debeatur,actum videri, vt sola pecunia, non præstita re,debeatur. Neque obstat l.1.§.vlt.D.de stip.seru.vbi Iulianus ait, in hac formula, Decem Kalendis Titio dare spondes? Si non dederis, tunc Mæuio viginti dare spondes?duas esse stipulationes: sed Mæuio stipulatione commissa, Titium doli exceptione submoueri. nam illo casu varię personę in varias stipulationes deducuntur:& non vti eidemque vtraque stipulatio conficitur: vis tamen nouationis nihilominus manet:vt,si minus re ipsa, vi tamen & effectu nouatio contingat.

---

## QVÆSTIO XI.

*An dominium sine possessione acquiri possit.*

**D**ominium sine possessione acquiri posse, primus Ioannes disputauit:quem alij complures sequuti sunt, vt testatur Accursius in l.si fundum,16. D.de fund.dot.vbi se ad illam partem aggregat. Exempla autem proferuntur hæc si emptor in fundum inductus sit, ac mox inde  
dec



decefferit. Item, si quis equum vendiderit, quem alter possidebat, & cum fortè aquatum ducetur, emptori frenum obiter contrectandum prebuit. Pro Ioanne profertur p̃m̃um textus, quem Azo in Summa scribit esse vnum è mirabilibus mundi, ex l. quisquis, 28. C. de donat. vbi rei donatæ vel venditæ dominium transferri dicitur sine traditione, solo eius vsufructu retinendo. Secundum est ex d. l. si fundum: vbi mulier fundum quem alter bona fide possidebat, & propè iam vsuceperat, marito tamen dedisse in dotem dicitur. Ex quo confici videtur, fundi dotalis dominium mariti factum esse, quamuis eum alter possideat. Tertium est ex l. 1. C. de donat. quæ sub mod. vbi Imperatores scribunt, eum qui quid sub conditione donauit & tradidit, si conditio non impleatur, vindicare dominium eius rei posse. Quartum ex l. 4. C. de pact. int. emptor. vbi qui lege commissoria, quid vendidit, pacto non seruato, eius rei dominium vindicat: ac proinde utroque isto casu res sine traditione possessionis in veteris domini dominio esse incipit. Quintum est ex l. si ager, 50. D. de rei vindic. & l. à Titio, 64. D. de furt. & l. legatum, 80. D. de leg. sec. vbi rei hereditariæ & legatæ dominium ad heredem & legatarium ipso iure transferri dicitur: quamuis eius possessionem nactus non sit. Eodémque refertur, l. filius, 26. D. de testam. vbi furiosus qui acquirere possessionem non potest, rei tamen sibi legatæ dominium acquirere dicitur: item l. si partem, 19. §. 1. D. quem seru. amittat. vbi

is cui ignorantia via legata est, non vtendo eam amittit: quippe, cuius dominium etiam non vtendo adeptus fuerat. & l. i. D. de bon. pos. vbi bonorum possessio admissa rerum dominium transfert. Quinetiam eodem pertinet. l. facta, 63. ad Trebell. vbi facta in fideicommissarium restitutione, statim omnes res in bonis fiunt eius, cui restituta est hereditas: etsi nondum earum nactus fuerit possessionem. Sextum est ex l. cum vir, 42. D. de vsurpat. vbi fundi dotalis à marito venditi dominium ita confirmatur, si mortua in matrimonio muliere, tota dos lucro mariti cessit: quasi eius fundi possessio penes vxorem, aut certè maritum remanserit. Septimum est ex l. i. C. de donat. vbi rei venditæ dominium transferri dicitur per traditionem instrumenti siue auctoritatis. quod eodem refertur l. i. §. pen. & l. quarundam. D. de acquirenda poss. & l. 74. D. de contrah. empt. vbi idem statuitur de clauibus prope cellam an horreum traditis. Verùm his tot argumentis non obstantib. statuendum arbitror, Dominium neque sine possessionis traditione transferri, neque sine eiusdem apprehensione acquiri posse. Nam, si pingui Miucrua disputanda res est, causa dominij efficiens est, animus vtriusq; contrahentis congruens & consentiens: hoc est, voluntas transferentis & accipientis. materia autem res, de qua conuentio fit. forma porrò, traditio & prehensio vacuæ possessionis: finis, commodum & emolumentum rei, quæ tum in bonis esse incipit. nam bona quasi à beando dicta sunt: ait l.

bona

bona. d. de verb. sig. Huius autem rei argumenta hæc habeo : Primum in l. 1. D. de ac. poss. vbi Paulus ait , Dominium rerum ex naturali possessione cœpisse : & possessionem à sedibus dictam , quasi positionem. ex quo existimari potest, acquirendæ possessionis notam ac symbolum fuisse , sedis alicuius, dicis causa , positionem. Secundum argumentum est , quod Dari res , id est dominium eius transferri tum demum dicitur, cum vacua, & non occupata, certa, ac non litigiosa , perpetua ac non temporaria eius possessio traditur , id est , eius fruendæ ac possidendæ potestas datur. Nam de vacua & non occupata, text. est in l. si pater, 8. C. de act. empt. vbi venditor prædij, qui non induxit emptorem in vacuum possessionem , ius omne penes se retinuisse dicitur. & l. 2. D. eod. vbi vacua possessio tradi à venditore non videtur , si quis alter eam vel prætoris auctore possideret. Facit l. Mævius. 66. §. fundo, D. de legat. 2. De certa & non litigiosa, textus est in l. 3. D. de act. empt. vbi traditio possessionis ( sic enim legendum esse ante annos xx. docuimus ) quæ à venditore fieri debet, talis est, ut si quis eam possessionem iure auocauerit, tradita possessio non intelligatur. & l. qui concubinam, 29. §. si heres. D. de leg. 3. vbi legatunt ab herede dari non videtur, quod ita datur, ut id habere non liceat. De perpetua & non temporaria , textus est in l. non videtur, 22. D. de acquir. posses. non videri possessionem adeptum, qui eam retinere non potest. & l. 4. §. tunc in potestate, D. de usurp. vbi ea demum iusta

possessio dicitur, quæ auelli non potest, & l. mulieris, 13. §. definere, D. de verb. signific. Aliud est igitur Rem tradi, aliud Rem dari. nam in illo factum & sola possessio contingitur: l. si item tradi, 28. D. de verb. obligat. In hoc ius & proprietas atque possessio. l. non videntur, 167. D. de regul. iur. l. vbi autem, 76. §. vlt. D. de verbor. oblig. & l. 3. §. 1. D. de act. emp. vbi Pomponius ait, eum qui fundū dari stipulatur, vacuum quoque possessionem tradi stipulatum intelligi. Itemque l. 4. D. de usur. vbi etsi Papinianus aliqua in re à Pomponio dissentiat, aperte tamen fatetur verba hæc, REM DARI, vel factum tradendi, vel potius effectum dominij per traditionem transferendi continere. Itaque quamuis donari res dicatur etiam antequam tradatur: tamen tum demum esse donatio intelligitur, cum traditio sequuta est. l. vlt. §. Lucius. D. de donat. l. quoties, 15. C. de rei vindic. l. qui saxum, 6. D. de donat. l. si tradita, 5. C. de his qui à non dom. l. 1. l. 4. l. 5. l. 7. C. TH. de donat. l. 1. C. Hermog. eod. quod tamen Iustinianus contra omnem iuris rationem abrogauit, in l. si quis argentum, §. sin autem, C. de donat. Deinceps videndum est, quemadmodum superioribus argumentis respondere possimus. Ergo quod ad primum attinet, intelligendum est, cum antiqua lege Cincia de donationibus cautum fuisset, ut donatæ res tum demum intelligerentur, cum mancipatæ essent, vel traditæ: quemadmodum in libello De donationibus docuimus: institutum esse, ut qui rei donatæ vel in dotem datæ



data vsumfructum retineret, vi ipsa proprietatem tradidisse videretur: quia qui dominus est, vsumfructuarius esse non potest, cum res sua nemini seruiat. Cum autem ius illud primum abrogatum, deinde restitutum ab Honorio & Theodosio fuisset. l. penultim. & vltim. C. TH. de donat. facinorosus Tribonianus ad illa legis verba: Quisquis rem aliquam donando vel in dotem dādo vsumfructum eius retinuerit: contra omnem iuris veteris rationem adiecit **VEL VENDENDO**. Ius ergo singulare est in d. l. quisquis, ex quo sumi argumētum non potest. vulg. l. quod contra. D. de regul. iur. Ad secundum argumentum respondeo similiter, facinorosum Tribonianum, quoties in Pandectis scriptum erat **DOTI DICERE**, ex Iustinianici iuris ratione reposuisse, In dotem dare, vt apertè in dicta l. quia autem, 23. D. de iur. dot. vel **DOTI DESTINARE**: vt l. dotis, 7. in fin. D. eod. Certum est enim neque dotalem fundum intelligi, nisi cuius dominium marito quæsitum est. l. dotale, 13. §. 2. D. de fund. dotal. neque quicquam in dotem datum intelligi, nisi quod statim sponsi efficitur. l. sed nisi, 8. D. de iur. dot. quinetiam aliud esse in dotem dare, aliud tradere: in illo enim dominium, in hoc simplex factum contineri. l. si ego, 9. §. 1. & §. vlt. D. eod. Quod igitur in l. si fundum, & l. si rem æstimatam, D. de iur. dot. scribitur, fundum in dotem datum, nec tamen traditum: vitiosè scriptum est, pro **DOTI DICTVM**. cum antiquo iure data res in dotem nulla nisi per traditionem intelligeretur. Ter-

tia autem obiectio leuissima est, partim quia regulariter vindicatur res à domino, qui eam non possidet: quamuis non videatur renuntiasse possessioni, qui rem vindicauit. l. naturaliter, 12. D. de acquir. possess. partim quia quod sub conditione donatum est, si conditio non impleatur, non donatum intelligitur. l. vltim. C. de donat. quæ sub mod. l. causam, 20. in fin. D. de manum. Ad quartum autem similiter respondendum est, non nouum dominium acquiri, sed vetus quod ante fuerat propter legem commissoriam renouari. Ad quintum porro responderi sic oportet, singulare esse ius ex lege xii. tabul. aut certè ex ipsius mète introductum: vt rei testamento relicte dominium directo à testatore in heredem aut legatarium transeat: ex capite, Vti rei suæ legassit, ita ius esto. l. verbis, D. de verb. sign. & apud Vlpian. titul. regul. 19. dominium igitur ex lege, possessio ex apprehensione acquiritur. l. cum heredes, 23. D. de acq. poss. Quod autem antiquissimo iure in hereditatibus & legatis institutum fuerat, id postea mediæ iurisprudentiæ auctores ad bonorum possessiones, & fideicommissarias restitutiones & mortis causa donationes produxerunt. Sextum autem sic facile refellitur. Cum esset iniusta fundi dotalis possessio emptori tradita: postea per euentum quo alienatio confirmata est, ipsa quoque confirmata fuit. vt l. penult. D. de fund. dotal. & l. prima, §. si vir, D. de acquir. poss. Septimum autem vix responsione dignum est: cum satis constet, instrumenti & clauium trad

traditionem tanquam imaginariam ipsius rei  
traditionem intelligi: velut in vini venditione,  
degustationem. l. 1. & l. 4. D. de peric. & comm.  
& in rei gravis, veluti columnæ venditione, de-  
monstrationem. l. 1. §. pen. D. de acq. poss. quod  
eodem modo de signato dolio Trebatius ten-  
tauerat, sed Labeo non probavit. l. 1. §. 2. D. cod.

## QVÆSTIO XII.

*In dominio transferendo, an præsentia &  
naturalis traditio requi-  
ratur.*

**Q**uadripartita distinctio adhibenda est. nam  
& Traditio duplex fuit, vna solennis siue  
civilis, quæ Mancipatio dicebatur: altera Natu-  
ralis: auct. Vlp. tit. Regul. 19. & rerum aliæ mo-  
biles, aliæ immobiles sunt. Quantum ad manci-  
pationem, si mobilis res erat, non dubium est  
quin quadruplex præsentia requireretur: aucto-  
ris, mancipis, mercis, & pretij: quemadmodum  
notum omnibus est ex verbis Caij iuriconsulti  
apud Boet. in Top. vbi de seruo exemplum pro-  
fertur. Qui mācipium, inquit, accipit, æs tenens  
ita dicit, Hunc ego hominem ex iure Quiritium  
meum esse aio: isque mihi emptus est hoc ære,  
æneaque libra. deinde ære percutit libram: adq;  
æs dat ei à quo mancipium accipit, quasi pretij  
loco. vnde illud Varronis de ling. 4. In veterib.  
mancipiis scriptum, Raudusculo libram ferito.  
Quod si fundus erat, qui tradendus esset, tum in  
rem præsentem veniri oportuisse arbitror: ac

sedem dicis causâ ponendam, in qua emptor à venditore collocaretur. arg. l.1. in princ. D. de acq. posses. quanquam in mancipatione faciendâ glebam agri eodem modo adhiberi solitam arbitror: vt in vindiciis, de quib. testatur Agell. lib. 20. c. 9. Ac pari ratione imp. Constantinus statuit, vt rei donatę dominium in donatarium non transiret, nisi si mobilis esset, corporalis, eius traditio subsequeretur: si immobilis, abscessu donantis nouo domino patefieret: sic enim loquitur in l.1. C. TH. de donat. Ex quibus perspicuum est, venditiones huiusmodi non nisi & presentium rerum & presenti pecunia fieri potuisse. De pecuniâ quidem, Iustinianus testatur, lege XII. tab. sancitum fuisse, ne rerum venditarum dominium nisi pretio soluto & adnumerato transferretur. §. venditæ, 31. D. de rer. diu. Quantum autem ad Traditionem quæ iuriscōgētium erat, & dominium non iuris Quiritium transferebat, sed in bonis rem efficiebat, vt eodem loco Vlp. scribit, sic habendum est: siue res mobilis erat, siue immobilis, semper præsentia & rei & pretij opus erat: sed eâ vel vera, vel ficta. Vera præsentia est, quæ contrahentium oculis ita subiecta est, vt corporalis traditio fiat: id est, vt ait Theophilus, vt res de manu tradētis in manum accipientis trāsferatur. §. per traditionem, De rer. diu. quanquam tradentis aut accipientis personam negotiorum administratores sustineant. l. qua ratione, 9. §. 4. D. de acq. rer. dom. & l. 1. §. pen. D. de acq. poss. Itaque cū columnæ venderentur, quæ propter magnitudinem



dinem ponderis sine magno molimento moueri non poterant, Vlp. scribit, in rem præsentem ventum esse: & eas oculis vtriusque contrahentis subiectas fuisse. d. l. i. §. pe. Sic absenti res mobilis donari posse dicitur, si ea per nuntium mittatur, cùmque donatarius recipiat: quia nuntius donatoris personam sustinet. l. absenti, 10. D. de dona. Ficta autem rei præsentia dicitur, cùm traditio vel cogitatione, vel nota & symbolo repræsentatur. Cogitatione, cùm iam antea aliam ob causam facta, nunc ad instans negotium accommodatur ac refertur: veluti, si cui rem commodaram, locaram, deposueram, oppigneraram, ei rem eandem vendam, aut donem. l. qua ratione, 9. §. interdum. D. de acq. rer. dom. l. 3. §. illud, 4. D. de acq. poss. l. siue autem, 9. §. 1. D. de public. l. si rem, 62. de euct. & l. si seruus, 21. §. 1. D. de acq. rer. dom. quod eodem modo de rebus donatis traditur, si quod qui iam apud se habet, sibi habere iubeatur. l. absenti, 10. D. de donat. l. quedam, 77. D. de rei vindic. nam causa possessionis donatorum voluntate mutatur. l. nec ambigi, 6. C. de donat. l. velles, 6. C. de reuoc. don. Nota verò repræsentatur traditio, veluti, cùm clauēs apud horreum aut cellam traduntur. nam etsi neque merces, neque frumentum, neque vinum oculis & sensibus subiiciantur, tamen clauium traditio, imago quædam rei traditionis videtur: dummodo (vt dixi) apud ipsum horreum fiat. l. qua ratione, 9. §. item si quis, D. de acq. rer. dom. l. clauibus, 74. de contra. empt. Similiter instrumenti traditio,

id est eius scripti quo dominij auctoritas testata est, traditionis rei nota est. l. 1. C. de donat. Itemque vini degustatio pro totius dolij traditione valet. l. 1. & l. 4. D. de peric. & comm. item trabium & tignorum obsignatio. l. quod si, 14. D. eod. Et huc pertinet, quod de rerum incorporalium quasi traditionibus dici solet, ut quia veram traditionem non recipiunt, l. seruus, 43. §. 1. D. de acquir. rer. dom. utendi concessio pro traditione valeat. l. 1. D. de usufruct. l. vltim. D. de seruit. Nihil autem huc pertinent l. eius qui, 46. & l. sequent. D. de rei vindic. ubi rei iudicio petitæ dominium, de qua in litem iuratum est, ita demum dicitur in reum statim transire, si res præsens sit: quod si absens sit, tum demum cum eius possessionem reus ex actoris voluntate adeptus erit. Primum quoniam etsi de eo ibi agatur, qui dolo possidere defierat (cuius hæc poena est, ut quanti in litem iuratum est, damnetur. l. qui restituere, 68. D. de ill. titul.) tamen præsens res eo loco apertissimè dicitur, quæ in defensoris potestate tum erat: absens, quæ non erat. Deinde res illa siue in potestate rei erat, siue non, certum est eam ab oculis litigatorum & transigentium remotam fuisse. Neque tamen ideo superiori disputationi hoc aduersatur: quia si res in potestate aduersarij erat, iam antè dictum est, Repræsentationem esse: si non erat, Paulus disertè subiungit, cauere ab actore se possessionem traditurum. Nunc consequens est, ut de pecuniæ præsentia differamus. quod enim Iustinianus ita scribit: Etsi lege XII. tab.

cauet

cauetur, vt venditæ rei dominium nisi soluto pretio non transeat, tamen rectè dici & iuregentium id effici: sic interpretor, quamuis lex xii.tab.de mancipatione & dominio, quod iureQuiritium transfertur, scripta sit, idem tamen locum habere etiam in alienatione dominij, quod rem in bonis iuregentium efficit: cuius iuris peruulgata emptio & venditio est. l. 1. D. de contr.empt. Quod igitur Plato de legib. xi. statuerat, ne aliter emptio venditioque contraheretur, quàm si præsens hinc merces, illinc pecunia traderetur, & disertè sancit *δὲ χρῆσθαι ἐν τῷ ἀγορῆν τε καὶ τιμῶν*: neque fide de pretio habita contrahi emptionem posse: id non modò in xii tab.translatum fuit, verumetiam ad peruulgatas emptiones & venditiones à Iurisconsultis traductum est. Neque enim iis assentior, qui iure ciuili populi R. longè aliter se rem habere tradiderunt. de venditione verò naturali, iam pridem eiusdem Varrois testimonium ex lib. de Re rust. 2. in xii.tab.comment. protulimus: grex inquit, dominum non mutauit, nisi sit æs adnumeratum. Sic pignora ex caussa iudicati præsentis pecunia vendi oportet, non sic, vt post tempus pecunia solvatur. l. à diuo Pio. 15. §. sed si emptor, D. de re iud. Itémque res fisci, l. 5. D. de iu. fisc. Quid igitur est, dicet aliquis, quod tot locis scribitur, quamuis pretium solutum non sit, tamen si fideiussor datus, pignus traditum fuerit, dominium transferri, atque adeò etiam si sine vlla satisfactione fides emptori habita sit. l. quod vendendi, 19. D. de contr.empt. l. procu-

ratoris, §. §. sed si dedi, D. de tribut. act. §. venditæ, 31. de rer. diu. l. ex empto, 11. D. de act. empt. Sed intelligendum est, Iurisperitorum ingenii introductam fuisse præsentiam fictam: quasi vëditor non modò præsens numeratum pretium accepisset, verùm etiam iam acceptũ emptori credidisset. vt iam certi condictiõne petatur, quasi in creditum venditor abierit: vt illa verba demonstrant, FIDEM HABVERIMVS EMPTORI. FIDEM EMPTORIS SEQVVTVS. Nam quoties alienam fidem sequimur, creditum est: & de rebus creditis actio competit. l. 1. & pass. D. de reb. cred.

### QVÆSTIO XIII.

*An liberi in conditione positi intelligantur ad hereditatem vocati.*

**O**bscura quæstio est, quæ vulgò in scholis sic effertur, An liberi in conditione positi, sint positi in dispositione. veluti, Testator ita scripsit: Titius mihi heres esto, si sine liberis moriatur, rogo eum vt meam hereditatem Sempronio restituat. Titius superstites liberos reliquit. Triplex quæstio nascitur, quarum hæc prima est, an Sempronius, sub conditione precario substitutus, propter defectum cõditionis à substitutione excludatur? Secunda, Si Sempronius exclusus est, an pater liberis in conditione positis fideicommissum debeat? Tertia, Si liberis fideicommissum debeatur, vtrum ex caussa testati, an intestati debeatur? Quântum ad primam, vid



video & Vlpianum & Martianum dilucidè affirmare, substitutum propter defectum conditionis excludi, l. ex facto, 17. §. ex facto, D. ad Trebell. l. filiosfam. 114. §. cum erit, D. de legat. 1. quod etiam substitutionis reciprocata formula perspicuè ostendit. Nam illius formulæ, Si sine liberis moriatur, hereditatem restituat, necessaria hæc est *ἀντιστροφή*, Si non sine liberis moriatur, ne restituat. l. inter socerum, 26. §. 1. D. de pact. dotal. l. quibus diebus, 40. §. 20. D. de cond. & demonstr. l. si quis ita, 83. l. iam dubitari, 86. D. de hered. instit. Quantum ad secundam, perspicuum est, nullam expressam testatoris voluntatem apparere de fideicommissio liberis heredis præstando. Quamvis enim in fideicommissis nuda testatoris voluntas dominetur, l. cum virum, 16. C. de fideic. tamen eam aliquib. verbis vel declarari, vel certè significari oportet: si minus directis & civilibus, ac certè precariis, inflexis, denique quibuslibet. l. fideicommissa, 11. D. de legat. 3. l. ubi, 19. §. 1. D. ad Trebell. & quamvis nutu relinqui posse fideicommissum dicatur: l. & in epistola, 22. C. de fideic. prius tamen alterius verbis rogari testatorem oportet, quibus illo nutu ac significatione voluntatis respondeat. imò is demum nutu relinquere fideicommissum potest, qui & loqui potest. l. nutu, 21. D. de legat. 3. at in formula, qua testatorem usum fecimus, nihil de fideicommissio liberis illis præstando expressum reperitur. quinimo si de directis testamentorum formulis ageretur, figura illa verborum, Nisi rationes reddi-

deris, liber ne esto, magis adimere, quàm dare intelligitur. l. Titia, 59. §. ult. D. de manum. test. & omnino ubi de directis formulis agitur, neq; institutio neque substitutio vlla in illa verborum figura intelligi potest. nam per illam formulam, Si filius meus vivo me moriatur, filius institutus non censetur. l. Gal. §. in omnibus. D. de lib. & post. l. si quis cum, 16. §. ult. D. de vulg. substit. non magis quàm frater aut alius agnatus per illam formulam, Si meam hereditatem vindicare nolit. l. si quis ita, 82. D. de her. inst. Verùm hæc non rectè ad nostram questionem accommodantur, quoniam in fideicommissis multa tacitè ex præscriptis testatorum voluntatè admittuntur, quæ in directis substitutionib. non valent: licum proponebatur, 64. D. de legat. 2. Quare non obstat l. Lucius, 85. D. de her. inst. ubi cum testator ita scripsisset, Titius frater meus heres esto: si Titius prius quàm hereditatem meam adeat, sine liberis decesserit, ille heres esto: Scaenola respondet, consilium testatoris hoc fuisse, ut non modò fratrem, verùm etiam ipsius liberos substituto præferret. Non enim ideo Scaenola concedit, fratris liberos heredes substitutos esse: alioquin duos substitutionum gradus testator fecisset: à quo vnicum duntaxat gradum factum, manifestò constat. sed hoc significat, fratris liberos ab intestato sui patris hereditatem vindicatuos: ut in l. si quis ita, 82. D. eod. denique ubi de directis testatorum disputationibus agitur, nihil tacitum, nihil nisi ex formula expressum admittitur. Sed

non

non iccirco induci argumētum ad quæstionem nostram poterit : quoniam, vt iam antè dictum est, dissimilia, sunt iura directæ & precariæ substitutionis: cum in illa nihil, nisi nominatim expressum admittatur, in hac præsumpta testatoris voluntas admittatur. Itaque, vt iam ad tertiam quæstionem accedamus, necessariam esse distinctionem arbitror, vtrum testator suos liberos, aut extraneos heredes fecerit. nam prior casu, non dubitarem nepotes ex præsumpta voluntate aui tacitè substitutos intelligi: propter auctoritatem Papiniani, quæ etsi iure antiquo non valuit, tamen ab Imperatore confirmata nouum hoc ius induxit. Nam Papin. in l. cum auus, 102. D. de condit. & demonstr. statuit, vt etiamsi auus in fideicommissoria substitutione conditionem illam non expresserit, sed simpliciter ita scripserit, Filius meus heres esto: Rogo te, fili, vt meam hereditatem Titio restituas: tamen propter pietatis coniecturam tacitè videri conditionem illam inesse, & pro expressa haberi quasi nepotes suos etiam non nominatos per fideicommissum substituto prætulerit. Quam Papiniani sententiam laudat, vt dixi, & confirmat Imperator in l. cum acutissimi, 30. C. de fideic. & rursus in l. 6. C. de inttit. & substitit. quibus omnibus in locis attentè obseruandum est, ius illud duntaxat de liberorum persona constitui. Quod si conditione illa tacita nepotes tamen vocati ad fideicommissum intelliguntur, quanto magis vbi expressa est? cum (vt dici vulgo solet) expressio eorum quæ tacitè in-

sunt, inanis esse non debeat, sed aliquid eò amplius valeat atq; operetur. l. si ita leg. 65. §. 1. D. de legat. 1. l. inter socerum, 26. §. cum inter, D. de pact. dot. Quò etiam illud argumentum pertinet, quòd in patris voluntate æstimanda maior pietatis, quàm verborum ratio habetur. adeò, vt quamuis verba fideicommi. cessent, tamen ex coniectura patris animus & voluntas paterna æstimentur. l. vnum ex familia, 67. §. vlt. D. de leg. 2. l. Titius. 25. §. 1. D. de leg. & post l. tale pactum, 40. §. vlt. D. de pac. deniq. valere coniecturam de propensa voluntate parentum erga liberos, patet ex l. vlt. C. com. vtr. iud. itémque ex l. 3. C. de inoff. qu. l. nam etsi, 15. D. eo. l. de emanc. 13. §. cum enim, C. de leg. her. Nihil autem huc pertinet quod superius protulimus ex l. 114. §. cum erit, D. de legat. 1. & l. 17. §. 3. D. ad Treb. quia valent quidem illæ Iurisconsultorum sententiæ ad Sempronium excludendum, sed non ad heredis instituti liberos admittendos. neque in illis vlla huius rei mētio interponitur: quanuis in d. §. 3. proposita quæstio sit de filio à matre instituto. sin autem extraneus sit institutus, tum quia non est Iurisconsultorum, omissos in legib. casus supplere: l. commodissimè, 10. D. de lib. & post. sanè quod & Papin. & Imp. tam disertè ac præcisè de liberorum persona constituerunt, audaciùs videretur, etiam in extraneos producere, cùm satis constet, legum præscripta intra suos terminos & circumstantias coercenda esse. l. quod dictum est, 32. D. de pact. l. prospexit. 12. D. qui & à quibus manum.



## QVÆSTIO XIII.

*Inter duorum fratrum liberos, vtrum patris hereditas in stirpes, an in capita diuidenda sit.*

**C**Aussæ constitutio hæc est : Si tres fratres fuerint, Primus, Secundus, Tertius. quorum Primus vno filio relicto decesserit. Secundus, duobus vtrum hereditas Tertij (quæ ccc. puta aureorum est) in duas tantum partes diuidenda sit, vt Primi filius c.l. reliqui duo simul tantundem auferant : an verò in tres, vt singuli centenos obtineant. Diuisæ Doctorum sententiæ fuerunt, cum alij in capita & viriles portiones partiendam hereditatem contenderent, alij in stirpes. Horum autem argumenta ferè hæc reperio. Primum est ex Nov. ii8. (siue Auth. cessante, & seqq. C. de legit. her.) vbi Iustinianus statuit, vt fratris liberi, patrum defuncti, cuius de hereditate agitur, excludant : quamvis pari omnes, hoc est, tertio gradu distent. Ex quo intelligitur, Successionem siue Representationem illis concedi : hoc est, quamvis tertio gradu sint, tamen vt patrem suum repræsentent, fingi in ipsius locum ascendere, ac secundum gradum obtinere. Successio autem ius diuisionis in stirpes peperit. §. cum filius, 6. de hered. quæ ab intest. quare cum in fratrum liberis representatio sit, consentaneum videtur, diuisionem in stirpes iis concedendam esse. Secundum argumentum est ex eadem Nouella, vbi constitutum est,

ut successio in capita post fratres demum, & fratrum liberos admittatur. Ex quo effici disputant, quandiu vel fratres, vel fratrum liberi extabunt, non in capita, sed in stirpes succedi. Tertium est (ut noui disputatoris verbis utamur) quod cum idem Imperator constituerit filios fratris, & non vltiores in parentis locum succedere, necessariò etiam illud constituisse videtur, ut in stirpes hereditatem diuiderent: cum effectus repræsentationis hic sit, ut diuisionem in stirpes inducat. Itaque d. Nou. §. reliquum, scriptum ita est: Et quocunque tandem fuerint, tam magnam ex hereditate portionem capiant, quantam percepturus fuisset pater eorù, si superuixisset. Quinetiam scriptor d. Auth. cessante, Vocantur, inquit, primò fratres, fratrumque filij in stirpes. Quartum, Bartholi inuentum est, quod si fratrum istorum liberi in capita succederent, ea consequeretur absurditas, ut eiusdem hominis hereditas modò in stirpes, modò in capita diuideretur, nam si quatuor esset fratres, primus vno relicto filio, alter duobus, tertius sine liberis decessisset, iure illius eiusdem Nouellæ hereditas tertij in tres tantum partes, ac proinde (ut Bartholus loquitur) in stirpes diuideretur. quod si mutato casu dicamus, quartum fratrem vno pluribusque liberis relicto decessisse, & tum hereditatem tertij in capita diuidendam esse: eiusdem hereditas primo casu in stirpes: altero verò in capita diuideretur. Hæc cum ita sint, contrariam tamen sententiam probabiliorē esse arbitror. Primum quia

const

constat iuris antiqui rationem, per mille amplius annos, ysq; ad d. Nou. 118. hanc fuisse, vt in hac quæstione hereditas non in stirpes, sed in capita diuideretur. nam cùm diuisio in stirpes, non, nisi vbi successio est, locum habeat, relinquitur, cùm lex XII. tab. nullam in agnatis successionem instituerit, hereditatem inter eos diuidi in stirpes non posse. Itaque siue frater, & fratris mortui filius extarēt, ad tertij-fratris hereditatem solus frater superstes illo iure antiquo admittebatur. l. 3. C. de legit. heredibus. l. 3. §. si duo, in fin. D. de legitim. tut. siue tres fratres essent, vnus ex his filium, alter duos reliquisset, hereditas tertij in tres partes, id est in capita, inter istos patruales diuidebatur. l. 2. §. 1. D. de su. & le. l. 1. §. vlt. D. si pars her. per. Item apud Vlp. tit. Regul. 25. §. agnatorum: & apud Iustinian. §. si plures, de leg. agn. tut. vbi hoc idem Theophilus in eandem sententiam interpretatur. Fratrum autem defunctorum liberos, non in parentum suorum locum successisse, vel hinc perspicui potest: primum quòd si patrum aliquem superstitem haberent excludebantur: vt modò dictum est ex d. l. 3. C. de leg. her. deinde quia frater, quamuis fratri per patrem sit agnatus, ac proinde ad fratris hereditatem per intermediam patris personam quodammodo peruenire videatur, suo tamen & proprio suæ personæ iure, non quia patris in locum successit, hereditatem obtinet. pater enim iure antiquo liberis, nisi contracta fiducia, non succedebat. §. vlt. de leg. agn. tut. Quæ cum ita se habeant,

necesse est, eos qui contrariam sententiam tuen-  
 tur, fateri se nisi nouo Iustiniani iure adiuari  
 nō posse. hoc est, d. Nou. 118. vbi quia ius repræ-  
 sentationis in fratrum liberis permissum est, ic-  
 circo disputant, etiam ius diuisionis in stirpes  
 admissum esse. Sed videamus ne longè alia Iu-  
 stinianici iuris ratio fuerit: primū quia tum  
 demum diuisioni in stirpes locus est, cū ad  
 eos hereditas defertur, qui ē defuncti stirpe, id  
 est sobole ac progenie sunt. veluti cum aui he-  
 reditas ad eius nepotes aut pronepotes defer-  
 tur. §. cum filius. 6. de her. quæ ab int. Itaque, in  
 stirpes & Ex stirpibus succedere, idem sunt. l. 2.  
 C. de suis & leg. Quare cū fratris filij ex pa-  
 trui stirpe ac progenie non sint, absurdum est  
 hereditatem eius dici posse in stirpes diuidi.  
 neque in tota illa Nou. 118. aut Nou. 127. v. quam  
 reperietur, Iustinianum illa loquutionis abfur-  
 ditate abusum esse: & si quis vel Irnerius, vel Ir-  
 nerij similis, in concipiendo Auth. cessante, ab-  
 surditate illa est vsus, imperitè illum & incon-  
 cinnè (vt sæpe aliàs) loquutum esse contendo.  
 Secundum argumentum est, quia ius nouum à  
 Iustin. contra vetustissimi & perpetui iuris ra-  
 tionem certis in personis introductam earum  
 personarum finibus coercendum ac restringen-  
 dum est. quod non modò fieri disertè iubet, ve-  
 rùm etiam nominatim Privilegium appellat:  
 hoc est, personale beneficium, quod personas,  
 quarum proprium est, non egreditur. l. 1. D. de  
 cōst. Pr. Τὸ δὲ τοιαῦτον προνόμιον, inquit, ἐν ταύτῃ τῇ  
 τάξει τῇ συγγενείᾳ μόνοις παρέχοντι τοῖς τῆς ἀδελ-  
 φῶν



φῶν ἀρρένων ἢ θυλείων υἱοῖς, ἢ θυγατράσιν, ἵνα εἰς τὰ τῆς ἰδίων γονέων δίκαια ὑποεισελθῶσιν· οὐδενὶ δὲ ἄλλῳ παντελῶς προσώπῳ ἐν ταύτης τῆς τάξεως ἐρχομένῳ τῷ τὸ δίκαιον συγχωροῦμεν. id est, Huiusmodi autem privilegium in hoc cognationis ordine solis concedimus fratrum aut sororum filiis, aut filiabus, ut in parentum suorum iura succedant. nulli autem omnino alij persone per hunc ordinem venienti ius istud concedimus. Et paulo post, ὁ πότε τοίνυν τοῖς τῷ ἀδελφοῦ καὶ τοῖς ἀδελφῆς πασι τοιοῦτο προνόμιον δίδωμεν, ἵνα τὸν τῆς γονέων ὑπεισιόντες τόπον, μόνοι τῷ τοῦ ὄντες βαθμοῦ, μὴ τῆς ἐκ πρώτου καὶ δευτέρου βαθμοῦ πρὸς πλὴν κληρονομίαν καλοῦνται. Id est, Cum igitur fratris & sororis liberis istiusmodi privilegium dederimus, ut in parentum locum succedentes, soli quamvis tertio gradu sint, tamen cum iis qui primo ac secundo gradu sunt, ad hereditatem vocentur. Primum autem gradum dixit pro, Proximum, & quem nullus eo casu antecedit. Cum igitur perspicuum sit, Iustinianum non simpliciter, omnino, & indefinitè fratrum filiis beneficium illud concessisse, ut in successione patres suos repræsentent, & unà cum patruis in stirpes succedant, sed præcisè, restrictè, ac definitè, tum denum cum defuncti frater extat, qui cum iis cōcurrat: cavendum est ne fines nobis ab illo circumscriptos migremus. Constat enim novas constitutiones strictè accipiendas esse, ne suos terminos excedant: atque ubi de veteris iuris abrogatione non constat: ei standum esse. vulg. l. præcipimus, C. de

appell. vt multo consultius esse videatur, veteris iuris certam & exploratam auctoritatem sequi, quàm audaces coniecturas & interpretationes contra legislatoris verba & mentem comminisci. Tertium enim argumentum, quod Iustiniani mentem aperiet, est eiusmodi, quòd quæ ratio illum mouit, vt quam minimum ei adimeret qui totum habiturus iure antiquo fuerat, nimirum fratri superstite: ea ratio locum in istis patruelibus non habet, quibus idem illud ius antiquum hereditatem similiter in capita distribuebat. Quartum est, quia quæ benignitatis ratio eundem ad istud ius nouum instituendum adduxit: nimirum vt pars hereditatis aliqua miseris propinquis concederetur, qui antea nullam habebant: ea ratio locum in hac specie non habet. nam antiquo, immutabili, ac perpetuo iure prospectum illis fuerat, aditumque ad patrum hereditatem æquè vt aliis patebat. Quemadmodum autem vbi eadem ratio est, ibi ius idem statuendum est. l. ultim. C. ad leg. Falcid. ita vbi legis ratio locum non habet, eò lex producenda non est. l. ex facto, 43. D. de vulg. & pupil. l. in omni, 13. D. de adopt. Quintum est, quòd cum Imp. toties in illa Nouella profiteatur, se ius hereditatum velle ad naturalis æquitatis rationem reuocare: contra hoc locum, facere videretur, & subtilitatem potius ac fictionem sequi, quàm naturam imitari: quæ perspicuè suadet, vt hereditas inter eos qui pari gradu discrepant, pariter æquabilitérque distribuatur. l. 2. §. hereditas, D. de suis & legit. Sextum est, quòd

quòd veteris istius iuris ratione nulla posterius defuncti fratris liberis iniuria inferitur : propterea quòd æquè accidere potest, vt plures liberos relinquat , ac prius defunctus. vbi autem fortuiti casus par in vtrunque partem ratio est, neuter lèdi videtur. l. si pater, 12. C. de inoff. test. Eàmque sententiam video Harmenopulo probatam esse, lib. 5. tit. 8. & in German. comit. & Gallic. parlamenti approbatam. Tribus autem superioribus argumentis facillimum est vna responsione satisfacere. nam cum ex vna illa Nouella ducta sint, respondendum est, non si Iustinianus certis in casibus & personis agnatorum representationem permisit, iccirco in omnibus permisisse. quinimo ex contrario argumentari licebit, quoniam certis tantum ac definitis in personis id permisit, in cæteris omnib. veteris iuris prohibitionem reliquisse. arg. l. cum prator, 10. D. de iud. l. ex eo, 18. D. de test. idque ipse apertè ac dilucidè iis, quæ superius protulimus locis testatus est. Quantum igitur ad primum argumentum, fratris quidem filium patruo ad alterius patris hereditatem prætulit, quamvis pari gradu sit : quoniam proclivius atque facilius illivisum est, hereditatem descendere, quàm ascendere. Quantum ad secundum, similiter specialis lex fuit, vt post fratris liberos in capita succederetur : non vsquequaq; & indefinitè, sed tum demum cum vna cum patris cõcurrerent. Quantum ad tertium, diximus hoc privilegium, personalèque beneficium esse, ac nominatim ad eum vnum

casum pertinere, quo frater defuncti qui secundo gradu est, cum alterius defuncti fratris liberis, qui tertio gradu sunt, contendit. nostram autem quæstionem ad eum casum pertinere, quo patruales inter se contendunt: qui omnes pari gradu sunt, totidémque gradibus à defuncto disiuncti sunt. Quare cum Iustinianus certis tantum in personis à iure communi recesserit, quibus in casibus non recessit, ius commune retinendum esse. l. quod. contra, 141. D. de regul. iur. l. si ita scriptum, 16. D. de manum. test. quantum autem ad quartum, primùm iam antè dictum est, Agnatorum hereditates nunquam in stirpes diuidi: deinde si maximè diuiderentur, tamen negandum est absurdum esse, vnius eiusdémque hominis hereditatem variè pro casuum & personarum varietate diuidi: hoc est modò in stirpes; modò in capita. Nam etiam antiquo & perpetuo iure cuius hominis hereditas, si ex duobus filiis nepotes succedebant, in stirpes diuidebatur eiusdem hereditas, si fratrum filij, & (vt vulgus loquitur) ex fratrib. nepotes succedebant, in capita diuidebatur. l. 1. D. de suis & legi. l. Papin. 8. §. quoniam, D. de inoffic. testamen. Sed bene habet. Cum hæc superioribus annis scripsissemus, ac sæpe disputassemus, ecce nobis Fragmenta ex lib. Instit. Caij, singulari P. Pithæi cruditissimi viri beneficio in lucem prodierunt: in quibus titul. 16. caput hoc extat, quo disputatio illa nostra planissimè confirmatur. Quòd si defuncti nullus frater extet, sed sint liberi fratrum, ad omnes quidem her



hereditas pertinet. sed quæsitum est, si dispari numero sint, fortè nati ex vno, vnus vel duo, & ex altero, tres aut quatuor, vtrum in stirpes diuidenda sit hereditas, sicut inter suos heredes iuris est, an potius in capita. Iamdudum autem placuit, in capita diuidendam hereditatem. Itaque quotquot erunt ab vtraque parte personæ, in tot portiones fuerunt. vbi fortasse legendum est, Tot portiones erunt. Quinetiam paulo pòst caput hoc ex Paulo Iurisc. subiungitur, Si duorum fratrum sint liberi, non in stirpes, sed in capita hereditas distribuitur: scilicet vt pro numero singulorum virium distribuatur hereditas. vbi non dubito, quin restituendum sit **MARIUM**, vt scæminas excludat: quemadmodum capite insequenti ostenditur.

## QVÆSTIO XV.

*An alterius generis numos, quàm cuius crediti sunt, vel exigere, vel solvere liceat.*

**A**D huius quæstionis explicationem primùm illa regula pro præmunitione adhibenda est, Regulariter neque creditorem aliud pro alio accipere, neque debitorem soluere compelli. l. 3. §. 1. D. si cert. per. l. cum à quo, 16. & l. seq. C. de solut. l. sed addes, 19. §. si dominus, D. loc. Tum illa, In obligatione numorū neq; qualitatis, neq; numeri, sed solius potestatis rationem duci. Qualitas autem primùm in materia, deinde in forma publica consistit. Potestatem

autem appellamus, pretium, siue, vt dici vulgo solet, valorem ei iure publico attributum: sicuti cum aureæ, vel argenteæ, vel æreæ, vel etiam ferreæ, atque adeò coriaceæ laminæ certa potestas publica auctoritate attribuitur. Quanquam Quantitatis nomine plerunque Iurisconsulti videntur, velut in l. si is cui, 94. D. de solut. l. quæ extrinsecus, 65. D. de verb. oblig. l. 1. D. de contr. empt. Atq; vt paulo copiosius de re ad cognoscendum præclara disseramus, intelligendum est Numos, non ex materia, sed ex hominum instituto, & publica lege æstimari: ac propterea non modò ex auro & argento, verumetiam ex plumbo, atque adeò ex corio cudi interdum solere. Cæsar lib. 5. Vtuntur autem ære, aut laminis ferreis ad certum pondus examinatis pro numo. Sic enim locum illum emendauimus. Seneca lib. de benef. 5. c. 14. Æs alienum, inquit, habere dicitur, & qui aureos debet, & qui corium forma publica percussum: quale apud Lacedæmonios fuit: quod vsum numeratæ pecuniæ præstat. In quam sententiam extat historia Pandolphi Collenucij & Antonini Florentini Chron. an. 1240. Nam cum imp. Fridericus II. propter exhaustam diuturnitate Italici belli pecuniam, coriaceam monetam cudi iussit, pretium ei, siue, vt vulgò loquimur, valorem aurei Augustalis imposuit: statuítque vt eo pretio ab omnibus in emendo vendendóque sumeretur: simulque per præconem edici imperauit, bello finito qui hanc monetam ad Cameram Imperialem referret, aureum Augustalem recepturum

rum. quod cum ab ipso bona fide præstitum  
 fuisset, documentum, inquit Pandolphus, aper-  
 tissimum præbuit, valorem & pretium monetæ,  
 non materia, sed hominum instituto & conven-  
 tione æstimari. quod idem in Addit. ad Chron.  
 Abb. Vrsperg. relatum est. & apud Naucl. Ge-  
 nerat. 42. Quinetiam Helmodus Chron. cap. 395.  
 Apud Danos, inquit, non habetur moneta, nec  
 est in comparandis rebus consuetudo numo-  
 rum: sed quicquid in foro mercari volueris, pan-  
 no lineo comparabis. Perspicuum est igitur,  
 Numi eandem quam Chiographi rationem  
 esse: non enim chiographum ex materia, id est,  
 tabulis, cera, membranave, sed ex iure & pote-  
 state æstimatur: ut cum pignori chiographum  
 traditur in l. si conuenerit, 58. De pign. act. aut  
 cum debitori redditur: l. 2. D. de pact. aut mortis  
 causa donatur. l. mortis causa, 18. §. Titia, de  
 mort. caus. don. aut cum debitori legatur: l. 3. §.  
 i. de lib. leg. l. qui chiographum, 9. De legat. 3. l.  
 seruum, 44. §. eum qui, de legat. 1. Atque ob eam  
 causam argutissime disputatum est à Juriscon-  
 sultis, in pecunia non corpus, sed potestatem  
 spectari: quinetiam numos non inter res cor-  
 porales, sed inter incorporales numerari. l.  
 quisquis, 95. de leg. 3. l. planè, 34. §. 2. D. de leg. 1. l.  
 si is cui, 94. D. de solu. l. Lucius, 24. D. de pos. l.  
 sed & si 10. D. de acceptil. l. si pœnæ, 19. §. si falso,  
 l. qui heredis, 46. D. de cond. indeb. l. ult. D. de  
 adimend. leg. l. 5. de impens. l. si heres, 68. ad  
 Treb. quemadmodum in tessera frumentaria  
 dicimus, non corpus, sed quantitatem spectari.

l. Titia, 87. de leg. 2. Non enim ob corpus, aut pondus, aut imaginem insculptam numus repertus est: sed electa materia est, inquit Paulus, cuius publica æstimatio difficultatibus permutationum æqualitate quantitatis subueniret. l. prima, D. de contrahend. empt. quibus verbis *ισοδυναμίαν* Vlpian. significat, quam pariationem fortasse non incommode dicere possemus. Nunc ut ad institutum reuertamur, & superioris nostræ præmunitionis vsum aliquem ostendamus, primum insignis doctrina extat in l. quæ extrinsecus, 65. D. de verb. oblig. vbi nihil obesse stipulationi dicitur, si in appellatione rei varietur: veluti, inquit, si stipulanti denarios (erant autem argentei) tu eiusdem quantitatis aureos spondeas, obligaris. Quibus ex verbis intelligitur, cum dicimus, Aureum, vel vigintiquinque denarios, vel centum sestertios quanti videlicet Aureum fuisse constat) non plures res, & alias atque alias numerari: sed vnam eandemque rem: nimirum valorem siue potestatem pluribus nominibus appellari. ac proinde cum quis aureum debet, non præcisè corpus eiusmodi aliquod debere, sed potius ipsius valorem: & si quis pro aureo vel xxv. denarios, vel c. sestertios reddat, non aliud pro alio, sed eandem rem reddere. Itaque Imp. in l. vn. C. de coll. ær. & l. vn. C. de arg. pret. qu. thes. statuit, ut in publicis collationibus liceat, pro xx. æris libris, vnum auri solidum: pro singulis argenti, quinos æreos inferre. In eamque sententiam Liuius lib. 38. Pro argento, inquit, si aurum



rum dare mallent, darent, conuenit: dum pro argentejs decem, aureus vnus valeret. Denique pecuniæ in solutionibus permutatæ passim exempla videmus: isque Collybus dicebatur. vt in Ora. pro Quintio, vbi P. Scapula C. Quintio pecuniam crediderat, numis scilicet Gallicis: quam Quintius Romæ & Romanis numis curare debebat. Cùm autem de eo collybo satis inter ipsos conuenire non posset, sumptus C. Aquilius eius controuersia arbiter fuerat, qui Quæstores vrb. talium permutationum peritos in consilium adhibuit. Hoc eò per te agebatur (inquit Cicero, Aquilium alloquens) quòd propter ærariam rationem non satis erat in tabulis inspexisse, quantum deberetur, nisi à Quæstoribus quæsissem, quantum solueretur. Decidis statuisq; tu propter necessitudinem quæ tibi cum Scapulis est, quid iis ad denarium (id est, romana pecunia) solueretur. Similiter Paulus in l. creditorem, 99, D. de solut. Creditorem (sic enim legendum esse cùm ex vulgatis libris, tùm ex re ipsa intelligitur) non esse cogendum in aliam formam numos accipere, si ex ea re damnum aliquod passurus sit. Ex quo ratiocinari licet, si vbi creditor damnum non patitur, nulla planè formæ ratio habetur: primùm obligationem pecuniæ non in forma signi publici consistere, sed potius in valore ac potestate. Deinde figuram illam, non esse verè ac propriè formam numi essentialem, quæ (vt vulgò loquimur) dat esse rei, & per quam numus est, id quod est: sed formam numi esse auctoritatem publicam, id est

valorem & potestatem ei publica lege imposi-  
tam: quia numus non natura, sed lege censetur:  
vt Arist. Ethic. v. scribit, *καὶ διὰ τοῦτο τοῦτομα ἔχει νόμισμα, ὅτι οὐ φύσει, ἀλλὰ καὶ νόμῳ ἔστι καὶ ἐφ' ἡμῶν μεταβάλλειν καὶ ποιῆσαι ἀχρηστον*. Hinc illud Senecæ de benef. 6. Cùm dicimus beneficium illi reddi, non hoc dicimus, illud nos quod accepimus reddidisse: sed aliud pro alio reddere. Est enim rem pro re dare. quidni? cùm omnis solutio non idem reddat, sed tantundem. nam & pecuniam dicimur reddidisse quamuis numerauimus pro argento aureos. Constat igitur, cùm is qui c. n. s pro aureo reddit, non aliud pro alio, sed aureum ipsum reddere intelligatur: licere debitori, vel argenteos pro aureis, vel aureos pro argenteis soluere: dummodò nihil creditoris intersit. Interesse autem non ex affectione, sed ex rei familiaris detrimento æstimari. l. 3. D. de dam. infect. quanquam in minutulis numis soluendis Parisiensi Arresto non assentior, quo Pet. Rebuffus testatur decretum fuisse, vt pro numis aureis liceat etiam duplos (vt ipse loquitur) & liardos soluere. quasi verò non interdum plurimi, vel ad gestationem, vel ad alia commoda intersit. l. 4. §. melior, D. de in diem addic. Verùm hæc quidem ita se habent. Nunc alia quæstio exoritur: Numorum potestate mutata, vtrum eadem species quæ credita est, an verò æstimatio debeatur. Ego distinctionem adhibendam arbitror: vtrum in ipsa numorum qualitate aut numero, an verò in potestate & valore mutatio contigerit, Qualitatem intelli-  
gim

gimus in muteria, vt suprà diximus: veluti si Scutati qui olim in Gallia obryzati cudebantur, postea minus puro ex auro percutiantur: vel Capitati ( quos Testones vulgò appellant ) qui argentei olim erant postea mixto ex argento feriantur. Potestatis autem mutationem intelligimus, veluti quæ frequentissimè in Gallia contingit: vt cùm aureus scutatus qui superioribus annis erat tantùm assiculorum l. nunc pro l. x. impenditur. De quantitate & pondere similiter Plin. lib. 33. cap. 3. testatur, asses primùm librales fuisse, post sextantarios: tum deinde vnciales, postremò semunciales. Et de potestate Volusius Matianus scribit, Sestertium cùm ab initio duorum assium & semis esset, vnde nomen reperit: pòst ad quatuor asses excreuisse. Item Denarium cùm initio x. assium esset, pòst ad xvi. adauctum esse. Neque obstat quod scribitur in l. 3. D. de eo quod cert. loc. l. 1. D. de contr. empt. l. 3. D. de in lit. iur. vnā eandem ac perpetuam numorum potestatem vbique fuisse. Id enim intelligendum est de ea potestate, quæ lege lata imposita, deinceps post legem latam vbique seruabatur. neque olim nisi rarissimè, ac ne singulis quidem seculis mutabatur. Ergo quantum ad qualitatis, aut quantitatis mutationem attinet, hoc iuris esse arbitror, vt qui aureum non obryzatum pro obryzato reddit ( si modò ille publica lege probatus sit ) non aliud pro alio reddidisse videatur: cōtra l. 2. D. si cert. pet. sed planè eundem pro eodem: quoniam ( vt suprà probatum est in numis non qualitatis, sed

folius potestatis ac valoris ratio ducitur. Tanti enim iam est non obryzatus, publica lege probatus, quanti olim obryzatus fuit tantum denique mercis pro vulgari dabitur, quantum olim pro obryzato dabatur. eiusque rei argumentum extat apud Plin. lib. 33. cap. 3. ubi scribit, Bello Punico 1. cum impensis Resp. non suffic. libræ pondus æris imminutum, constitutumque ut asses sextario pondere ferirentur. Ita quinque partes (inquit) factæ lucri: dissolutumque æs alienum. Quinetiam C. Manlius apud Sallust. in Catil. Sæpe, inquit, maiores vestri miserti plebis R. decretis suis inopiæ eius opitulati sunt. ac nouissimè, memoria nostra, propter magnitudinem æris alieni volentibus omnibus bonis, argentum ære solutum est. Quantum autem ad potestatis mutationem, aliud esse iuris existimarem: quoniam, ut superius docuimus, qui olim aureum credebatur, aut debebat, non tam specie ipsam numi, quàm valorem, id est centum festerrios, credere, vel debere intelligebatur: l. quæ extrinsecus, 65. de verb. obl. ac proinde siue pretium decreuerit, debitorem tot aureos duntaxat reddentem quot acceperat, minus quàm acceperat reddere intelligi: siue pretium creuerit, petitem tot aureos petentem, quot crediderat, plus quàm crediderit, petere. Eiusque reciprocationis argumentum est primum par eademque contrariorum potestas. l. si ex toto, 8. de leg. 1. deinde peruulgata iuris Regula, Secundum naturam esse, commoda cuiusque rei eum sequi quem sequuntur incommoda. Æquè autem



autem accretionis commodum, vt decretionis incommodum, & ad debitorem & ad creditorem pertinere, argumento est obligatio frugum, vini, olei, frumenti: de qua in l. vinum, 22. D. si cert. pet. l. ult. D. de cond. trit. l. quoties, 59. D. de verb. obl. Vbi autem fortuiti euentus neutram in partem ratio ducitur, neuter lædi videtur. l. si pater, 12. C. de inoff. l. de fideicommissio, 11. C. de transf. tertium argumentum ex l. 2. C. de vet. num. pot. vbi imp. statuit, vt pro imminutione quæ in æstimatione solidi fortè tractatur, omnium quoque specierum pretia decrecant. Qua in lege nomen specierum non de rebus cuiusvis generis, sed potius de speciebus monetæ & pecuniæ accipiendum arbitror: vt vnà cum aureo gradatim omnes reliquæ monetæ pro rata cuiusque portione decrecant. Verùm hæc quidem ita se habent, vbi mora per debitorem aut creditorem commissæ nulla est. nam vbi mora interuenit, omnis utilitas restituenda est. l. si sterilis, 21. §. 3. D. de act. empt. vel si dies in creditoris fauorem adiecta sit, l. si ita relictum, 43. §. Pegasus, l. cum pater, 77. §. creatoris. de leg. 2. l. eum qui, 16. D. de ann. legat. l. 3. §. cum Pollidius, D. de vsur.

## QVÆSTIO XVI.

*In lite frugum debitarum per Iudicem æstimanda, quæ ratio tenenda sit: id est, cuius temporis aut loci pretium spectari oporteat.*

SVperiori quæstioni finitima hæc est: ad cuius explicationem sex regulæ iuris adhibendæ sunt, quarum hæc prima est, Frugum pretia pro temporum & locorum varietate plerunque variari. l. 3. D. de eo quod cert. loc. l. pretia, 65. §. ult. D. ad leg. Falcid. Altera est huiusmodi, Neque creditor aliud pro alio accipere, neque debitor soluere cogitur, nisi inter ipsos conuenierit: veluti pecuniam pro frumento, vel vino, vel oleo. l. 2. D. de re. cred. l. sed addes, 19. §. si dominus, D. loc. aliud enim pretium est, aliud merx. l. si ita, 42. D. de fideiuss. l. eo quod, 10. C. si cert. pet. l. eum à quo. 16. & l. seq. C. de solut. nisi officio Iudicis iusta & probabilis causa videatur. l. si domus, 72. §. qui confitetur, de leg. 1. l. possessionum, C. comm. vtr. iud. l. non dubium, 14. in fin. de leg. 3. l. cum alienam, C. eod. Tertia est huiusmodi, vbi mora commissa non est, & res constituto loco petitur, qui fruges debet, si qualitas adiecta non sit, quaslibet dando, id est etiam vilissimas, liberatur. l. si is qui, 50. §. 1. l. qui fideiussorem, 52. D. mandat. l. 4. D. de tritic. vin. ol. Quarta hæc est, Vbi mora per debitorem commissa est, tum omnem frugum utilitatem præstari: ac propterea quanti plurimi fruges si-

ue

ue contractus siue iudicij tempore fuerint, æsti-  
 mari. l. 3. §. vlt. & l. si sterilis, 21. §. 3. D. de act. empt.  
 Quinta hæc est, Vbi mora nulla est, frugum de-  
 bitarum æstimatio si pura obligatio est, in stri-  
 ctis iudiciis ex tempore litis contestatæ; in aliis,  
 ex rei iudicatæ tempore spectatur. l. vinum, 22.  
 D. de reb. cred. l. vltim. D. de cond. tritic. l. 3. §. in  
 hac, D. commod. Cuius differentia hæc ratio  
 est, quòd in illis Iudex ad certam quantitatem  
 in iudicium deductam astrictus est: in his verò,  
 liberam ex bono & equo æstimandi potestatem  
 habet. l. 2. §. nunc, de officio, & l. vlt. D. de eo  
 quod cer. loc. qua de causa plus petitionis pe-  
 riculum in iis versatur. l. 1. D. de interrog. in iur.  
 Neque huc pertinet l. pen. D. de cond. trit. non  
 enim de frugibus, quarum æstimatio pro tem-  
 porum & locorum varietate mutatur sed de spe-  
 cie, id est de homine mortuo ibi quæritur. Se-  
 quitur v. 1. Frugum debitarum æstimatio, si dies  
 adiecta est, ex eius diei ratione ineunda est. ex  
 d. l. vlt. & l. quoties, 59. D. de ver. obl. cuius obs-  
 cura illa clausula videtur. Alioqui aliàs rei cap-  
 tio erit. Nam vt si pluris fruges sint, promissor  
 grauabitur: sic si minoris stipulator. Quare vi-  
 dendum est, ecquid potius ita legendum sit, A-  
 LIOQVIN ALIUS REI PACTIO ERIT. quando-  
 quidem ALIUS genituum nostri quoque vsur-  
 pant. l. cum manu. 80. D. de contr. empt. Ergo  
 si eius temporis æstimationem sequeremur, quo  
 res petitur, & non eius quo dari debuit alterius  
 rei pactio, alterius petitio vel solutio esset. nam  
 triticum, quod nunc vel pluris vel minoris est,

quàm cum dari debuit, peteretur aut solueretur. In contrahendo autem quod agitur pro cauto habendum est. l. 3. D. de reb. cred. semperque in stipulationibus id sequimur quod actum est. l. semper, 34. de reg. iur. Neque obstat l. cum quis, 22. D. de obl. & act. ubi cum quis in diem mercem stipulatus fideiussores accepit, eius temporis æstimatio spectanda est, quo satis acceperit. nam fideiussor acceptus ibi fuerat, cum dies obligationis venisset: & debitor appellatus satis eo modo fecerat. ut in l. si rem, 9. §. omnis, D. de pig. act. Restat ultima, Frugum æstimatio, si locus solutioni definitus est, ex eius loci foro incunda est. d. l. vinum, & l. ult. D. de rit. act. l. 3. §. ult. D. de act. empr. l. idem erit, 60. D. de verb. obl. nam contraxisse quisque eo loco intelligitur, in quo ut solueret, se obligauit. l. contraxisse, 31. D. de obl. & act. l. 3. D. de reb. auct. iud. poss. neque alibi res iudicatur, quàm quo contestata lis est. l. vbi, 30. D. de iudic.

---

## QVÆSTIO XVII.

*An quæ à falso magistratu per magistratus nomen gesta sunt, rata esse debeant.*

**V**etus quæstio est, An quæ à falso magistratu per magistratus nomen gesta sunt, rata esse debeant. cuius quæstionis argumentum in signe extat in l. Barbarius, 3. D. de off. præ. Barbarius, inquit Suidas, seruus fugitiuus cum esset, Romæ se pro libero gessit: ubi cum in Antonij Triumviri gratiam atque amicitiam sese insinuasset, tand



tandem eius favore atque auctoritate produ-  
 ctus, Præturam petiit : Prætorque renuntiatus  
 est. Re patefacta, magna quæstio exorta est: V-  
 trum ea quæ Barbarius in fungendo Prætura  
 munere gesserat rata esse oportet, an verò qua-  
 si à non Prætorè gesta, pro nihilo habenda es-  
 sent? Ea quæstio tractatur in d. l. 3. sed ita per-  
 plexè ac spinosè, vt facilè appareat, Vlpiani dis-  
 putationem non modò in vulgatis, verum et-  
 tiam in Florentinis, & Holoandrinis codicibus  
 non vno loco mendosam esse. danda igitur no-  
 ua nobis opera est, vt eam tandem aliquando  
 ab illis mendis vindicemus. Cuius rei faculta-  
 tem nobis hinc maximam oblatam arbitramur,  
 quod cùm Vlpianus actis Barbarij auctorigi-  
 tem tribuat, perspicuè intelligitur, Pōponium  
 in contraria sententia fuisse. Sic igitur scriben-  
 dum arbitror: SED EI SERVITVTÈM OBSTITISSE  
 POMPONIVS AIT: QVASI PRÆTOR NON FVE-  
 RIT. sublata voce NIHIL. sicut in l. in bello, 12.  
 D. de capt. Nam Pomponius, ius commune se-  
 cutus, negabat eum Prætorem fuisse, hoc argu-  
 mento: quia serui ciuiliū omnium officiorum  
 ac munerum expertes sunt. l. in his officiis, 175.  
 & l. vlt. D. de reg. iur. l. cùm Prætor, 12. D. de iu-  
 di. l. 7. D. de fals. itaque status seruorum arreptis  
 mendacio dignitatibus non immutatur. l. non  
 mutant, 11. l. non iccirco, 38. C. de liber. caus. l. 2.  
 C. si seru. aut libert. ad decur. l. assumptio, 6. D.  
 ad muncip. nam honores non mendacio & frau-  
 de, sed legitimis modis capiuntur. l. Herennius,  
 10. D. de Decurion. deniq; moris fuit, vt si quis

contra quàm legibus licebat, magistratum adeptus esset, tum lex ad populum ferretur, ne ea res illi fraudi esset. *Liuius lib. 30.* Latum ad populum est, ne *C. Seruilio* fraudi esset, quòd patre qui sella curuli sedisset, viuo, cum id ignoraret, *Tribunus pl.* atque *F. dilis pl.* fuisset, contra quàm legibus sancitum fuerat. Quin etiam si quid vitij in clarissimorum virorum designationibus accidisset, magistratu se abdicare cogebantur: & quod vitiosè gestum fuerat, redintegrato auspicio corrigebatur: vt cum ex innumeris *Liuij* locis intelligitur, tum ex illo nobili *Ti. Gracchi* consulatu, de quo est apud *Tullium* de nat. deor. 1. & de diuin. 2. *Liuius lib. 4.* Non tamen pro firmato stetit magistratus eius ius, quia tertio mense quàm inierunt, Augurum decreto, perinde ac vitio creati, honore abiere: quòd *C. Curiatius*, qui comitiis eorum præfuerat, parùm rectè tabernaculum cepisset. Quin & vitiosi magistratus illi dicebantur. *Cicero Philipp. 1.* Quandiu tu voles, vitiosus Consul *Dolabella*. rursus cum voles, saluis auspiciis creatus. Ac mira de auspicionum vitiis *Plutarch.* in *Marcelli* vita commemorat. Summa igitur *Pomponianæ* disputationis hæc fuit, quamuis *Barbarius* Prætor populi comitiis designatus fuerit, tamen ei seruitutem obstitisse, quominus verè ac iure Prætor esset. Quam disputationem *Vlpianus* sic excipit. At quin verum est, Prætura eum functum: quem versum *Pomponio* tribuere, perquàm absurdum est. nam vocem, Atqui, in aduersando & contradicendo usurpari, nemo

mo ignorat. Sententia igitur hæc est, Vt Barbarius reuera Prætor non fuerit, attamen prætura functus est: & in Prætoria dignitate fuit. Subtiliter nimirum Vlpianus ita disputat, quasi aliud sit Prætorem esse, aliud Prætura fungi. sicuti aliud est Proconsulem esse, aliud Proconsulatum obtinere. l. 1. D. de tutor. dat. ab his. aliud, esse in libertate, aliud esse liberum. l. quod autem, 10. cum sequent. D. de lib. caus. l. 23. D. de noxal. act. l. 2. C. de postlim. reuers. vt alio loco Spartacus in libertate fuisse dicitur, cum tamen liber non esset. l. 3. §. si seruus, D. de acq. poss. & apud Quintil. declamat. 340. & 342. item aliud seruum esse, aliud in seruitute. l. ei quoque, 11. D. ex quib. caus. maior. vt addicti in seruitute esse dicuntur, cum tamen liberi permaneant: vt est apud Quintil. lib. 7. cap. 3. & 9. cap. 5. sic proprietarij seruus apud fructuarium seruire, & in seruitute esse dicitur, cum tamen eius seruus non sit. l. is qui 18. D. de nox. act. l. vxori. 24. D. de vsuf. le. l. si postulauerit, 24. §. de eo. D. de adult. Sic aliud est Possidere, aliud esse in possessione. l. si quis ante. 10. D. de acq. poss. aliud tutorem esse, aliud tutela fungi. l. si quis putans, C. de petit. hered. contraque versa ratione disputatur, eum qui furore correptus est, Prætorem manere fungi prætura non posse. l. nec mandante, 8. §. 1. D. de tut. & curat. l. qui facere, 20. D. de iudic. quam cum hac nostra coniungendâ esse, vtriusque inscriptio declarat. Sic apud M. Tullium dicitur, aliud esse Quæstura, aliud Quæstoria præcuratio: Verrin. 3. C. malleolo Quæstore Cn.

Dolabellæ occiso, duas sibi hereditates venisse arbitratus est, vnam Quæstorix procurationis (nam à Dolabella statim pro quæstore iussus est esse) alteram tutelæ. Et multo post: Illarum rationum ex ea fece legationis, quæstorixque tuæ procurationis illa sunt nomina, quæ Dolabellæ necessario sunt æstimata. Ac pari modo videmus, seruum pro libero ac ciue communi hominum opinione habitum & Decurionatu & Ædilitate functum esse, neque tamen aut Decurionem, aut Ædilem fuisse, sed in seruitutem & domini potestatem redactum. l. 2. C. si serui aut liberti decurion. item seruum publicè pro libero habitum arbitrum à Prætore datum, arbitrio quidem functum esse, re tamen vera neque arbitrum, neque iudicem esse potuisse. l. 2. C. de sentent. & interloc. item alio loco testamentum obsignasse, cuiusque Romani munere functum esse, neque tamen iccirco ciuem aut liberum fuisse. l. 1. C. de testam. Quinetiam disputari non inelegàter aduersus Pomponij sententiam posset, Barbarium Prætorem dici potuisse, sed nominis causâ duntaxat, atque (vt Dialectici loquuntur) ὁμωνύμως. sicuti tutor falsus, & falsum testamentum, & modius iniquus, & Hercules pictus, per homonymiam dicitur. l. Paulus, 221. D. de verb. sign. l. 2. D. test. quemad. aper. Sic falsum Consulatum M. Perpernæ Valerius appellat lib. 3. cap. 4. quia cùm peregrinus esset, Consul prius, quàm ciuis fuerat: vt idem loquitur. Sic L. Florus Pseudophilippum imaginarium & scenicum Regem appellat lib. 2. c.



14. quod idem & de Pseudalexandro & de Pseudoperfa, dici potuit. Sed hoc toto de genere reperio insignem locum apud Varronē lib. L. L. V. Quod si Prætor imprudens, inquit, illud verbum emisit, aut quem manumisit, ille nihilominus est liber, sed vitio. ut magistratus vitio creatus, nihilo serius magistratus. His ita constitutis, & posita receptaque Vlpiani sententia, quod scilicet Barbarius Prætor quidem non fuerit. prætura tamen functus sit. Deinceps verba ipsius audiamus. ET TAMEN, inquit, VIDEAMUS quo loco sustinenda vox est: & interpunctio adhibenda: hoc sensu: Magna quidem est Pomponij auctoritas, ut Barbarium prætorē non fuisse concedamus, sed tamen, quæ vis illius opinionis sit, quæque ex ea consequantur, consideremus. Tum disputationem sic exorditur: Si quandiu servus latuit, dignitate prætoris functus non sit, quid dicemus? Id est, Si Pomponij sententiam admittamus, & negemus Barbarium quandiu servus non est cognitus (nam Græco more Latuit dixit, pro ἐλαθε) Prætoris dignitate functum esse, (nam particula In mendosè in solis Florentinis interiecta est, & locus per negationem legendus) quid dicemus? Vbi subaudiendum illud est, An etiam incommodum illud quod ex illa opinione consequitur, admittemus, ut ea quæ edixit, quæ decrevit, quæ toto imperij sui anno statuit, nullius momenti fuerint? at ista ratione futurum est, ut fortunæ ac facultates omnium civium, quibus anno suo ius reddidit, conturbentur. nam si magistratus non

fuit, ius non fecit. ius enim nisi qui in magistratu est, non facit. l. 2. §. post originem, D. de orig. iur. Ab iis, inquit, qui iuri dicundo præsumt, iuris effectus accipitur. Nonquid igitur satius ac Reip. utilius est dicere, firma esse acta illius oportere, propter utilitatem eorū, qui apud eum vel lege, vel quo alio iure egerunt? Et verum puto (inquit) nihil eorum reprobari: hoc enim humanius est. Sed quo iure? dicet aliquis, nempe eo, quod contra iuris stricti regulas ad Reip. utilitatem accommodatum singulāre appellatur. l. ius singulare. 16. D. de legib. & senat. l. iusto errore, 44. D. de vsurpat. Barbarij ergo statum & conditionem ab eiusdem actis separemus. nam quod ad ipsius personam attinet, certum est, eum servum mansisse, quamvis in libertate fuerit. Quantum ad acta, propter utilitatem eorum quibus ius dixit, ne tam multorum civium fortunæ turbentur, præstabilius est ea conservari. nam pari modo videmus avunculi matrimonium, quod ipso iure incestum est, tamen propter liberorum statum à principe confirmari. l. qui in provincia, 57. §. 1. D. de rit. nu. item sententiam ab eo dictam, qui cū servus esset, publicè tamen pro libero habebatur, & pro libero arbiter à Prætore datus fuerat, ratam haberi. l. 2. C. de sent. & interloc. & testamentum à simili veteratore obsignatum rectè obsignatum dici. l. 1. C. de testam. Pari etiam modo videmus acta Cæsaris, qui tyrannide Rempub. oppresserat, sibi que perpetuum in libera civitate dominatum asciuerat, tamen otij & tranquill

quid sitatis causa probari. nam Philipp. 1. Cicero sic loquitur: Primum igitur acta Caesaris seruanda censeo. non quod probeat, quod enim id quidem potest? sed quia rationem habendam maximè arbitror pacis & otij. Verum huic disputationi oppositi video 1. nulla, 19. D. qui & à quib. ubi nulla dicitur esse libertas ab eo data, quem postea seruum fuisse apparuit, item l. non iecirco, 44. §. 1. D. de iudic. ubi absoluendus dicitur esse debitor, quem procurator eius quem postea seruum fuisse apparuit, iudicio persequeretur. item d. 1. 1. C. de testam. vnde ducto ex contrariis argumentis concludi potest, obsignatum à seruo testamentum pro nullo haberi. Simulque hanc solutionem afferri, quod seruus per se solus auctoritate sua tanquam liber fecit, non tenere: quod populi auctoritate munitus fecit, tenere: sicuti iudicium infantis auctoritate tutoris suppletur: l. quānis, 32. infans, D. de acq. poss. Sed videamus, ne diuersa ratio sit. nam tutor legitimam auctoritatis praestanda personam gerit: seruus neque manumittendi, neque litigandi procuratorisve dandi, neque testamenti obsignandi, personam idoneam habet. l. 7. D. de fals. Planius igitur accertius dicemus, conditionem seruo inpositam ab ipsius naturali conditione distinguendam esse: & quā veram ipsius conditionem spectamus, nihil ab eo gestum valere: quatenus inpositam & vel vulgi vel Principis errore attributam, valere. Cuius rei perspicuum & populare exemplum suppeditat receptū in ecclesia post

varias veterum contentiones hoc dogma: Ne  
 sanctum baptisma iteretur. lib. C. 1. ubi baptis-  
 mus ab episcopis hæreticis collatus valere di-  
 citur, nõ quâ persona illorum per se spectatur,  
 sed quâ dignitas & publicum munus, quod vul-  
 gi aut Principis errore illis iniunctum fuerat.  
 Sequitur legis clausula: CVM ETIAM potuit po-  
 pulus R. seruo decernere hanc potestatem. Vbi  
 non dubito, quin legendum sit, NVM ETIAM.  
 primum, quia continuo post Vlpianus id ne-  
 gat, quod isto modo disertè affirmaret. deinde  
 quia dictu absurdum est, tantam *ἀνισοπράειαν* &  
 Romanæ antiquitatis ignorantiam vel in Pom-  
 ponium, vel in Vlpianum cadere potuisse: vt il-  
 lud omittā, quod Vlpianus dixisset potius CVM  
 POTVERIT: quàm CVM POTUIT. Neque tamen  
 sum nescius, suffragia populi, legis vim obtine-  
 re. quod etiam Livijs lib. 7. demonstrat. Aiebat  
 (inquit) in XII. tab. legem esse, vt quodcunque  
 postremum populus iussisset, id ius ratumque  
 esset. Iussum populi & suffragia esse. Itaque cum  
 P. Cornelius Scipio, cui post Africano cogno-  
 men fuit, Ædilitatem peteret, Tribuni autem  
 plebis obsisterent, negantes rationem eius ha-  
 bendam esse, quod nondum ad petendum legi-  
 tima ætas esset, Si me, inquit, omnes Quirites  
 Ædilem facere volunt, satis annorum habeo.  
 cuius rei auctor est idem Livijs lib. xxxv. Quod  
 cum ita sit, cui seruo populi suffragiis & quasi  
 lege magistratus mandatus est, ei quoque ipso  
 iure, & quodammodo tacitè concessa libertas  
 intelligitur. quia concessio aliquo, ea sine quib.  
 const



constare illud non potest, concessa intelliguntur. l. 2. D. de iurisd. qua de causa servus à domino sciente tutor liberis testamento datus & libertatem & tutelam obtinet. l. quæro, 32. D. de test. tut. Sed respondendum est ex Vlpiani sententia, hoc pacto: Populus R. non potuit Barbario magistratum mandare. nam si servum ignorabat, nulla ignorantis voluntas est. l. si per errorem, 15. D. de iurisd. itaq; dominus, qui Stichum, quem servum esse ignorabat, tutorem liberis suis reliquit, nihil egisse intelligitur. Stichus enim neque tutor, neque liber est. l. si quis, 22. D. de test. tut. l. generaliter, 24. §. si quis, D. de fideic. lib. Sin autem populus R. servum esse Barbarium sciisset, eum à domino emptum liberum ac ciuem effecisset. SED SI SCISSET SERVVM ESSE, LIBERVVM EFFECISSET: Sic enim rectè in vulgatis legitur: cum in Florent. mendo-  
sè scriptum sit, SED ET SI. ac tantum abest, ut huic sententiæ aduersetur. d. l. quæro, de test. tut. ut eam aperte confirmet. prius enim quam tutela servo mandetur, ab herede manumissus dicitur. neque quicquam servis cum populi R. comitiis iuris aut communionis fuit. Illud ad extremum notandum est, quod Vlpianus subiecit, in Imperatore multo magis observandum esse: ita meo iudicio intelligendum, quemadmodum superius diximus, ut sicuti stante Rep. legem ferri oportuisset, ne ea res iis quibus Barbarius ius dixisset, fraudi esset: ita necessarium Augusti rescriptum & privilegium fuisse. arg. d. l. qui in provincia, 57. D. de rit. nupt. Sic enim

princeps eum qui seruus fuit aureorum annulorum concessio iure, ingenuum efficit. l. sed si hac, 10. §. 2. D. de in ius voc. Quod si populus potestatem habuit hæc probandi, ratæque habendi, multo magis Imperator: cui & in quem populus suam potestatem contulit. l. 1. D. de const. princ. Sic idem Vlpianus scribit in l. quidam, 57. D. de re iud. si Prætor aut Consul minor ius dixerit, iccirco valere: quia princeps, qui ei magistratum dedit, omnia eum gerere decreuit. Populi autem potestatem in magistratib. mandandis translatam in Principem fuisse, nemo nescit ex l. 1. D. de ambit. Sed iam super hac re nimis. Ad hæc autem quæstiones ridicula illa referri disputatio potest, de Ioanna, quæ virum mentita, Papatum aliquandiu tenuit: an ubi per partum detecta fraus fuit, eius in Papatu acta rata esse oporteret: & vtrum Papa, an in Papatu tantum fuisse videretur.

## QVÆSTIO XVIII.

*Quæ res diuidue aut indiuidue dicantur, & quænam vtrarumque natura sit.*

**Q**Voniam perplexa hæc disputatio est, altius paulo eius explicandæ initium sumemus. Rerū igitur quædam corporales sunt, quædam incorporales, quædam vtriusque naturæ participes. nempe quæ pondere, numero, mensura constāt, quæ non obscure separantur ab iis quæ in corpore consistunt. l. 1. §. non solū, D. ad leg. Falcid. l. talis. 30. D. de leg. 1. quippe, cū in iis  
pond

pondus, numerus, mensura magis spectentur  
quàm corpora. l. nam etsi. 13. §. vlt. D. de reb. cred.  
l. cum stichus, 29. l. si is cui, 94. D. de sol. l. 1. D. de  
contr. empt. l. si pœnæ, 19. §. si falso, l. qui here-  
dis, 46. D. de condict. indeb. Corporalium quæ-  
dam diuisæ sunt, quædam indiuisæ. Diuisæ hu-  
ius argumenti non sunt, vbi de rerum diui-  
ditate vel indiuiduitate differitur. Quæ indi-  
uisæ sunt, earum quædam naturaliter & ciuili-  
ter diuisionē recipiunt, quædam ciuilitè tan-  
rum. Naturaliter diuidi res dicuntur, cùm par-  
tes fiunt corpore. Ciuilitè, cum iuris intelle-  
ctu. l. Mæuius, 66. §. 2. D. de leg. 2. illæ certæ sunt,  
& sensibus percipiuntur, dicunturq; diuisæ, &  
pro diuiso: hæ incertæ sunt, dicunturq; indiui-  
sæ, & pro indiuiso: quoniam per vniuersum cor-  
pus rei diffusæ sunt. l. 5. D. de vsuf. l. 7. D. de ex-  
cep. rei iudic. l. si quis, 43. D. de acquir. possess. l.  
ex mille, 64. D. de euict. veluti si aceruus frumē-  
ti vel numorum sit plurimum communis, non  
modò pro mensura vel numero partes intelli-  
gentur, verùm etiam pro singulis aut frumenti  
granis, aut numorum corporibus. §. si duorum,  
20. de rer. diuis. l. nam etsi, 13. in fin. D. de re.  
cred. quod eodem modo de gregis, armenti, æ-  
quitij capitib. singulis existimandum est, itē-  
que de rebus quæ in pondere consistunt, vt pro  
ponderibus partes estimentur. l. 3. D. de rei vin-  
dic. Rursus partes naturaliter diuisæ & certæ  
potius sunt totum, quàm partes. nam hæc cor-  
poralis diuisionis vis est, vt tota plura confici-  
at. l. rectè, 25. D. de verb. signif. Porro quæ natu-

raliter diuiduæ sunt, multo magis civiliter sunt diuiduæ. quia facilius multo est iuris intellectu diuisio, quàm corpore, veluti fundus regionib, facile diuiditur: sed tum quæuis pars totum fiet, ac fundus appellabitur. l. locus, 60. D. de verb. sig. l. 1. D. de euct. At si quis fundus vnius hominis proprius casu aliquo plurium communis fiat, etiam si corpore indiuisus erit, tamen intellectu diuisus dicetur: & tamen solidus manebit, d. l. Mæuius, 66. §. 2. vbi legendum est NAMQVE, D. de legat. 2.

Nunc dicamus de iis quæ civiliter tantum diuisionem recipiunt. Hæ sunt, quæ, si naturaliter diuiderentur, interirent. velut animalia, nam Stichus quidem plurium communis esse potest, sed diuidi corporaliter sine interitu non potest. civiliter ergo partes eius intelligentur, id est pro indiuiso. vt intellectu magis partes habeat, quàm corpore. l. §. D. de stipu. ser. res deniq; mobiles omnes eiusdem generis sunt, veluti scyphus, nauigium, vehiculum, aratrum, totum denique fundi alicuius instrumentum. l. 8. in fin. D. de rei vindic. l. §. §. vlt. D. commodum, l. quæsitum. 12. §. si quis, D. de fund. instruct. item arbor puta in confinio posita. l. arbor, 19. D. cõm. diuid. l. pen. D. pro soc. quinetiam quædam res immobiliæ eodem in genere censentur, veluti arbor. de qua modò dictum est. item fons, & puteus, quorum solum commune est. l. 4. §. 1. D. commun. diuid. item vestibulum binarum ædium. d. l. arbor, §. 1. D. eod. Atque hæc quidem de rebus corporalibus, nunc de incorporalib. dis-  
fer



feremus: quæ cum in iure consistere dicantur, l. 1. §. 1. D. de rer. diuis. l. 1. in fin. C. de præscript. long. temp. naturaliter quidem & corporaliter diuidi non possunt: sed civiliter earum quædam diuiduæ sunt, quædam indiuiduæ. Diuiduæ dicuntur, quarum partis vsus & commodum esse potest. Indiuiduæ, quarum partes nullum sui vsum præstant. l. viæ, 17. D. de seruit. Diuiduarum exemplum est plurium rerum stipulatio. quot enim res sunt, tot stipulationes esse intelliguntur. l. quia dicitur, 32. D. de euict. l. scire debemus, 29. D. de verb. oblig. Indiuiduarum rerum incredibile dictu est, quam sit lubrica, quanque difficilis explicatio: propterea quod perpaucae res sunt ex iis, quæ in libris nostris indiuiduæ dicuntur, quin aliquo modo & (vt Græci dicunt) *κατά τινος* diuisionem recipiant. Dominium rei per se indiuiduum est. quia nulla res pro parte alicuius esse potest, pro parte nullius. l. 3. D. pro de relict. & tamen cum ipsius commodum (hoc est corporalis rei possessio) diuiduum sit, non dubium est, quin & communione in & diuisionem recipiat. pignoris causa indiuidua esse dicitur. l. rem hereditariam, 65. D. de euic. itaq; dignus plurium rerum liberari pro parte non potest: l. qui pignori, 19. D. de pignorib. l. 6. C. de distract. pign. & tamen quia pignoris commodum, hoc est pretium ex eius venditione redactum, numero diuiditur, item (vt quæuis alia summa pecuniæ) iccirco diuiduitatem sine dubio recipiet. quin etiam voluntate creditoris diuisionem admittet, etiamsi vnum rei corpus foret,

idque natura indiuiduum. nam gemma pro centum aureis pignerata, si creditor consentiat, solutis quinquaginta pro dimidia pignoris liberabitur. arg. l. 3. D. de pact. l. l. quæ de tota, D. de rei vindic. Ac pari eodemque modo certę summę obligatio ipso quidem iure indiuisa est: indiuisa etiam eiusdem solutio: l. tutor, 41. §. 1. D. de vsur. l. Iulianus, 13. §. offerri, D. de act. empt. sed tamen aut voluntate creditoris, aut imperio Prætoris diuisioni ceder. l. stipulatus, 9. §. 1. D. de solut. l. qui hominem, 17. D. de acceptil. l. quidam, 21. D. si cert. petat. quod eodem modo in nominibus hereditariis cerni potest, quæ lege XII. tab. inter heredes pro portionibus hereditariis diuisa fuisse dicuntur. nam si, vt ea diuiderentur lege opus fuit, perspicuum est, eorum naturam indiuiduam fuisse. l. 1. C. si cert. pet. l. 6. C. fam. ercisc. l. heredes, 25. §. idem iuris, D. eod. qua ead. de caussa videmus; si summa pecuniæ deposita fuerit, & plures depositarij heredes extiterint, vnumquenque heredum pro virili tantum parte obligatum esse. l. 1. §. si pecunia, 24. l. si duo, 22. D. de pos. l. vlt. C. eod. quod idem dicitur, de summa pecuniæ in quam plures per sententiam condemnati sunt. nam singuli pro viribus tantum partib. tenentur. l. si quid separatum, 10. §. 2. D. de appellat. 1. C. si plur. vn. sentent. condemn. itémque de confideiussorum obligatione. nam etsi singuli in solidum teneantur, neq; vnus partem soluendo pro parte liberetur, tamen ex Adriani epistola fideiussorum obligatio pro virilib. partib. diuiditur. l. 3. C. de fid

fideiuss. l. 28. l. 29. D. eod. quod beneficium à Iustiniano productum est ad correos debendi etiam principales. Nouu. 99. & eos qui pariter eandem pecuniam constituerunt. l. ult. C. de constit. pecun. proinde igitur ad eos, qui eandem summam pecuniæ mutuam sumpserunt. l. si in rem, 12. C. si cert. petat. aut eandem domum in solidum conduxerunt. l. si diuisa, 13. C. locat. l. item quæritur, 13. §. duo rei, 9. l. cum apparebat, 47. D. eod.

Ac pari ratione quamuis res iudicata sua natura indiuidua sit: l. in hoc iudicio, 29. D. de re iudic. tamen in plures lata fit diuidua. l. si quis separatim, 10. §. 2. D. de appellat. & cautio damni infecti, quamuis opus ex quo damnum futurum est, indiuiduum sit, tamen cum plurium dominorum est, diuisionem recipit. l. supra, 11. §. 3. D. de aqu. plu. Item depositum certæ pecuniæ in sacculo signato. nam si plures eius qui deposuit heredes sint, vtilitatis causa fiet solutionis diuisio. l. 1. §. si pecunia, 24. D. de pos. Item obligatio faciendi. quamuis enim factum dici non potest, quod ex parte factum est, tamen quia sui natura continet id quod interest: l. si Kalendis, 11. l. si quis, 13. D. de re iudic. ideo diuiduitatem per solutionem eius quod interest, hoc est pecuniæ, recipere dicitur. l. 2. §. item si in facto. & l. stipulationes, 72. D. de verb. obl. Item debitum operarum, quæ quanquam neq; promitti, neq; deberi pro parte possunt, tamen si plures patroni heredes existant, numero diuiditur earum obligatio. l. libertus, 15. §. 1. D.

de oper. liber. Sed insigne exemplum est in tutela: nam cum ea persona detur, sequitur, ut eius obligatio sit individua: & omnes in solidum teneantur. verumtamen utilitatis pupilli causa interdum ita dividitur, ut singuli pro ea tantum parte quam gesserunt, teneantur. exemplo epistolæ D. Adriani, de qua paulo ante dictum est. l. 1. §. nunc tractemus, D. de tut. & rat. distr. inter tutores, 36. D. de adm. tut. l. propter, 21. §. 1. D. de excusat. l. si tamen, 15. D. de testam. tut. & l. 1. & pass. C. de divid. tutel. Quin verbis opus est? Nihil magis creditur esse individuum, quam servitus, quæ à prædio vel homini, vel prædio debetur: veluti via, iter, actus: quippe, cum servitutis usus sit individuus. l. 2. l. 6. l. pro parte, 11. l. via, 17. D. de servitut. hoc est, quoniam eius commodum in usu consistit. usus autem servitutis est facti. nos autem de divisione iam agimus, quæ nisi iuris intellectu non fit: & tamen utilitatis causa servitus tempore ac loco dividitur. quamvis enim & ius sit perpetuum, & per universum prædium omnesq; glebas diffusum sit, tamen usus (qui facti est, non iuris) & temporis partibus, & in parte fundi certa constituitur: atq; ita quadantenus per consequentiam temporis & loci servitus divisionem admittet: ac modo determinabitur. l. certo, 13. §. 1. D. de servit. rustic. l. arbor. 19. in fi. D. comm. divid. l. 5. §. 1. D. de serv. Similiter, cum usus (quæ personalis servitus est) individuus esse dicatur, quia pro parte uti non possumus. l. usus. 19. D. de usu & habit. tamen interdum accidit, ut eodem  
mod



modo diuidatur, veluti si spatiosa domus vsus tenui homini sit legatus. nam interdum vna, interdum altera eius parte vtetur. l. 4. in princip. l. pen. §. 1. D. de vsu & habit. qua eadem ratione paulo post demonstrabimus falsam eorum esse sententiam, qui præfractè affirmant, vsumfructum non esse nisi diuiduum. nam cum in facto, id est in fruendo consistat, l. 1. D. quand. dies legat. ced. cum, inquam, eius commodum in fruendo sit positum, quod totum facti est, non iuris, sequitur, vt eam diuisionem quæ fit iure & intellectu iuris, recipere non possit: vt mox docebimus: idemque paulo post etiam de hereditate tractabimus.

Nunc enim de iis rebus, quæ verè propriæque indiuiduæ sunt, neque vlllo modo diuisionem recipiunt, explicandum videtur. Eiusmodi sunt balneum, campus, porticus: nam harum rerum omnium vsus diuisionem admittere non potest: sed in solidum est singulorum. l. 5. §. ult. D. commod. Vtrum autem eadem vehiculæ & nauigij causa sit, difficilior aliquanto consideratio est, de qua paulo post separatim explicabimus. In hoc eodem genere censenda est seruitus quæ homini ab homine debetur. neque enim pro parte aliquis liber esse potest, pro parte seruus: neque pro parte ingenuus, pro parte libertus. l. si pariter, 7. D. de liber. caus. l. 1. §. communis, D. de stip. seru. l. alieno, 31. §. 1. D. de fideic. libert. Sic vectigal non nisi in solidum deberi dicitur, neque diuidi in plures potest. l. communi, 7. D. commun. diuid. vt neque mortis causa

cipio. l. qui duobus. 23. D. de cond. & demonst. Restat, ut de iis dicamus, quas utriusque naturæ participes esse diximus. sed dubitari non potest, quin illæ omnes pro sua natura diuiduæ sint: hoc est suo pondere, numero, & mensura diuidantur. d. l. 29. l. 94. D. de solut. l. 1. §. non solum, D. ad leg. Falcid. l. si pœnæ, 19. §. 1. D. de con dict. indeb.

## QVÆSTIO XIX.

*Virum vehiculi & nauis natura diuidua, vel indiuidua sit: & qui pariter utendum sum-  
pserunt, virum in solidum, an pro viri-  
libus teneantur.*

**C**AUSÆ constitutio hæc est, quam Celsus tra-  
ctat in l. 5. §. ult. D. commod. Titius vehicu-  
lum Primo & secundo commodauit: quod fuit  
aureorum viginti. id aliquis surripuit. Titius  
aduersus Primum agere commodati instituit in  
solidum, & viginti ab eo petere, quasi uterque  
illorum in solidum obligatus esset. Primus pro  
sua virili parte solutionem offert, nimirum au-  
reos decem: neque se amplius quam pro rata  
parte teneri defendit. Quærebatur, utrum uter-  
que illorum in solidum, an pro virili tantum  
parte teneretur. dubitandi causa, ut pro sua tan-  
tum quisque parte obligatus esse videatur, duplex  
est. prior huiusmodi: Cum commodatū re con-  
trahatur, consequens est commodatarios eate-  
nus duntaxat obligari, quatenus res ipsis tradita  
est. at vehiculum utrique in solidum tradi non

pot

potuit: sed pro cuiusq; parte duntaxat. quia regula iuris est, vnius eiusdemq; rei: nec dominium nec possessionem penes duos in solidum esse posse. l. de hereditate, 19. §. 2. D. de cast. pecul. l. Mæuius, 66. §. 1. D. de legat. 2. quæ regula non tantum obtinet in re naturaliter diuidua, veluti agro vel area, l. 6. §. 1. D. commu. præd. sed etiam in re ciuilitè tantum diuidua: veluti nauigio, vel vehiculo. nam etsi non potest quis esse dominus speciei pro parte corporali, id est pro diuiso (cùm eiusmodi res per naturalem diuisionem intereant) tamen potest esse dominus pro parte ciuili: id est pro indiuiso. itaque etsi vehiculum non potuit vtrique in solidum tradi, tamen potuit tradi, & reuera traditum est vtrique pro virilibus partib. & pro partib. indiuisis. ex quo concludi posse videbatur, eos non in solidum obligatos esse, sed tantum pro partib. indiuisis. Secunda dubitandi causa est, quia commodare nihil aliud est, quàm vtendum dare. l. 1. §. 1. D. de commod. Vfus autem & commodum vehiculi est euectus, siue vectura ipsa. at euectus non in solidum fuit Primi, sed pro sua parte duntaxat. non enim Primo & Secundo totius vehiculi, sed singulis separatim pro parte, quam quisq; suo corpore occupaturus erat, concessus fuit. non vteruis, inquam, solidum euectum habuit, id est vniuersam vehiculi commoditatem, sed singuli suam & propriam, sicuti de possessione loci dicitur in l. 3. §. ex contrario, D. de acquir. poss. Verùm his non obstantibus contrarium Celsus respondit, vtrunque scilicet

commodatarium communis culpe & negligentiae nomine non pro virili parte, sed in solidum obligatum esse. cuius suae sententiae duas affert rationes meo iudicio æquissimas, prior est, quoniam ambo commodatarii pariter totius vehiculi custodiam in se receperunt: hoc est non pro ea parte vehiculi, quam quilibet eorum occupaturus erat, sed totius in solidum: ut hac ratione duo rei constituti esse in solidum eiusdem locationis intelligantur, l. item quaeritur, 13. §. duo rei. D. locat. quippe, cum commodator amborum fidem in solidum secutus sit, non cuiusque pro sua virili parte. l. eandem, 9. D. de duobus reis. hanc enim correorum causam & conditionem esse constat. ut eiusdem rei nomine non singuli pro virili parte, sed pariter in solidum obligati sint. §. 2. de duobus reis. l. reos, 11. §. 1. D. eod. eaq; Celsi disputatio infra scriptis iuris regulis confirmatur. Quod à pluribus pro indiviso commissum est, singulis in solidum obligat. l. semper, 25. §. 2. D. quod vi aut clam. Quod in partes dividi non potest, ab omnibus quodammodo factum videtur. Quod dolo culpave plurium in solidum admissum est, non nisi solido soluto restitui potest. l. si duo, 22. D. de pos. ubi eius rei exemplum in re apud duos deposita proponitur: ut adversus unumquemque ipsorum in solidum agi possit. l. 1. §. si apud duos, D. eod. alterum etiam exemplum extat de re duobus locata, in l. si divisa, 13. §. 1. C. locat. itemque in tutela pluribus in solidum data, ut ipso iure singuli in solidum teneantur. quoniam singuli in uni-



netum patrimonium dati sunt. propter, 21. §. 1. D. de exusat. singuli in se totius tutelæ periculum in solidum receperunt. tamen si hoc quidem casu ad exemplum epistolæ D. Adriani beneficium diuisionis implorantibus indulgeri solet. l. 1. §. nunc tractemus, D. de tutel. & rat. distr. l. ex pluribus. 42. l. tres tutores; 55. D. de admin. tut. l. 2. C. de diuid. tut. l. 6. in fin. C. arbit. tutel. & Nouell. 99. c. 10.

Hanc tamen sententiam ita Celsus accipientem esse subiungit, ut quamuis vehiculi commodator electionem habeat aduersus utrum uolet experiundi, & solidum ab eo exigendi, tamen integra unius solutione alter liberetur. quod item de hac ipsa commodati & locati & depositi causa cõcordissimè traditur, in l. si ex duob. 15. D. de tut. & rat. distr. l. 1. §. si apud duos. l. si duo, 22. D. de pos. d. l. si diuisa. 13. C. locat. cum tamen ei qui solidum exsoluit, cedi actio ab eo qui exegit aduersus alterum debeat. aut ei utilis actio concedi. ut quod amplius sua parte exsoluit, ab altero recuperet. licum apparebit, 47. D. locat. quod idem in contutorib. locum habet. l. ex plurib. D. de admin. tut. d. l. 1. §. nunc tractemus, de tutel. & rat. distr. Secunda Celsi ratio est, quoniam usus vehiculi similis est usui balnei, aut porticus, vel campi, plurib. ad lauandum, ambulandum, exercendum concessum. Atqui harum rerum usus uniuscuiusque est in solidum. neque enim quisquam eo minus rebus illis utitur, quod alius quoque utatur usus, inquam, unius, alterius usum non minuit. quasdam enim res

esse constat, quarum vsus non modò solidus plurium esse potest, verùm etiam non solidus esse non potest. veluti fluminis per quod ius est cuique nauigare. *l. riparum, §. D. de rer. diuisi. tem loci publici, qui omnium vsibus de seruit. l. i. §. i. D. ne quid in loc. public. item porticus, in qua ambulatio: lucerna denique, cuius vsus ita plurimum est, vt æquè sit vniuersorum. Quod si vehiculi vsus similiter in solidum vniuscuiusq; vectoris est, sequitur, vt vnusquisque culpæ in eo custodiendo commissæ nomine in solidum teneatur. Sed aduersus Celsi rationem exoriebatur hæc disputatio, quam idem subiungit, in versic. VERVM IN VEHICVLO, &c. aliam scilicet videri balnei, porticus & campi, aliam vehiculi rationem. quoniam balnei vsus non potest non esse singulorum balneatorum in solidum. quandoquidem calor balnei per æquè ad singulos in solidum perfertur: neq; vnius vsus per alterius vsum imminuitur. sicuti nec lecticæ, nec porticus nec campi, nec fluminis, nec nauigij, nec lucernæ. At vehiculi vsus & commodum non in solidum est singulorum, sed pro parte quadam euectus: id est, pro ea parte, qua quisq; vehitur, vniuscuiusq; proprius est. quoniam (inquit Celsus) non omnia loca vehiculi vnus obtinet, sed partem duntaxat. neque dubium est, quin vnius vsus alterius vsum imminuat. etenim nec par eadèmq; est locis omnibus sedendi commoditas: & celerius vnus solus vehitur, quàm plures simul: & is pro suo arbitrio mutare locum potest, & in quam volet partem: & modò sedens;*

dens, modò iacens, aut discumbens: interdum etiam pedib. iter facere, interdum consistere. Huic igitur obiectioni Celsus ita respondet, vt fateatur, non vsquequaque parem esse balnei, porticus, campi, nauigij, lecticæ, & vehiculi rationem. siquidem istarum rerum vsus per se consideretur. sed quantum ad id quod agitur, vtrum scilicet singuli pro parte, an in solidum amissi vehiculi culpam præstare debeant, esse quam simillimam. quoniam in hac consultatione neque res ipsæ, neque illarum vsus per se consideratur: sed id quod inter contrahentes actum est. Inter commodatorem autem & commodatarios hoc actum est, vt commodator singulorum fidem in solidum sequeretur: sicuti loquitur Papin. in l. eadem, 9. D. de duob. reis. hoc est, vt singuli commodatarij totius vehiculi custodiam in solidum in se reciperent, non pro qua quisque parte locum occuparet: quod ne fieri quidem vlllo pacto potest. atque iccirco siue vehiculum (vt in casu proposito) siue lectica, siue nauigium commodatum ita fuerit, vt singuli in solidum eius custodiam præstarent, in pari causa paria iura cõstituenda esse. Ex quib. ita disputatis facile intellectu est, quemadmodum & superiorib. duab. obiectionib. responderi possit: & verò etiam argumento quod sumi posset ex l. rem mihi, 21. §. 1. D. commod. si quis duobus vasa quædam communi periculo commodauit, & ea culpa ipsorum surrepta sint, habiturum commodatorem actionem aduersus eos pro cuiusque parte. hoc est, non aduersus

singulos in solidum, quamuis commune periculum fuerit. Nihil, inquam, hoc superiori disputationi aduersatur: propterea quòd commodator non singulorum commodatariorum fidem in solidum secutus erat, sed amborum simul, qui coniunctim illorum in se vasorum periculum receperant. Quæ cum ita sint, satis iam patere arbitror, mendum esse in illo huius legis loco, PRO PARTE QVIDEM EFFECTV ME VSVM HABERE: legendumque PRO PARTE QVADAM EUECTVS. VI euectum dixerit Celsus pro Euectione, siue Vectura. sicuti Plin. lib. 18. c. 5. Cato spectari iubet, vt operariorum copia prope sit, oppidumque validum: vt navigiorum euectus sit vel itinerum: id est, vt facilis vectura sit per flumina in navigio, vel itinerum per vias publicas in plaustris. Nam ad illa Catonis verba respexit, Oppidum validum prope sit, aut mare, aut amnis, qua naues ambulant, aut via bona celebrisque. Varro lib. 1. c. 16. Eundem fundum fructuosiorem faciunt vecturæ, si viæ sint, qua plaustra agi facile possint: aut flumina propinqua, qua nauigari possit. quib. vtrisque rebus euehi atque inuehi ad multa prædia scimus. Huius autem emendationis nostræ prima ratio est: quoniam vox QVIDEM nihil habet neque quò referatur, neque quò pertineat, neque cui respondeat. deinde cum dicimus EFFECTV vel INEFFECTV, semper ei opponere ex aduerso solemus, NOMINE, vel VOCABVLO, vt in l. 1. §. qui minorem, d. vt legat. nom. cau. Nomen quidem heredis apud eum maneat: verumtamen effectv



Et minus habeant hereditatis. & l. si habitatio, 10. D. de usu & habit. Habitatio & usus ædium nomine differunt, effectu pene idem sunt. Sic heres & fideicommissarius nomine differre dicuntur, effectu idem esse. l. 5. §. 1. D. de quo cum eo qui in alien. sed exemplorum plena sunt omnia. Atqui dubitari non potest, an is de quo Celsus disputat, nomine tantum vehiculi usum habeat in solidum. quia si locator hoc verbo usus fuisset, LOCO VOBIS DVOBVS IN SOLIDVM, præcisa omnis dubitandi causa fuisset. pro certo enim & in solidum uterque obligatus, & non commune periculum pro partib. indiuisis fuisset, sed cuiusque proprium. dil. cum apparebit, 47. D. locat.

## QVÆSTIO XX.

*Vsusfructus veram diuiduus sit, an, ut cetera seruitutes omnes, indiuiduus.*

**A**bsurda quæstio videtur, cum tam multis locis ita dilucidè ac disertè diuiduus esse dicatur, ut huic quæstioni locus propè relictus videatur nullus. Primum in l. 5. D. de usufruct. ubi usufructus & ab initio, & ex post facto, pro parte vel indiuisa vel diuisa constitui posse dicitur. quod idem traditur in l. i. §. si usufr. D. ad leg. Falcid. usufruct. diuidi, non sicut ceteras seruitutes indiuiduum esse. Secundò, quod si usufruct. duob. legatus sit, ipso iure ad singulos pertinet: id est, singuli non nisi suam partem petent. l. sed usufruct. 81. D. ad leg. Falcid. & l. si

fortè, 6. §. si ædes, D. si seru. vind. vbi seruitutum nomine singuli seruitutis domini in solidum agere dicuntur, vno excepto vsufructu: & si promissor defunctus sit, in partes hereditarias vsufruct. obligatio diuiditur: id est, non nisi partes singulæ à singulis petuntur. dicta l. 5. de vsufruct. Tertiò, quòd sicut pro parte acquiri vsufructus potest, ita pro parte vel amitti, vel remitti potest. l. excepta, 14. & l. placet, 25. D. quib. modis vsufruct. amit. l. cui vsufruct. 30. D. de vsufruct. leg. l. & per iusiurandum, 13. §. 1. de acceptil. quinetiam pars eius apud fructuarium manere potest: cum altera pars ad proprietatem redierit. l. 3. §. penultim. D. quib. modis vsufruct. amitt. Quartò, quòd ob vsumfructum duobus relictum, iudiciis diuisionis agitur: inter coheredes, familiæ erciscundæ: inter alios, communi diuidundo. l. & puto, 16. D. fam. ercisc. l. communi, 7. §. cum de vsufruct. 9. commun. diuid. Quintò, quòd ex demum res indiuiduæ dicuntur, quarum vsus pro parte nullus est: quarum separatæ partes nullum commodum præstant: veluti viæ, vel itineris. l. viæ, 17. D. de seruit. vel instrumenti rustici. l. quæsitum, 12. §. si quis eodem, D. de instr. vel inst. leg. Vsus autem fructuum (veluti frugum) ex parte commodè percipitur. Quare vsufruct. non indiuiduus, sed diuiduus est. Quantum autem ad ius accrescendi pertinet, nihil argumenti ex eo ductum valeret: propterea quòd passim traditur, Ius accrescendi in reb. perspicuè diuiduis locum habere, quinetiam iuri accrescendi non nisi

nisi inter eos locus est, qui ab initio solidum habent. nam si partes factæ ab initio fuissent, locus iuri accrescendi non esset. l. 3. D. de usufruct. accresc. Contrà tamen vehementissimè multa pugnant. Primùm Regula philosophorum ( quorum de diuiduo vel indiuiduo disputationes maximè propriæ sunt ) Omne incorporeum indiuiduum est, auctore Aristot. lib. 3. de animo. qua de causa animum dicunt esse totum in corpore toto, & in qualibet parte totum. facit l. arbor, 19. §. 2. D. commun. diuid. vbi lex ait nullam communionem iuris separatim intelligi posse. Et hanc physicorum Regulam sequuntur Doctores quamplurimi: vbi rationem de seruitutum indiuiduitate exquirunt. Cùm igitur omne incorporeū sit indiuiduum, usufruct. autem res incorporea sit, l. 1. in fin. de rer. diu. l. 2. D. de usufruct. necessaria conclusio sequitur, vsum fruct. esse indiuiduum: hoc est, eiusdem naturæ, cuius sunt ceteræ seruitutes omnes, tum reales, tum personales. & quoniam vnum omnium genus est, vnā quoque omnium naturam esse. Secundum argumentum est, quod ex eorundem philosophorum regula traditur, Quicquid est totum, cùm in partes diuiditur, interit: vt arbor diuisa, arbor esse desinit: & aratrum diuisum, aratrum esse desinit. d. l. queritur, de inst. vel inst. Vsum fruct. autem est quid totum l. Mæuius, 66. §. pen. D. de leg. 2. l. vsum fruct. 7. in pr. l. item si, 9. in pr. D. de vsum fruct. vbi definitur omne rei emolumentum, omnis rei fructus vsquequaque, quicquid inde nascitur, quicquid

inde percipi potest. Ex quo necessariò confici-  
tur, vsumf. natúra sui esse indiuiduum : neque  
diuidi sine certissimo ac præsentissimo sui in-  
teritu posse. Tertium argumentum est, quòd  
diuisionis efficientia hæc est, vt ex vna re plu-  
res fiant. Itaq; vbi vsuf. inter duos communis  
per agri regiones diuiditur, plures vsuf. fiūt. l.  
communis, 7. §. cùm de vsuf. D. commun. diuid.  
Vnius autem rei plures vsuf. esse non possunt  
l. duos, 14. D. de vsuf. leg. Ex quo necessariò con-  
cluditur, vsumf. esse indiuiduum. Quartum ar-  
gumentum est, quòd cùm vsuf. facto & iure  
constet : l. vn. in pr. D. quand. di. vsuf. leg. ced.  
siue Factum in eo, id est perceptio fructuum  
consideretur, satis constat omnia facta esse in-  
diuidua. l. si is qui, 80. §. 1. D. ad leg. Falcid. siue  
Ius, iam antè dictum est, duos vnus rei vsuf.  
esse non posse : non magis quàm duas æstima-  
tiones. l. quod si nolit, 3. §. si quis egerit, 14. D. de  
ædil. edict. l. quia dicitur, 32. D. de euct. l. 2. §. si  
indemnitas. D. de admin. rer. ad ciuit. Quintum  
est, quòd dominium rei ex parte intelligi non  
potest. Vt scilicet alicuius sit pro parte, pro  
parte autem nullius. l. 3. D. pro derelict. Vsumf.  
fructus autem dominij species est. l. in vendi-  
tionem, 8. D. de reb. auct. iud. possid. Quare etsi  
vsuf. communionem recipit, non recipit ta-  
men diuisionem, neq; potest quis parte fundi  
vti frui, parte nec vti nec frui. Item liberti-  
nitas, l. alieno, 31. §. 1. de fideic. lib. Item seruitus,  
quæ homini ab homine debetur l. si pariter, 7.  
de lib. caus. l. 1. §. communis, de stip. seru. Sex-  
tum



tum est, quòd nemo vnquam dubitauit, vsum esse indiuiduum, propter l. vsusf. 19. D. de vs. & hab. vbi Paulus ait, vsus partem legari non posse. Atqui vsus nihil aliud est, quàm vsusf. exiguus: siue fructus ad modum necessitatis vsuarij redactus. l. si alij, 42. D. de vsuf. Nam vbi vsus dicitur esse pars vsusfruct. (vt l. qui vsumf. §. 8. de verb. oblig. l. & per iusiurandum, 13. §. 3. de accept.) constat hoc intelligendum de parte homogenea, siue cognata: vt lapidis pars omnis, lapis dicitur; & fundi, fundus. l. planè. 34. §. vltim. D. de leg. 1. Quare sicut vsus sua natura indiuiduus est, sic etiam vsusfr. neque plus & minus cadunt in substantiam: vt notum est omnib. ex Categ. Arist. c. de subst. & ex l. vltim. D. de instr. vel inst. Neq; obstat quintum argumentum pro parte indiuiduorum: vt à postremo primùm ordiar. & hinc confutandi initium nascatur: quia subiectum quo vsusfruct. constat, id est fructus diuidui sunt, iccirco vsumf. esse diuiduum: quæ est doctissimorum ætatis nostræ Iurisperitorum ratio, in dicta l. prima, §. si vsusf. D. Ad leg. Falc. quasi verò vsus non æquè vt vsusf. in fructib. cōsistat, & quemadmodum iisdem modis & constituitur, & amittitur, quib. vsusf. non etiam iisdem in rebus consistat. Quinetiam ista ratione verissimè aliud paradoxon inducetur. quia subiectum vsus diuiduum esse potest, atq; adèò plerunque diuiduum est, iccirco vsum esse diuiduum. Cuius rei primum argumentum extat in l. 4. in pr. & l. pen. §. 1. D. de vs. & hab. vbi legatus propo-

nitur vsus spatiosæ domus legatario ita tenui & angusto, vt Titius domus vsum occupare non possit. nam modò parte vna domus, modò altera vti poterit: ex quo consequitur, spatiosæ domus vsum non modò pro parte legari vni posse, verum etiam duob. legari posse. quòd multò magis dicendum est quàm de habitatione. De qua tamen dubitari non potest, propter l. illi cum illo, 40. D. de vsuf. leg. Secundum argumentum est, quòd cum vni vsus, alteri fructus legatus est, non modò fructuarius habet quod vsuario superest, verum etiam in vsu concurrat: id est, partem vsus habet. l. si alij, 42. D. de vsuf. l. per seruum, 14. §. vsu legato, D. de vsu & hab. & apud Paulum lib. Sent. 3. tit. 6. §. si alteri vsus. Tertium est, quòd non pauci casus reperiuntur, quibus vsus & vsus idem sunt: hoc est, vt neque plus illo quàm hoc, neque minus hoc quàm illo contineatur: veluti si pecuniæ vsus constituitur. l. §. §. pen. & l. quoniam, 10. D. de vsuf. ear. rer. Item, si modicus vsus alimentorum vice sit relictus, l. cum hi, 8. §. si in annos, D. de transact. aut si tam exile prædium sit, vt ex fructib. nihil præterquam quod ad subleuandam vnius hominis necessitatem satis est redigi possit. l. fundi, 15. D. de vsu & hab. Item, si vsus syluæ constituitur. l. pen. D. eod. Quartum est, quòd vsus rei corporalis plurib. constitutus, pro indiuisio in solidum cuiusq; est. l. §. §. vlt. D. de commod. vbi præclara exempla proponuntur vsus balnei, porticus, nauigij: quibus rebus nihilominus vnus vitur, quamuis eodem alter vitatur qua de  
caussa

caussa vsus earum rerum vniuscuiusq; est in solidum : sed tamen pro indiuiso, ac proinde pro parte. Quæ cum ita sint, perspicuum est, non modò vsusf. sua natura esse indiuiduum : verumetiam (quod æquè nouum est) vsus effectum plerunque diuiduum appellari. Quare videndum est, quemadmodum hæc quæ pugnantia videntur conciliari possint. Primum igitur intelligendum est, neque pars iuris, neq; ius partis dici possit: vt neque libertas aut manumissio partis, neque pars manumissionis dici potest: l. cum duob. 13. C. de inoff. test. l. pariter, 9. l. duob. 30. de li. caus. l. alieno, 31. §. 1. de fideicom. libert. tamen interdum dici ius partis, non partem iuris. nam dominium partis dicitur passim siue certæ siue incertæ. id est, siue pro diuiso, siue pro indiuiso. At pars dominij vt res pro parte sit alicuius, pro parte nullius, non dicitur dicta l. tertia, D. pro dereli. habitatio partis dicitur in l. illi cum illo, 40. de vsuf. leg. pars habitationis non dicitur. non magis quàm vsus. l. vsus, 19. de vs. & hab. Instrumentum partis agrorum dicitur : pars instrumenti non dicitur, l. quæsitum, 12. §. quis eodem, D. de instr. vel inst. leg. Forma & opus effectum partis dicitur: pars forme aut operis non dicitur. l. tales, 12. D. de cond. & dem. l. si is qui, 80. §. 1. ad leg. Falcid. l. fideicommissa, 11. §. pen. de leg. 3. Eodem igitur modo verè proprièque dicitur vsusf. partis fundi aut ædium : pars vsusfr. verè proprièque dici non potest : & si quando dicitur, impropriè & per fictionem atque abusiue dicitur. Secunda

superiorum argumentorum solutio hæc est, quod vsus. per se ac sua natura indiuiduus est, vt ceteræ seruitutes omnes & iura. dicta l. arbor, 19. §. 2. D. com. diuid. per accidens autem & propter vsum vitæ communis, diuiduus est. denique subtilitate indiuiduus est, vtilitate diuiduus: cuius rei exempla sunt in iure nostro innumerabilia. Primum in speciebus, veluti Stichus, vel Pamphilo. nam etsi Pamphilus natura sua indiuiduus est (qua de causa indiuiduum ab Aristotele & Peripateticis appellari solet) tamen propter communem vtilitatem & vsum vitæ diuiduitatem ac partitionem recipere dicitur: partium scilicet intellectarum, siue pro diuiso. l. §. D. de stip. seru. l. 1. §. communis. D. eo. l. Mæuius, 66. §. duorum. de le. 2. vbi pro NEQVE sine dubio legendum est NANQVE. quod etiam Holoander & Alciatus iam pridem animaduenerunt. Sic Cautio damni infecti ex parte vitiosarum ædium diuidua est: ex parte damnum metuentis, indiuidua. l. plures. 27. D. de damn. inf. Item opus ex quo damnum infectum timetur, indiuiduum est: tamen pro parte tantum cauetur. l. supra iter. 11. §. 3. de aq. & aq. plu. Res iudicata natura indiuidua est. l. in hoc iudicio, 29. D. fam. ercis. tamen in plures lata diuidua est. l. si quis separatim, 10. §. 2. de appell. Ex contrario quedam natura diuidua sunt, sed propter communem vtilitatem, indiuidua: veluti ager vectigalis, & præstatio vectigalis. l. communi. 7. D. commun. diuid. Item iugum mularum vno pretio venditum, si de redhibitione



agatur. l. ædiles, 38. §. si fortè 8. D. de ædil. edict. Item mortis causa capio. l. qui duob. 23. D. de cond. & demonst. Item plures res datæ pignori. l. qui pignori. 19. D. de pign. Item pretium emptionis, cum plures emptoris heredes sunt. l. fistulas, 78. §. qui fundum, D. de cont. empt. Similiter usus natura interdum violatur, ut ex usu usus fiat: quia hoc (inquit Paulus) propter necessitatem fit. l. item quamvis, 10. §. 1. D. comm. diuid. Sic vestibulum commune binarum ædium quamvis natura diuiduum sit, ut quilibet fundus, tamen interdum propter necessitatem est indiuiduum. d. l. arbor, 19. §. 1. D. eo. Quid verbi opus est? constat inter omnes, nihil magis indiuiduum toto iure nostro censi, quam seruitutes prædiales. Et tamen videmus eas per accidens, hoc est propter utilitatem, fieri diuiduas. & modò mensura, modò temporibus diuidi. l. arbor. 19. in fin. D. comm. diuid. l. via, 5. §. 1. D. de seruit. Nam si certa itineri vel viæ regio definita sit, sola illa serua est: ceteræ omnes liberæ. l. certo, 13. §. 1. D. de seruit. rusti. l. si cui, 9. D. de seruit. atque ita quæ natura indiuidua erat seruitus, eadem per accidens fit diuidua. Et hoc est quod dicitur, Modum imponi seruitutibus posse. l. 4. §. 1. D. de seru. nimirum propter contrahentium utilitatem: ut modò dictum est. Itaque Accursius in l. si cum duorum, 31. D. de stipul. ser. V usufructus, inquit, diuidi non potest. quamvis fructuum percipiendorum diuidatur utilitas utili iudicio communi diuidendo, secundum R. Et paulo post, Est enim usufructus

ctus, ius vtendi. & ita quoddam simplex indiuisibile: licet vtilitas percipiendi diuidatur. Hæc ille. Ex quibus ita disputatis concludi potest, nihil esse absurdi, si vsus, qui sua natura indiuiduus est, per accidens, & propter facilem fructuum diuisionem fictione dicatur diuiduus: cum etiam in vsu & seruitutibus prædialibus, de quarum indiuiduitate dubitari non potest, idem interdum accidere soleat.

### QVÆSTIO XXI.

*Hereditas vtum diuidua, an indiuidua sit.*

**D**iuidua videtur hereditas, multis de causis. Primùm, quia passim in libris nostris traditur, hereditatem diuidi in XII. vncias, quæ assis appellatione continentur. l. interdum, 13. §. 1. & l. seruum, 50. §. vlt. D. de hered. inst. §. & vnum, 5. Inst. ill. tit. Secundum argumentum est, quòd lege XII. tab. inter coheredes volentes à communione discedere, iudicium diuisorium constitutum est, quod Familiæ erciscundæ appellatur. l. 1. & pass. D. famil. erciscun. Tertium, quòd eadem lege constitutum est, vt nomina defuncti, siue suum, siue alienum æs esset, inter heredes pro cuiusque parte diuisa sint. l. vlt. C. de act. her. l. 6. C. fam. ercis. l. heredes. 25. §. idem iuris, D. eod. Quartum, quòd Vlpianus scribit in l. quoties, 9. §. heredes, D. de her. instit. heredes iuris successores esse: & si plures instituatur, diuidi à testatore inter eos ius oportere quod si non fiat, omnes æqualiter heredes esse. vbi apert

pertissimè scribitur, ius à testatore diuidi. Quintum est, quòd in iure nostro ea dicuntur diuidua, quorum vsus diuisus est. l. viæ, 17. de seruit. id est, quorum partis vsus nullus est, vt fons, vel puteus diuiduus est. l. 4. D. comm. diuid. Aratrum indiuiduum est, quia partis eius vsus est nullus. l. quæsitum, 12. §. si quis eodem, D. de inst. vel instrum. leg. Cùm igitur singulæ partes hereditatis vtilis sint, consequitur, hereditatem esse diuiduam. Ex cōtraria verò parte pugnant, primùm argumenta superiore proxima quæstione proposita. Eam quantum ad primum, hereditas est ius & res incorporalis. l. 1. De rer. diu. l. pecuniæ, 178. l. hereditatis appellatio, 119. D. de ver. sign. & absq; vlllo corpore iuris intellectū habet. l. hereditas, 50. D. de pet. her. Quantum ad secundum, hereditas definitur vniuersitas, siue successio in ius vniuersum alterius, l. bonorum, 208. l. nihil est, 24. D. de verb. sig. l. hereditas, 62. D. de reg. iur. l. cū heres, 11. D. de diu. & temp. præscr. Itaque cū heres sit successor vniuersalis, sequitur, vt hereditas diuidi non possit. l. quædam, 9. §. 1. de edend. Quantum ad tertium attinet, per diuisionē fieri plures hereditates non possunt. nam vnius hominis duæ non intelliguntur hereditates. l. iuris peritos, 30. §. 1. D. de excusat. l. quod contra, 141. §. 1. De reg. iur. veluti testamentaria, in instituto: & legitima, in suo vel agnato. nam iure ciuili nemo ex parte testatus, ex parte intestatus decedit. l. 7. de reg. iur. Et huc pertinet formula antiqui iuris, vt in testamentis per æs & libram vnicus fami-

liæ emptor adhiberetur. §. 1. De test. ord. & apud Vlp. in Regul. & Caium in Inst. Quantum ad quartum, satis constat hereditatem esse speciem dominij. Itaque dominium appellatur in l. 2. §. ult. D. de bon. poss. sec. tabu. heres enim nihil aliud est, quàm dominus. §. ult. de hered. qual. & diff. l. 1. in princ. D. de success. edict. Ut igitur dominium diuisionem non recipit, l. 3. D. pro derel. ita hereditas. nam qui totam hereditatem acquirere potest, is pro parte eam scindendo adire non potest. l. 1. D. de acq. hered. & institutus in re certa, vel ex certa assis parte, in vniuersum assem institutus intelligitur. l. 1. §. si ex fundo, & l. ex facto, 35. D. de her. inst. l. interdum, 13. §. 1. D. eod. §. & vnum, 5. Inst. eo. & qui partem hereditatis adit, totam hereditatem adire intelligitur. l. quidam, 20. C. de iur. delib. Quintum inducitur ex eo, quòd heres dicitur is qui in defuncti locum succedit. l. si is qui, 34. D. de iud. Succedere autem est factum, ac proinde indiuiduum. l. is qui, 80. §. vltim. D. ad leg. Falc. Sextum argumentum suppeditat l. 1. §. 2. D. si pars hered. pet. & l. Pomponius, 8. de rei vind. vbi Vlp. ait, hereditatis possessionem indiuisam esse. neq; enim hereditatem pro diuiso à pluribus possideri posse: adeò vt coheres quamuis suam tantum partem possideat, cum extraneus alteram teneat, tamen coheredi suo subtili ratione petitione hereditatis teneatur. Quinetiam adeò indiuiduam hereditatem esse, vt si tres sint, quorum singuli trientem possideant, is ad quem semis pertinet, singulos cogat sextant



tantem reddere: ut ipse quoque postea sextantem de suo triente restituat. §. item si, eadem l. Primum igitur intelligendum est, hereditatem dupliciter usurpari. propriè, pro iure, quod incorporale est: impropriè verò & abusive, pro rebus hereditariis. Nam propriè ius ipsum successionis demonstrat, non res singulares. l. bonorum, 208. De ver. sig. l. 3. D. de bonor. poss. Impropriè verò Cicero in Top. hereditatem definit, pecuniam quæ morte alicuius ad alterum pervenit. Nam aliud est hereditas, aliud res quæ per eam acquiruntur. §. 2. Inst. de reb. corp. & incorpor. Neque satis consideratè Seneca scribit de benef. 6. Jurisconsultorum argutas esse ineptias qui hereditatem negant usufructu possesse, sed ea quæ in hereditate sunt. Nam cum hereditas sit incorporalis, cadere in illam usufructu non potest. l. servitutes. 14. D. de servit. Itaque venditor hereditatis evictionem non præstat. l. 2. D. de her. vend. quia vendit, non quod certè est, sed quod fortasse est: ut si fortè nihil sit, nihil vendat: si denique plus damni sit quàm lucri, id vèdat. l. hereditatis, 119. De verb. sig. Et eadem de causâ possessoria hereditatis petitio etiam in eum qui rem nullam possidet, sed ius tantùm quasi possidet, cōceditur. veluti in debitorem hereditarium. l. regulariter, 9. D. de hered. pet. Secundò intelligendum est, Totum universitatis hereditariæ dupliciter considerari. Primum, ut totum integrale: deinde ut universale, id est, ὅλον καὶ καθόλου, ut præclare docet Aristot. Metaphys. 4. à cap. ὅλον λέγειται, &c.

Nam locum ascribere nimis longum videretur. Illud corporale est quod tribus corporum generibus constat, quorum insignis est descriptio in vul. l. rerum mixtura, 30. D. de usurp. hoc incorporeum est, & iure constat: atque vniuersitas iuris sine corporis intellectu appellatur. l. hereditas, 50. de her. inst. Cùm autem neque corporalis res, incorporalis pars dici possit, neque vicissim hæc illius, præclara & ad vsum vitæ & ad oblectationem animi doctrina colligitur, vt nulla res hereditaria pars sit hereditatis. l. quamuis, 14. D. siq. omiff. caus. test. adeo vt nec legatum pars hereditatis sit: l. qui fundum, 87. §. 3. Ad leg. Falc. non magis quàm res peculiaris, pars est peculij, l. 4. §. sit ære, D. de pecu. & res dotalis, pars dotis. l. 1. in fi. princ. D. de dot. releg. l. quod dicitur, 5. D. de impens. in res dotal. Eiusque rei euident argumentum est in seruitutibus, quæ cùm natura sua indiuiduæ sint, quantūuis multi heredes scribantur, quantumuis multæ hereditatis partes fiant, tamen non diuiduntur, sed insolidum tum omnibus, tum ab omnibus debentur, vulg. l. 2. cum simil. D. de verb. obl. Quæ cùm ita se habeant, secundum vtranque hanc distinctionem concludendum est: cùm hereditas propriè verèque usurpatur, hoc est pro toto vniuersali, siue pro iure vniuersitatis, eam esse indiuiduam. Cùm autem impropriè pro rebus hereditariis usurpatur, & pro toto integrali, tum appellari diuiduam. Vnde solutio contrariorum argumentorum omnium perfacilè intelligitur. Nam quantum ad

prim

primum, constat partes assis non dici nisi rerum hereditiarum. Quantum ad secundum, nemo nescit Familix verbum in lege xii. tab. pro bonis & rebus hereditariis vsurpari. l. pronuntiatio, 195. §. 1. De verb. sig. ac propterea familix erciscundæ iudicium dici, quia iudex familix erciscundæ non hereditatem diuidit, sed res hereditarias. Tertium autem argumentum eiusmodi est, vt retorqueri in contrariam partem possit. nam ex eo ipso quod lex xii. tab. hanc hereditatem rerum partem diuisam esse voluit, colligitur & eam sua sponte ac natura indiuiduam fuisse, & reliquas de quibus lex nihil cavit, indiuiduas esse. arg. vulg. l. prætor, 10. D. de iudi. Eiusque rei exemplum est in l. adeo, 7. §. in suo, D. de acq. rer. dom. vbi tigni iniuncti dominium, quod translatum non fuerat, vindicari iure ordinario poterat. sed propter legem xii. tab. & ius extraordinarium vtilitatis publicæ causa ab illa inductum, vindicati prohibetur. l. 1. D. de tig. iniunct. l. 6. D. ad exh. l. in rem actio, 23. §. tignum, De rei vind. Sic cum hereditaria nomina indiuidua natura esse vtilitatis publicæ causa, lege xii. tab. sancitum est, vt ipso iure ac sine fam. ercisc. iudicio pro partibus hereditariis diuiderentur. Quantum ad quartam obiectionem, satis constat, omnes coheredes vsque ad familix erciscundæ iudicium in comunione manere. l. non possumus, 7. D. si pars her. pet. & l. 1. D. fam. erc. Repugnant autem, partes hereditatis diuisas à testatore fuisse, & post eius mortem comunionem manere. Nam

quæ iuris communio separatim inter plures intelligi potest? ait Paulus in l. arbor, 19. §. 2. D. commun. diu. Necesse est igitur, cum dicimus hereditatem & ius à testatore inter coheredes diuidi, significari partes pro indiuiso. quod apertè ostendit textus d. l. non possumus, ubi effectus petitionis hereditatis esse dicitur, ut hereditatis partes pro indiuiso possideantur. Post remum autem argumentum à parte ad totum integrale, ad res hereditarias pertinet: cuius solutionem superius exposuimus. Ex quibus perspicuum est, hereditatem ex eorum esse numero, quæ communionem recipiunt, diuisionem non recipiunt.

## QVÆSTIO XXII.

*An debitor solutionis partem offerens, inuito creditore pro ea liberetur.*

**D**E hac quæstione pugnancia videntur statui à Iuliano & Modestino in l. quidam, 21. D. si cert. pet. & l. tutor. 41. §. 1. D. de vsur. Sed adhibenda trium temporum distinctio videtur. Primum mouendæ controuersiæ, quod est ante litis contestationem: hoc est, prius quàm in ius ad Prætorem adeatur. l. diuus, §. & l. sed & si lege, 25. §. si ante litem, d. de petit. her. l. 1. C. de lit. contest. Alterum in litis contestatione, quæ apud Prætorem in iure fiebat. ut d. §. si antè, & multis peruulgatis. postremum tempus est, cum apud iudicem à Prætore datum caussa disceptatur. l. si reus, 73. D. de procur. l. Ediles, 25. §. item scien



sciendum. D. de Ædil. edict. Ergo si ante litem contestatam cum debitorem creditor appellat, partem debitor offerat, creditor autem recuset, quamvis eam debitor obsignet, eius tamen partis usuras non sistit. Atque ita Modestini locum accipiendum arbitror, in d. l. tutor, de usur. vnius enim obligationis vnam eandemque indivisam solutionem esse oportet: quod pertinet l. Iulianus. 13. §. offerri. D. de act. empt. bona autem vtriusque gratia solutionem partis & sortis debitam imminui, & eius usuras sisti, constat ex l. stipulatus sum. 9. §. 1. De solut. Qui decem debet, inquit, partem soluendo, in parte obligationis liberatur: & reliqua quinque sola in obligatione remanent. Vbi autem ad Prætorum ventum est, tum si iusta causa Prætori videbitur, pro iure Imperij & magistratus poterit iubere creditorem oblatam partem accipere, & pro ea parte litem imminuere. veluti si debitor partem se debere fateatur, partem inficietur. quod pertinet dicta l. quidam. D. si cert. pet. cui iungenda est l. permittendum, 8. D. si pars her. pet. Nam etsi quod Iulianus ait, officium Prætoris esse, lites diminuere, pinguius intelligi sic potest, quasi pars de sorte & sortis usura detracta sit: & creditor de reliquo tantum litigare cogatur: tamen vetus verbum esse animaduerto, Lites diminuere, pro disceptare, & dirimere. ut in l. 2. D. de aq. & aq. plu. & apud Cæsarem lib. 5. Habere sese quæ de re communi dicere vellent, quibus controuersias minui posse sperarent. Et lib. 6. In pace nullus

communis est magistratus: sed Principes regionum atque pagorum inter suos ius dicunt, controuersiasque minuunt. Item apud Cic. Acad. 2. Sed ut minuam controuersiam, videte quæso, &c. Quod si creditor recuset, nihilominus Prætor eum cōpelleret: quia iudicium nonnisi in reliquam partem dictabit. Eiusque imperij exemplum est in l. si cuius, 13. §. sed si, D. de v. fus. l. 3. §. 3. D. de susp. tut. l. 3. §. 3. D. de Carbon. edict. l. item quamuis. 10. §. 1. D. comm. diuid. Cū autem ad Iudicem res deuenit, quia Iudex priuatus ac sine Imperio est, neque quicquam, nisi quod sui iudicij est, statuere potest, & in stricti iuris iudiciis ad summam à Prætore præscriptam astrictus est: tum verò non dubium est, quin nulla ipsius in creditoris iure deminuendo potestas sit. l. ut fundus, 18. D. comm. diu. d. l. ædiles, De ædil. edict. & l. pen. D. de confess. Et huc pertinet l. lecta, 40. D. si cert. pet. cuius hæc sententia est, Pactum de sorte per partes soluenda statim post sortis & vsurarum stipulationem adiectum, in stipulationem diffusum est: & vsurarum obligationem pro rata pensionum diuidit. Causæ autem constitutio hæc est. P. Mænius credidit Titio centum aureos, stipulatus est eos sibi Kal. proximis reddi, & nisi reddantur, vsuram centesimam, id est, vnum menstruum aureum in centenos. Post cōuentū inter illos, ut sortem particulatim soluere liceret. Primæ Kal. sine solutione abierunt. Mænius integræ sortis vsuram petit. Titius solius primæ pensionis non solutæ vsuram offert, quasi

quasi pactum stipulationi cōtinenter adiectum per omnes eius partes diffundatur, eamque vniuersam immutet, atq; actionem informet. Paulus respondit, pactum de sorte per partes soluenda, ad vtranque stipulationis partem, hoc est, sortis & vsurarum pertinere. Et quamuis vsuræ pecuniæ creditæ deberi ex pacto etiam stipulationi continenter adiecto non possint, l. Titius, 24. D. de præsc. verb. l. si tibi, 17. D. de pact. l. 3, C. de vsur. tamen hoc casu vsuras non ex pacto, sed ex stipulatione per pactum renouata & reformata deberi. deinde quia vsurę pecuniæ creditæ non ipso iure, sed ex mora tantum debentur, l. 1. & l. 3. C. de vsur. Ex quo intelligitur, pacta continenter adiecta stipulationibus, vim ex iis, quasi in ipsas insita, ad parendam actionem assumere. l. petens. 27. C. de pact. ac proinde pacta incontinenti apposita æquè inesse stipulationibus, vt bonæ fidei contractibus. l. 7. §. 1. De pact. l. in bonæ, 13. C. eod. Patet igitur, casum illum esse vnum, quo creditore inuito pars obligationis soluitur: cum scilicet obligatio pactione diuisa est. Alter adiungi casus potest, cum obligatio lege diuisa est: velut inter coheredes, l. cetera, D. fam. erc. l. 1. C. si cert. pet. l. 2. §. primo, De verb. oblig. Tertius est, cum creditor consentit, & partis solutionem acceptam habet. l. 9. §. 1. D. de solut.

## QVÆSTIO XXIII.

*An de crimine pacisci, aut transigere liceat.*

**P**Erplexæ disputatio est, & quæ tractari dilucidè, nisi subtili distinctione adhibita, non potest. Nam octo species sunt, quarum de singulis, singulæ ferè sententiæ proponendæ sunt. Primum enim aut de crimine capitali pactio fit, aut de non capitali. l. transigere, 18. C. de transact. Secundò vel in actoris, vel in rei persona pactio consideranda est. Tertiò vel ante iudicium, vel post iudicium constitutum pactio fit, l. 1. §. 2. D. de calum. Postremò vel pactum fit, vel transactio: id est, conuentio fit vel de re certa, & gratis: vel de re ambigua, & aliquo dato aut remisso. l. 1. D. de trans, l. transactio. 38. Cod. eod. Prima igitur enuntiatio hæc esto, Actor de crimine capitali ante constitutum iudicium impunè paciscitur, at non impunè transigit, Actorem autem abusiue appello, non re ipsa sed vi ac potestate, pro eo qui crimen comperit, & actor esse potest, ut ei qui crimen commisit opponatur. Eius autem sententiæ testimonium est in l. 2. D. de concuss. ubi qui ob non accusandum pecuniam accepit, concussionis tenetur. & l. qui accusare. 8. D. de accus. ubi qui ob non accusandum pecuniam accepit, quasi turpem quæstum fecerit, ab accusatione remouetur. eodémque pertinet l. siquidem, 9. C. de contrah. stipul. Atque hæc quidem de transactione. De pacto vero, generalis regula est, neminem prohiberi gratis



tis suam iniuriam remittere. l. mariti. 29. §. ple-  
 ctitur. D. de adult. l. qui cœtu. §. 2. D. de vi pub.  
 Seq. II. Reus de crimine capitali ante constitu-  
 tum iudicium siue paciscatur, siue transigat, ni-  
 hil agit. quoniam cuius alteri aduersario ex-  
 positus est, cuiusvis alterius persecutioni patet  
 atque obiectus est: cùm publica iudicia dici  
 constet, quòd cuius de populo pateant. l. 1. D.  
 de pub. iud. & publica coercitio priuatorum pa-  
 ctione non tollatur. l. 5. D. de pac. dot. Et hoc est  
 quod traditur in l. iurispergentium, 7. §. si paciscar,  
 l. si vnus, 27. §. pacta. D. de pact. de iis rebus quæ  
 publicam læsionem attingunt, pacisci non lice-  
 re. Item de incensis ædibus & de vi, quatenus  
 publicam læsionem attingunt, pacisci non lice-  
 re. Non enim pacisci iure vllò disertè ac nomi-  
 natim prohibitum est: sed ea de re facta pactio  
 nullius momenti est: quoniam de iis demum  
 rebus negotium rectè gerimus, quæ in nostro  
 cōmercio sunt. l. inter stipulātem, 83. §. sacram.  
 D. de verb. obl. Seq. III. In crimine capitali a-  
 ctor post constitutum iudicium, neque pacisci,  
 neque transigere impunè potest. Primùm, quia  
 lædi Respublica per eiusmodi pactiones vide-  
 tur, cùm eius intersit atrocia & capitalia crimi-  
 na puniri, qua de causa pactione accusationem  
 deferit, in Turpilianum S. C. incidit. l. 6. & l. cui  
 senatusconsultum, 15. D. ad S. C. Turp. l. 2. & l.  
 pen. C. eod. l. serui, 23. C. de adult. cuius pœna  
 est infamia, mulcta pecuniaria, & extraordina-  
 ria coercitio. l. 2. C. eod. l. 3. D. de præuar. l. 1. & l.  
 2. C. vt int. cert. temp. Deinde, qui accusant, ca-

tet. Ac planè dubitandi caussam mihi iam sublatam animaduerto ex l.2.D.de cond.ob turp. causs.vbi Vlp.scribit,non ita pridem hoc ab illo suo Imperatore constitutum fuisse, vt qui pecuniam dedisset, litem perderet. quod summopere notandum est. Constitutionis autem æquitas hæc fuit, quia fateri crimen videtur, qui pecunia cum accusatore paciscitur. l.5. D. de his qui not.infam.Seq.v. In criminibus non capitalibus, actori tum ante, tum post constitutum iudicium,& pacisci, & transigere impunè licet.dicta l.iurisgentium,7. §.si paciscar,l.si vnus,27. §.pacta.D.de pact.Itémque in l.prima, D.de calum.vbi Vlp.ait,non esse transactionib. interdictum, sed sordidis concussionibus. quò pertinet l.nec timorem,7. §.1. & l.seq. D.quod met. causs.l.auxilium,37.D.de minoribus. Neq; obstat quod Martianus ait, si quis ab accusatione citra abolitionem destiterit, punitur. l.1. §.4 D.ad Turpill. quia qui sua sponte desistit,tacitè se ipse calumniæ condemnat.qui transigit,& gratificari reo, & de re dubia litèque incerta pacisci intelligitur. Hic illud notandum est, solum adulterij crimen excipi:de quo transigere non licet. l. de crimine, 10. C. de adult. quæ perspicuè de actore loquitur.nam olim capitale illud non fuisse, sed solam relegationis pœnam habuisse,multi eruditi iam pridem docuerunt: partim ex argum. l. si quis viduam, D. de quæst. partim ex eo quod lex Iulia damnatas adulterij vxores duci, & testimonium dicere vetat.l.mariti,29. De adul. l.Claudius,13. D.de

his quæ vt ind. l. ex eo, 18. D. de test. Primi Constantius & Constantius capitis supplicium irrogarunt. l. quamuis, 30. C. de adulter. iuncta l. 4. C. TH. quor. app. non rec. De adulterio ergo pacisci quidem, id est gratis remitti licuit: transigere nõ licuit. l. mariti, 29. §. plectitur. l. si maritus, 15. §. si negauerint, D. de adulter. dicta l. de crimine, 10. C. eod. l. iste quidem, 8. D. quod met. caus. l. auxilium, 37. in fin. D. de minor. Solum autem adulterium excipi, argumento ex contrariis concludi licet: hoc modo, De adulterio, quod non capitale est, transigere non licet, Ergo de aliis non capitalibus licet. l. cum prætor, 12. D. de iud. dicta l. ex eo, 18. D. de testibus. Eius autem exceptionis causa perspicua est, quoniam actor de comperto adulterio transigens lenocinium admittere videtur. l. 2. §. 2. l. miles, 11. §. socer, & l. is cuius, 14. D. de adult. tametsi quod accepit, condici ab illo non possit: propterea quod dantis & accipientis turpitudine versatur. l. 4. D. de cond. ob turp. caus. Quæ cum ita se habeant, veterem meam coniecturam retineo, vt in dicta l. transigere, 18. C. de trans. particula NON alieno loco posita in priorem locum restituatur, & textus legis ad veteris iuris rationem aptissimè & conuenientissimè sic legatur, Transigere vel pacisci de crimine non capitali, excepto adulterio, prohibitum non est. vt Rescriptum illud non ad reum, vt plerique existimarunt, sed ad actorem pertineat. in quo momentum omne positum est. Quod enim sequitur, si affirmatè legatur, & ad actorem referat

feratur, aptissimè cum tertio nostro superiore pronuntiato quadrabit: In aliis, inquit, publicis criminibus, quæ sanguinis pœnam ingerunt, transigere non licet accusatori: propter eas causas quas superius exposuimus. Quod autem superest, CITRA FALSI ACCVSATIONEM, sic interpretor, quasi dictum esset, Sine falsi crimine: vel falsi accusationem subire velit. nam CITRA pro SINE, vsitatum esse, nemo nescit. vt l.1. C. si alien. res pign. l.1. §.1. De pign. l. falsus, 19. C. de furt. l.3. D. de vsur. Falsi enim tenetur is qui, vt verum non appareat, quid celauerit. l. instrumento, 16. D. de fals. Item qui ob non dicendum testimonium pecuniam acceperit. l. prima, D. eod. Quantum autem ad crimen falsi, primum illud scire oportet, illud inter capitalia numerari: quoniam eius pœna plerunque mors est. l.1. l.5. C. ad leg. Corn. de fals. & apud Paul. Sent. 5. tit. 25. §.1. Quapropter ad Regulas de capitalibus superius positas illud redigendum est. neque enim huc pertinet l.2. C. de his qu. vt ind. Nam ibi transactio facta fuerat à Polla defuncta, de testamento nondum suspecto: post cuius mortem tutor pupilli nomine falsum illud dicere volebat. Nihilo magis aduersatur l. ipse, 7. C. de falsid. quæ de transactione quidem loquitur, sed non de instituta falsi accusatione: verum de negotio principali, & lite pecuniaria, propter quam falsum quoddam instrumentum adhibitum fuerat. Magis vrget l. pen. in fin. C. de trans. Nisi fortè, inquit, de eo quod falsum dicitur, controuersia orta decisa sopiatur.



Sed facilis & expedita tum ad hanc, tum ad superiorem obiectionem solutio est: falsi agi posse, & criminaliter, & ciuilitur. l. de fide, 16. l. pen. & ult. C. de fals. Si criminaliter actum est, superiores regulas sequendas esse: sin ciuilitur, eodem modo transactionem valere, vt in ceteris omnibus causis pecuniariis. Superest vi, In crimine non capitali Reus siue ante, siue post constitutum iudicium transigat, infamia afficitur: pacisci autem & sine infamia potest. l. 1. l. 4. §. ult. & l. 6. §. pactus. De his qui not. inf. l. non damnatos. 18. C. eod. vbi qui furti, rapinæ, iniuriarum, de dolo & fraude pecunia pactus est infamia notari dicitur: quippe, cum intelligatur fateri crimen qui transigit. l. 5. D. cod. At qui gratis pactus est, infamia non notatur. d. §. pactus. & l. non damnatos. Neque obstat d. l. iurisg. 7. §. si paciscar, & d. l. si vnus, 29. §. pacta, D. de pactis. & l. post decisionem. 13. C. de fur. l. interdum. 59. §. ult. D. eod. vbi dicitur de furto & iniuriis pacisci licere. hoc enim ad pœnam vitandam pertinet, quæ olim corporalis fuit: pœst verò pecuniaria Prætoris edicto facta est, vt in XII. tab. docuimus. atq; ita intelligenda est Pauli sententia, siue illius sit, siue non sit, quam nonnulli protulerunt. De criminibus propter infamiam nemo cum aduersario pacisci potest: id est, de criminibus reo pacisci non licet, nisi infamiam subire quàm pœnam malit. Hic quæstio exoritur de crimine adulterij, An reo transigere liceat. de qua quæstione omnes, quos videre licuit, putant tractari in d. l. transigere. 18. C. de trans.

transf. Sed iam antè ex posteriore clausula demonstratum est, eam ad accusatorem pertinere. Sicuti negari non potest, d.l. de crimine, C. de adulte. ad ipsum accusatorem, non ad reum referendam esse. Quantum enim ad reum attinet, quomodo dubitari potest, nihilo magis licere de adulterio, quàm de minoribus delictis sine infamia transigere? Quare siue mulier, siue vir adulterij accusatus est, perabsurdum videtur, existimare in d.l. transigere, crimen adulterij exceptum, ne accusato de illo transigere liceat. Neque aduersatur dicta l. de crimine, quæ ad accusatorem, vt diximus, apertissimè pertinet. Quamuis enim legendum quidam putent, Par delictum esse accusatoris, præuaricatoris, & rei fugientis veritatis inquisitionem: tamen neque vulgata lectio quicquam habet incommodi: vt accusator qui per transactionem ab inquisitione veritatis desistit, æquè infamis sit, æquè extraordinaria pœna teneatur, vt is qui præuaricatur, denique vt eadem pœna sit tergiversationi, quæ præuaricatoris. l. 2. C. ad Turp. l. 2. D. de præuaric. quid verbis opus est? nam Basilica perspicuè REFUGIENTIS verbum retinent, & ad accusatorem id referunt. ἴσον ἔγκλημα τῷ κατηγόρου τῷ τε προδιδωκότος, καὶ τῷ φεύγοντος πῶς τῆς ἀληθείας ζήτησιν. Par delictum est accusatoris præuaricantis, & veritatis inquisitionem refugee. Deinde vt concedamus de reo fugiente locum accipiendum esse, tamen eodem reuoluemur. Par enim, quantum ad existimationem, & rei fugientis, & accusatoris tergiversan-

tis pœna est. Illud constat, quod is qui in adulterio deprehensus est, redimendi sui causâ dederit, non repeti: quoniam utriusque turpitudine versata est: ut modò diximus ex l. 4. D. de cond. ob turp. causâ. Quæ cum ita se habeant, faciliè existimari potest, quantum Græcis interpretibus sit tribuendum, atque in his Constantino, qui legem transigere. C. de transact. ita cōverterat, Εἰς μὲν τὰ δι' αἵματος ὀφειρόντα πλὴν τιμωρίαν καλῶς ἀγαλούμεθα, ὑπὲρ ἐξηρημένον τῷ τῆς μοιχείας ἐγκλήματος, ὅσα δὲ μὴ ἔχει δι' αἵματος ἢ τιμωρίαν, ἐπὶ τοῦτοις ἔκ' ἑρρῶται ἢ ἀγ' λυσις, χωρὶς τῷ τ' πλαστογραφίας ἐγκλήματος.

APPENDIX. Atque hæc quidem olim de interpretatione legis Transigere sic scripseram. sed postea cognoui non omnibus hanc meam sententiam placuisse. Sunt enim qui putent verba illa EXCEPTO ADULTERIO neque Diocletiani, neque Triboniani esse, sed ab imperito aliquo interprete adiecta fuisse. quorum mihi vel vnam hanc ob causam probari sententia non potest, quia non modò apud Harmenopulum totidem extat verbis, verum etiam in Basilic. lib. 2. tit. 2. c. 26. Quod verò idem vir in primis elegans & eruditus scribit, me non animadvertisse, exceptionem de regula esse oportere, adulterium autem quòd hic excipitur, fuisse Diocletiani ætate numerum criminum capitalium, sanè mihi perdifficile intellectu est: cum ob hanc vnam ipsam causam superius scripserim, negationem insequentis versus in hunc primum restituendam esse. Quid verbis opus est?  
Tradi

Tradi creditur initio legis hæc regula licere a-  
ctori in crimine capitali sanguinis pœnam fe-  
rente & transigere & pacisci impunè. At eam  
ego sententiam falsam esse superius apertissi-  
mè docui. nam is qui pactione accusationem  
deserit, in Turpilliani pœnam incidit: hoc est,  
infamiam, multam pecuniariam, & extraordi-  
nariam coercionem. l. 2. C. ad Turpill. l. 3. §.  
vlt. D. de præuar. l. 1. & l. 2. C. vt int. cert. temp. l.  
1. D. de iur. fisci. l. spurij, §. qui iudicij, D. de de-  
curion. denique subscriptionis ad quam accu-  
sator adigitur, hanc vim esse constat, vt se ca-  
lumniæ & talionis periculo subiiciat. l. vlt. C. de  
acc. l. 2. l. 7. l. vlt. C. de calumn. Eiusque rei sumi  
exemplum potest ex crimine homicidij: quod  
plerunque: itémque sacrilegij, quod interdum  
capitale esse constat. l. 3. §. pen. D. de sicar. & a-  
pud Paul. sent. 5. tit. 23. & Collectan. 1. tit. 1. l. 4.  
D. de pecul. nam cui verisimile fiet, licuisse ac-  
cusatori clam de tantis sceleribus, quæ coerceri  
totius reip. publicæ denique securitatis inter-  
erat, transigere? Altera legis parte tradi hæc re-  
gula putatur, Non licere actori in criminibus  
sanguinis pœnam non inferentibus impunè  
transigere. At hoc quoque falsum est. nam Vlp.  
in l. 1. §. 2. D. de calumniat. disertè scribit, non  
esse transactionibus interdictum, sed sordidis  
concussionibus. Sunt qui obiciant l. siqui-  
dem, 9. C. de contr. stip. quasi dixerit, turpe esse  
pacisci de crimine non capitali. quod apertè  
falsum & commentitium est. Lex enim indefi-  
nitè loquitur de eo, qui pecunia pactus est, ne



accusationem institueret: neque inter capitalem aut non capitalem pœnam distinguit, sed generaliter de eo statuit, qui ob non accusandum pecuniam accepit, qui pari eodémq; modo aliis locis indistinctè modò concussionis, modò repetundarum teneri dicitur. l. 8. D. de accusat. l. 6. §. 1. D. repetund. Quinetiam ex naturali ratione disputari potest, quib. criminibus lex pœnam sanguinis imposuit, ea illam vsque adeo atrocia & coercenda iudicasse, vt sine reip. detrimento tegi ac dissimulari non possint. quale esse homicidium & sacrilegium diximus. quæ verò leuiore pœna damnauit, in iis facilius accusatori, vt ab actione desisteret, concessisse. Quid quod crimina quædam eiusmodi esse videmus, vt eorum pœna variè pro delicti modo statuatur, veluti plagium in l. vlt. D. de plagiar. & crimen repetundarum. l. 7. in fin. D. repetund. item peculatus, l. 6. D. de pecul. nam hæc modò capite, modò deportatione, modò leuiore pœna plectuntur. vnde intelligitur transigere interdum de iis licuisse, interdum non licuisse. Sed cùm ex iis quæ plerunque seruantur, regulæ iuris constituantur, probabile est Diocletianum contrarias hoc modo regulas constituisse: Licere auctori in crimine non capitali transigere: Non licere auctori in crimine mortis pœnam inferente transigere. Quarum à priore adulterij crimen excipimus. non extra regulam: vt vir doctus existimauit. nam apertissimè speciem à genere detraximus. quippe, cùm adulterium Diocletiani ætate capitale crimen non esset.

Quin

Quinetiam rectissimè hoc modo argumentari licebit. Specialiter cautum est, ne de adulterio (quod vnum est ex criminibus sanguinis pœnam non inferentib.) transigere liceat. Ergo de aliis similibus nempe de non capitalibus transigere licebat. l. cum prætor, 12. D. de iud. l. ex eo, 18. D. de testib. Et certè ita est, vt alibi exceptio hæc pro regula tradatur, De crimine adulterij pacisci pecunia non licet. d. l. 10. l. abolitio-nem. 16. & l. serui, 23. C. de adulter. l. isti, 8. D. quod met. causs. l. auxilium. 37. D. de minorib. Exceptionis autem æquitatem superiùs hanc fuisse ostendimus, quia qui accepta pecunia de stupro paciscitur, manifestus leno est. l. 2. §. 2. l. miles, 11. §. 3. l. is cuius. 14. D. de adulter. Atque hæc quidem hætenus ad modestam, atque, vt sperare videor, amicam reprehensionem dicta sint. Ecce autem aliam eiusdem legis interpretationem, ex Græcorum commentariis, seu potius lacunis haustam. Secundum antiquas leges adulterium non erat capitale, & consequenter de eo pacisci non licebat. quod etiam capite quodam legis Iuliæ nominatim cautum erat. d. l. 10. Nunc quamuis factum sit capitale, non tamen caput illud legis abrogatum est, neq; permissum vt pacisci de illo liceat. Hoc quale sit intelligere non possum, nisi fortè hæc sententia est: quamuis de criminibus non capitalibus pacisci non liceat, tamen de adulterio, quod capitale factum est pacisci non licet. Sed propiùs accedendum est: atq; ita pressius disputandum: Si non capitale fuisse hoc tempore adulterium

ponamus, absurda erit pars huius legis posterior. si capitale, absurda prior. quod hoc argumento, intelligetur. Imperante Diocletiano de crimine non capitali pacisci non licuit: ut posteriore legis parte traditur. Eodem imperante adulterium capitale non erat: ut iam inter omnes constat. Ergo eodem imperante de adulterio pacisci licuit. At consequens falsum. Falsum igitur antecedens. falsum esse consequens, patet ex d. l. 10. C. de adulter. l. mariti. 29. §. plectitur. D. eod. ubi dilucidè traditur, de adulterio pacisci pecunia non licere. quoniam, ut paulo antè diximus, Lenocinij seipsum damnat, qui pro comperto stupro pretium accipit. Sequitur alterum argumentum: Diocletiano imperante transigere de adulterio non licuit. d. l. 10. Eodem imperante transigere de capitali crimine licuit: ut priore legis parte scriptum est. Ergo eodem imperante adulterium capitale fuit. Quod si non fuit, ridiculè adulterij non capitalis exceptio, sub regula de capitalibus criminibus subiuncta est, quandoquidem id quod excipitur regulæ pars esse debet, ut species suo generi deroget. l. 4. §. ult. D. de pen. leg. si peculium. 10. D. de manum. testam. Venio ad alteram legis partem, Ut de criminibus sanguinis pœnam non inferentibus pacisci liceat, excepto falsi crimine. Sic. n. Basil. liber interpretatur: *πλαστοχαραφίας χρεὶς τῇ τῆς πλαστοχαραφίας ἐγκλήματι*. Sed hæc sententia non minus absurda est. primum, quia falsi crimen plerunque mortis pœnam infererebat. honestiores soli deportabantur. l. 1. & l. §. C.

5. C. de falsi & apud Paul. sent. 5. tit. 25. §. 10. Neque verum est, quod quidam scribunt constitutionibus posterioribus falsi crimen factum fuisse non capitale. ex l. vbi falsi, 22. C. e. nam illo loco Constantinus aperte statuit, ut falsarius vel capite, vel deportatione pro delicti modo plectatur quemadmodum superius dictum est, posterioribus legibus varias eiusdemque criminis pœnas pro delicti modo constitutas fuisse. Quare absurdum esset, verba illa CITRA falsi accusationem, Græcorum exemplo, pro exceptione interpretari: ne nimis Tribonianum imperitiam arguamus. Nam etsi vox CITRA nonnunquam pro Extra, vel præter vsurpetur, velut in l. ult. D. de calumn. tamen cum falsi crimen capitale fuerit, absurdum esset, exceptionem à regula tantopere alienam sub regula subiicere. Quare CITRA pro Sine positum esse non dubito: quasi Imp. scripsisset, Sine falsi accusatione: vel, Nisi falsi accusationis periculum subire velit, sicuti in l. 2. C. sent. rescind. non poss. Iudicatum citra remedium appellationis rescindi non potest. & in l. 6. D. de curat. fur. Ne cui citra causæ cognitionem curatorem det. item in l. 1. C. de iur. fisc. Quod citra fraudem creditorum gestum est, non rescinditur. & l. ult. §. filiis, C. de bon. quæ lib. Nec citra volutatem eorum quorum in potestate sunt, &c. Quare ut huic disputationi modum imponamus, sine cunctatione concludendum arbitror, Diocletianum quidem hanc legem ita uti restituimus. promulgasse. Tribonianum autem propter nouum de adulterij



pœna institutum eam suo more arbitrioque interpolasse.

## QVÆSTIO XXIIII.

*An ius vtendi fruendi re aliena, salua eius substantia, de nullo alio quàm de usu-fructu dici possit.*

**D**Vbitandi causam affert primùm Emphyteusis, quæ non modò ius vtendi fruendi transfert, verumetiam ius perpetuarium aut certè longissimum. l. i. D. si ag. vect. l. i. C. de off. com. sac. pal. l. viam veritatis. 10. C. locat. Idque in re aliena: quia proprietas non transfertur. d. l. i. D. si ag. ve. Postremò interitus totius rei ad proprietarium pertinet. l. 2. C. de iur. emphyt. Secundam dubitandi causam mouet fideicommissum. Nam heres fiduciarius rogatus hereditatem restituere. cùm morietur, idem ius quod fructuarius habere videtur. l. species, 15. D. de aur. & arg. leg. vbi disertè vsusfr. appellatur. Res autem fideicommissaria nominatim à Iustiniano res aliena dicitur in l. ult. §. sed quia, C. com. de leg. Tertiam, dos vxoris, in qua maritus idem ius salua rei substantia obtinere videtur. Eius enim periculum si æstimata non est, ad mulierem pertinet. l. plerunque. 10. cum simil. D. de iur. dot. Quartam, conductio, quæ ius colono tribuit vtendi fr. re aliena, salua eius substantia. l. i. D. de loc. public. fruend. l. si quis, 9. §. 1. ibi Num magis l. si fundus. 33. l. si merces. 81. l. si in lege. 24. §. clauus, D. locat. qua de causa si in

colono vsuf. legetur, actio ex locato ei tantum remittenda est. l. cui vsuf. 30. §. 1. D. de vsufr. leg. Quintam, Precarium, quod idem hoc ius tribuere videtur l. 1. & pas. D. de prec. Sextam, *Ἀντιρροισις*, de qua in l. si pecuniam. 33. D. de pign. act. & l. si is qui bona, 11. §. 1. D. de pign. hoc est, cum pignus ita datur ut quoad debitor satisfaciatur, eo creditor utatur fruatur. Septimam, Legatum annui redditus certi fundi: de quo in l. fundi 38. D. de vsufr. leg. l. liberto, 21. D. de an. leg. nam hic legatarius fructus omnes omnium generum percipit. Septem igitur huius definitionis tanquam riuales licet enumerare, Emphyteutem, in agro vectigali: heredem fiduciarium, in fideicommisso: maritum, in re dotali: colonum, in re conducta: eum qui precario res concessa est, creditorem *ἀντιρροισις*, in fundo oppignerato: & proventus annui legatarium. nam hi omnes definitionem illam non fructuarij propriam, sed sibi cum illo communem esse contendunt. Videndum est igitur, quemadmodum illorum argumentis responderi possit. nam si definitio hæc etiam in illos transferri potest, vitiosa est, definitum enim & definitio inter se reciprocari & conuerti debent. l. 1. D. de dol. mal. Quantum igitur ad emphyteuticarium attinet, quamuis propriè ac plenè dominus agri vectigalis non sit, tamen quasi dominus est: atque adeò disertè dominus appellatur in l. possessor, 12. C. de fund. patrim. eique utilis actio rei vindicandæ causa permittitur. l. 1. D. si ag. vect. l. §. §. bonorum, D. ut in poss. leg. quinetiam

agrum ipsum oppignerare potest, & donare, & vendere, & quouis modo alienare, non modò inter viuos, verum etiam per testamentum l. tutor. 16. vlt. De pign. l. si domus. 71. §. vlt. De leg. 1. vt iam non tam aliena re quàm sua frui videatur. Sic heres fiduciarius reuera dominium habet, & re sua, non aliena vtitur fruitur. l. 1. §. 1. & l. quamuis, 40. D. ad Trebel. & quamuis à Iustiniano res aliena dicatur, tamen id ex fictione intelligendum est, cum ne in fideicommissarium quidem dominium verum transferatur. l. 3. D. si vsus. pet. Sic maritus constante matrimonio dotis dominus est fictitiuus. l. in rebus, 30. C. de iur. dot. l. Lucius, 21. §. 4. D. ad munic. l. quamuis, 73. De iur. dot. Itaque non aliena, sed sua re vti ac frui videtur. Ita tres aduersarij illi primiverbis illis exclusi sunt, RE ALIENA. quoniam omnes vtuntur re quæ sua est vel verè, vel per fictionem. Quantum ad precarium, facilis & expedita ratio est: primum, quia precarium non potest definiri ius, quia non iuris est, sed facti. l. si precario, 17. D. comm. præd. arg. l. si adoptauero, 16. De precar. quippe cuius & vsus & vtendi tempus planè incertum sunt: totaque ex concedentis voluntate pendent. deinde in precario, non fruendi, sed tantum vtendi potestas cõceditur. Superest vt colonum, creditorem ἀντιχρῆστον, & legatarium proventus annui excludamus: qui omnium acerrimi aduersarij sunt. nam & omni fructuum genere vtuntur, & in re perspicuè ac sine dubio aliena. An dicemus, quantum ad colonum attinet, ius fruendi quod

quod ex locatione percipitur, certis legibus præscribitur l. si mercēs, 25. §. conductor, D. locat. cum fructuario alia nulla lex & conditio fruendi præscribi possit, quàm æquitatis ratio, & boni viri arbitratu, & patrisfam. frugi consuetudo. l. 1. & pass. D. vsuf. quem. cau. Sed si nulla in locationis cōtractu lex sit adhibita, tamen cum bonæ fidei sit, ad boni viri arbitrium redigetur. l. cum venderent, 21. D. loc. Alia igitur Colono reddenda responsio est, quæ reliquis duobus satisfaciet: nēpe aliud esse ius vtendi fruendi, aliud vinculum illius iuris. Ius est domini-um iuris, quod fructuario per traditionem acquisitum est. l. 3. D. de vsuf. vt ei rei vindicatio ex iure Quiritium confessoria competat. l. 5. & pass. D. si vsuf. per. qua de causā vsuf. in fructuarij bonis & dominio numeratur. l. in venditionem. 8. D. de reb. auct. iud. poss. At Colonus & creditor & legatarius non habent dominium iuris, sed vinculum iuris, id est obligationem: quæ definitur iuris vinculum, in §. 1. Instit. De oblig. non enim obligationum vis ea est, vt rem aliquam nostram efficiat, sed vt alterum nobis obliget ad dandum, aut faciendum. l. 3. D. de oblig. & act. & dominium ab obligatione separatur in l. 2. D. de stip. seru. Vsufructuarius igitur habet ius suum & in suo dominio: qua de causā realem actionem habet: alij verò ius postulandi in iudicio, vt sibi vtī frui liceat: quo nomine personalem actionem habent. Itaque aliud est vsusfructus, aliud actio de vsufructu ex testamēto, vel cōtractu. l. 1. in fin. D. quand.



dies vsusf. l. l. in princ. D. tit. seq. Quinetiam quantum ad annui redditus legatarium attinet, tantum abest vt ius fruendi in ipsius dominio sit, vt neque habitationem habeat, neque per se colat & fructus percipiat: sed heres vendere fundum possit, & ei quantitatem eandem offerre. d. l. fundi, & l. nihil. 110. D. de leg. 1. que omnia ab vsusfructus iure abhorrent. l. 7. & pass. D. de vsufr. Aliud tamen iuris esset, si fructus annui legati fuissent. quibus verbis verum vsufr. Vlpianus significari statuit. l. si quis ita, 20. D. de vsuf. Vsuarium autem in istorum competitorum numerum non admisimus: quoniam vsuarius ius habet vtendi tantum, non fruendi: neque tamen salua rei substantia, vt nonnulli scribunt: hoc est, non quantum rei natura & substantia ferre potest: sed eatenus duntaxat, quatenus ad subleuandam ipsius necessitatem satis est. l. 4. D. de oper. seru. l. plenum, 12. §. 1. D. de vsu & habit.

## QVÆSTIO XXV.

*An iustum coniugium solo partium consensu sine publica testatione contrahatur.*

**L**Vbrica hæc disputatio est. nam magna ex parte ad religionem pertinet. quare hæc præmunitione vtemur, vt Matrimonij causam quidem efficientem esse dicamus, partium consensum & conuentionem, l. 2. D. de rit. nup. materiam autem & causam sine qua non, corporum coniunctionem: quia nec in castrato, nec in

in nondum viripotente matrimonium cense-  
tur. l. si serua, 39. §. 1. D. de iur. dot. l. pen. D. quād.  
dies legat. Forma autem iure Romano, atque ad-  
deò forma essentialis, & sine qua coniugium  
non habetur, fuit deductio in mariti domum,  
& aquæ atque ignis interuentus. l. pen. D. de  
don. int. vir. l. mulieri, 5. & l. seq. D. de rit. nupt.  
cui fuerit, 15. D. de cond. & demonstr. Finis au-  
tem (vt inter omnes constat) est propagatio so-  
bolis, & liberorum procreatio. l. si vicinus, 9. C.  
de nupt. His positis, deinceps illud intelligen-  
dum est: si hanc quæstionem ad iuris civilis ra-  
tionem reuocemus, magnam disputationis par-  
tem à religionis Christianæ institutis alienam  
fore. Nam Modestinus in l. in liberæ, 24. D. de  
rit. nupt. scribit, in liberæ mulieris consuetudi-  
ne, si modò quæstum corpore non faciat, non  
concubinatum, sed nuptias intelligi. Item Pa-  
pin. in l. donationes, 31. D. de donat. statuit, mu-  
lierem maritali honore & affectione habi-  
tam, pro vxore habendam esse: quamuis testatio  
nulla sit. cui congruit illud Vlpiani in l. item  
legato, 49. §. 1. D. de leg. 3. inter concubinam &  
vxorem, nisi dignitate, nihil interesse. & l. 3. §. 1.  
D. de donat. int. vir. & l. 3. D. de concub. inter  
concubinatum & matrimonium nihil nisi affe-  
ctionem interesse: ingenuâque mulierem do-  
mi sine testatione habitam, pro vxore numera-  
ri. Quinetiam Imp. Theodosius in l. si donatio-  
num, 22. C. de nupt. sanxit, matrimonium absq;  
vlla pompa & celebritate nuptiarum, atque ad-  
deò absque vllis dotalibus instrumentis firmum

esse: liberosque ex eo susceptos, iustos esse. nam si liberi pro iustis habendi sunt, iustum antecessisse matrimonium oportet. quod idem Imp. Probus constituit. d. l. si vicinus, 9. C. eod. Atque hæc quidem de Iustinianico iure dicta sint, ex quibus intelligitur, matrimonia non modò sine publica, verùm etiam sine privata testatione, atque adeò sola partium consensione eo iure conciliari. Nam de antiquo Romanorum iure absurdum esset disputare: quo non modò mulier domi à viro per anni spatium retenta, pro vxore viucapiebatur (quemadmodum in Comment. xii. tab. exposuimus) verùm etiam vir vxorem amico ad tempus liberorum suscipiendorum causa concedebat. Quod Strabo lib. xi. & Plutarch. in Catone Vtic. & Tertull. in Apologet. memoriæ prodiderunt. Et de tacito matrimonij pacto, Sueton. in Caligula, Mox, inquit, L. Cassio Longino consulari collocatam abduxit, & in modum iustæ vxoris propalam habuit. Quòd si quis genus illud matrimonij taciti ad vxoriæ vsucapionis institutum referre volet, necesse erit summæ Tribonianum stultitiæ coarguit: qui cùm illa matrimonia sustulisset, leges tamen quæ ad illa pertinebant, reliquerit. Vt cunque sit, absurdissimum sanè videtur, cùm matrimonium magna ex parte publici aut certè diuini iuris, etiam apud Romanos fuerit: quippe, cùm omnis diuini atque humani iuris communicatio definiatur. l. i. D. de ri. nup. atque vxor dicatur humanæ & diuinæ rei socia. l. aduersus, C. de crim. expil. deinde cùm ad ciuis

uis Romanæ caput pertinuerit ( nam quæ materfa. fiebat , capite minuebatur) tamen sine actis atque adeò sine scriptura probatum fuisse. l.4.D. de pignor.l.4.de fid.instrum.& vt superius demonstratum est,tacitè,ac sine vlla testatione:tantùm ex domestica vitæ consuetudine: cùm tamen neque emancipatio,neque adoptio fieri olim sine ritus solennitate posset.l.3. D.de adopt. Videamus igitur , ne quæstionis huius disceptatio ex religionis nostræ institutis potius,quàm ex civili Rom.iure petenda sit.quippe,cùm matrimonium(vt suprà diximus)potius diuini , quàm humani iuris esse constet. quod vel hinc licet intelligatur,quòd Christus & Apostoli cùm ins de ceteris humanis cōventionibus atque pactis nullum sanxerint, tamen de matrimonio leges multas statuerunt,vt Matth. 5.& 19.1.Corinth.5.& 2.Cor.2.& 1.Cor.6.& 7. item 1.Petr. 3. Quinetiam conuentionem istam sacram esse, Deumque ipsius auctorem & conciliatorem fuisse, cùm ex ipsius instituto intelligitur , tum etiam ex his Christi verbis Marc. 10. Quos Deus coniunxit,homo ne disiungat. Etsi autem partim hominum quorundam ambitione , partim temporum infelicitate multæ sensim in disciplinam Ecclesiasticam corruptelæ inuectæ sunt : tamen iniquum est,instituta per se bona propter aduentitias corruptelas repudiari, &(vt Vlpianus ait) veritas rerum erroribus gestorum non vitatur. l. qui illicitas, D.de off.præs. Quare concludendum arbitror, morem matrimonij sine publica testatione &



solenni ritu contrahendū à Christianis repudiandū esse. Primū, quia cū matrimonium diuini iuris sit, vt iam dictum est, consentaneum est, diuini iuris & religionis ministros in eo consecrandq; adhiberi. præsertim cū etiam profani homines non modò in pontificalibus matrimoniis confarreatione vterentur, vt iam notum est omnibus: verū etiam in peruigatis nuptiis, quæ per conuentionem in manum fiebant, & solennem in domum deductionem, aquam atque ignem adhiberent. d. l. penultim. D. de donat. int. vir. Deinde, quia cū in matrimoniis familiarum dignitas periclitetur, cautio adhibenda est, nequa honesta mulier pro concubina, aut meretrice, vel nequi iusti liberi pro spuris & nothis habeantur. æquissimūq; videtur, quæ ad personarum & familiarū, ac proinde ad ciuitatis statum publicum pertinent, non modò ritè atque ordine, verumetiam publicè ac solenniter fieri. sicuti de adoptionibus traditur in l. 3. & l. quarta, D. de adopt. quò pertinet illud Modestini, Semper in coniunctionibus non solū quid liceat considerandum est, sed etiam quid honestum sit. Itaque furtiux & clandestinæ nuptiæ apertè damnātur ab imperat. Cōstantino in l. vxor, 7. C. de repud. Præterea pietatis adiunctum est, veteres Christianorum mores scripturæ sacræ consentaneos obseruari. Vetusissimum autem Christianorum institutum hoc esse, vt matrimonia palàm Ecclesiæ & ministrorum precibus consecrentur, facilè demonstrari potest: primū ex Ter-

tull

tulliano, qui lib. ad uxorem 2. ita scribit: Vnde  
sufficiam ad enarrandam felicitatem eius ma-  
trimonij, quod Ecclesia conciliat, & confirmat  
oblatio: & obsignatum Angeli renuntiant, pa-  
ter rato habet? Nam nec in terris filij sine con-  
sensu patrum rite & iure nubent. Alterum re-  
stitutionum est ex l. i. incimus, 24. C. de nupt. vbi  
imperator Iustinianus statuit, vt ea demum ra-  
ta sint matrimonia, in quibus nuptiarum ac-  
cessit festiuitas. Tertium est ex imp. Leonis  
Nou. 89. vbi sauxit, vt Christianorum coniugia  
sacra & ecclesiastica precatiois testimonio  
confirmentur: quæ aliter contracta erunt, pro  
iustis coniugiis non numerentur. Quam consti-  
tutionem Harmenop. lib. 4. cap. 4. commemo-  
rans, subiungit imp. Cæsarem Alexium Com-  
nenum idem quoque constituisse. Quartum est,  
quod idem Harmenop. eodem loco testatur.  
ecclesiasticis canonibus sancitum fuisse, ne clan-  
destina nuptiæ, & extra ecclesiam Christiano-  
rum celebrentur. Quintum est, quod papa In-  
nocentius III. testatur, hanc veterem quoque  
Christianorum consuetudinem fuisse, non Pa-  
pæ vllius institutum, vt conventiones matrimo-  
niorum in ecclesia promulgentur. c. 4. ext. de  
cland. desp. vbi sic loquitur: Quare secundum  
specialem quorundam locorum consuetudi-  
nem statuimus, vt cum matrimonia fuerint con-  
trahenda, in ecclesiis per presbyteros publicè  
proponantur, competenti termino præfinito:  
vt intra illum terminum qui valuerit & volue-  
rit, legitimum impedimentum opponat, &c.

Eaque promulgatio Bannum Langobardico vocabulo appellatur in c. cum in tua, 27. Ext. de spon. & ex vetere consuetudine manasse dicitur in c. cum tua, 6. qui matr. accus. poss. Idemq; in c. aliter. 30. q. 5. In eandem sententiam Caius Institut. lib. 1. scribit, inuptias esse legitimas, cum Romanus Romanam nuptiis interuenientibus uxorem duxit. Nam plerunque matrimonium à nuptiis ita distinguitur, ut illud conventionem & pactum significet: hæ verò ritum & solennitatem, quæ pro cuiusque gentis institutis palam adhibetur: veluti apud Scæuolam in l. pen. D. de don. int. vir. & vx. & apud Paulum in l. si ita, 20. & Iulianum in l. seq. D. de rit. nupt. & in l. inter eos, 27. D. de don. int. vir. itemque apud Dioclet. in l. neque sine, 13. C. de nupt. Itaque quod Iustin. Nou. 74. §. ἐπεὶ δὲ, 4. Iuliano interprete ita scribit, Siquis diuinis tactis scriptis iurauerit mulieri, legitimam se illam uxorem habiturum, vel si in oratorio tale sacramentum dederit, sit illa legitima vxor, quamuis nulla dos, nulla scriptura alia interposita sit: videndum est, ut secundum superscriptam cautionem interpretemur: quasi eo solo iureiurando matrimonium quidem contrahi significet: sed præter matrimonium nuptias superesse: hoc est, ritum & solennitatem in ecclesia Christiana vsitatam. Quæ cum ita se habeant, primum perspicuum esse arbitror, neque veram Duareni doctiss. viri disputationem fuisse, qui ad Rub. solut. matrimon. multis verbis

cont

contendit, clandestina matrimonia Digestorum libris damnari. deinde leges & constitutiones Pandect. & Codicis, quæ tacita matrimonij pacta pro expressis & solennibus habuerunt, à Christianis repudiandas esse: eoque nomine Tribonianum ceterosque iuris nostri architectos grauiter vituperandos videri.

## QVÆSTIO XXVI.

*An debitor qui soluendo non est, iure Rom. affici  
pœna corporali possit.*

Celebratur quidem ab omnibus legis Iuliæ beneficium, quæ debitores qui soluendo non sunt, si bonis suis cesserint, carceris & verberum periculo liberat. nam per eam cessionem creditoribus potestas tantum relinquitur damnati bona publica auctione diuendendi l. 1. & l. 4. C. qui bon. ced. poss. Sed nemo explicat, quid illud sit, quod cum vetustis legibus Porcia & Sempronia ciuium Rom. corpora quodammodo quasi sacrosancta essent, neque verberibus in eos animaduertere liceret: tamen inopes debitores, nisi legis illius Iuliæ præsidio tuti fuissent, verberibus & cruciatur corporis subiiciebantur, vt ex illius legis Iuliæ beneficio intelligitur. Quinetiam imp. Gratianus sanxit, ne debitor, nisi qui per vim maiorem bonis euersus fuerit, bonorum cessione vti possit: sed vt ad redditionem debitæ quantitatis congrua atque dignissima suppliciorum acerbitate cogatur, vt ait l. 1. C. TH. qui bon. ex leg. Iul. ced. co-



démque pertinet l. si victum, 34. D. de re iud. ne cui liceat prohibere victum & stratum inferri iudicato: nimirum in carcerem detruso. Et Nou. 135. vbi per bonorum cellionem remitti dicitur ἡ τῶν σωματῶν τιμωρία. Itémque illud Ambrosij in lib. de Tobia, cap. 10. Quoties, inquit, vidi à fœneratoribus teneri defunctos pro pignore, & negari tumultum dum fœnus exposcitur. Quibus ego acquiescens dixi, Tenete reum vestrum, & ne vobis possit elabi, domum ducitè, claudite in cubiculi vestro carnificibus duriores: quoniam quem vos tenetis, carcer non suscipit, exactor absoluit. Et cap. viii. Vidi ego miserabile spectaculum, liberos pro paterno debito in aucionem deduci, & teneri calamitatis heredes, qui non essent participes successionis, & hoc tam immane flagitium non erubescere creditorem. Item in lib. de Nabuthe, c. 5. Vidi ego pauperem duci, dum cogeretur solvere quod non habebat: trahi ad carcerem, quia vinum deesset ad mensam potentis: deducere in aucionem filios suos, vt ad tempus pœnam differre possit: inuentum fortè aliquem qui in illa necessitate subueniret. Redit ad hospitium cum suis, ingemiscens filiorum famem, dolens quòd eos non potius ei qui posset pascere, vendidisset. Redit ad consilium. vendendi sumit arbitrium. Item Off. 1. Grandis culpa est, si te sciente fidelis egeat, si scias eum sine sumptu esse, fame laborare, & non adiuues: si sit in carcere, & pœnis & suppliciis propter debitum aliquod iustus excrucietur. Sic in

l. ob scœnus; 49. D. de admin. tut. Tutor qui pecuniam pupillarem non exercuit, si id damnum resarciendum idoneus non est, extra ordinem coercetur. Item in l. 3. §. qui pecuniam, D. e. vbi tutores improbè in administratione versati, vinculis publicis contineri iubentur. Item in l. si pro aliquo, 21. §. 1. D. ad Velleian. vbi pater iudicatus propter solutionem vexari dicitur. Item in l. ult. in fin. D. quæ in fraud. cred. vbi fraudator conuentus pœnam subire dicitur. Denique Agellius lib. 20. c. 1. testatur ætate sua vsurpatum id fuisse, vt addicti debitores nocte rentur. Addici, inquit, nunc & vinciri multos videmus, qui vinculorum pœnam deterrimi homines contemnunt. Quare intelligendum, varium eius rei ius apud Romanos fuisse. Nā vt rem ab ouo (quemadmodum dici solet) repetamus, primum ius fuit XII. tab. vt debitores damnati si iudicatum facere non possent, publicè venderentur, atque addicti seruirent: id est, in neruo operas darent: vt Agellius eodem loco testatur. & Quintil. lib. 5. & lib. 7. vbi de additis loquitur. Atque inde natum illud Romanorum institutum videtur, vt reges externos (opinor qui soluendo non erant) cum purpura, & sceptro, & corona in sella regia collocatos publicè venderent. Cicero pro Sextio: De hoc nihil cogitante (loquitur de Ptolomæo Cypri rege) est rogatum vt sedens cum purpura & sceptro, & illis insignibus regiis, præconi publico subiiceretur: & imperante populo R. qui etiam bello victis Regibus regna reddere consuevit,

Rex amicus, nulla injuria commemorata, nullis repetitis rebus, cum bonis omnibus publicaretur. Sic pro domo: Vbi Cyprius Rex cum bonis omnibus sub præcone subiiceretur. Nam publicandi regni causam hanc (vt opinor) Clodius lege sua præscripserat. de qua lege Dio lib. 38. commemorat. Prius autem quàm debitor ipse venderetur, omnia eius bona publicè constituta auctione distrahebantur. Nam cum antiqua lege XII. tab. institutum fuisset, vt creditores debitoris corpus dissecarent, atque inter se partirentur: tacito populi consensu consuetudo inoleuit, vt eius bona distraherentur, sic, vt ne ad victum quidem & cultum quicquam ei relinqueretur, vt Agellius eod. loco testatur, & Fab. lib. 3. cap. 6. atque adeo infamia notarentur, teste Tertulliano in Apolog. Ac de vniuersa quidem bonorum venditione, testimonium est in §.1. Inst. de success. sublat. ad eamque referendus est ille Ciceronis locus Philippica XI. Videte etiam P. Decij auctionem clarissimi viri, qui maiorum suorum exempla persequens, pro alieno se ære deuouit emptori: id est, bona sua vniuersa vendi passus est. Neque mihi eorum displicet coniectura, qui Sectionis nomen inde confictum existimant, propter legem XII. tab. quæ debitoris corpus secari ac diuidi inter creditores permittebat, vt cum ea lex à corpore ad bona translata esset, non re mutata permanferit. velut in l. insula, 59. D. de acq. rer. do. Eoq; illud Ciceronis pertinet in Orat. pro Quintio, Si funus id habendum sit, quò non amici con-

ueniat ad exequias cohonestandas, sed bonorum emptores, ut carnifices, ad reliquias vitæ lacerandas ac distrahendas. De victu autem & cultu testimonium extat primum in eadem Orat. his verbis, Cuius non modò illæ amplissimæ fortunæ, sed etiam victus vestitusque necessarius sub præconem cum dedecore subiectus est, is non modò ex numero viuorum exturbatur, sed, si fieri potest, infra etiam mortuos amandatur. Et de Addictis in lib. De orat. 2. Apud Næuium, inquit, qui iudicatum duci videt, percontatur ita: Quanti addictus? mille numum. Nihil addo. Ducas licet. Item in ea pro Flacco, Addictus Hermippo, quòd iudicatum non faceret, & ab eo ductus est. Et apud Liuium lib. 23. Qui capitalem fraudem ausi, quique pecuniæ iudicati in vinculis essent, &c. Alterum testimonium extat in nouell. Iustin. 154. in illis verbis quæ paulo pòst exscribemus, καὶ τῆς ἐφημέρου προφῆς, &c. De iudicati autem addictione, passim testimonia extant, sed præsertim in illis Agellij & Quintil. locis. Vnde illud Manlij apud Liuium lib. VI. Tum verò ego nequicquam hac dextra Capitolium arcemque seruauerim, si ciuem commilitonemque meum tanquam Gallis victoribus captum in seruitutem ac vincula duci videam. Inde rem creditori, palam populo, soluit: libræque & ære libratum emit. Pòst tertium ius successit, anno ccccxvii. per legem Pœtilio & Papyrio coss. latam, nequis neruo aut compedibus teneretur: pecuniæ creditæ bona debitoris, non corpus esse obno-



xium (cuius rei Livius libro 8. est auctor) ita nexos fuisse solutos, cautumque ne in posterum necerentur. Iussi, inquit, Consules ferre ad populum, ne quis, nisi qui noxam meruisset, pœnam daret in compedibus aut in neruo. Tum igitur obseruari cœptum est, ut qui creditorib. addicerentur, soluti operas darent. Quanquam incurrit disputatio ex Varronis verbis lib. de ling. vi. Liber, inquit, qui suas operas in servitute pro pecunia quam debet dat, dum solueret, Nexus vocatur, ut ab ære, Obærat. Hoc C. Popilio rogante, Sylla dictatore sublatum ne fieret, & omnes qui bonam copiam eiurarent, ne essent nexi, dissoluti. Quo loco vox DISSOLUTI (ut opinor) superuacanea est. Bonam autem copiam eiurare, nihil aliud erat (opinor) quam iurare se in bonis non habere, unde dissolui æs alienum posset. nam, ut ait Sex. Pomp. Eiuratio significat id, quod desideretur, non posse præstari. Verum utcumque sit, illa difficultas manet, cum superior illa lex valeret, quid hac nova Popilia opus fuerit? nisi dicamus, vel illam neglectam, ut per aliam renouanda fuerit, quod sæpe accidisse constat: vel sicuti Syllæ pleraque acta rata non fuerunt, sic nec legem illam tenuisse. Itaque Cicero in Rullum, Omnium, inquit, legum iniquissimam, dissimillimamque legis esse arbitror, eam quam L. Flaccus interrex de Sylla tulit, ut omnia quęcumque ille fecisset, essent rata. Quinetiam ius quod quarto loco successit dubitationem auget. Lata enim lex Julia est (à Iulio, an ab Augusto, mihi non

non satis constat) vt debitoribus qui soluendo non essent, bonis suis cedere licet. quæ bona creditoris si eis videretur, publicè constituta auctione diuenderent: qui bonis suis cessissent, in eos creditoribus ius nullum esset: neque eos vel in seruitutem, vel ad operas dandas addici, aut in carcerem compingi, aut vlllo modo in eos animaduerti liceret. l. 1. & l. 4. C. qui bon. ced. poss. Sed (meo iudicio) dicendum est, primum propter fœneratorum potentiam, neglectam legum superiorum sanctionem fuisse. cuius rei argumento est illud C. Manlij apud Salust. in Catilin. Neque cuiquam nostrum licuit, more maiorum, lege vti, neque amisso patrimonio corpus liberum habere. Deinde carcer à nexu & compedibus ita separandus est, vt lege quidem Popilia vincula sublata sint: carcer autem, priuatus scilicet, hoc est custodia in creditoris domo vsque ad legem Iuliam permanferit. l. 1. C. qui bon. ced. poss. Legis autem Iuliæ beneficium ad fraudatores & decoctores, id est eos qui nequitia sua bona perdiderant, non pertinuisse, verum ad eos solos, qui vi maiore aliqua, velut incendio, naufragio, vel hostium incurfu fortunis euerfi fuerant, documento est l. 1. C. Th. qui bon. ced. poss. & Nou. 135. Vt cunq; sit, difficilis tamen illa quæstio permanet, propter legem Porciam de qua sup. dictum est. Quare videamus, ne legis Porciæ & Sempromiæ beneficium ad tenuiores ciues & fures non pertinuerit. Nam ex multorum auctorum testimoniis animaduerto, potestatem in illos Tri-

umuiris capitalibus fuisse, qui ius ad columnam Meniam dicebant, & octo lictores habebant, quos Plautus valentes virgatores appellat, qui eorum iussu in damnatos animaduvertebant: quemadmodum docuimus in lib. de Magistratibus. Hinc illud Asconij in diui. Ut fures, inquit, & seruos nequam, qui apud Triumuiros capitales ad columnam Meniam puniri solent. Cic. Ver. 3. Oblitósne igitur hos putatis, quemadmodum sit iste solitus virgis plebem R. concidere? quam rem etiam Tribunuspl. in concione egit, cùm eum quem virgis iste cæciderat, in prospectum populi R. produxit. Eoque pertinet l. interdum, §. 1. D. de furt. & l. pen. D. de cond. causs. dat. vbi fures corporali supplicio afficiuntur: quo in numero probabile est, debitores qui non fortunæ iniuria, sed sua culpa, & (vt hac in re loquebâtur) nequitia redacti ad egestatem erant, habitos fuisse. Eoque pertinere arbitror locum illum Sextianæ Orationis, aliqua tamen parte deprauatum, Olim ne Scyllæo illo æris alieni in freto ad columnam adhæresceret, in Tribunatus portum profugerat. Nam (meo iudicio) columnam Meniam intelligit, ad quam damnati debitores alligati verberabantur: & (vt loquitur l. 1. COD. THEOD. qui bon. cedere poss.) congrua suppliciorum acerbitate cogeabantur. Gabinius autem, quòd Tribunatus sacrosanctus erat, eo magistratu supplicij illius periculum deuiderat; quod tamen oratoriè & magis ad Gabinij vexationem quàm ad veritatem accommodatè dictum à Cicer

cerone non dubito. nisi fortè quis dicat, viros etiam primarios, qui soluendo non essent, duci in carcerem solitos: quoniam Valer. Max. lib. 4. cap. 1. scribit, Corn. Scipionem Asiaticum, cùm iudicatæ pecuniæ satisfacere non posset, in carcerem à Consulibus duci iussu esse: sed probabilius est, publici iudicij damnationem illam fuisse. Et huc pertinet primùm lex Roscia theatralis, ut equisibus Rom. quatuordecim gradus spectandi causa in theatrò assignarentur, exceptis iis qui decoxissent: quemadmodum in lib. De legib. exposuimus. Deinde Adriani imp. edictum, ut decoctores in Amphitheatro catamidiarentur, quod Spartianus in ipsius vita testatur. Neque obstat l. ob æs alienum, 12. C. de obl. & act. vbi Dioclet. scribit, Iura non pati quenquam ob æs alienum servire. nam Servire propriè non dixit, sed impropriè, pro Servum esse, vel servitutem servire. Etenim Quintilianus lib. 5. & lib. 7. scribit, Addictos qui operas creditoribus dabant, servisse, sed servos non fuisse. Minus obstat l. 2. C. de exact. trib. vbi Constantinus iubet debitores omnem carceris & verberum timorem deponere: quæ à peruersis & iratis iudicibus instituta sunt: quoniam carcer pœnarium, carcer hominum noxiorum est, non autem debitorum causa repertus. Nam illa est Constantini nova lex de suis tributis & fisco: cuius nunquam causam malam esse, nisi sub bono Principe, verissimè dictum est. Multo minus obstat vulgatum proverbiū, Vt qui non habet in ære, luat in corpore. l. 1. in fi. D. de



pœn. l. si quis, 7. D. de iurisd. l. ult. D. de in ius voc. l. qui ædes, 9. D. de incend. nauis. nam pro-  
 uerbum illud ad criminales causas pertinet,  
 cum pœna pecuniaria criminum damnatis im-  
 posita in corporalem conuertitur. Iam verò  
 quod attinet ad l. si victum, De re iud. necesse  
 est, iudicatum de quo ibi agitur, vel bonis non  
 cessisse non potius fraudatorem ac decocto-  
 rem fuisse: ac propterea legis Iuliae beneficio  
 usum non fuisse. Superest quintum & postre-  
 mum ius, quo superiora omnia sublata & abro-  
 gata esse arbitror, Nouell. Iust. 135. Grecis in co-  
 dicibus nuper euulgata, cum antea Latinis in-  
 terpretibus nota non fuisset. Nam neque in E-  
 pitomas & Authenticas Latinas relata est, neq;  
 ab ullo (quod sciam) veterum interpretum  
 commemorata: tametsi locis infinitis de bono-  
 rum cessione disputent. Iustinianus ergo sta-  
 tuit, ne debitores, qui non sua nequitia, sed  
 fortunæ vitio, ἐν τῇ συμπεσινότητι, καὶ ἐν πᾶσι τοῖς  
 facti erunt non soluendo, bonis cedere cogan-  
 tur: sed posteaquam iuraverint se non habere in  
 bonis unde res alienum soluant, & (vt superius  
 dicebamus) bonam copiam eiurarint, ab omni  
 creditorum molestia liberi ac soluti sint. qui-  
 bus tamen actiones petitionesque omnes quæ  
 debitori competunt, competituræve sunt, ce-  
 dentur, vt siquid aliunde exigere possint, sibi  
 habeant. Quibus ex verbis primùm apparet, ea  
 Nouella sublatum & privati carceris, & vincu-  
 lorum periculum fuisse: tum bonorum quoque  
 venditionem, quæ lege Iulia fiebat, abrogari,  
 quod

quod illa verba significant, Ποῦ γὰρ δίκαιον, τὸν ἀπαξ ἐκ τῆ συμπεθευκότητος καὶ οὐ ῥαθυμίας ἀπαδομένην ἐκ τῆς τῆς αὐτῆς γεγονότα, αὐτῆς ἀσχήμονα τὸν βίον αὐτῆς ἀελιθίνα, καὶ τῆς ἐφημέρου τροφῆς, ὡς εἰκὸς, τῆς τε τῆ σώματος ἀκρίτου ἐξω βιαίως καταστῆναι; Denique si bonorum cessio à debitore fit, eorūmq; discussio à creditoribus, quid attinet debitorem iurare, sibi in bonis non esse, vnde creditoribus satisfaciatur? Multo ergo magis debitores subleuauit Iustinianus, quàm lex Iulia: quod si bonorum venditionem & cessionem reliquisset, futurum non erat. Nam cùm ex lege Iulia bona vendebantur, debitori ne ad victum quidem & cultum quicquam relinquebatur, vt superius diximus. Neque obstat l. qui bonis, 6. D. de cess. bon. vbi quod misericordiae causa, velut menstruum aut annuum debitori relictum est, adimi vetatur. nec enim alimentis quotidianis fraudandum esse. - Primum quoniam Vlpianus agere illo loco videtur de eo, quod post bonorum venditionem à creditoribus factam ab alio quodam, propinquo videlicet & amico, misericordiae causa ei legatum est. Deinde vt relictum ab ipsis creditoribus dicamus, tamen illa ratio est, quod donatum misericordiae causa eripi nisi immisericorditer non potest. Alterum Iustiniani institutum est, quòd etsi bonorum cessio infamiam non irrogat. l. debitores, II. C. ex quib. cau. infam. l. vlt. C. qui bon. ced. poss. tamen Iustinianus duobus Nouellæ locis apertè ignominiosam bonorum venditionem appellat, ἀσχήμονα τὸν βίον ἀελιθίνα. Item, καὶ τῆς

τῆς ἀρχαιοσύνης πείθεσθαι μέχρι θανάτου ὀνειδισμῶ.  
 quod conuenit cum l.2.D.de obseq.par.& Nouel.4. Itémque cum §.primo, Inst. qui & à quib. de causl. manum. vbi bonorum venditio debitori notam aliquam apud bonos viros afferre dicitur. Hanc igitur qualemcunq; ignominiam Iustin. sustulit, cùm bonorum venditionem, vnde illa nascebatur, sustulit. Illud ad extremum in dicta Nouell. notandum est, sanctionem illius nouæ constitutionis hanc fuisse, vt creditores qui ei non parerent, decem auri libris multarentur, & propter solam ἐνθύμησιν & peccandi cogitationem capitis periculum subirent. Extra Nouellam autem separatim illud obseruandum est, certis personis concessum hoc beneficium fuisse, vt etiamsi iudicatum facere non possent, tamen pœnæ damnatis debitoribus impositæ expertes essent, & in id tantum quod facere possent, cogerentur: hoc est, ne vel priuatum carcerem, aut vincula, aut ignominiam, & extremam inopiam subirent. de quibus in l. sunt qui, 16. & seqq. de re iudic.

## QVÆSTIO XXVII.

*Index verum ex conscientia, an secundum edita in lite instrumenta iudicare debeat.*

**N**Ata primùm hæc quæstio est ex dissensione Martini & Ioannis, quorum ille conscientiam, hic acta & probata (sic enim loquebantur) defendebat. Mendosè autem Probata dicebant pro Testimonia, aut Instrumēta: cùm

ea demum Probata Latinè dicantur quæ fidem faciunt ac persuadent. vt l. 3. D. de testib. Ex animi tui sententia te æstimare oportere, quid aut credas, aut parum probatum tibi opinere. Cicero in Quintiana, Si caussa cum caussa contenderet, nos nostram perfacilè cuius probaturos statuebamus. Ioannis autem sententiam Canonistæ omnes acerrimè defenderunt in cap. pastoralis, 28. §. quia verò, Ext. de off. deleg. vbi iubetur ordinarius exequi sententiam à delegato pronuntiatam, quamuis ea iniquissima esset. inibique glossa nimiam conscientiarum religionem irridens, Trepidant, inquit, timore, vbi non est timendum. pronuntient liberè, & deponant conscientiam læsam. Summum autem Canonistarum argumentum sumitur, ex l. illicitas, 6. §. veritas, D. de off. Præsid. vbi Vlpianus ita scribit: Veritas rerum erroribus gestorum non vitatur: & ideò Præses provinciæ id sequetur, quod convenit ex fide eorum quæ probabuntur. quasi Vlp. statuatur iis verbis, Præsidem debere non animi sui sententiam, sed instrumentorum & testium auctoritatem sequi. Cetera quæ proferuntur argumenta ex c. 1. De off. ord. & 11. q. 3. c. summoperè, planè absurda & nugatoria sunt, neque commemoratione digna. Minus etiam ad propositum pertinet, quod de Agellio proferri solet ex ipsius lib. XII. c. 11. cùm apertè scribat, nihil se certi & explorati habuisse: tantummodò suspicione & coniectura ductum fuisse, ex eo quod petitor boni viri nomen & existimationem haberet: inficiator



verò pro improbo & perfidioso haberetur. Quare vnum illud Ioannis argumentum ex suprascripto Vlpiani loco considerabimus. In quo illud primum animadvertere oportet, in Florent. libris non GESTORVM legi, sed GESTARVM, quasi Vlp. dixisset, Veritatem gestarum rerum nullis erroribus vitari. Quod ut cuiusmodi sit intelligatur, illud scire oportet, Gestorum nomine duo significari: primum res administratas, & (ut ait textus) sine verbis factas. l. Labeo, 19. D. de verbo. sign. & quasi pro facto. licet, 58. D. eod. Atque hoc eodem modo Pedianus Fidem gestorum dixit, Verr. III. Hoc, inquit, comminiscitur Cicero, ut credamus veram fuisse secundam actionem, quæ secundum veram gestorum fidem, non dicta, sed scripta est: id est secundum rei gestæ veritatem. Secundo Gestorum nomen interdum pro actis & instrumentis usurpatur. ut in l. iubemus, 14. §. iis quoque, C. de sacros. eccl. Iis quoque iudicibus, velius gestorum habentibus, qui huiusmodi contractuum gesta confecerint, dignitatis & bonorum spoliatione dampnandis. & l. vlt. C. de re iudic. l. properandum, 11. §. 1. l. vltim. C. de iudic. l. nemini, 11. C. de aduoc. diuers. iudic. quemadmodum alio quoque loco in eandem sententiam scribitur, In contractibus rei veritatem potius, quàm scripturam perspicendam esse. l. 1. C. plus val. quod ag. quod idem in legibus seqq. inculcatur. Cicero Verr. III. Volumen eius rerum gestarum maximum illi ostendit. Quantum igitur ad priorem significationem, non dubium est, quin ille Vlp. locus nihil pror-

sus ad propositam quæstionem, aut sententias iudicum ex animorum sententia moderandas pertineat. sed potius ad eos in officio probationum & testimoniorum ponderandorū continendos valere. quantum autem ad secundum, sententia hæc Vlpiani esse possit, Præsidis officium esse, non tam instrumentis (quæ vitiosa & falsa esse possunt) quàm rei veritate moueri. Ibi autem veritatem ex iis quæ probabuntur, perspicere. Sed de proposita quæstione dicendum est: in qua distinctione vtendum videtur: vtrum ambigat tantum iudex, vt in causâ obscura, an errorem vel falsitatem perspiciat. Nam priore casu, ex æquo & bono causam quam lædi putabit, adiuuare poterit. l. i. C. vt quæ def. aduoc. part. supplendo, & proferendo quæ minus erunt à partibus eorūque aduocatis probata. Itémque iuramento alterutri deferendo. Solent enim Iudices in dubiis causis, exacto iureiurando, secundum eum iudicare qui iurauerit, ait l. admonendi, 31. D. de iureiu. ac sæpe iudices non continuo actore non probante reum absoluunt, sed in probationum inopia iuramentum deferunt. l. tertia, C. de reb. dub. Cicero de Off. 1. Bene præcipiunt qui vetant quicquam agere, quod dubites æquum sit an iniquum. æquitas enim lucet ipsa per se: dubitatio autem cogitationem affert iniuriæ. Sin autem bonam causam falsitate aliqua vel instrumentorum, vel testium lædi videant, quoniam hinc de conscientia & iudicum religione agitur, qui prout religio suggerit, sententiam proferre iubentur, l. eum quem, 79.

D. de iudic. religiosius facturos iudices arbitraretur, siquidem huiusmodi sunt, ut ab iis provocatio sit, si se ab eo iudicio abstineant: atque adeò, si verè id possunt, testes si liberè in ea lite, ac præsertim in criminalibus causis præbeant. Nam si ab eorum sententia appellaretur, non ea fortasse superior videret quæ illi perspexerant. Sin autem provocatio ab iis nulla est, tum quia litigatores fidei se ac potestati ipsorum commiserunt, arbitror & diuino & humano iuri consentaneum esse ex animi sententia, religione & conscientia pronuntiari. arg. dicta l. 3. & l. quæsitum, 13. D. de testib. præsertim si non ex formula, sed ex æquo & bono, ac proinde ex arbitrio iudicent. ut apud Senecam lib. de Clement. 2. Clementia, inquit, liberum arbitrium habet, non sub formula, sed ex bono & æquo iudicat. & absolvere illi licet, & quanti vult æstimare litem. Quod verò de testimonio diximus, cautius facturum iudicem, si iudicare superseseat, ac sese testem præbeat, confirmatur exemplo Scipionis Africani, de quo Cicero in Cluentiana his scribit verbis: Non enim mihi exemplum summi & clarissimi viri P. Africani prætereundum videtur, qui cum esset Censor, & in equitum censu C. Licinius sacerdos prodiiisset, clara voce, ut omnis concio audire posset, dixit, se scire illum verbis conceptis peierasse. si quis contrà dicere vellet, usurum esse eum suo testimonio. deinde cum contrà nemo diceret, iussit equum traducere. Et hoc idem tradunt Valer. Max. libr. 4. c. de animi moderat.

& Quiri

& Quintil. 5. c. 11. Liuius libr. 3. Cùm Decemviri sine prouocatione creati essent, defosso cadauere domi apud P. Sestium, Patritiæ gentis virum, inuento, prolatoque in concionem, in re iuxta manifesta, atque atroci C. Iulius Decemuir diem Sextio dixit, & accusator apud populum extitit, cuius rei iudex legitimus erat: decessitque iure suo: vt demptum de vi magistratus populi libertati adiiceret.

---

## QVÆSTIO XXVIII.

*An iudicandi munus iuris et legum imperitis mandari possit.*

I Vstinianus quidem in Nouell. 82. multis verbis disputat perniciosum esse, iuris ac legum imperitos ad iudicandi officium adhiberi: quamuis aliunde iuris eius quo de agitur, peritiam mutuari possint. propterea quod ab se illam potius sumere quam aliunde corrogare debeant. Præterea satis constat, sententiam contra ius ciuiles & constitutiones Principum prolatam nullius esse momenti. l. 2. C. quand. prouoc. non est nec. vbi iuris imperitus pronuntiat ratum esse. Facit l. non quicquid, 40. D. de iudic. l. Præses, 27. l. cum prolatis, 32. D. de re iudic. Quod si dolo malo contra Principum constitutiones sententias pronunciauerint, lege Cornelia de falsis teneri. l. 1. D. ad leg. Corn. de fals. Quinetiam dubitatum fuit in l. 1. C. ad leg. Iul. maiest. an læsæ maiestatis tenerentur. Vt meritò videri possit,



non modò literarum ac disciplinæ alicuius, verum etiam iuris cognitionem exquiri, ne in illa crimina incurrant, si tanquam cæci de colorib. iudicent. Tertiò, cùm officium Iudicis sit, non modò quæ sua sponte litigatores afferunt audire, verùm etiam ab illis ecquidnam certis de rebus pro se afferre ac respondere velint, exquirere, l. iudices, 9. C. de iudic. quomodo iuris & legum imperitus interrogationes illas adhibere poterit? de quib. etiam mentio fit in l. pen. D. de interr. act. Quartò nullius momenti sententia est, nisi per ipsum Iudicem de scripto recitato sit: quamvis eam illustribus per officiales suos recitare permittatur. l. 3. & l. ult. C. de sent. ex peric. Ex contraria verò parte ita disputari potest. Primùm satis constat, in ipsa ciuitate Romana, vbi summam Iurisconsultorum dignitatem fuisse certum est, tamē iudicia non à Iurisconsultis, sed plerunque ab Equitibus (quorum plerique publicani erāt) Tribunisque ærarij exerceri solita fuisse. quod ex Verrinis & Asconio & legibus iudiciariis notum est. Quintetiam Cicero Philipp. 1. & 5. testis est, Antonij lege iudiciaria cautum fuisse, vt tertia Iudicium centuria fieret è centurionibus, antesignanis, alaudis, manipularibus. Sed & in Gallia nostra annis ab hinc circiter trecentis non erant, verùm etiam plerique illiterati esse solebant, quinetiam Reges ipsi causas priuatas disceptabant, vt in Francogallia nostra demonstrauimus.

Præterea nemini ignotum est, Romæ apud  
Cent

Centumuiros de priuatis controuersis omnib. disceptatum fuisse. Iactare se in causis Centumuiralibus (inquit Cic. de Orat. I.) in quibus vfucapionum, tutelarum, gentilitatum, agnationum, alluuium, circumluuium, nexorum, mancipiorum, parietum, luminum, stillicidiorum, testamentorum ruptorum aut ratorum, ceterarumque rerum innumerabilium iura versantur, &c. Multos autem in eo numero à iuris disciplina & studio alienissimos confidere solitos, vel ille Ouidij versus argumento est, lib. de Ponto 3. *Vique fui solitus, sedissem forsitan Vnus De centum iudex in tua verba Viris.* vt omit- tam quod omnibus notum est, Iudices Romæ non ex doctrina, sed ex sensu fieri solitos: auctore Plin. lib. 14. c. 1. Similiter Agell. lib. 14. c. 2. scribit, se hominem adolescentem à Poetarum fabulis, & à Rhetorum epilogis à Prætoribus in iudicum numerum allectum fuisse, confestimq; libros de officio Iudicis sumpsisse: vt quoniam vocis viuæ copia deerat, ex mutis magistris officium suum cognosceret. Tertiò satis constat, more Rom. comparatum fuisse, vt qui Recuperatores à prætoribus dabantur, plerunque iuris imperiti darentur, cum eo tamen, vt à Iurisconsultis consilium exquirerent, vel ad eos scripta & obsignata Iurisconsultorum responsa deferrentur. Cuius rei præclara in Orat. pro Cæcina documenta videre licet. Quartum argumentum sumi potest ex l. pen. C. de iud. vbi Iustin. statuit, vt etiam militaribus hominibus iudicandi munus mandetur, qui tamen armorum non iur-

ris studio dediti dicuntur in l.vlt. C.de iur.de-  
lib. Itaque magistri militiæ inter militares ho-  
mines causas etiam ciuiles disceptabant. l.ma-  
gisteria, 6. C.de iurisdic. l.vlt. in princ. De re  
milit.l.2.C.si à non compet.iud.l.1.& pass.C.de  
offic.magist.mil.Quintò videmus in l.eū quem,  
79.§.1.D.de iudic.exemplum dati iudicis, qui de  
eo iure quod agebatur, eum à quo datus fuerat  
consulebat: quippe, cū ipsius imperitus esset.  
Sextò, cū textus in l.1.§.quamuis.D.de postul.  
& l. cæcus, 6. D. de iudic. indistinctè statuunt,  
etiam cecum officio iudicis fungi posse: non di-  
stinguemus vtrum casu cæcus factus sit (vt App.  
Claudius qui sententiam in Senatu dicebat) an  
verò natura, vt nunquam literas didicerit. Non  
enim corporis, sed mentis cæcitas iudicandi fa-  
cultatem adimit: veluti impuberibus, id est mi-  
noribus annis xviii. l.cū Prætor, 12.§.1. D.de  
iud.iuncta l.quidam consulebat, 57. D.de re iu-  
dic. quanquam natura cæcum, iure ciuili mul-  
tisque aliis artibus erudiri posse nemini dubi-  
um est. Septimum ex eodem argumento sumi-  
tur. nam negotiorum administratio etiam im-  
peritis literarum mandari potest. §.3. De excus.  
tut. non modò priuatorum, quantumuis graui-  
um, cuiusmodi est tutela. l.6. in fin. D.de excus.  
verum etiam publicorum, vt decurionatus. l.ex-  
pertes, 6. C.de decur. Quod si ex iuris nostri ra-  
tione disputandum esset, videri posset distin-  
ctionem adhiberi oportere, Vtrum iudex ma-  
ior sit an pedaneus. quæ distinctio memoratur  
cū aliis locis innumeris, tum præsertim in l.  
prop

properandum, II. C. de iud. Nam si maior est, quoniam assessores adhibere in consilium potest, qui plerunque de corpore iuris studiosorum sumebantur, l. 2. D. quod quisque iur. ita puto eum iudicis officio fungi posse, dum tamen illos adhibeat. Sin autem iudex esset pedaneus, tum ita demum adhiberi literarum imperitum posse, cum à Iurisconsultis consilium experisset. Nam Romanæ ciuitatis hanc fuisse consuetudinem, superius diximus: idque Imperatorum constitutionibus confirmatum fuisse patet ex §. responsa, D. iur. nat. gent. & l. 1. C. TH. de resp. prudentum. vbi tanta illorum responsorum erat auctoritas, ut Iudici ab illis recedere non liceret. l. 2. in fin. D. de orig. iur.

## QVÆSTIO XXIX.

*An, & quibus casibus, pluribus concurrentibus actionibus uti liceat.*

**A**Rdua, multiplex, & confragosa quæstio est: sed ordinem & lucem adhibebimus. Quoties (inquit Vlpian.) concurrunt plures actiones eiusdem rei nomine, vna quis experiri debet. l. nemo, 43. D. de reg. iur. quam sententiam in rerum quidem vindicationibus verissimam esse video, propter l. 3. l. 5. l. 6. l. 7. D. de excep. rei iud. sed actiones in personam ab actionibus in rem hoc differunt, inquit Paulus, quòd cum eadem res ab vno eodem mihi sæpius debeat (sic enim legendum arbitror) singulas obligationes singulæ causæ sequuntur. nec vlla earum



alterius petitione vitatur. at cùm in rem ago, non expressa caussa, ex qua rem meam esse dico, omnes caussæ vna petitione apprehenduntur. neque enim amplius quàm semel res mea esse potest, sæpius autem deberi potest. l. & an eadem, 14. §. 2. D. eod. Et huc pertinet, l. nunquam, 130. infra eod. nunquam actiones de eadem re concurrentes alia aliam consumit: vt scilicet de personalibus tantùm intelligatur. Itaque cùm eidem res eidem & ab eodem duplici de caussa & obligatione debetur, non modò post vnus actionis damnationem altera vti licebit, l. Aurelius, 28. §. vlt. D. de lib. leg. & in l. Lucius. 93. §. 1. De legat. 3. verùm etiam post vnus victoriam altera insuper vti permittitur. l. si is qui, 18. D. de obl. & act. l. non est nouũ, 10. D. de act. empt. Quinetiam non modo diuersam actionem licet instituere, sed interdum etiam eandem instaurare, ac referre certis tamen de caussis: veluti ob iustum errorem. l. habitat, 13. D. de inst. act. l. 1. §. vlt. D. quan. de pecul. l. 4. §. vlt. D. quod cum eo qui in al. Item cùm exceptio in priore iudicio temporalis fuerat, vt d. l. 1. §. vlt. Quand. de pec. & l. qui cum herede, 15. D. de obl. & act. item cùm generalis actio prius certis de rebus instituta est, iterùmque de aliis rebus refertur. l. 2. C. de iud. Vbi tamen duæ competunt personales actiones, quarum vna eadẽque vtriusque vis est, altera per alteram consumitur, siue ex contractu natæ sint, l. pro socio. 38. §. 1. D. pro soc. & l. generaliter, 5. D. de fideius. l. quod in herede, 9. §. 1. D. de tribut. d. l. non est nouum, 10. in fin.

fi. D. de act. empt. siue partim ex contractu partim ex delicto, l. qui seruum, 34. §. si is cui, D. de obl. & act. l. in rebus, 18. §. siue autem, D. commod. l. sed etsi, 18. D. ad leg. Aq. l. 1. §. pen. l. 2. §. 1. De tut. & rat. dist. l. sed actione, 5. D. pro soc. nihil autem aduersatur l. ei qui, 9. D. de furt. ubi vindicatio & condictio eiusdem furti nomine, nisi à Iudice prouideatur, competunt: partim quia nominatim præceptum tradidimus de duabus personalibus: partim quia non vnius rei nomine ambæ competunt: quoniam illa dominij, hæc furti causa in odium furum conceditur: partim etiam quia Pomponius ait, vitium istud summi iuris iudicis officio corrigendum esse, quod usu obtinuisse patet ex l. 1. C. de re iud. Cum igitur hæc ita se habeant, necesse est, hanc regulam propriè ad actiones in rem restringere, nisi fortè agendi initium, hoc est, formularum coniunctionem spectemus, ut ostendat duas simul intèdi actiones non posse. Cuius rei testimonium est in l. 1. §. 2. D. qu. legat. l. plura, 53. D. de oblig. & actionib. l. cum filius. 76. §. 1. De legat. 2. Verùm haud scio, an satis ea sententia dilucidè & commodè his verbis ab **VIPIANO** concepta sit. Notandum est autem quod addidit, **VNIUS REI NOMINE**. Nam variarum rerum nomine varias simul actiones edi posse constat, ex l. si idem. 11. D. de iurisd. l. & hæc distinctio, 35. §. 1. D. locat. l. quod in herede, 9. §. 1. D. de trib. Itaque cautio adhibenda est in l. interdum, 56. D. de furt. ubi **IULIANUS** scribit interdum cum fure sæpius eiusdem rei nomine furti

agi posse, veluti si res in domini potestatem rediisset, & idem eandem subripuisset. Ibi enim vnam rem propriè Iulianus appellat, & à facto distinguit, cum in plerisque superiorib. rei nomine factum & delictum intelligamus. Nihil autem huc pertinet l. contra maiores, 16. D. de inoff. test. vbi duplex dicitur aduersus testamentum actio institui: prior, non esse iure perfectum; altera, esse inofficiosum. nam Actionis verbum eo loco impropriè vsurpatur pro intentione, cum de iniusto testamento actio nulla sit: sed incidens tantum quæstio esse soleat in hereditatis bonorumve possessionis petitione. l. i. C. de ord. iud. Quantum autem ad personales actiones attinet, disputatio tripartita est. Aut enim omnes rei persecutoria sunt, aut omnes pœnales, aut partim rei, partim pœnae persecutoria. Cum omnes rei persecutoria sunt, iam supra dictum est, omnibus uti licere: nisi fortè omnium eadem vis & efficientia sit. Dum omnes pœnae persecutoria sunt, tunc aut plura & facta & delicta sunt. neque dubitatur, quin singulis factis singulae actiones pœnaeque debeantur, siue vnus ea fecerit (l. interdum, 56. D. de furt. l. illud quæsitum, 32. §. 1. D. ad leg. Aq.) siue plures deliquerint: tum enim plura delicta sunt, & à singulis solida pœna debetur. l. item Mela, 11. §. 2. D. ad leg. Aq. aut verò vnum & factum & delictum est: cuius vnus causa plures competunt actiones, veluti arborum furtim cæsarum. quo casu Vlpianus quidem scribit aliam ab alia non consumi. l. pen. D. de ob. & act.

(vbi

(vbi tamen considerandum est, an pro DE EADEM PECVNIA, legendum sit, DE EODEM PEC-CATO : quod tamen non affirmo ) sed Pauli interpretatione adhibenda est : iudicis partes fore, vt quo plus sit in reliqua actione, id actor ferat: si tantundem, aut minus, nihil consequatur. Sic enim legendum esse constat in l. quoties, 41 D. eod. Eiusque rei exemplum est in l. i. & l. pen. D. arb. furt. cæs. l. i. D. vi bon. rapt. l. i. §. 2. D. de public. Itaque necesse est interpretari. l. i. cum ex vno, 32. D. de obl. & act. vt omnibus quidem experiri permittatur ipso iure, sed per exceptionem & iudicem superiores actiones excludantur: cum singulis delictis non plures, sed singulæ tantum pœnæ debeantur. l. in senatus, 15. §. 1. D. ad Turpil. Itaque video verbum consumi expositum in l. item si cum, 14. §. cum qui, D. quod met. caus. Denique hoc significat Vlp. in l. i. §. pen. D. de tut. & rat. dist. his verbis, vt quis dicat plures esse actiones eiusdem facti. Non igitur Hermogenianus in d. l. cum ex viro, 32. opponendus est Paulo in d. l. pen. D. de obl. & act. cum vtroque concordissimè de vno facto & delicto respondeant. Aut vnius facti plura delicta sunt: veluti si quis seruum surripuerit, flagellis cæciderit, occiderit. qua de re variè à Iurisconsultis disputatum, patet ex l. qui seruum, 34. D. de obl. & act. eiusque varietatis vereor ne vestigia extent in l. 2. D. de priua. delict. l. faciendæ, 8. §. 1. D. de arb. furt. cæs. l. Neratius, 11. §. 2. D. de ser. cor. l. si stuprum, 25. D. de iniur. l. inter liberas, 6. D. de adult. l. seruum, 27.



D. ad leg. Aq. §. ult. D. si quadrup. l. 1. §. pen. & l. 2. §. 1. D. de tut. & rat. dist. l. vulgaris, 21. D. de fur. l. pater, 41. D. de iniur. ubi singulis delictis singulæ pœnæ imponuntur : sic , ut altera alteram non consumat. quod tamen contrà constitutum video, in l. qui seruum, 34. & l. plura, 53. D. de ob. & act. l. dominium, 8. C. eod. l. pen. §. ult. D. naut. cau. stab. Aut quædam pœnæ, quædam rei persecutoriæ sunt , quo casu necessaria distinctio est. nam si pœnalis mera est , neutra consumitur. Itaque furti actio condictioem non impedit. l. si pro fure, 7. §. 1. D. de cond. furt. ut nec depositi actionem, l. si sacculum, 28. D. de pos. neque locati , l. si locatum, 42. D. locat. neque pro socio. l. rei communis, 45. D. pro soc. Mouet dubitationem l. si is cui, 71. D. de fur. sed nulla controversia est ( quod etiam vidit Accursius ) quin eo loco furti actionis nomine condictio contineatur, ut in l. cum furti, 9. D. de in lit. iur. quod eodem modo respondendum est ad l. 3. §. ult. D. naut. cau. stab. ut Furti actionis nomine utraque comprehendatur, & pœnalis & condictitia. Sin autem mixta pœnalis est, tum alterutra consumitur. Nam & actio rationibus distrahendis condictioem furtiuam tollit. l. 2. §. 1. D. de tut. & rat. dist. itémque actio vi bonorum raptorum. l. siue manifestus, 10. §. 1. D. de cond. furt. iuncto §. 1. Inst. vi bonorum rap. itém actio de calumniatoribus. l. in heredem, 5. §. 1. D. de calumniator. quod idem puto de actione serui corrupti, in l. Neratius, 11. §. 2. D. de seru. corr. Sic actio quòd metus causa rei vindicationem ex-

ting

tinguit, l. metum, 19. §. licet. D. quod met. caus. Sic actio legis Aquiliæ commodati actionem consumit. l. vnde quæritur, 7. & l. in rebus, 18. D. comm. consumit & actionem pro socio. l. sed actione, 50. D. pro soc. Sed hæc illam non consumit: nisi quatenus plus in hac quàm in illa est. l. qui seruum, 34. in fin. D. de obl. & act. vbi sine dubio legendum est, VERIVS EST REMANERE, quia simplo accedit, & simplo subducto locum habet. Itaque accipiendam arbitror, l. 2. §. 1. D. de priuat. delict. vt furtiua quidem conditio non consumat legis Aquiliæ actionem: sed hæc illam consumat, si prius instituta sit, quæ regula in omnibus superioribus tenenda est. Et ad huius pœnæ legitimæ instar idem inductum est in pœnas conventionales. l. prædia, 28. D. de act. empt. l. 4. §. Labeo, de dol. except.

## QVÆSTIO XXX.

*Naturalis interitus rei post moram accidēs, vtrum ad actorem, an ad reum pertineat.*

**V**etus & ardua quæstio est, Ad quem naturalis interitus rei post moram accidens pertineat: vtrumne ad actorem, an ad reum. Et ne perpetuò Martinos & Ioannes loquamur, à quibus primum vexata hæc quæstio creditur: dicimus, eam inter Sabinianos & Proculianos iam olim agitatam fuisse, idque in vtroque actionis genere: hoc est, & personalis & realis. Prius autem de personali differendum est. Ac dissensionis quidem illius testimonium extat in l. si

plures, 14. §. ult. D. de pos. vbi Caius testatur Sabi-  
 num & Cassium statuisse, naturalem depositæ  
 rei interitum ad actorem pertinere: id est, cum  
 res apud actorem omnimodo interitura fue-  
 rat, quemadmodum apud debitorem sua spon-  
 te interiit. Sabino, Cassio & Caio video aperte  
 stipulari Paulum in l. si homo, 8. D. de re iudic.  
 vbi non de deposito, sed de stipulatu loquens,  
 perspicue statuit, homine post litem contesta-  
 tam mortuo, debitorem in fructus tantummo-  
 do damnandum esse: Planiusque lex illa intelli-  
 getur ex coniunctione l. vtrique, 16. D. de rei vin-  
 dic. quæ eiusdem est auctoris. Et tamen video  
 eundem ipsum auctorem Paulum in l. electio,  
 26. §. si is quem. D. de nox. act. scribere, domi-  
 num qui in accipiendo noxali iudicio moram  
 fecit, homine mortuo non liberari: si dolo de-  
 fieri possidere, liberari, quod tamen (si quidem  
 existimationi Pauli consulere volumus) non de  
 re principali, sed de ipsius fructibus, accessione,  
 & causa intelligendum erit. ex dicta l. vtrique, &  
 l. cum fundus, 31. D. de rebus cred. & l. quesitum,  
 91. §. ultim. de legat. 1. Atque hæc quidem de Sa-  
 binianorum sententia, nunc de Proculianica  
 videamus: Primum igitur prodeat Pomponius  
 qui in l. si in Asia, 12. §. ultim. D. de pos. genera-  
 liter scribit, quod ex stipulatu, ex testamento,  
 ex deposito debetur, si post acceptum iudicium  
 interierit, debitoris damno interire, quod idem  
 planissime confirmat in l. quod te, 5. D. de reb.  
 cred. & l. si ex legati, 23. D. de verbor. obligat. i-  
 dem apertissime tradit Africanus in l. si seruus,

108. §. si seruus legatus. D. de legat. prim. vbi scribit, seruum legatum post moram ab herede commissam heredis periculo viuere. Idem quoque Scæuola in l. si pupillus, 127. D. de verbor. obligat. Et rursus Vlpianus in l. nemo, 82. §. primo, D. de verbor. obligat. vbi ait, promissorem hominis, mortuo post ipsius moram homine, nihilominus teneri. moram autem etiam fecisse videri, qui litigare maluit quàm restituere. quod idem confirmat in l. si duo, 16. §. secundo, D. de pecun. const. vbi ait, etiamsi per rerum naturam steterit, tamen debitorem qui in mora est, teneri. Itemque in l. cum res, 47. §. vltim. D. de legat. prim. Quid? Paulus quæram in sententia est? Cum filiusfam. inquit, Stichum dari spondit, & cum per eum staret quominus daret, Stichus decessit: datur in patrem de peculio actio, quatenus maneret filius ex stipulatu obligatus. l. cum filius, 49. D. de verbor. obligat. Non igitur omnimodo teneri filium affirmat, sed quadantenus duntaxat. quod ego propter Pauli existimationem, & ne pugnantia loqui videatur, interpretor de causa, accessione, & fructibus: non autem de homine ipso. iuxta dicta l. si homo, & dict. l. vbiq. Sequitur vt de in rem actionibus videamus, in quibus Proculianorum hæc fuit sententia, vt naturalis rei interitus post litem contestatam ad possessorem pertineret: Cassianorum contra, vt ad actorem. l. illud quoque, 40. D. de hered. petit. vbi Paulus tanquam arbiter honorarius ita controuersiam illam dirimit, vt Sabinianorum sententia in



bonæ fidei possessore, Proculianorum, in prædone locum habeat. Et hanc rationem subiungit, ne bonæ fidei possessor, propter metum huius periculi, temerè indefensum ius suum relinquat. huiusce Pauli sententiæ alibi quoque testimonium extat, hoc est, in l. vtrique, 16. D. de rei vindic. vbi ait, possessorem interempta re de fructibus tamen & partibus teneri. non enim post litem contestatam vtrique & fatum præstare debere. Quod cum ita sit, consentaneum est, alterum Pauli locum hoc eodem, in quo interpretari in l. de eo, 12. §. si post. D. ad exhib. vbi ait, possessorem interdum dampnandum esse in id quod actoris interest. præsertim autem si apud actorem peritura res non fuerat. ut si bonæ fidei possessor fuerit, liberetur: sin malæ, condemnatur. Contrà verò Ulpianus in l. item si, 15. §. primo, D. de rei vindic. istam Sabinianorum & Proculianorum dissensionem significans, Si servus, inquit, petitus demortuus sit, pretium non esse præstandum plerique ajunt (hoc est, Sabiniani) sed est verius, si fortè distracturus erat peritor, si accepisset, moram passo debere præstari. nam si ei restituisset, distraxisset, & pretium esset lucratus. Atque hæc quidem ita se habent, extra quàm in duobus casibus, hoc est in furto, & violenta possessione. nam his casibus omnium consensu receptum fuit, ut rei interitus semper ad moratorem pertineret. Itaque interpretor quod ait Ulpianus in l. inter omnes, 49. De furt. Inter omnes constat, etiamsi extincta sit res furtiva, attamen fur-

ti man

ti manere actionem : id est, inter Sabinianos & Proculianos. De vi autem idem testatur in l. prima, §. rectissimè, D. de vi, & vi arm. & Iulianus ac Tryphoninus in l. merito, 19. D. eod. Neque obstat l. item si, 14. §. quid si homo, D. quod met. caus. quoniam ibi agitur de tempore ad iudicatum faciendum permissio: quo tempore moram non committi constat. Vnde ex contrario ratiocinari licet, interitum rei qui ante rem iudicatam evenit, ad ipsum pertinere. Hæc cum ita in libris nostris essent tradita, exorta est inter Martinum & Ioannem disputatio, An interitu rei post moram accidente debitor liberetur. Nam Martinus distinguendum esse aiebat inter naturalem, & eum qui debitoris culpa evenisset: ut naturali liberaretur: alterum præstare deberet. Ioannes contrà indistinctè omnem interitum periculo debitoris esse. Ioannis sententiam Bartholus innumerabilisque alij sequuti sunt. hac vna de causa, quia fur & morator æquiparantur in l. inter stipulantem, 83. §. penult. D. de verbor. obligat. Sed non si vna aliqua in re comparantur, iccirco in omnibus comparandi sunt. Præterea tantum abest, ut omnis morator fur sit, ut ne malæ quidem fidei possessor omnimodo fur esse intelligatur. Nam fur est, qui inuito domino rem alienam lucri faciendi causa contrahat. At malæ fidei possessor rem quam alienam esse scit, occupare potest, non tamen interuertendi animo. Quoniam igitur verum est, eum qui litigare quam restituere maluit, moram commit-

tere, dicta l. nemo, §. primo, D. de verbor. obligat. absurdum videtur, hanc quæstionem ab illa superiore. præsertim separare. præsertim cum in plerisque eorum locorum quos superius commemorauimus, non præcisè de lite contestata, sed infinitè de mora & moratoribus agatur. Quod si remotis Iurisperitorum disputationibus ipsam rei æquitatem spectare volumus, non absurdè fortasse ita definiemus: vt non omnem moratorem eodem loco habeamus: sed eum qui bona fide cunctatur, ab eo qui frustrator est, distinguamus. Cunctatorem dicimus eum, qui iustam se recusandi causam habere putat: Frustratorè, qui mala fide recusat. l. sciendum, 21. & l. sequent. D. de vsur. Illum naturali rei interitu liberari, siue statim actor eam venditurus erat, siue non: hunc verò, non liberari. & hanc suæ malæ fidei ac frustrationis pœnam esse oportere, siue statim actor eam venditurus fuerat, siue non.

### QVÆSTIO XXXI.

*An pendente iudicio petitorio, agi possessorio liceat.*

**P**ERUULGATA quæstio est, An qui vindicare rem coepit, mutato consilio agere interdicto Vti possidetis possit, de qua tractatur ab Vlp. in l. naturaliter, 12. §. 1. D. de acq. poss. Dubitandi autem causa ex eo intelligitur, quod finis vindicationis, est Restitutio: interdicti autem, Retentio. vnde Retinendæ possessionis interdictum appellatur in l. prima, §. 3. D. vti possid. quare  
pug

pugnantia postulare videtur, qui rem sibi restitui, & eandem sibi seruari postulat. Finem autem vindicationis esse restitutionem, vetus ipsius formula declarat, Si pateret fundum Capenatem P. Seruiliij esse, neque eum Mæuius restituat, tum Mæuius quanti ea res erit, damnetur. Cuius formulæ testimonium extat in Ver. III. & in l. præterea, 20. l. qui restituere, 68. D. de rei vindic. Hinc constitutum est, primùm ut is qui destinauit rem petere, animaduertere debeat, an aliquo interdicto possessionem nancisci possit. l. is qui destinauit, 24. D. eod. Nam possessio non vindicatione, sed interdicto petitur. l. tertia, §. est autem, & §. si mecum, & §. sequent. D. ad exhib. item ut litigatores ipsi inter se placidè statuant, vter illorum possessor sit. l. prima, §. inter, D. vti poss. Denique ut in vindicatione instituenda prius interrogare reum liceat, an possideat. l. qui petitorio, 36. eod. & l. i. §. i. D. de interr. ut si neget, actor ad se possessionem transferat, quamuis suam esse rem non probauerit. l. vlt. D. de rei vind. Hinc illud est quod scribitur in l. inter litigantes, 62. D. de iud. & §. retinendæ, De interd. petitoriam actionem institui non posse, nisi antè exploratum fuerit, vtrius litigatoris possessio sit: quia & civilis & naturalis ratio facit, ut alius possideat, & alius à possidente petat: deinde in l. actionum, 25. D. de obl. & act. In rem actionem esse, per quam rem nostram, quæ ab alio possidetur, petimus, & semper aduersus eum esse, qui rem possidet. Item in l. i. §. interdictum, D. vti poss. actionem



nunquam ulli possessori dari. ei nanque suffice-  
 re quod possideat: postremò in l. officium, 9. D.  
 de rei vind. officium iudicis in ea actione esse,  
 ut inspiciat an reus possideat: quasi si actor pos-  
 sideret, iudicium omitti oporteret. quò eodem  
 pertinet l. prima, C. ubi in rem act. & l. exitus,  
 ss. D. de acq. poss. Quæ cum ita sint, repugnare  
 hæc videntur, fateri aduersarium possidere, &  
 nihilominus petere, ut sibi possessionem reti-  
 nere liceat: non videri possessioni renuntiare,  
 qui rem vindicauit. Quid enim per rei vindica-  
 tionem restituitur? non certè proprietas, quam  
 actor suam esse intendit, sed possessio. idque  
 non ex actionis formula, sed ex iudicis officio.  
 l. qui restituere, D. de rei vind. ex quo intelligi  
 potest, per rei vindicationem aliud peti, aliud  
 restitui. nam petitur tantum ut sua res esse pro-  
 nuntietur: possessio non petitur. neque enim  
 vindicari possessio potest. dicta l. tertia, D. ad  
 exhib. sed tamen restituitur. Ad hanc quæstio-  
 nem quod alij attulerunt, vidi; quod mihi dubi-  
 tationem adimeret, nondum vidi: vereorque  
 (ut ingenuè fatear) ne plerunque in iis qui con-  
 sultò inter se dissentiant conciliandis, nimium  
 ingeniosi esse velimus. Cui enim obscura esse  
 potest Proculianorum & Sabinianorum con-  
 tentio, an eiusdem rei duo possessores esse pos-  
 sint? cum hi affirmarent, vnum naturaliter, alte-  
 rum ciuilitè: vnum iustè, alterum iniustè pos-  
 sidere posse. illi verò negarent. l. 3. §. ex contra-  
 rio. D. de acq. poss. l. 3. D. vti poss. l. & habet, 15. §.  
 4. D. de precar. Qua ex contentione altera illa  
 inter

inter eosdem nata est, An etiam aduersus depositarium & commodatarium & similes vindicatione agi possit. l. officium, 9. D. de rei vin. vbi Vlpian. Sabinianos sequutus, affirmat agi posse: cum id Pegasus negaret. In eadẽque sententia Papinianum esse video, qui in l. cum fundum. 18. §. 1. D. vnde vi, scribit: eum qui fundum vindicauit, pendente iudicio, nihilominus interdicto vnde vi agere posse. Sed alia in contrariam partẽ iuris ratio est. Nam Paulus (quem ab Vlpian. hac in re, item vt in plerisque aliis, dissensisse arbitror) affirmat eum qui interdicto agere de possessione cœpit, postea in rem agere nihilominus posse: quoniam in interdicto possessio, in actiõne proprietas vertitur. l. & an eadem, 14. §. 1. D. de except. rei iud. Eiusque rei ratio perspicua est. non enim qui possessionem petit, continuò proprietati renuntiat. Vnde illud Quintil. lib. 7. cap. 5. Vt in sponsionibus, inquit, quæ ex interdictis fiunt, etiamsi non proprietatis est quæstio, sed tantum possessionis: tamen non solum possidere nos sed etiam nostrum possedisse docere, oportebit. At ex contrario (si quidem ex Proculianorum sententia constituamus, duos eiusdem rei possessores esse non posse) difficile dictu est, non eum qui rem vindicat possessioni renuntiasse: fieri, inquam, non potest, vt ei possessionem Iudex restitui iubeat, qui eam habebat: nisi ex Cassij, Sabinij, Papiniani, & Vlpiani sententia dicamus, alium naturaliter, alium civiliter, alium iniuste, alium iuste, possidere. quam solam huius soluendæ

quæstionis rationem esse arbitror. quanquam ad illum Quintiliani locum illud prætermittendum non est, sed diligenter obseruandum, non esse verisimile ante Constantini legem, proprietatis & possessionis causam vno eodém que iudicio disceptatam fuisse, l. nulli prorsus, 20. C. de iud. cum neque eadem res neque eadem causa sit: & Iudex alia de re quàm de qua postulatus fuisset, cognoscere non posset. l. vt fundus. 18. D. com. diu. Superest quæstio perdifficilis, In petitione possessionis quasi vi erepta, vtrum prius de vi, an de possessione quæri oporteat. Nam, si quidem ciuilitè agatur, de vtraque vno & eodem iudicio transigitur: quoniam eadem & res & causa est: sin autem criminaliter, difficile dictu est, non pugnare inter se. l. 1. C. de appell. l. si quis, 7. C. ad l. Iul. de vi publ. quæ prius de possessione quàm de crimine cognosci statuunt, & l. 5. §. 1. D. ad leg. Iul. de vi pub. & l. si de vi, 37. D. de iud. quæ prius de crimine quæri & iudicium fieri sanxerunt.

---

### QVÆSTIO XXXII.

*An totius & partium idem ius sit quod vniuersitatis & rerum singularum: aut quibus inter se rebus differant.*

**M**VLtis quidem in rebus totum & vniuersitas ita conueniunt, vt paria & penè gemina videâtur. Nam primùm omnium, vt Totum conficitur, ex partibus compactis: veluti naus ex puppi, prora, & carina: domus, ex fundamen-  
to:

to: parietibus & tecto: sic Vniuersitas ex rebus singulis inter se coniunctis: vt populus ex hominibus grex ex ouibus, armentum ex bubus. l. rerum mixtura, 30. D. de vsurpat. Secundò, vt partes continentur toto. l. in toto, 113. D. de reg. iur. sic res singule Vniuerso: veluti instrumento fundi, quæcunque ad eum instruendum pertinent. l. quæsitum, 12. §. sed si fundus, D. de instr. vel inst. leg. quod Arnobius lib. adu. Gent. 2. sic explicat. In Toto pars est, non Totum in parte: & Vniuersitas debet attrahere portiones, non portionibus Vniuersitas applicari, eodémque pertinet l. si vnus, 27. §. item si, D. de pact. Tertiò, vt Totius interitu partes subtili ratione non intereunt, teste Aristot. Top. 6. quod etiam patet ex l. mortuo, 48. D. de legat. 2. l. si seruus, 14. §. boue, D. de cond. furt. sic Vniuersitate perempta singulæ res non perimuntur. l. 4. §. pen. D. de pecul. vbi peculio propter pecuniam domino debitam exhausto, res tamen singulæ peculiæ manent, vt ad supplendum peculium noua concessione opus non sit. Quartò, sicut partibus sublatis Totum interit, teste Aristotele, eod. lib. Top. 6. ita rebus singulis peremptis, Vniuersitas extinguitur: veluti grex, aut armentum peremptis capitibus. l. si grege, 22. D. de legat. 1. Quinto, vt Totum est vnum, sic Vniuersitas est vnum. Itaque si suppellex, aut grex, aut armentum, aut vestis, aut peculium, aut instrumentum legatum sit, vnum legatum est. l. scire debemus, 29. D. de verb. oblig. ideóque vt cui Totum legatum est, partem agnoscere, partem



repudiare non potest, l. 4. D. de legat. 2. sic cui Vniuersitas legata est, quasdam res accipere, quasdam reicere non potest. l. 2. & l. grege, 6. D. de legat. 2. Quinetiam Vniuersitas hominum vnius personæ vicem sustinet. l. mortuo, 22. De fideic. Et si chorus aut familia legetur, perinde est quasi singuli homines legati essent. leg. si chorus, 79. D. de leg. 3. & qui carrucam vel lecticam commodauit, non rectè singulas res commodati actione repetet. l. in commodo, 17. §. pen. D. commod. Sextò vt pars Toti derogat, sic res singularis Vniuersitati. Quod Iurisconsulti sic enunciant, In toto iure generi per speciem derogatur. l. 80. De reg. iur. veluti, si cum Titio penum omne legatum esset, Mauius postea vinum legetur, Mauius vinum debebitur. l. 2. D. de trit. vin. & ol. Item sicuti peculium legatum est, dein vicarius liber esse iussus, vel alteri legatus est, singulare legatum vniuersali detrahet. l. si peculium, 10. D. de manum. test. & si cui instrumentum omne, post alteri mancipium quoddam eiusdem instrumenti legatum est, posterius legatum de vniuersali deminuet. l. legatum. 24. §. 1. D. de adim. leg. Septimò, sicut pactum & res iudicata de Toto, ad eius omnes partes: sic de Vniuersitate ad res ipsius singulas pertinet, l. si vnus, 27. §. item si pactus, D. de pac. l. si quis, 7. in princ. & §. pen. & ult. & l. si cum argentum, 21. §. 1. D. de except. rei iudic. Octauò, sicut particulari mutatione singularum partium. Totum tamen non mutatur, sed idem manet: sic etiam Vniuersitas. l. proponebatur, 76. D. de

D. de iudic. l. qui res suas, 98. §. ult. D. de solut. l. inter stipulantem, 83. §. sacram, De verb. obl. Ex contrario tamen animadvertere possumus, eadem inter se longissimè multis in rebus discrepare. Nam primum omnium Totum de tribus corporum generibus vsurpatur, de quibus in l. rerum mixtura, 30. D. de vsurp. hoc est, de eo quod continuum est, ut homo, tignum, lapis, de eo quod ex cohærentibus partibus constat, ut ædificium, navis, taberna: & de eo quod ex distantibus constat, ut populus, legio, grex. Vniuersitas autem de duobus posterioribus duntaxat vsurpatur. interdum ita, ut Totum concretum dupliciter consideretur: nimirum tanquam Totum, & tanquam Vniuersitas. nam in naui, & tabulæ singulæ, quibus constat, & res quæ in ea insunt, spectantur, & in taberna trabes, & tabulæ: (ut cùm taberna vendi dicitur. l. qui tabernam. 32. D. de cont. empt.) itémque ut merces: veluti cùm taberna oppignerari dicitur, in l. cùm tabernam, 34. D. de pig. Quinetiam abusus in his vocabulis notandus atque obseruandus est. Nam & tota hereditas sæpenumero dicitur, quæ rectius vniuersa diceretur. l. i. D. de acq. her. l. quidam. 20. C. de iur. delib. & societas totorum bonorum. in l. si vnus. 67. §. i. D. pro soc. quæ rectius vniuersorum, aut omnium dicitur in l. 5. & l. cum duobus. 52. §. pen. & l. verum est. 63. D. eod. Vicissimque vniuersitas fundi dicitur in l. 2. §. cum Stichum, D. pro empt. cùm verius Totus fundus diceretur, ut l. 3. in pr. D. de acq. poss. & quod illa Vniuersitas fundi par-

tibus opponitur, rectius hic Vniuerso fundo, singulę glebę, Toti verò, partes ipsę opponuntur. Idemque licet animadvertere in l. si seruus. 82. D. de acq. her. vbi quod ius est in Vniuerso, idē in portione esse dicitur, pro, Quod ius est in toto, vt posterius dicemus. Quinetiam Vniuersum pro Toto, interdum pro Genere veteres abusiue & improprię dixerint, itēque Partem pro Specie. Cicero in Bruto, Nisi eam præterea didicisset artem, quę docet rem vniuersam tribuere in partes. Et in Oratore, Latius enim de genere quàm de parte disceptare licet, vt quod in vniuerso sit probatum, id in parte sit probandi necesse. Secunda differentia est, quòd Totum rationem habet cum partibus, hoc est, refertur ad partes: Vniuersum ad res singulas, atque iis opponitur, adeo vt vna eadēque in re (quemadmodum paulò antè posuimus) & Totum & Vniuersitas diuerso respectu considerentur. veluti, multis locis negatur apud Iurisc. lapides, cæmentum, calcem, tigna, columnas, fenestras ædificij partes esse, vt l. & per iusiurandum, 13. §. illud, D. de accept. itēque tabulas esse partes navis, l. naue, 36. D. de euiçt. hac nimirum de caussa, quoniam Iurisconsulti res istas singulas appellant, quas non ad Totum, sed ad vniuersitatem referunt. l. adeò, 7. in suo. D. de acq. rer. dom. l. eum qui, 23. D. de vsurp. l. si quis, 7. §. 1. D. de exc. rei iud. Nam in libris nostris Vniuersitas & Singulę res inter se opponuntur, veluti hereditas, & res singulę quę in ea continentur. l. 1. D. de rei vind. l. liberorum, 308. D. de verb.

sign

signif. nauis & ædificium, resque singulæ ex quibus constant. in l. si vnus, 27. §. item si, D. de pact. & vniuersitas municipij, & singuli municipes. l. 1. & pass. D. qu. cuius. vniu. & vniuersitas bonorum, & res singulæ. l. 1. D. de interd. & l. 1. D. quor. bon. & vniuersitas armarij, & singulæ res quæ in eo continentur. l. qui vniuersas, 30. D. de acq. poss. Et in hanc sententiam in Quæst. 1. dicebamus. Vniuersa Regis esse: singula verò priuatorum. Contrà autem nulla res hereditaria pars hereditatis numeratur. l. quamuis, 14. D. siq. om. causs. adeo vt nec legatum hereditatis pars sit. l. qui fundum, 83. §. 3. D. ad leg. Falc. nulla res peculiaris pars peculij sit. l. 4. §. si ære, D. de pecu. l. 1. §. 2. D. de tributar. nulla res dotalis pars dotis dicatur. l. in fin. princ. D. de dot. releg. & l. quod dicitur, 5. D. de imp. in res dot. Quæ cum ita sint, difficile dictu est, verum videri quod à nonnullis scribitur, Totius partes esse integrales: quales sunt in domo, fundamentum, parietes, tectum. Vniuersitatis autem esse quotas, id est, quæ sine subiecti interitu esse possunt: cum verius ac certius has Intellectas esse diceremus, illas Naturales: siue, vt Iurisc. loquuntur, has pro diuiso, illas pro indiuiso. Nam Quotas partes esse volunt, quibus per numerum responderetur, veluti dimidias, quartas, aut tertias. l. cum quæstio, 23. D. de legat. quæ tamen aliæ non sunt ab vsitatis assis partibus: vt constat ex l. 2. §. si duo D. de col. bon. Vniuersitati enim (vt iam antè dictum est) partes non opponuntur, sed res singulæ. Tertia disse-



rentia est, quod partes in Toto agunt, & quasi quodammodo (vt animalis) membra sunt. Nam (vt ait Aristot. Polit. 1. & lib. Meteor. 4.) hæ de-  
 mum verè proprièque partes sunt, quæ suo mu-  
 nere funguntur. *πάντα τὰ ἔργα ὡς αἱ, & τῇ δυνά-  
 μει.* Itaque manus à corpore separata nihilo  
 magis pars est corporis quàm manus lignea,  
 aut lapidea, nisi *ἀμυνόμενος*: id est, communione  
 nominis. vt l. si statuat. 14. de aur. & argen. leg.  
 Nam testum propriè dicitur, quod tegit: & ro-  
 ta quæ voluitur: & in naui membra dicuntur,  
 quibus nauigatio iuuatur, vt puppis, prora, cari-  
 na, malus, velum, gubernaculum. l. scapham, 44.  
 D. de euiet. l. malum 242. D. de verb. signif. At  
 res singulæ in vniuerso nihil agunt: id est, non  
 efficiunt vt res sit id quod est, vel magis vel  
 minus. l. quæque, 13. D. de pignorib. vnde nata  
 apud Dialecticos disputatio de Sorite, quæ a-  
 cerualis Latinè dicitur. Sic quadrigæ partes  
 sunt equi singuli. nam singuli valent ad quadri-  
 gam efficiendam. Itaque quadrigæ legatum, v-  
 no equo mortuo, extinguatur. at equorum vni-  
 uersitate legata, quandiu quilibet vnus super-  
 erit, legatum debebitur: quoniam non singuli  
 ad vniuersitatem efficiendam valent, sed cun-  
 cti, omnes, vniuersi: quemadmodum mox do-  
 cebimus. Similiter onera quædam in nauim im-  
 posita vel non imposita, aut merces in armari-  
 um impositæ vel non impositæ non efficiunt vt  
 magis navis aut armarium vel sit, vel non sit.  
 Quarta differentia est, quod totum finitum est,  
 hoc est, neque accretionem neque decretio-  
 nem

nem recipit. Nam (vt ait Aristot. de Natur.3.) totum & Perfectū idem sunt : quoniam vtrumque definitur, id cui nulla pars deest. Nihil est extra totum (ait Seneca , lib. de vir. beat.) non magis quàm vltra finem. Vniuersitas autem indefinita est. adiectionem enim & detractionem recipit , vt de peculio dicitur , quod crescit & decrescit. l. peculium, 11. D. de pecul. itémque de familia in l. peculium, 65. D. de leg. 2. & de hereditate, quæ augmentum recipit , & diminutionem. l. item veniunt, 20. §. item non solum, D. de her. pet. Item de grege, in l. si cū argentum, 21. §. 1. D. de exc. rei iud. Itaque Totum plerunque parte vna detracta perimitur : veluti in quadriga, vbi vno equo sublato quadriga interire dicitur, quia quadriga esse desinit. At si Vniuersitatem singulorum equorum spectauit testator , aliud iuris est. nam vno detracto reliqui debebuntur. l. quid tamen, 10. in fin. D. quibus mod. vsusfr. amitt. l. peculium, 65. §. 1. D. de legat. 2. quod eodem modo de fundi instrumento iudicandum putarem, propter l. quæsitum, 12. §. si quis eodem, 10. de inst. vel instr. vbi pro parte diuidi instrumentum posse negatur. Quinta differentia est quòd Totum & partes eiusdem generis sunt. Nam si partes sunt corporales, etiam Totum corporale est : si partes mobiles, aut immobiles , etiam totum mobile , aut immobile. veluti, fundi, aut gregis, aut armenti, aut equitij. Vniuersitas autem semper incorporalis est, & nomen iuris: etiam si res omnes corporales sint, aut partim corporales, partim incorpo-

rales, veluti hereditas, aut peculium, aut dos, in  
 quibus vtriusque generis res continentur. l. 1. D.  
 de rer. diu. Sic res singulæ mobiles esse possunt,  
 cùm vniuersitas erit immobilis: vt de ædificio  
 luculenter disputatur in l. eum qui, 23. D. de vsur.  
 vbi emptor ædium non res singulas, ex quibus  
 ædificium constat, & quæ mobiles sunt, sed V-  
 niuersitatem ipsam quæ immobilis est, posside-  
 re dicitur: indeque sublato ædificio præteritum  
 tempus quod ad ædium vsucapionem valuit, ad  
 rerum singularum, quæ mobiles sunt, vsucapio-  
 nem non prodest: quoniam vna eademque res  
 simul vt & mobilis & immobilis possideri non  
 potest. Sexta differentia est, quòd totum quo-  
 niam partes habet, diuiduum est, siue partes fi-  
 ant pro diuiso, siue pro indiuiso. l. rectè dici-  
 mus, 25. De verb. sign. Vniuersitas autem, quia  
 partes non habet, diuisionem non recipit. l. 1.  
 D. de acq. her. vbi, qui vniuersam hereditatem  
 acquirere potest, is pro parte eam scindendo  
 acquirere non potest, & qui partem heredita-  
 tis adit, vniuersam hereditatem adire intelli-  
 gitur. l. quidam, 20. C. de iur. delib. l. interdum, 13,  
 §. 1. D. de her. inst. & in vnicam rem institutus,  
 in totum institutus intelligitur. l. 1. §. si fundo, &  
 l. si ex facto, 3. D. co. Septima differentia est,  
 quoniam regulariter quod ius est in Toto, quo  
 ad totum, idem iuris est in parte, quoad partem,  
 vulg. l. quæ de tota, D. de rei vind. l. 3. D. pro de-  
 rel. l. in ratione, 30. §. rursus, D. ad l. fal. l. si do. §. 1.  
 in fin. D. de adm. tut. At non quod iuris est in  
 Vniuerso, idem in rebus singulis est. non enim  
 qui

qui vniuersam domum, aut nauem, aut armarium possidet, iccirco singulas res quę in iis sunt, possidet. l. qui vniuersas. 30. D. de acq. poss. non qui vniuersitatem ædificij vsucapit, continuò singulas res, ex quibus constabat, vsucepisse intelligitur. l. adeo. 7. §. illud rectè, D. de acq. rer. dom. & d. l. eum qui, 23. D. de vsurp. Similiter qui gregem vsucepit, non continuò singulas oves vsucepit. l. rerum mixtura, 30. §. vlt. D. de vsur. Non si qua res Vniuersitatis est, iccirco singulorum est, vt theatrum, stadium, campus Martius: non si seruus ciuitatis communis est, iccirco singulorum pro parte seruus est, sed Vniuersitatis: non si quis ab Vniuersitate manumissus est, iccirco singulorum libertus est, sed Vniuersitatis. Qua de causa Vniuersitatem sine venia in ius vocare non poterit, singulos poterit. l. in tantum, 6. §. 1. D. de rer. diu. l. sed si. 10. §. 1. D. de in ius voc. non si quis nauem, aut domum vendidit, iccirco singulas tabulas, vel singulos lapides vendidit. qua de causa nec euictionis nomine tenebitur, si qua res euicta sit. l. naue, 36. D. de euict. non si quid Vniuersitati debetur, singulis debetur: nec quod debet Vniuersitas, singuli debent. l. sicut, 7. §. 1. D. quod cui. vniu. non si actor ab Vniuersitate constitutus est, iccirco singulorum actor est, sed Reipub. duntaxat. l. 2. D. eod. vicissimque non si quid singulatim ac separatim alienari non potest: iccirco vniuersè alienari non potest: vt fundus dotalis, & res cuius commercium aliquis non habet, quę tamen cum hereditatis vniuersitate trans-



fertur. l. quædam, 62. D. de acq. rer. dom. non si res singulæ hereditariæ vsucapi possunt, iccirco hereditas vsucapi potest (quam ineptam Iuriconsultorum argutiam Seneca minus consideratè nominabat, lib. de benef. 6.) nam illæ corporales sunt, hæc incorporalis est, in quod genus vsucapio non cadit. l. seruitutes, 14. D. de seruit. Ex quibus ita disputatis perspicuum est, inter Totum & partes iuris analogiam & proportionem esse: inter Vniuersitatem & res singulas, nullam esse: cautionemque adhibendam, vt ad id quod Totum est, partes: ad id quod Vniuersum est, res singulæ referantur, suumque singulis ius attribuat.

### QVÆSTIO XXXIII.

*Re à pluribus furto sublata, quam tollere singuli non potuissent, Vtrum Vniuersi tantum, an verò singuli furti teneantur.*

**H**Æc quæstio superiori finitima est, præcipueque ex eo capite dependet, quo diximus, Totum aliud esse, continuum, aliud concretum, aliud deiunctum. Totum autem concretum dupliciter considerari, nimirum vt Totum & partes: itemque vt vniuersum & res singulas. postremò Totum deiunctum, verè proprièque Vniuersum dici. l. rerum mixtura, 30. D. de vsurp. Quare in quæstione proposita plurimi interest, quo ex trium illorum genere res ea sit, quæ furto sublata dicatur. nostri quidem de trabe exempla ediderunt in l. ita vulneratus,

si. in

51. in fin. D. ad leg. Aquil. & l. vulgaris, 21. §. ult. D. de furt. vbi fatentur, si differendi subtilitati locus relinquatur, fore ut neq; vniuersi, neque singuli teneantur. aut enim totius trabis singuli fures sunt, aut partis. Totius non esse, definitio demonstrat: furtum enim contrectatio est, neq; sine contrectatione committi dicitur in l. prima, & l. si quis, 52. §. neque, D. de furt. Verum est autem, neminem vnum illam trabem sustulisse: ait Iulianus in dicta l. ita vulneratus, sed totius rei vniuersos furtum fecisse, ut ait Vlpianus dicta l. vulgaris. Rursus pro parte furtum singuli non fecerunt, ut eodem loco scribitur: quia trabs integra & indiuisa est. Restat ut omnes siue vniuersi, simul furci teneantur. veluti, si quatuor trabem sustulerunt, ut omnes pro vna trabe quadrupli nomine quatuor trabes soluant. Sed refragatur Regula iuris, ut Quot delinquentium personæ sunt, tot delicta numerentur: & Quæ pœna delictis imposita est, si plures deliquerunt, ut à singulis solida præstetur. l. si familia, 9. D. de iurisdic. & l. si plures, 34. D. de iniur. vbi quot serui iniuria aliquem affecerunt, aut damnū dederunt, tot iniuriæ, tot damna numerantur, totidémque pœnæ deberi dicuntur. neque vnius solutio alterum eiusdem delicti socium liberat. qua de causâ plures eiusdem rei fures, in solidum singuli obligantur: neque pœna ab vno præstita alios liberat. l. prima, C. de cond. furt. nam quod à pluribus fit pro indiuiso, singulos in solidū obligat. l. semper, 15. §. 2. D. quod vi aut clam. sublatâque illa

Quintiliani quæstio est libr. 7. capit. 5. Cùm duo fures pecuniam abstulerunt, separatim quadruplum quisque an duplum debeat. l. tres tutores, 55. D. de admin. tut. similiterque si serui plures album Prætoris corruerint, non sufficit; D. aureos pœnæ nomine pro vniuersis simul soluere, sed necesse est pro singulis quingenos inferre. In quam sententiam responsum est, cùm plures domini seruum communem in sua potestate esse mentiti sunt, vnumquenque illorum insolidum teneri. l. si seruum, 17. D. de interrog. Neque obstat. l. prima, in fin. l. 2. & l. tertia, D. de his qui effud. nam ibi non plures, sed vnus tantum, isq; incognitus effudisse proponebatur. Eiusque iuris equitas exponitur hac regula in l. quarta, D. de verbo. obligat. Quod in partes diuidi non potest, ab omnibus quodammodo factum videtur. Denique huius rei euidentis argumentum est in edicto Prætorio, Si familia furtum fecisse dicatur: vbi constitutum est, vt si plures serui furtum fecerunt, liceat domino tantum offerre, quantum si seruus vnus furtum fecisset: singulari de causa: videlicet, ne domini patrimonium euertatur, si omnes dedere cogeretur. l. 1. D. si fam. furt. fec. l. illud, 32. D. ad leg. Aquil. Quare cùm à pluribus vel liberis, vel plurium dominorum seruis, furtum factum est, aut iniuria, plura facta numerantur: tot denique pœnæ exiguntur, quot delinquentium personæ fuerunt. vbi verò vnus familia est, clementiæ & benignitatis causa illo singulari casu singulare ius constitutum est.

Quæ

Quæ cum ita se habeant, Iulianus & Vlpianus in illa de furto trabis quæstione concludunt, tot esse furta facta, quot personæ delinquentium fuerunt, & à singulis pœnam exigi. ac proinde, si quatuor trabem sustulerunt, in furto manifesto, xvi. trabes domino pœnæ nomine præstandas esse. Quod verò contrà ex definitione disputatum fuerat, Iulianus disertè scribit, et si ubi res ad viuum rescanda, & ad exactum iudicium renocanda esset, verùm illud esse videretur, tamen casus quosdam esse in civili iure, quibus subtili Dialecticæ rationi utilitatis & vitæ communis ratio præponderat: atque inter illos casus hunc exempli loco profert. Quo loco non prætermittendum arbitror quod textus in d. l. 9. De iurisdic. apertè pugnare videtur cum d. l. illud, ad leg. Aquil. Nam in illa eadem damni culpa dati ratio esse dicitur, quæ iniuriarum. in hac, ex contrario, eadem quæ furti à familia facti. quod idem Vlpianus perspicuè affirmat in d. l. 1. §. 2. D. si famil. fur. fec. Cuius manifestæ & dilucidæ repugnantia si conciliationem aliquam quæramus, videamus ne veterum existimationis quàm nostræ studiosiores simus. Quid enim potuit Caius dilucidius exprimere, ut controuersiam ea de re inter Iuriconsultos fuisse ostenderet, quàm cum ita loquutus est, ILLUD QVÆSITVM EST: & MOX, SED MAGIS VISVM EST. Illam ergo Paulus sententiam sequutus est, hanc Vlpianus & Caius. Verùm ut ad institutam disputationem redeamus, deinceps aliis quoque de rebus eadem quæstio.



proponenda est: veluti de armario, in quo erit, verbi gratia, mundus muliebris: aut de cista, in qua multa pretiosa inerunt, aut dolio vini, aut modio frumenti, quem cum vnus tollere non posset, plures sustulerunt: an eadem iuris ratio sit, quæ superius de trabe vel tigno exposita est. Nam si quis dicat, in pari causa parem iuris rationem constituendam esse, l. ultim. C. ad leg. Falcid. pugnare contra videbitur, quod non eadem harum rerum, quæ tigni aut trabis ratio & causa est. Nam tignum (vt superius dictum est) totum est continuum: quo in genere sunt marmor, statua, signum illud immane Herculis Agrigentini, Verr. v. quod multi subiectis vectibus moliebantur labefactare, neque tamen illud vlla lababat ex parte: de quibus idem iuris esse, quod de trabe superius diximus, dubitari non potest: quoniam ex Totius primo genere sunt, quod & continuum, & indiuisum est: neque pro parte sublatum dici potest. Armarium autem, aut cista, aut capsula, sine dubio postremi generis sunt, ac planè segetis similia: de qua Vlpianus statuit, vt in tantum furti agi liceat, quantum sublatum erit. Item eadem l. §. penult. vt qui maioris ponderis quid aperuit, quod tollere non possit, earum tantum rerum nomine teneri furti, quas abstulerit: itémque in l. verum est, 25. cod. vbi qui è lapidicina lapides, vel ex arenaria arenam furatus est, eatenus tantum furti actione tenetur, quatenus furatus conuincitur. Ex quo concludendum arbitrarer, si quatuor segetem secuerunt, aut arcam, armariumve  
fuit u

sustulerunt, non à singulis pœnam in solidum exigendam, sed ab vniuersis duntaxat: quasi partem tantum quisque suam sustulerit, & quod in partes, vel potius res singulas diuidi potest, non à singulis in solidum commissum videatur. argum. dicta l. quarta, De verbor. obligat. quod eodem modo etiam de fundi instrumento statuendum arbitraretur: quod, si tanquam Totum spectemus, parte sublata consistere negatur in l. quæsitum, 12. §. si quis eodem, 10. D. de inst. vel instr. sin tanquam Vniuersum, & eius res singulas, iniquum putarem, cum à pluribus sublatum esset, in plus quemque, quam quantum abstulisset, teneri. De vino verò, & oleo, & ingenti frumenti sacco, difficilior aliquantò quæstio est: si plures dolium, puta, prouoluerunt, aut ingentem saccum exportarunt, quod vnus facere solus non potuisset. Sed cum eiusmodi res ad quantitatem potius quam ad corpus referantur, l. cum Stichus, 29. D. de solut. l. planè, 34. §. secundo, & §. tertio, D. de legat. 1. benignior interpretatio videtur, vt res eiusmodi ad secundum Totius genus, Concretum videlicet, referantur: & quoniam in partes intellectas diuise intelliguntur, non à singulis solida, sed ab vniuersis pœna furto imposita exigatur. argum. dicta l. vulgaris, in principio, D. de Furt.

## Q V Æ S T I O   X X X I I I I.

*An legis actionum et actuum legitimorum eadem ratio esset, aut quibus inter se rebus vel conuenirent, vel differrent.*

**M**agna quæstio est, & ad cognoscendam iuris Quiritium formam pernecessaria. Intelligendum est autem, legis actiones fuisse formulas rerum, tum à magistratibus, tum à priuatis agendarum, quæ à Iurisconsultis ex lege aliqua institutæ fuerât. Perperam enim non Pomponius sed Tribonianus in l. 2. De orig. iur. definit Legis actiones, quibus ciues inter se disceptabant. quasi verò præter disceptatrices non aliæ essent quamplurimæ, quæ nihil ad lites pertinebât. Legis igitur actionum duplex proprietas fuit: quarum prior & antiquior hæc est, vt ex legis alicuius instituto conceptæ & ad eam accommodatæ essent: veluti primæ illæ, quas ex XII. tab. legibus compositas à priscis Iurisconsultis fuisse, traditur in d. l. 2. De orig. iur. Si Triumuiris Rempub. obtinentibus rogatus est Cascelius Iurisc. formulas ad eorum acta accommodatas, concipere: vt Val. Max. lib. 6. testatur. Nullius, inquit, eorum gratia aut auctoritate compelli potuit, vt de aliqua earum rerum quas Triumuiro dederant, formulam componeret: hoc animi iudicio victoriæ eorum beneficia extra omnem ordinem legum ponens. tamen si Formulam illo loco Valerius dixisse potius videtur, pro instrumento & testa-  
tione

tionem donationis. Altera legis actionum proprietas hæc erat, ut inter præsentem, neque alieno, sed proprio nomine peragerentur. l. nemo, 123, D. de reg. iur. Actus autem legitimos appellamus formulas rerum à privatis agendas, per eosdem Iurisconsultos extra rerum contrahendarum negotia institutas. Unde triplex differentia intelligitur. prima, quod illæ privatorum & magistratuum communes erant, hi privatorum tantum proprii. Altera quod illæ omnes erant ex lege: hi verò partim ex lege, partim sine lege instituti. Tertia, quod illarum nulla nisi inter præsentem fieri poterat: horum verò plerique etiam per procuratores fiebant. similitudo verò quadruplex fuit. Nam utraque actiones iuris erant publici, utrique à Iurisconsultis certa formula compositæ: utraque semel tantum fiebant, neque iterabantur: utraque pure & sine diei aut conditionis adiectione fiebant. l. actus, 77. D. de reg. iur. Nunc de singulis videamus. Ac primum de iis quæ à magistratibus peragebantur. nam Varro lib. de ling. v. sic scribit: Dies nefasti, per quos nefas fari Prætorum, DO, DICO, ADDICO. necesse est aliquo eorum uti verbo cum lege quid peragitur. Magistratus igitur siue iudicia, aut bonorum possessionem, aut tutores dabant, siue multam, aut viam dicebant, siue bona, siue litem, libertatem, servitutem, ingenuitatem, libertinitatem adiecebant, lege agere dicebantur. In his autem actionibus hoc observabatur, primum ut inter præsentem fierent: unde illud in XII. tab. PRÆ-



SENTI LITEM ADDICITO. & in formulis: VTRIS-  
 QUE SUPERSTITIBVS ISTAM VIAM DICO. Dein  
 de vt certis verborum conceptionibus omnia  
 peragerentur, cùm DO, DICO, ADDICO, Prætor  
 (vt modò dicebamus) pronuntiaret. eiúsque rei  
 argumentum est in l. decreta, 48. D. de re iud. l.  
 si opus, 16. D. de oper. nou. nunt. Iam verò se-  
 mel tantùm eas peragi solitas, vel ex eo con-  
 stat, quòd Prætoris decretum ius faciebat: quod  
 retractari non poterat. l. pen. D. de iust. & iur. l.  
 5. D. de feriis. Quanquam re integra quod iussit  
 vetuitve Prætor contrario imperio tollere aut  
 remittere potest. l. quod iussit, 14. D. de re iud.  
 Postremò, puras eas omnes fuisse intelligen-  
 dum est: vnde illud in l. muto, 6. §. 1. D. de tutel.  
 si tutor sub conditione datus sit, eius dationem  
 nullius esse momenti. Quinetiam magistratus  
 ministri, cùm quid imperio ipsius, ex lege ta-  
 men agebant, Lege agere dicebantur. Liuius  
 lib. xxvi. Fuluius acceptas literas, neque reso-  
 lutas, cùm in gremio reposuisset, præconi im-  
 perauit vt lictorem lege agere iuberet. Valer.  
 lib. 3. Deligatis ad palum hostibus, literas à pa-  
 tribus conscriptis nequicquam Capuanis salu-  
 tares accepit. In sinistra enim manu, sicut erant  
 traditæ, reposuit, ac iusso lictore lege agere,  
 tum demum aperuit. Inter priuatorum actio-  
 nes primum locum obtinebant, quæ pertine-  
 bant ad lites: vt apud Plaut. Aulul. Lege agito  
 mecum, molestus ne sis. Et apud Cic. de Orat. 1.  
 Alter plus lege agendo patebat, quàm quan-  
 tum lex in xii. tab. permiserat. Et pro Cæcina,  
 Omni

Omnes qui in eadem causa sunt, & lege agant, & ius suum persequantur. De vindictis autem, quemadmodum ex lege XII. tab. instituta, quemadmodum in iure apud Praetorem, & certis verbis & pure: & inter praesentes, & semel fierent, copiose Agellius exponit lib. XX. cap. IX. Denique actiones omnes litigiosae, & ex lege instituta erant (qua de causa lege agi per eas dicebatur) & in iure instituebantur, & certis verbis constabant, ut cuius mediocriter erudito notum est. Inter praesentes autem agitari primum solitas, Imperator ostendit sub tit. De his per qu. ag. poss. ubi ait, olim in usu fuisse, alterius nomine agi non posse. Quae de causa non pater quidem pro filio inofficiosi querelam potest instituere. l. 8. D. de inoff. Pure autem eas instituendas fuisse, ut ius certum peteretur, vel ex eo constat, quod qui ante diem petierat, causa cadebat. Semel porro eas institui licuisse, vel ex eo patet, quod, eadem de re bis actio non erat. l. 2. D. de except. rei iud. Sed praeter illas disceptatrices erant aliae, quae (ut Vlp. loquitur) iurisdictionis erant voluntariae: quarum haec bipartita fuit distinctio, ut aliae in iure, aliae extra ius peragerentur. In iure fiebant, Adoptio, Emancipatio, Manumissio per vindictam, In iure cessio, Litis contestatio, Nominis in reos relatio, Appellatio, Tutelae cessio, Tutelae abdicatio. Extra ius arrogatio, In ius vocatio, Satisfactio, Antestatio, Mancipatio, Nuncupatio testamenti, Cretio, Aditio hereditatis, Noxae deditio, Iusiurandum, Tutoris auctoritas. De singulis i-

gitor videamus. Nam Adoptio quidem ex lege XII. tab. instituta fuit. Itaque legis actio nominatur in l. 3. De off. Proc. l. 1. D. de off. iurid. l. 1. C. de adop. Eam autem inter præsentes fieri, Vlp. his ostēdit verbis, in l. neq; absētes, 24. & l. seq. D. de ado. neq; adoptare, neq; arrogare quis absens, nec per alium huiusmodi solennitatem peragere potest. Et de iure apud magistratum, constat ex l. 3. & l. 4. D. eod. Tacitus lib. 1. Consultatum, inquit, pro rostris, an in senatu, an in castris adoptio frequentaretur. Certis verbis eam compositam fuisse, Agellius docet lib. v. cap. XIX. Semel autem adoptari aliquem licuisse, Paulus testatur in l. adoptare, 37. D. eod. Ad tempus autem, aut sub conditione fieri non potuisse, patet ex l. quæsitum est, 34. de adopt. quia nec filium naturalem ea ratione habere possumus. Neque verò superioribus aduersatur, quod crebrò legimus, Adoptiones in testamentis factas, quasi & absentium, & extra ius fierent. Non enim hæ adoptiones propriè, sed arrogationes erant: eorum videlicet qui sui iuris erant: ut cùm Pomponius à Cæcilio adoptatus dicitur in ep. ad Att. 2. & apud Nepotem in illius vita. Quare mortuo testatore non dubium est, quin lex curiata ferretur, Vellent iuberent Quirites, ut Pomponius Cæcilij esset filius: ut est apud Agell. eod. loco. Itaque Octavij adoptionem Cæsaris testamento factam, illa lege confirmatam Dio lib. 46. testatur. Eodémque pertinet illud Taciti libro 12. Rogatque lex, qua in familiam Claudiam, & nomen

men Neronis transfiret. Sequitur Emancipatio, quam ex lege XII. tabular. institutam, omnibus notum est. Qua de causa inter legis actiones numeratur in l. 4. D. de adoptionibus. & apud Paul. Sent. 2. tit. 26. & Iustinianum Nou. 81. Inter præsentis autem fieri solitam, vel ex eius formula, quam Caius in Institut. commemorat, vel ex circumductionib. & colaphis, de quibus in l. ult. C. de emancip. lib. satis planè constat. quod tamen Anastasius abrogauit, cuius noua Emancipationis formula traditur in l. pen. C. eod. Vtrum autem ea in iure, an extra ius fieret, dubitari video: propter l. emancipari, 36. D. de adopt. vbi Vlp. ait, emancipari filium à patre quocunque loco posse. quasi verò Caius in Institut. non apertè testetur, ante Præsidem, hoc est magistratum, cui legis actio sit, mancipationem fieri solitam. vnde intelligitur Quemcunque locum ab Vlp. dici in quo Prætor salua maiestate imperij sui, saluòque more maiorum ius dicere potest: quem omnem locum Ius dici nemo ignorat ex l. penult. de legibus. Denique, quoniam causæ cognitione opus non est, neq; tribunali, neque sella opus esse. Iam verò de huius actionis certa formula, dubitare nemo potest ex eodem Caij Inst. lib. I. ac ne de altera quidem nota: hoc est, vt semel facta, non iteretur: cum sui iuris factus, amplius sui iuris fieri non possit: neque amplius tribus mancipationibus adhiberi liceret. Postremò, vt neque sub conditione neque ad tempus fieret. d. l. actus. D. de reg. iur. Sequitur Manumissio per vindi-



Etiam, quā ex lege xii. tab. institutam ex eo probabile est, quia pars est emancipationis: quæ & trib. manumissionib. constat, & sine dubio legis erat actio: vt Inst. Nouel. 81. *εἰ γὰρ ἡ τῆς ἐμμανκισ-  
τίουτος παρ᾽ αἱς παλαιαῖς ἐκ τὰς καλυμένας legis  
ἀκρίβονας μερομένη μετ' ὕβρεων καὶ ῥαπισμάτων*, &c. Denique manumissionem inter legis actiones aperte Paulus numerat lib. Sent. 2. c. 25. obscure autem Constantinus in l. vi. C. de manum. vind. & Marcianus in l. 2. D. de off. procon. vbi liberorum & seruorum manumissiones eodem numero, & apud eosdem magistratus statuit. Inter præsentem autem eam peragi solitam, ritus ipse circunducendi & colaphis cædendi, & virga tangendi, perspicue ostendit: nominatimque traditur in l. 3. C. de vind. manum. l. pen. C. qui manum. non poss. In iure autem, id est, vel in tribunali, vel quocunque loco vbi magistratus & lictor adsit, fieri solitam constat ex l. 5. l. 6. l. 7. l. 8. D. de man. vind. Verba autem solennia Festus hæc profert, Hunc hominem liberum esse volo. Tamen si Hermogenianus in l. manumissio, 23. D. cod. scribat, ætate sua manumissionem per lictores domino tacente expediri solere: & verba solennia licet non dicantur, vt dicta accipienda esse. Vnde intelligitur, postremis temporib. in libertatis fauorem multa de vetere ritu remissa fuisse. nam etiam apud legatum Proconsulis qui legis actionem non habebat, manumitti licuisse, testis est l. apud proconsulem, 17. eodem. Semel autem præstari libertatem hanc solitam, testis est, l. 2. C. de manum. vind.

deniq

denique ad tempus dari non licuisse patet ex l. libertas, 33. D. de man. vind. sub conditione verò, testamento quidem poterat: vindicta verò non poterat. quia vindicta libertas absolute datur. l. mortis causa, 15. D. de manum. Simillima est illa interrogatio, quæ legibus fieri dicebatur apud Prætorem, cum quis alterius nomen referre in reos volebat, cuius interrogationis formulam Peditius exponit in Verrin. 11. Item In iure cessio, apud Vlp. rit. Regul. 19. & in Instito. Caij: apud Boetium in Topic. iis verbis quæ iam omnibus nota sunt. sed hæc exempli causa proposuisse sufficiat. nam cetera partim ex aliis auctoribus nullo negotio colliguntur. Nunc ad eas quæ extra ius fiebant, accedendum est. Ac primum de Testamento. nam ex lege XII. tab. institutum id fuisse nemo ignorat. Certis autem verbis fieri solitum, patet ex l. quoniam, 15. C. de testam. & ex Nuncupationis formula, quam in lib. Regul. Vlpian. protulit. Ex qua ipsa intelligitur, eam Nuncupationem, neque diem, neque conditionem disertè ac nominatim admisisse: cum tamen eius partes admitterent. nam & dari libertas in testamento sub conditione poterat. l. 1. D. de stat. lib. cum per vindictam dari non posset: & heres sub conditione institui, legataque relinqui. Ex eodem genere fuit Hereditatis aditio. nam illam quidem ex lege XII. tab. ortum habere, nemo dubitat: siue ab intestato, siue ex testamento esset. l. 1. D. de her. pet. l. lege obuenire, 130. De verb. signif. Per heredem autem ipsum eam fieri so-

litam, neque admissum procuratorem, 80. D. de acq. her. cum tamen in Pand. Flor. vitiosè, vt opinor, scriptum sit, CVRATOREM. sed cum Cæsari singuli iure concessum sit, vt per suum procuratorē adire possit. l. i. §. vlt. D. de of. proc. cæs. perspicuum est, id ceteris non licuisse. quod hoc etiam argumento confirmatur, quia senatoribus liberæ legationes adeundarum hereditatum causa dabantur: vt in Comment. de verb. iur. exposuimus. Certis autem verbis Cretionem & Aditionem constituisse, notum est omnibus ex Vlp. tit. Regul. 26. vbi hæc duo coniunguntur ADEO CERNOQVE. eiusque vestigium extat in fin. l. eum qui, 15. D. de acq. hered. Diem porrò & conditionem in adeunda hereditate non admissam, patet ex d. l. eum qui, & l. heres, 54. D. eod. & l. actus, 77. De reg. iur. Neq; obstat, l. primo gradu, 23. D. quæ in fraud. cred. vbi heredes eius qui soluēdo non erat, ea conditione adisse dicuntur, vt creditoribus partem duntaxat soluerent. nam ibi Conditio pactiōnem significat cum creditoribus factam. quemadmodum heres cum legatariis & fideicommissariis paciscitur. l. in quantitate, 73. D. ad leg. Falc. l. apud Iulianum, 11. D. ad Trebel. Restat vt de ea non iteranda testimonium proferamus: quod extat in l. si solus, 80. in fin. D. de acq. hered. Hereditatis igitur aditio legis actio erat. Bonorum autem possessio, non erat, itaque per procuratorem acquiri poterat. l. si quis alicui, 48. D. de acq. hered. l. si maritus, 5. C. mand. Sequitur Mancipatio: quam ex lege XII. tab. instituit

stitutam fuisse, & ab auctore ac mancipe præsentibus, certis verbis ac formulis, extra ius, quouis loco vsurpatam fuisse, docent Vlpianus, Caius, & Boetius. Purè autem propterea fiebat, quia præsens dominium, traditione facta præsentique pecunia numerata transferebatur: unde periculum iudicij & euictionis: vt ex Plauto & Ciceronis Muræniana in verbis Iur. ostendimus. Quòd si dominium transferebatur, sequitur, vt semel tantum fieri soleret. Verum hæc quidem de legis actionibus hætenus. nunc de Legitimis actibus videamus: quod nomen etsi generale esse constat, tamen, vt plerunque fit, ad eas species propriè restrictum est, quas superius explicauimus. Horum autem in numero Acceptilationem & Legati optionem statuemus: quas Papinianus nominat in d. l. actus, De regul. iur. Præterea autem Conuentionem in manum, Repudium, & Diuortium: quæ etsi certis fiebant verbis, l. 1. D. de diuort. certoque & solenni modo. l. 1. D. vnd. vir. & vx. tamen per internuntium fieri potuisse constat ex l. 5. D. de rit. nupt. l. 2. D. de diuort. Itémque in diem addictionem, quæ etsi certis fiebat verbis, l. 1. D. de in diem addictio. tamen in tempus necessario fiebat. Item Comperendinationem & Vadimonium, quæ in diem certam fieri solita verba ipsa ostendunt. Item Denunciationem testimonij: quæ ex lege XII. tab. non semel, sed iterum ac tertio fiebat. Nam hi omnes legitimi actus nominantur, cum in d. l. actus, tum in l. pen. C. de hæretic. vbi eo nomine actus ij



soli significantur, qui iuris sunt publici : neque omnino propriè. non enim omnes lege certa instituti sunt. Nam Acceptilatio Aquiliana C. Aquilium Iurisc. auctorem habet. Itaque civiles magis verè proprièque dicerentur, aut sollemnes: vt acceptilatio solennis actus nominatur in l. ult. C. de reuo. quæ in fraud. cred. sed legitima persæpe dicuntur, quæ iuris sunt publici: vt legitima verba dicuntur, quæ alibi civilia, solennia, directæ nominantur : quæ tamen non à legibus, sed à Iurisc. cōcepta esse constat. l. ult. C. de testam. tut. Postremò illud subiungendum est, Actuum legitimorum duo esse genera: nam alij diem & cōditionem recipiunt: alij non recipiunt. veluti Acceptilatio & Optio non recipiunt: at Vadimonium. Comperendinatio, Obualgulatio, quæ denuntiandi testimonij causa fiebat, & Procuratoris datio recipiunt. l. 3. D. de Procur. Itaque Papinianus non dixit: Actus legitimi non recipiunt diem vel conditionem: sed distinctè, Actus qui non recipiunt: Relatum enim QVI, suum antecedens restringit, vt l. quod ait lex, 11. D. de divor. l. à filio. 15. §. 1. D. de adim. leg. Qua ex re de illorum stultitia existimari potest, qui in cap. 50. De reg. iur. in Sext. infinitè & generaliter tradiderunt, actus legitimos neque diem neque conditionem recipere. quo loco Dinus non irridiculè scribit, regulam illam imaginationi mentis suæ applicari non posse. Sed iam de Acceptilatione videamus. nam illam inter præsentis fieri oportuisse, neque per procuratorem aut seruum fieri

ri potuisse, ita perspicuè traditur in l. & per iurandum, 13. §. tutor. & l. penult. D. de acceptil. ut mihi verisimile sit, verba hæc SINE MANDATO, quæ sunt in l. 3. D. eod. aut spuria esse, & ex glossa imperiti hominis profecta: aut ita corrigenda, SINE NOVATIONE, ut apertissimè traditur in d. §. tutor. & in l. servus, 16. l. filius, 23. l. non ideo, 25. D. de novat. præsertim cum stipulatio, sine interrogationis & responsionis formula (qua constat Acceptilatio) inter absentes fieri non possit. l. 1. D. de verb. obl. Institutum porrò fuisse, ut ea certis verbis fieret, constat ex l. & vno, 18. D. de acceptil. ceterum eam neq; diem neque conditionem recepisse, patet ex l. 4. & l. 5. D. eod. Cuius rei ratio hæc est, quia obligationi præsentem interitum affert. Qua de causa quod in diem, vel sub conditione debetur: tum demum acceptilatione sublatum intelligetur, cum dies aut conditio debitionis euenierit. l. quod in diem, 12. D. eo. Expressam igitur diei & conditionis adiectionem non recipit: tacitam recipit. Sed formula quidem pura est: vis autem & effectus acceptilationis in futuri temporis euentum reiectus est. l. licet, 43. D. de iur. dor. Non fuisse autem iterandam solutionem, ex eo constat, quod si vel aliquid amplius debito præstitum est, vel à reo & fideipssore solutum, indebiti conditione repetebatur. l. si reus, 20. D. de cond. indeb. Deinceps de Legati optione videamus: quam legis actionem non esse, vel hinc intelligi potest, quia nulla lege instituta est: tamen si partem esse testamenti, quæ

certissima legis actio est, constet. item vt tutoris dationem, liberti assignationem, manumissionem testamentariam, quas etsi legitimos actus appellare possumus, tamen legis actiones nemo dixerit: cùm illæ duæ conditionales esse non possint: Libertas autem testamento, & post tempus, & sub conditione relinquatur. l. libertas, 17. & l. testamento, 23. D. de man. test. Denique non video, cur optio serui per procuratorem, cui mandatum id sit, fieri non possit. cùm etiam de matre pro filia optante mentio fiat, in l. pen. D. de opt. leg. Certis autem verbis legati optionem fieri solitam, probabile est: cùm ea testatione fieret. l. apud Aufidium, 20. D. cod. Denique cùm optionis legatum (vt Vlpian. in titu. Regul. 24. testatur) & omnia, quantumuis exigua, certis constarent verbis dubitandum non arbitror, quin illa quoque optionis testatio constaret. Sed electionis diuersa causa est: eius enim formula iure ciuili constituta non fuit: quia locum in legato generis tantum habuit: veluti, seruum vnum Titio do lego: itaque optio inter causas iuris referenda est: Electio tota facti est. l. si stipulatus, 76. l. si seruus, 141. l. ultim. De verb. oblig. l. Stichum, 95. §. 1. D. de solut. Iam verò purè & semel fieri solitam, ex eo intelligitur, quòd alioqui semper suspensio & incerto animo heres fuisset. qua de causa etiam optandi dies à magistratu præstituebatur. l. quinta, & l. 8. D. cod. vnde intelligitur consummi optionem dici, vt primum electio facta est. denique de non iteranda optione testimonium est

est in l. 2. & l. serui. 5. D. de leg. 1. Ad extremum illud quoque notandum est, Actus legitimos, qui puris formulis constabant, expressam diei conditionisve adiectionem repudiasse: tacitam verò recepisse. veluti, si quod sub conditione debetur, accepto feratur. nam formula quidem dilationis expers est. Vis autem & effectus acceptilationis in futuri temporis euentum reiectus est. l. quod in diem. 12. D. de accept. l. licet soleat, 43. D. de iur. dot. vbi cùm dos per acceptilationem constituitur, tacitè conditio inesse dicitur, si nuptiæ sequutæ fuerint. l. non enim, 37. D. eod. Quod eodem modo de testamento dici posse arbitror: quod tamen inter legis actiones retulimus. Nuncupatio enim (vt ex Vlp. ti. Reg. 20. intelligitur) pura & directæ est: neque ex incerto futuri temporis euentu pender. Eius tamen vis & effectus omnis conferri in conditionem potest. veluti, si heres sub conditione sit institutus, quæ postea deficiat. Quinetiam video de manumissione idem dici posse, ex l. mortis causa, 15. D. de manum. vbi Marcellus ait, Etsi libertas per vindictam absolutè danda est, tamen mortis causa factam manumissionem, tacitam in se conditionem continere: vsq; ad manumissoris mortem. Vnde nata Regula est, Expressa nocent, non expressa non nocent.

APPENDIX. Cùm hæc annis ab hinc circiter decem sic scripsissem, incidi in Observatoris, dicam, an Obrectatoris? animaduersionem quandam, sanè insolentem.

*Acceptilatio, inquit, non fit per procuratorem,*



& quod adiucitur, SINE MANDATO, & in Basili-  
 cis ἀνευ ἐνόλης ἥτοι ἀποστοπῆς in l. tertia, de accep-  
 til. hoc est quia mandato precedente, procuratori  
 sit ante permissum nouare obligationem, in l. deci-  
 matertia, §. tutor, eod. & l. quarta, C. de nouat.  
 Remedio enim nouationis acceptilatio rectè fit  
 per procuratorem. Hæc ille. quæ certè, qualia sint,  
 assequi coniectura vix possum. primùm, quia ri-  
 diculum est, vbi quid de procuratore præcipi-  
 tur, intelligi sine mandato procuratorem da-  
 tum. l. i. l. sed & hæc, 35. l. Pompon. 40. §. vlt. D.  
 de proc. Deinde, quoniam vbi de procuratore  
 ad certum negotium, puta ad acceptoferen-  
 dum, ac simul de ipsius mandato mentio fit,  
 non dubium est, quin illud mandatum de eo-  
 dem ipso negotio gerendo intelligatur: vt non  
 minus certa, quàm ridicula hæc futura fuisset  
 Pauli sententia, *Per procuratorem nec liberare  
 quisquam acceptilatione sine mandato, acceptofe-  
 rendi potest.* qua de re ne Pauli quidem seruulus  
 mediastinus dubitare potuisset. Quid si dixisset,  
*Sine mandato nouandi,* vt huic obseruatori pla-  
 cuit ex l. 4. C. de nouat? primùm, hæc allegatio  
 falsa est, quia nihil tale illa lege continetur.  
 Deinde, ridiculum id fuisset, quoniam si procu-  
 rator acceptoferre sine nouatione non potest,  
 d. l. 13. §. tutor, qui ad acceptoferendum procu-  
 rator constituitur, idem ad nouandum, tacitè,  
 eadèmq; opera constitui intelligitur. arg. l. 2.  
 De iurisdic. Veterem igitur emendationem  
 meam retineo, vt pro *Sine mandato*, legamus  
*Sine nouatione.* Idq; eò lubentius, quod eam an-  
 no, 1573.

no, 1573. à me primum editam, animaduerti pos-  
 stea erudito viro anno, 1575. placuisse. lib. Se-  
 mest. 2. cap. 22. vbi etsi profiteretur, se boni Iurisc.  
 instituto suum cuique tribuere, meum tamen  
 nomen per obliuionem, vt credi par est, prate-  
 riit. Vt cunque sit, regula iuris antiqui hæc fuit:  
 Acceptilatio est actus legitimus, qui per pro-  
 curatorem expediri non potest. Obstant enim  
 verba formulæ personalia, Quicquid te mihi  
 &c. l. idem. 25. §. personale, D. de pact. Sed cum  
 postea Iurisperiti multi eius regulæ incom-  
 moda cognouissent, vtilitatis causa remedium  
 hoc (vt Vlpianus appellat) excogitarunt, vt no-  
 uatione procuratores vterentur: ac tunc demum  
 accepto facerent.

Sequitur altera obrectatio: *Optionem tamèn  
 serui rectè fieri per procuratorem, malè colligunt,  
 ex l. penultim. De opt. leg. cum in eius legis speciè  
 fiat per matrem ex praecepto testatoris.*

Qui ex quindecim integris libelli mei pagi-  
 nis vnicam tam auidè reprehendit, an non pro-  
 bare reliquas videtur? At quotusquisque hodie  
 scriptor reperietur, cui non aliquis eiusmodi  
 momus obrectare possit? Quamquam repre-  
 hensio hæc ferenda non est. Nam si per procu-  
 ratorem serui electio fieri non potest, delea-  
 tur huius verissimæ sententiæ auctoritas, in l. si  
 is qui, 66. D. de procur. l. cum debitore. 17. D.  
 rem rat. hab. vbi electio rectissimè fieri per pro-  
 curatorem dicitur, & tota hæc reprehensio ma-  
 nifestæ stultitiæ conuincitur. Age reliqua vi-  
 deamus, meliora enim fortasse consequentur.

*Et malè iudem, quod nemo alieno nomine lege agere possit, ideò patrem filij sui nomine querelam inofficiosi testamenti instituere non posse, cùm alia ratione Papin. Utatur, l. Papin. D. de inof. test. quia filij iniuria est. Ac præterea, ait, inuito filio non posse. Volente igitur filio potest. atquin ne volente quidem domino procurator lege agere iure antiquo potest.*

Mitto, quod proferri simul Triphonini rationem oportuit, hanc filij indignationem esse, l. filius, 22. D. ill. tit. quæro enim, annon plures vnus eiusdémq; præcepti afferri rationes possint? At ego præter Papiniani & Triphonini rationes hæc esse affirmo potissimam, quod querela hæc aduersus matrem instituta dementiæ & furoris illam argueret. l. 2. l. 5. D. eod. quod esset à filij pietate alienum qui parem matri ac patri pietatem debet. l. 4. D. de curat. furios. Neque verò illa fuit ad propositam disputationem accommodatissima ratio prætermittenda, quòd quamuis propria illa esset filij iniuria, neque cùm patre communis (cui alioqui agere iniuriarū liceret: l. sed si, 17. §. filio. De iniur.) tamen cùm hic pater esset, admittendus ad querelam, sine mandato instituendam, quasi voluntarius procurator videbatur. l. sed & hæ, 35. D. de procur. nisi lege antiqua cautum fuisset, ne quis alieno nomine, lege, aut iudicio ageret. Nam quod subiicitur, *Iure antiquo ne volente quidem domino licuisse procuratoribus alieno nomine agere*, tum demum probabo, cum aut contra Iustiniani auctoritatem planum factum erit  
proc

protutorum vsum, illo iure antiquo fuisse, aut iniuriam ex inofficioso vindicari per procuratorem non licuisse: cum tamen etiam ex lege Cornelia procurator ad iniuriarum actionem dari soleat. l. licet, 42. §. 1. D. de procurat.

Sequitur: *Male quosdam esse actus legitimos, qui dilationem capiant ex die, vel conditione, nec momento perficiantur: cum in l. actus, De reg. iur. non sit legendum, Qui non recipiunt, quasi scilicet alij sint, qui recipiant, sed ut Flor. Qui recipiunt, id est, quibus aperte adiicitur dies, vel conditio. Nam si recipiunt tacite, ut paulo post ait, non vitiuntur, si aperte, vitiantur in totum.* Nouum igitur habemus Canonistam, qui cum Dynus Bonifacio papæ octauo scripssisset, iuris illius sui regulam imaginationi mētis suæ applicari non posse, primus inducit, nullos esse actus legitimos, qui diem & conditionem recipiant. Cuius sententiæ duo video esse capita, quorum (ut verè dicam) neutrum intelligo. prius est, quod omnes actus legitimi purè fiunt. Nam pura in iure nostro iis opponuntur, quib. neque dies, neque conditio adiecta est. l. et si. 8. D. de auct. tut. §. 3. Instit. de verb. oblig. quæ pura sunt, ex præsentis tempore statim capiunt: alia ex temporis, aut conditionis euentu pendent. l. vsusfructus, 26. De stip. seru. Atqui testamentum, qui actus est (ut inter omnes constat) legitimus, diem & conditionem recipit. Nam testamentum, quod tribus verbis purè fieri potest, Titius hæres esto. l. 1. D. de her. inst. totidem aliis verbis, conditione augeri potest: si uxorem duxerit, vel,



Cum capere poterit. l. in tempus. 62. D. de her. inst. neque quicquam notius est, quàm heredis institutionem, & in diem, & sub conditione fieri posse. §. pen. Inst. de her. inst. l. si mater. 33. D. de vulg. subst. Pari modo, quamvis tutoris in iure datio, neque diem, neque conditionem recipiat, tamen testamentaria recipit. l. 8. §. 1. l. 11. De test. tu. l. 6. §. 1. De tut. §. 3. De iis, qui tut. test. §. 2. De Attil. tut. §. 2. Quib. mod. tut. fin. quam tamen actum esse legitimum, & legitimis verbis fieri solitam, patet ex l. ult. C. de test. tut. Verbis autem ipsius legis inductam, testimonio est l. sæpè. §. 3. ibi, SVPER PECVNIA TVTELA VE SVA. D. de verb. signifi. Sic manumissio per vindictam purè fiebat. at per testamentum, & in diem & sub conditione. l. 17. l. 23. D. de manum. test. Vnde statuliberorum conditio in suspenso esse dicitur. l. pen. §. ult. C. de necess. hered. inst. Alterum mihi obscurum caput est, quod hæc locutio : *Quidam actus legitimi recipiunt diem vel conditionem*, hoc tantum significat, *Quibusdam actibus legitimis aperte diem vel conditionem adici.* Primùm enim admodum inconcinne, ne dicam pueriliter, Papinianus ita scripsisset, *Actus legitimi, qui recipiunt diei vel conditionis adiectionem, in totum vitiantur, per tēporis aut conditionis adiectionem*: cūm satis fuisset, semel id vel in exordio, vel in extremo ponere : Deinde, quis ignorat, vsitatum hoc esse loquendi genus, & Iurisconsultis familiare, ut dicant res quasdam recipere aliquid, aut non recipere, pro, naturam earum hanc esse, ut aliquid

quid aut ferre possint, aut ferre non possint. veluti, Quædam obligationes recipiunt diuisionem, quædam non recipiunt: ait l. 2. De verb. oblig. quædam recipiunt partis præstationem, quædam non recipiunt. ait ead. l. 2. & l. 72. D. co. quidam contractus dolum tantum recipiunt, quidam etiam culpam recipiunt: ait l. 23. De reg. iur. Liberi hominis corpus non recipit æstimationem, Serui hominis corpus recipit: ait l. 3. D. si quadrup. Quemadmodum igitur, cum dicimus operis efficiendi stipulationem non recipere diuisionem: certæ pecuniæ, recipere: hoc significamus, eius diuisione corrumpi, aut non corrumpi stipulationem: vt loquitur d. l. 72. Pari modo cum dicimus, Actus quosdam non recipere diem aut conditionem, quosdam recipere, sine dubio illud significamus, Quosdam actus diei vel conditionis adiectione vitari, quosdam non vitari. Quanquam, quid opus est verbis? cum absurdissimè Papinianus ita scripturus fuisset, *Actus legitimi, qui recipiunt dilationem, in totum vitantur, per dilationis adiectionem.* Nam si recipiunt, si admittunt, si patiuntur, si ferunt, certè sine sui corruptione, sine vitio, sine interitu, id patiuntur, & ferunt.

Sequitur, *Malè, aliud esse actus legitimos, aliud legis actiones, & legis actiones definiri, in l. 2. De orig. iur. quib. inter se ciues disceptant, ex xij. tab. Nec enim has solas dicit esse legis actiones, sed tantum appellari legis actiones, sicut Caius in inst. dum, enarrata formula cessionis in iure subiicit, Idque legis actio vocabatur, certè non definit*

*legis actionem.*

Imò rectè, & verè dicimus, tantum inter has, & illas interesse, quantum inter genus, & speciem. Nam omnis legis actio, legitimus actus est. At non si quis est actus legitimus, continuò legis actio dici potest, quia legis actiones eadem demum dicuntur, quæ ex verbis conceptæ sunt, quarum quædam in iure exercebantur, & apud magistratum, cui propterea legis actio esse dicebatur. l. i. C. de adop. l. i. D. de off. iuri. Ale. l. 2. §. ult. & l. seq. D. de off. procons. quo in genere fuit in personam aut in rem actio: civilis deniq; omnis, & criminalis actio, siue accusatio: item adoptio, emancipatio, manumissio per vindictam, in iure cessio, nominis in reus relatio, siue accusatoris in crimen, quibus etiam addo, querelam inofficiosi testamenti. Extra ius verò, veluti arrogatio, in ius vocatio, antestatio, mancipatio, testamenti nuncupatio, vsurpatio per in fractionem furculi, cretio, hereditatis aditio. Legitimi autem actus dicuntur, etiam qui ex legis mente & sententia, sine ullius certæ legis expressis verbis instituti sunt, veluti legati optio, conventio in manum, repudium, divortium, in diem addictio, acceptilatio: de quibus singulis superius explicauimus. Quod autem sequitur, legis actiones non definiri (vt dixeram) in l. 2. De orig. iur. quibus ciues inter se disceptabant: verba ipsa testimonio sint: *Et his legibus, inquit, actiones compositæ sunt, quibus inter se homines disceptarent: & appellatur hæc pars iuris legis actiones.* Perperam igitur Tribonianus

mus. Nam Pomponium magnæ partis illius historię auctorem non fuisse, iam pridem ex stilo & genere dicendi demonstrauius. sed huius rei diiudicandæ potestatem nec Apulei nec Sardonij discipulis facillè permittemus. Denique, si ea pars iuris quæ ex actiones, quibus inter se ciues disceptant, specialiter legis actiones appellatur, cui dubium est, quin legis actiones specialiter definiantur, quibus inter se ciues disceptant? quandoquidem (vt Dialectici loquuntur) definitum & definitio inter se reciprocantur.

Sequitur, *Malè inter legis actiones, vel actus legitimos numerant stipulationem, vocationem inius, in diem additionem, qui & legem commissariam olim numerarunt, inter leges populi R.*

Nimirum hoc illud est, quod Tullius quodam loco scribit, homines esse quosdam, qui anquirunt, in quos acerbitatis suæ virus euomant. Mendacium est, quod mihi falsò & impudenter obiicitur, scriptum à me fuisse, stipulationem legitimum actum fuisse. Nunquam id mihi vel excidit, vel in mentem venit. Sed tamen, vt studiosorum vtilitati consulamus, commodissimum videtur, quæstionem proponere, quamobrem acceptilatio inter actus legitimos referatur, stipulatio non referatur? Nam vtræque fit inter præsentēs, vtræque interrogatione & responsione constat, vtræque certis verbis concipitur. Ego, pro mea virili parte, sic sentio, neque stipulationem, neq; nouationem, neque quamuis acceptilationem, sed



Aquilianam duntaxat in eum numerum referendam esse: hac de causa: quoniam illæ neque ex vlla lege, neque ex vllius legis sententia institutæ fuerunt, & cum assidue, tum etiam leuibus de rebus frequentabantur. Vulgaris autem acceptilatio ex sententia vsitati iuris inducta erat, vt quo quidque modo contractum fuerat, contrario modo tolleretur. l. ferè D. de reg. iur. Aquiliana verò primum auctoritate Iurisconsulti nobilis inducta & moribus recepta, legis vim obtinebat. arg. §. i. De acqu. per arrogat. & §. i. De fideic. hered. sicuti formulæ de dolo malo, & de nepote postumo, viuo adhuc filio, herede instituendo eiusdem summi viri auctoritate inductæ sunt: deinde non nisi ad causas grauiores adhiberi poterat, cum scilicet tolli, quibuscunque aliis de causis, contractas obligationes placebat: hoc est, non modò verbis, verùm etiam re, consensu, nominibus. l. i. l. 8. l. 18. D. de acceptilat. præterea non modò non quotidiano, & vsitato iuri consentanea erat, verùm etiam iuri civili aduersabatur. quippe, cum obligationes alio (vt dixi) modo, quàm verbis contractas, verbis soluere nitcbatur, contra l. pen. D. de solut. & alias consimiles.

Sed iam ad reliquas criminationes propereamus.

In ius vocationem, & dixi, & iterum dico, legis esse actionem, cum in leg. xii. tab. caput hoc fuisse constet, *Si in ius vocet, atque eat. si pedem struit, manum endo iacito.* Additionem autem in diem, cur non legitimum actum appellem

lemus, cum & certis ac solennibus verbis conciperetur? l.1. D. de in diem addict. & solennis appelletur, in l. quæ specialiter. 9. C. de distr. pignor. l. quæcunque. 5. C. de fid. inst. & iur. hast. fisc. & multis constet formulis, quas in quodam consilio, quod Deo volente propediem edetur, accuratè dinumerauimus. De lege commissoria iam dudum, ante annos opinor viginti, calumniatoribus respondi, non illum meum, sed typographi, vel potius pueri, & glutinatoris ipsius peccatum fuisse: qui, cum in ea capsula, in quam voces à litera L incipientes congefseramus, verbum illud reperisset, temerè in primam editionem nostri de verbis iuris commentarij retulit. Sed cum adolescens multis antè annis tantum in Verrinarum commentariis, post etiam in libello de legibus specimen meorum in antiquitates studiorum ostendissem, quis, nisi peruerso ac prauo ingenio, tantam mihi *ἀνιστορίαν* obiicere voluisset, vt crederem pactiōnem commissoriam fuisse publicam populi Rom. legem? Sed heus tu, qui mihi alienum peccatum tam inuidiosè obiicis, & legem commissoriam commemoras, nunquid Glicia tuæ legis oblitus es, & tantæ in antiquitatibus Romanis imperitiæ, vt toties dicere, & inculcare ausus sis, Romanas leges interdum exlatorum cognominibus appellatas, atque in his Norbanam, Peducēam, Poppæam, & Allienam fuisse? quasi hæc ciuium R. cognomina fuerint, non familiarum certissima nomina, vt iam pridem Fuluius Vrsinus, & alij eruditi viri in li-

bris famil. Rom. docuerant. Quàm turpe est tot vlceribus oblitum alienas (vt in prouerbio est) papulas obseruare?

Sed reliqua videamus. *Malè, inquit, procuratoris dationem, appellationem, iusiurandum, tutoris auctoritatem, vsurpationem, vadimonium, compromendinationem, & quem non actum igitur, qui modò iure fiat, quem & abusu quodam possent dicere legitimum, vt testimonij dictionem. l. pen. C. de heret. pro conuersatione legitima, siue forensi, vt eadem lex interpretatur, sed non ex vsu solennis iuris, non ex sententia d. l. actus legitimi.*

Procuratoris dationem iccirco & dixi, & iterum dico, actum legitimum fuisse, quia procurator dari sine cessione actionis, id est, sine mandato, non potest. imò procuratorem ad agendum dare, nihil aliud est, quàm actionem cedere, mandare, prestare, exhibere: quoniam ita ius civile comparatum fuit, vt actionem vni quæsitam exercere alter sine cessione non posset. l. 1. C. per quas person. l. quæcunque, 11. D. de oblig. & act. l. 7. C. si quis alt. vel sib. l. naturalis, 5. §. pen. D. de perscript. verb. l. tutori, 20. C. de negot. gest. Cum autem cedi dicitur actio, directa cedi actio intelligitur, l. emptor, 5. l. ex nominis, 8. C. de hered. vel act. vend. l. 4. C. si cert. pet. & apertissimè omnium in l. ult. C. quand. fisc. vel priuat. Ac verum quidem est, procuratoris dationem neque lege scripta institutam, sed moribus inductam, neque certis & solennibus, sed nudis & vulgaribus verbis fieri solitam. §. 1. per quos ag. poss. & apud Paul. Sentent.

1. tit. 3. sed cùm cessione actionis constet, nihilominus dici legitimus actus potest, quàm acceptilatio, quæ vel vnius Iuriscons. auctoritate, vel potius fori consuetudine in vsum recepta est. Appellationem autem cur dubitemus in actus legitimos referre? cum & actus sit ciuilis, qui secundum legem fieri dicitur. l. præses, 27. D. de iudic. ac solenniter fiat, aut apud acta, aut libello: & tantæ sit auctoritatis, potestatis, iuris. vt sententiam à iudice pronuntiatam (rem omnium grauissimam) illicò perimat, atque extinguat. l. 1. §. vlt. D. ad Sen. Turpill. l. 2. §. vlt. De pœn. Iusiurandum porrò, quod vulgò iudiciale dicitur, quid est, cur ab hoc numero seiungamus? cùm & acceptilationis vim habere dicatur, l. iusiurandum, 40. D. de iureiur. & certis verbis apud iudicem ita conciperetur, vt si seruata formula non esset, frustra iuratum, atque idcirco iterandum iusiurandum esset. l. 3. §. vlt. & l. seq. & l. quem per salutem, 33. D. de iureiur. & secundum illud iudex in disceptanda controuersia sententiam pronuntiaret. d. l. 3. §. 1. & l. 34. eo. adeo vt in quibusdam causis maiorem habere vim, quàm res iudicata dicatur. l. 2. D. cod.

Venio ad tutoris auctoritatem, quæ fuit expressa probatio eius negotij, quod à pupillo, præsentē tutore, gestum est. l. 4. l. 9. §. pen. l. 10. D. de auct. tut. l. 1. in fin. De tutel. Nam is demum auctor esse dicitur, qui præsens pronuntiat, se probare, quod actum est, l. pupillus, 11. De acq. rer. domin. l. pupillus, 89. De reg. iur.



Qua de caussa mutus tutor esse non potest. d. l. i. §. i. eod. Iam cum vsurpatio, & furculo defringendo, & aliis formulis & vsucapionem interrumpendam accommodatis fieret, atque (vt ex trinoctij vsurpatione probabile est) lege xii. tab. inducta esset, non video, cur ab hoc eodem ordine segreganda sit. Vadimonium verò, & comperendinationem, quorum vtrumque certis verborum formulis constabat, & legum expressis verbis inductum erat, quid est, cur legitimos fuisse actus negemus? Restat testimonij dictio, forensis certè actus, & iudicialis: quem Imperator in l. pen. C. de hæretic. Actum legitimum ita liquidò ac disertè appellat, vt neque cauillandi neque calumniandi locus supersit. Commemoratur carneades, qui causas sepe bonas ingenij calumnia ludificari solebat. Sed neque Carneadem habemus aduersarium, neque iudices Bæotos ac stupidos. Postquam Iulianus Manichæos à testimoniis exclusit, mox de Montanistis, & aliis scribens, *Quibus, inquit, pro reatus similitudine omnis legitimus actus interdicitur est.* Quod verbum, quia latè admodum patet, mox ita subiungit, *Omne testimonium sicut & alias legitimas conuersationes, sancimus esse interdictum.* Hoc est præter testimonium, etiam alios omnes actus legitimos, qui in cœtibus forensibus exercentur. Verùm hæc quidem de maleuola, maledica, & malè sana obtrectione, satis supérque dicta sint. Finem igitur subiecto antiquo insigni epigrammate faciamus.

Ὅς τις τοι δοκίμει τὸν πλεονεκτήσαντα οὐδ' ἐν,  
 Ἀλλ' αὐτὸς μοιῶνος τοικίλα δ' ἡνέχ' ἔχειν,  
 Κεῖνος γὰρ ἄφρων ὅστις νόον βεβλαμμένος ἐσθλοῦ.  
 Ἴσως γὰρ πάντες ποικίλ' ὀπίσθ' ἀμείβηται.

## QVÆSTIO XXXV.

*An Imperator de Ducatu, quem ante adeptum  
 imperium habuit, etiam post imperium  
 adeptum fidelitatem præstare  
 debeat.*

EX factō incidit (ut est apud Ardizonem) Fridericum Principem, cū ab initio dux esset, & pro ducatu fidelitatem faceret, diuino nutu postea Imperatorem creatum. Petita ab eo fidelitate pro ducatu, petenti domino respondisse, non teneri se fidelitatem facere: cū omne hominum genus sibi fidelitatem debeat, & ipse soli Deo & Romano pontifici. Sed cū insistente feudi domino, de hoc contendere-  
 tur, Proceribus prudenter visum est, feudum amissum esse, vel alium ducem in ducatu constituendum, qui feudo servire debeat, & domino fidelitatem faciat. Hæc Ardizo in articul. feud. §. 28. Summa autem quæstionis ad genus vniuersum reuocata, est huiusmodi, An Vasallus maiorem Seniore suo dignitatem adeptus, ab eius dominio liberetur. Nam pro Friderico hæc pugnant: Primum, quod cū Imperator summum dignitatis & potestatis gradum obtineat, absurdum videtur eum in alterius clientela esse, ac iurare hominem ac vasallum alterius

esse, obsequium illi & obseruantiam redditurum, & eandem illi præstiturum, quam Vasallus suo seniori debet: quam solennem esse fidelitatis præstada formulam constat ex lib. Feud. 2. tit. 5. tit. 6. ti. 7. neq; enim qui magistratum obtinent, vel ab inferiore vel etiam à pari contra dignitatem aliquid facere compelli possunt. l. 3. in fin. & l. 4. D. de recept. qui arb. præsertim cum multarum gentium institutum sit, vt Vasallus fidelitatem iurans cingulum deponat, & Senioris manum osculetur: eique se in fidem & clientelam commendet quòd Imperatoria maiestate planè indignum videtur. Secundò, quòd cum Imperator caput orbis Christiani dicatur in aurea Bulla Caroli iv. cap. 2. Vasalli autem collegium habeant eorum quos Pares appellant: quod sint (vt Græci dicunt) *ὁμότιμοι*: alienum ab Imperatoria dignitate videretur, collegam & parem dici Principibus aut nobilibus multo inferioribus: cum magistratuum & dignitatum gradus confundi non oporteat. l. potioris, §. C. de off. rect. prou. & l. 1. C. de off. præf. vrb. Vnde illud Plinij ep. 1. In tribunatu abstinui caussis agendis, quod deforme arbitrabar, cui loco cedere omnes oporteret, hunc omnibus sedentibus stare. Tertiò, quemadmodum is qui Senatoriam dignitatem adeptus est, quantum ad munera, municeps esse desinit, ne illis amplius sit obnoxius: l. municeps, 23. D. ad munic. ita qui maiorem aliquam dignitatem adeptus est, videtur muneribus à dignitate sua dissentaneis liberatus esse. Ex contraria verò parte hæc pugnant

gnant. Primum quòd si feudum est in agris, id est, si agri non allodiales sunt, sed feudales, qualitas & conditio prædij propter mutatam possessoris conditionem non immutatur. l. 4. §. is verò, D. de cens. l. cum vnus, 12. §. vlt. D. de reb. auct. iud. poss. Itaque in vectigalibus ipsa prædia magis quàm personæ obligata esse dicuntur. l. Imperatores, 7. D. de public. Sic agri quib. onus aliquod iniunctum est, mutato possessore, onus tamen illud retinent. l. v. usufructu, 7. §. vnde Celsus, l. si pendentes, 27. §. siquid, D. de v. s. l. Paula, 27. §. vlt. De legat. 3. l. 2. & l. Lucius, 12. D. de alim. leg. Sin autem feudum est non in agris, sed in iuribus qualem istum fuisse Ducatum propositum est (nam iurium & honorum feuda constitui, patet ex lib. Feud. 2. tit. 61.) tamen regula est feudalisis iuris, quæ ad superiorem casum pertinet. vt Beneficium non detur, nisi propter officium & beneficij agnitionem. lib. feud. 2. tit. 21. Secundò ne summus quidem magistratus, veluti Consulatus, antiquo ciuili iure patriam potestatem exstinguebat: vt Dionys. Halic. lib. 2. scribit, & satis constat ex l. 3. D. de adopt. & l. ille à quo, 13. in fin. D. ad Trebel. l. 1. §. vlt. D. ad Maced. nam publici iuris ratio à priuato iure separatur: neque alterum alteri impedimento est. l. filiusfam. 9. D. de his quæ sunt sui iur. l. nam quod, 14. D. ad Trebel. l. 6. D. de cap. min. l. apud filium, 18. D. de man. vindic. Quocirca nihil prohibet, in Friderico duplicem conditionem spectare: vnã Vassalli quæ priuati iuris erit, propter beneficium ab a-



liquo acceptum: alteram summi magistratus cuius respectus summam potestatem habebit, quemadmodum filius in patrem. d. l. ille à quo. Cuius rei singulare exemplum notum omnib. est ex Liuiio, Plutarcho, & Valerio, de Q. Fabio Maximo, qui à filio Consule de via decedere, & ex equo descendere iussus est. Denique nihil est incommodi vnum eundémque duas personas diuerso respectu sustinere: vt in dict. leg. 3. D. de adoptionibus, vbi filiusfamil. Consul apud semetipsum manumittitur. Tertiò si propter nouam à Vassallo adeptam dignitatem feudalis conditio amitteretur, multa consequerentur incommoda: veluti, vt Friderico sine liberis mortuo eiusque stirpe extincta, feudum ad Seniore[m] suum non reuerteretur: contra lib. 2. tit. 15. & tit. 18. & tit. 26. & tit. 31. vt ei sine Senioris permissu feudum illud alienare liceret contra lib. 2. tit. 52. §. 1. & tit. 40. §. 2. & ti. 55. Quartò quod hic obiicitur Imperatorem soli Deo & Romano pontifici fidelitatem debere: videmus in c. Adrianus, dist. 63. Adrianum papam cum vniuersa synodo decreuisse, vt Pontifex ipse ab Imperatore crearetur. idémque ipsum ius creandi Pontificis & Episcoporum Leo papa Imp. Ottoni deberi agnoscit. in c. in synodo. ibid. Sigeb. in Chron. an. 773. Adrianus Papa ad tuendas res Ecclesię Carolum magnum Romanum accersit. Ibi synodum constituit cum Adriano, aliisque c. lxx. religiosis episcopis & abbatibus, in qua Adrianus papa cum vniuersali synodo dedit ei ius eligendi Pontificem, & ordinandi

dinandi Apostolicam sedem, dignitatem quoque principatus. Atque hæc quidem ita disputari possunt, multo (mea quidem sententia) probabilius quàm quod Ardizo testatur, placuisse nonnullis Proceribus; feudum amissum esse. quo iudicio Seniori à quo Ducatum Fridericus in feudum acceperat, eiusque posteris apertissima iniuria inferebatur: quibus sine vlla culpa ius feudi adimebatur: cùm absurdum sit propter novam Vasalli dignitatem Senioreni detrimento affici: cui ius suum nisi certis de causis non eripitur, lib. 2. tit. 23. & tit. seq. præsertim cùm neque patri ob filij dignitatem antiquo iure sua potestas adimeretur: vt suprà dictum est ex l. ille à quo, 13. D. ad Treb. neque libertis, nisi consentientibus patronis, ius aureorum annulorum adipiscebantur. l. 3. D. de iur. aur. ann. neque à potentiore aliquo sine eorundem consensu adoptari poterant. l. liberto, 49. D. de bon. lib. neque natalibus restitui. l. 2. in fin. & l. ult. D. de natal. restit. Quare multo probabilior & verior eorum fuit sententia, qui Ducem alium in illo Ducatu sufficiens esse iudicabant: propterea quod Vasallo permissum est, si obsequium ipsemet præstare nolit, alterum suum in locum substituere. lib. 2. tit. 8. §. ult. & tit. 34. §. 3. & tit. 55. §. præterea. Quanquam ne huic quidem quæstioni vsquequaque hoc modo satisfactum est. Quid enim si se Ducatu abdicare Fridericus nollet? quare intelligendum est duplex hominij & clientelæ genus esse, quemadmodum Proculus fœderis duas species esse ostent-

dit. l. 7. D. de capt. & postl. Vnum enim Personale est, alterum verò Reale. Personale est, cum Vassallus Senioris sui caput, fortunas, & existimationem sese modis omnibus conseruaturum iurat: tanquam deuotus sui patroni: cuiusmodi solenne & vsitatum illud est hominum, de quo passim in iure feudali tractatur: ac præsertim lib. 2. tit. 5. & tit. seqq. Reale verò est, quod propter prædium ipsum, agnoscendi scilicet auctoris beneficij causa, præstatur. Denique quod Hominium feudale appellari docuimus c. Dispu. Feu. 24. cum reuerentia tribuitur alicui, cum promissione fidelis & grati animi, ob beneficium non modò ab se, verumetiam à maioribus acceptum, sine ullius insignis operæ obligatione. Neque quicquam prohibet non modò eum qui Senioris ac Principis vnus ditioni subiectus est, alteri Principi prædiorum causa quæ in ipsius finibus habeat, hominium illud præstare: verumetiam Regem alteri regi, ac principi, vel pari, vel inferiori: cuius rei passim exempla extant in Chron. velut in Annalib. Britan. lib. 4. c. 92. vbi Dux Britannia, qui tunc Regulus erat, Gallia Regi propter Comitatum Monfortianum fidelitatem iurat. Item in Chron. Dionys. c. 33. sub Carolo v. Rex Navarra Gallia Regi hominium fecisse dicitur, & fidelitatem iurasse possessionum earum nomine, quas in Gallia finibus habebat. Item apud Theodorum Nihem lib. histor. 2. c. 25. vbi scribit, Delphinatum Gallia Regi ea lege condonatum, vt Primogenitus Regni principatum illum tanquam Vassallus

lus imperij teneret in feudum, & inde Delphinus vocaretur. Item apud Anton. Florentinum hist. part. 2. tit. 17. & sæpe in nostris Annalibus memoriæ proditum est, Regem Angliæ possessionum quarundam nomine, quas in Galliæ finibus habebat, hominum & fidelitatem Regi Galliæ iurasse. Eodémque pertinet quod Vlp. scribit in l. 4. §. 2. D. de cens. cum qui alterius ciuitatis ciuis est, in altera prædia possidet, eorum prædiorum nomine tributum ei ciuitati debere cuius in territorio illa sunt prædia. Quo in genere munera illa sunt, quæ in lib. nostris Rei cohærentia dicuntur. I. sunt munera, II. D. de vac. muner. Item Intributiones quæ in agris fiunt. l. rescripto, 6. §. ult. D. de mun. & honor. Vt illud omittam, quod ubi conditionis personæ mutatio contingit, eius præcipuè temporis quo institutum negotium est ratio ducitur. l. Pomponius, 18. de ne. gest. l. tut. 37. D. de admin. tut.

## QVÆSTIO XXXVI.

*Verum adiuncti pacti eadem tum in strictis, tum in bonæ fidei contractibus vis sit, aut verò quibus in rebus sit dissimilis.*

**P**Ræclara hæc quæstio est: quæ propositis aliquot enuntiatis explicanda est. quorum primum erit huiusmodi, Pactorum nudorum quædam simplicia sunt, & per se constant: quædam alteri principali negotio attributa sunt: quæ iccirco Attributa, vel Adiuncta, vel Relata dice-



re possumus: quoniam per se non constant, sed ad alium principalem contractum referuntur. veluti, cum quid præter contractus formam convenit: de qua mox differemus. Prius enim secundum enuntiatum exponendum est. II. Pactorum Relatorum alia ex continenti, alia ex intervallo fiunt. Ex continenti, cum in ipso gerendo negotio quid convenit: siue ante, siue post ipsum negotium id conuenerit. l. 3. C. de ædil. act. l. petens. 27. C. de pact. Ex intervallo, ut cum tempus mediocre aliquod interiectum est. l. continuus, 136. D. de verb. obl. l. duos reos, 6. in fin. D. de duobus reis const. Seq. III. Eorundem relatorum aliud est Detrahens, aliud Adiiciens. nam cum sua cuique contractui forma sit, vel naturalis, vel conventionalis: pactum Detrahens dicitur, quod illi formæ partem adiimit. Adiiciens vero, quod eidem partem adiungit. l. pacta, 72. D. de cont. empt. & l. contractus, 23. D. de reg. iur. in illis verbis, Nisi quid nominatim conuenerit, vel plus, vel minus, in singulis contractibus, nam si plus conuenerit, erit, Adiiciens: si minus, Detrahens. Naturalem formam appello, quæ cuique contractui iure civili tributa est: siue (ut loquitur Vlpian.) quod naturaliter inest cuiusque contractus iudicio. I. ex empto, II. D. de act. empt. & Paulus, ius quod lex eius naturæ tribuit. l. si vnus, 27. §. pactus, in fin. D. de pact. veluti, naturalis forma emptionis & venditionis est, ut simpliciter de euictione caueatur, l. si duo, 13. §. 3. D. de iure iurand. l. prima, §. primo, D. de præst. stip. l. 4. D.

de

de euiēt. si conuenerit, ne cautio præstetur, pactum est detrahens. d. l. ex empto, & l. emptori, 37. D. de euiēt. si conuenerit, vt satisfacto præstetur, est adiiciens. l. quarta, & d. l. emptori, & l. si dictum, 56. D. de euiēt. Sic naturalis forma depositi est, vt dolus solus præstetur. l. i. C. dep. At si conuenerit, vt etiam culpa præstetur, pactum est adiiciens. l. i. §. si conuenit, D. eod. Sic naturalis forma commodati est, vt culpa præstetur. at si conuenerit, vt solus dolus præstetur, pactum erit detrahens. l. si vt certo, 5. §. interdum, D. commod. Atq; hoc nimirum est quod Pomponius ait, obligationum causas pactione immutari posse. l. nec ex prætorio, 27. D. de reg. iur. & contractus modum excedi. l. Publia, 26. §. i. D. de pos. vel eius naturam. vt in l. 5. §. pen. D. de præscr. verb. Et potest mandatum ex pacto etiam naturam suam excedere. Conventionalē verò contractus formam appello, quæ partium conuentione cuique contractui attributa est: quoniam (vt vulgò dicitur) lex dat formam contractui. l. in conuentionalibus, 52. D. de verb. oblig. d. l. contractus, & l. 7. §. i. & l. in emptio-nibus, 43. D. de pact. veluti, si in bonæ fidei contractu conuenerit, vt vsuras debitor soluat. Itaque si ex intervallo conuenerit, ne vsuræ soluantur, hoc pactum Detrahens appellatur: vt detrahens dicatur non modò quod naturali, verumetiam quod conuentionali contractus formæ partem aliquam adimit. Sequitur III. Pactum detrahens & adiiciens duplici ratione dicitur: nimirum respectu substantiæ & acci-

dentis, siue (vt Papin. loquitur) adminiculorum  
 contractus. substantia siue natura emptionis &  
 venditionis est, pretium, merx, consensus. l. 2. §.  
 1. l. nec emptio. 8. D. de contrah. empt. accidens,  
 sine quo consistere emptio potest: veluti, cautio  
 de euictione. dicta l. emptori, De euict. l. qui e-  
 rat, 49. D. fam. ercisc. Ita Papin. apertissimè in  
 dicta l. pacta, De cōtrah. empt. alibi autem Vlp.  
 enim testatur hæc adminicula vocasse, quæ ex-  
 tra naturam contractus sunt. l. septima, §. pri-  
 mo, in fin. D. de pact. Atque hæc quidem ha-  
 tenus generaliter & infinitè de pactis dicta  
 sint: quorum disputatio quoniam contractuum  
 bonæfidei & stricti iuris communis est, dein-  
 ceptis distributè à me tractabitur: vt prius de bo-  
 næfidei, tum de strictis contractibus dissera-  
 mus. Ergo quantum ad bonæfidei contractus  
 prima enuntiatio hæc erit, 1. Pactum re integra  
 de substātia contractus detrahens, siue ex con-  
 tinenti, siue ex intervallo, re tamen integra ad-  
 hibeatur, pacti nomen amittit: & vel Contra-  
 ctus vel Distractus efficitur: re verò iam sequu-  
 ta interpositum, ad exceptionem valet. Nam si  
 conuenerit vt equus centum aureis sit emptus:  
 tum deinde quantumuis magno intervallo, re  
 tamen integra, conuenerit, vt idem quinqu-  
 aginta tantum aureis sit emptus: noua hæc con-  
 uentio, non nudum pactum appellatur, sed no-  
 uus contractus: quasi nullus antea præcesserit. l.  
 2. C. quand. lic. ab empt. l. si vnus, 27. §. pactus, l.  
 emptor, 47. l. ab emptione, 58. D. de pact. l. 2. D.  
 de resc. vend. Idque adeò verum est, vt inter-  
 dum

dum alius à priore contractus efficiatur. nam dos per pactum æstimationis naturam immutat, & emptio atque venditio efficitur. l. cum dotem, 10. C. de iur. dot. interdū etiam vt quod pactum verè locatio & conductio erat, tamen emptioni & venditioni appositum pars huius efficiatur, venditique actionem informet. l. fundi, 79. D. de contr. empt. Similiter si emptio togæ aut lancis contracta sit, & re integra conuenierit, ne lancis emptio maneat, eius nomine emptio resoluitur. l. 4. D. de resc. vend. Quòd si re non iam integra, sed sequuta interponatur, ex parte rei locum habet. l. si vnus, 27. §. si cum decem, & l. intra, 41. D. de pact. l. 5. C. eod. vbi, si cum xx deberes, pepigerim ne decem petam, exceptio tibi pro decem conceditur. Similiter Depositum per pactum incontinenti efficitur Mutuum. l. certi, 9. §. vlt. & l. seq. D. de reb. cred. efficitur etiam Conductio. l. prima, §. si vestimentum, D. de pos. sicuti mandatum & commodatum, quod natura sua gratuitum est, mercede interueniente efficitur locatio. l. 5. §. nunc videndum. D. commod. §. vlt. Inst. mandat. l. 22. D. de perscrip. verb. seq. 11. Pactum de adminiculis detrahens, si confestim adhibeatur, inest principali contractui ex parte actoris: sin ex intervallo, locum habet ex parte rei. dicta l. septima, §. quinimo, De pact. Inesse autem ex parte actoris est, valere ad actionem reformandam: id est ad solennem eius formulam ipso iure vel minuendam, vel amplificandam. quorum illud actori nocet, hoc verò prodest. vnde illud Pau-



li, Exceptiones pacti bonæfidei iudiciis inesse, l.3. D.de rescind. vend. l.huiusmodi, 84. D. de legat.1. quod ille sic interpretatur, actionem à prætore ex ea parte denegari. nam prætor in constituendo iudicio, ubi demonstratum erit, pactum illud interpositum fuisse, actionem ab ea parte non dabit. Similiter dicere solemus, doli exceptionem bonæfidei iudiciis inesse. nam hoc idem valet, ut actionem propter dolum ipso iure impediri, neque à prætore concedi. Cùm enim dolus bonæfidei aduersetur, ubi prætor dolum animaduertit, actionem denegat. l.domum, 57. in fin. D. de contrah. empt. l.& eleganter. 7. D. de dol. mal. adeo ut quamvis ex stipulatione dolosa detur actio, tamen si dolus prætori appareat, actionem non concedat. l.prima, §.idem Pomponius, D. de dol. neque enim iis assentior qui hoc sic interpretantur, quasi ratio doli vel pacti à iudice haberetur, etiam si eius exceptionem reus omiserit. non enim usque ad iudicem res producitur: sed à prætore in constituendo iudicio & contestanda lite disceptatur. l. eleganter, 23. §. si quis, D. de cond. in dicta l.prima. §. sunt qui, D. nequid in flum. pub. l. inter cohæredes, 44. §. 1. D. fam. erc. Itaque Iulianus in l. huiusmodi, 84. §. qui seruum, D. de legat.1. ubi scribit reum emptorem actione ex vendito absoluendum: quoniam, inquit, iudicium bonæfidei est, quod doli exceptionem in se continebat. In eandem sententiam sumptus inesse dicitur actioni de dote, atque ob eam causam, ubi summam illius adæ-

quant

quant, actionem evanescere: quoniam doli exceptio ei inest. l. sed etsi, 21. D. solut. matrim. Nam quod dicitur IPso IVRE, ad prætorem refertur. velut in l. postquam, 21. D. de compens. quoniam id quod inuicem debetur, ipso iure compensatur, ab initio minus peti: hoc est, actionem in minorem tantum summam à prætore concedi. Denique Ipso iure & Per exceptionem passim opponuntur. veluti in l. 3. §. emancipati. D. de coll. bon. Verumtamen ubi de facto prætori non constat, rem ad iudicem reiiicit, siue exceptioni locus sit: velut in l. nam posteaquam, 9. D. de iureiur. l. 3. C. de except. & l. 3. §. ibidem, D. ad exhib. siue non sit, & ipsius iudicij natura contineatur. l. planè, 38. D. de her. pet. Sed nunc ad institutum redeundum est. nam quid sit Pacti exceptionem contractui ex parte actoris inesse, satis dilucidè, ut opinor, explicatū est. Superest ut videamus quid sit. Ex parte ei locum habere: quæ Vlpiani loquutio est in l. 7. §. quinimo, in fin. D. de pact. Nam quod vulgò in scholis dicimus *Ex parte rei inesse*, vereor ut satis commodè vsurpetur: tametsi vulgi errore inductus hanc loquendi consuetudinem ipse quoque nonnunquam sum sequutus. Ergo locum habere ex parte rei pactum dicitur, cum ei ad exceptionem valet. Quod cum ita sit, si in specie proposita, & emptione contrahenda pactum incontinenti fuerit, ne de evictione caveatur, pactum hoc ex parte actoris contractui inest: nimirum ut solennem eius actionis formulam imminuat. Cum

enim naturaliter inesset empti iudicio, vt non modò res: verum etiam duplæ cautio peteretur, l. si duo. 13. §. 3. D. de iureiur. nunc propter pactum detrahens, illa pars quæ ad cautionem pertinet, demetur. atque hoc nimirum est quod Pomponius scripsit, obligationum causas pactione immutari, & ipso iure, & per pacti conuenienti exceptionem. quia actionum modus, vel lege, vel per prætorem introductus priuatorum pactionibus non infirmatur (id est immutatur, nisi potius legendum sit *Informatur*) nisi tunc cùm inchoatur actio, inter eos conuenit. l. nec ex prætorio, 27. D. de regul. iur. ea. Quare si in emendo conuenerit, vt si res emptori intra certum tempus displiceret, redderetur, ex empto actio est. l. si conuenerit, 6. D. de resc. vend. Sic Vlpianus in d. l. 7. §. 1. Si quidem, inquit, ex continenti pacta subsequuta sunt, etiam ex parte actoris insunt. Et mox, Ea enim pacta insunt, quæ legem contractui dant, id est, quæ in ingressu contractus facta sunt: si autem pactum illud ex intervallo adhibitum sit, tum verò locum tantum ex parte rei habebit. Nam venditori tantum ad exceptionem valebit. d. l. 7. §. 1. in fin. de pact. Itaque cùm emptor per actionem ex empto duplæ cautionem postulauit, venditor ei pacti exceptionem opponet, Si non pactus sis de cautione non exigenda. Et hoc est quod Vlp. illo loco sic scribit, Ex intervallo non inerunt, nec valebunt, si agat: ne ex pacto actio nascatur. Ergo ex parte actoris non inerunt. veluti, Naturalis forma contractus dotis

tis est, vt soluto matrimonio annua, bima, tri-  
ma die dos reddatur. l. 1. §. exactio, C. de rei vx.  
act. Si post diuortium, inquit Vlpian. conuene-  
rit vt statim dos reddatur, hoc non valebit: ne  
ex pacto actio nascatur. Et mox responsum à  
Papin. est, si post emptionem ex interuallo ali-  
quid extra naturam contractus conueniat, ob  
hanc causam agi ex empto non posse, propter  
eandem Regulam, Ne ex pacto actio nascatur.  
Sed ex parte rei locum habebit pactum: quia  
solent & ea pacta quæ postea interponuntur,  
parere exceptiones. Seq. III. Pactum re integra  
substantiæ contractus adiiciens, siue ex conti-  
nenti, siue ex interuallo adhibeatur, renouat  
contractum. At si re non integra interponatur,  
nullius momēti est: veluti, si emptione ita con-  
tracta vt fundus centum aureis emptus sit, re  
qui vtraque ex parte integra, rursus conuenerit  
vt idem fundus ducentis aureis emptus sit. nam  
cū hoc pactum essentiam emptionis & ven-  
ditionis contineat, non iam pactum nudum,  
sed verus germanusque contractus efficitur. l. 2  
D. de resc. vend. Vbi verò iam sequuta res est,  
nullius momenti pactum est: quoniam ex pacto  
nudo actio non nascitur. Seq. IIII. Pactum adii-  
ciens adminiculis, si quidem ex continenti sit  
adhibitum, inest ex parte actoris. sin ex inter-  
uallo, tantum ex parte rei locum habebit. velu-  
ti, Convenit vt venditor de euictione satisfac-  
ret. si confestim id & in ipso principali emptio-  
nis ac venditionis negotio gerendo conuene-  
rit, valebit emptori ad actionem informandam,



& noua adiectione amplificandam. sicuti videmus actionem adiectione noua amplificari in l. in bonæ, 36. D. de pecul. nam emptor non modò rem, verumetiam fideiussorem sibi dari postulabit. Itaque intelligendum est quod traditur in l. qui fundum, 75. D. de cont. empt. qui fundum vendidit, vt eum certa mercede conductum ipse habeat, vel si vendat, non alij, sed sibi distrahat ad complendum id quod pepigerunt, ex vendito agere poterit: nimirum cum ex continenti pepigerunt. Eodémque pacta illa pertinent, vt certo loco quid præstetur. l. in bonæ, 7. D. de eo quod cert. loc. l. 5. D. commod. item vt ne in mari proximè fundum aliquem piscari liceat. l. venditor, 13. D. comm. præd. Quinetiam adminiculorum numero vsuras ascribi video in l. Publia, 26. §. 1. D. de pos. vbi pactum vsurarum incontinenti appositum actionem informat. Irémque in l. initio, 5. C. de pact. int. empt. & l. Lucius, 24. in fin. D. de pos. l. si pro patre, 10. §. 2. in fin. De in rem vers. Sin autem ex interuallo id conuenerit, tantùm ex parte rei locum habebit: vt scilicet ei ad exceptionem profit. quod de venditore defendente nullo modo explicari potest, sed de agente, & ad iudicium prouocâte. nam cùm per venditi actionem pretium postulabit, tum emptor reus pacti exceptionem opponet, si non fideiussorem mihi promiseris. Atque ita Paulus intelligendus est in l. 3. D. de resc. vend. Si emptor fideiussorem acceperit (id est conuenerit vt fideiussorem acciperet) exempto quidem agi non  

pot

poterit, quia bonæ fidei iudicio exceptiones pacti insunt: id est, pactum ex intervallo appositum locum habet tantum ex parte rei ut ad exceptionem valeat: ex parte actoris non inest, nec ad actionem informandam valet. Itaque venditor, inquit Paulus, siue ex vendito, siue ex stipulatu agens, pretium postulet, exceptione submouebitur. Sed satius esse arbitror totum illum Papiniani locum, breui adhibita paraphrasi exponere. Pacta conuenta principali contractui adiuncta quæ postea (id est ex intervallo, ut in l. 7. §. 1. in fin. D. de pact.) facta detrahunt emptioni, hoc est, demunt aliquid de usitata & solenni forma emptionis, videntur contineri contractui illo principali, ut siquidē confestim adiuncta sint, ex parte actoris insint, & ad actionē ipsius reformandā, id est vel imminuendam, vel amplificandam valeant. Quæ verò pacta contractui adiiciunt, id est solenni & usitate ipsius formæ aliquid addunt & alterutrius contrahentis obligationem adaugent, credimus ea pacta quæ postea & ex intervallo apposita sunt, contractui non inesse: nimirum ex parte actoris. veluti si pactum sit ex intervallo factum, ut dos confestim post diuortium petatur, non autem annua, bima, trima die: pactum contractui non inerit, ne ex pacto actio nascatur. l. 7. §. ad eò, D. de pact. Hoc autem locum habet tantum in adminiculis. Ergo detrahentis pacti exemplum sit, ne cautio duplæ præstetur: adiicientis, ut cum fideiussore cautio duplæ præstetur. ac de adiicienti pacto sic concludamus. Quo casu

adiiciente pacto ex intervallo adhibito, agente emptore, & impleri contractum postulante, non valet pactum: id est, non prodest illi ad petendum fideiussorem: eodem casu (illo, inquam, eodem casu quo pactum adiiciens ex intervallo subiunctum est) agente venditore vires habebit iure exceptionis: id est, emptori proderit ad exceptionem. Atq; hæc quidem de adminiculis hætenus. nunc de essentia videamus: ubi notanda est apertissima oppositio & contentio substantiæ contractus cum adminiculis. Hic Papin. eandem distinctionem adhibet pacti detrahentis & adiicientis. Substantia emptionis, inquit, consistit in Pretio. Ponamus pactum ex intervallo factum esse detrahens aliquid essentia: ut cum prius convenisset de centum aureis: nunc pactum fiat de octoginta, vel ex contrario, pactum adiiciens ut cum de octoginta prius convenisset, nunc convenierit de centum: non immerito, inquit Papinianus, quaesitum est, utrum hæc pacta insint, an non. Dubitandi causa erat, quoniam principalis ille contractus superior per se ac suis viribus constabat, pactumque hoc nudum superiori attributum eius tantum appendicula quædam videbatur, sicut in aliis innumeris pactionibus vsuvenit. Hic siue Papinianus sententiam suam, ut in re dubia, sustinuerit, siue alibi iudicium suum exposuerit, solius certè Pauli responsio profertur, ut quoniam pacta illa fiunt de ipsius contractus essentia, non iam pacta nuda censeantur, sed plena, solida, substantialia: id est, veri germaniq; contract

tractus: nouāque noua illa conuentione emptionem veteri extincto contractu cōstituant: vt quodammodo quasi renouatus contractus videatur, sicuti loquitur Vlp. in d.l. §.adeò, D. de pact. Quæ cum ita se habeant primū videntum est ne pactum detrahens interpretemur, quo ab emptione receditur: adiiciens, quod ipsius adminiculis adiicit, quæ diuidendi ratio ab arte aliena est: cuius præceptum est, vt diuisio species cognatas ex vno eodēque genere diducat: vt si pactum detrahens interpretemur, quo ab emptione receditur: similiter pactum adiiciens definiamus quo emptio constituitur: quo nihil absurdius dici potest. Itaque alibi detrahens & adiiciens ad vnum idēque genus referuntur. l.1. §.3. D. de verb. ob. l. si ex toto, 8. D. de leg. 1. l. vlt. §. vlt. D. de leg. 3. Videntum est præterea ne Papinianum absurdè locutum existimemus, vt Agentem venditorem dixerit, pro, defendentem. nam et si agi etiam in exceptione dicatur. l. 1. D. de except. tamen facile est animaduertere, locum huic abusioni in hac lege nullum esse. primū, quia Papin. duos casus cōtrarios inter se opponit: quorum prior emptorem ex empto aduersus venditorem agentem constituit: posteriore, venditorem ex vendito agentem aduersus emptorem. Deinde, quoniam Paulus hanc ipsam speciem tractans in l. 3. D. de resc. vend. similiter in eadem specie ita loquutus est: Venditorem, inquit, agentem exceptione summoueri oportet. Postremò, quia nullum huic sententiæ accommodari exem-



plum potest. Nam quorsum se venditor exceptione tueretur? cum actionem emptor illo nomine intendere non possit: quippe, quæ ipso iure diminuta sit: ut supra dictum est, ex d. l. 3. De resc. vend. Verum hæc quidem de bonæfidei contractibus hætenus. Deinceps de strictis contractibus videamus, quod argumentum totidem enunciatis tractabimus: quorum primum erit huiusmodi: Pactum de stricti contractus substantia detrahens si confestim adhibitum sit, inest ex parte actoris: at ex interuallo interpositum, tantum ex parte rei locum habet. veluti, si tibi decem dederò, ut nouem debeas non amplius ipso iure debebis, quam nouem. l. rogasti. ii. §. i. D. de reb. cred. Reformatur ergo atque imminuetur creditoris actio; sic ut petere nisi nouem non possit. Verum si ex interuallo id pactum est, tantum ad exceptionem valebit. l. si vnus. 27. §. si cum decem. l. intra, 41. D. de pact. l. 5. C. cod. vbi siqui decem stipulanti sponponderat, postea pactum fecerit; ne amplius quam quinque deberet, pacti exceptione munitus esse dicitur. Cur autem aliud in his, aliud in bonæfidei contractibus statuatur, causa expedita est: quoniam hiæ integra res non est: quod in bonæfidei iudiciis requiri ostendimus. Seq. ii. Pactum detrahens de administriculis stricti contractus, si confestim adhibeatur, inest ex parte actoris: sin ex interuallo, locum habet ex parte rei. l. obligationum, 44. §. 1. D. de obl. & act. vbi Paulus ait, conditionem efficacem esse, quæ in constituenda obligatione in

nè inferitur, non quæ post perfectam eam ponitur. veluti, Centum dare spondes, nisi naus ex Asia venerit? sed hoc casu existente conditione locus erit exceptioni pacti conuenti: Nunc de priore parte videamus. nam si stipulatus centum continuo pepigerim vt per partes soluere liceat: pactum incontinenti factum stipulationi inesse Paulus scribit in l. lecta, 41. De reb. cred. nimirum ex parte actoris, vt actionis forma immutetur: & creditor non plus singulis pensionibus petat, quàm quantum pacto expressum est. Similiter si sortem & vsuras purè stipulatus confestim pepigero, vt donec vsuræ soluantur sortem non petam, conditio stipulationi inesse dicitur in d.l. 4. §. 1. D. de pact. Planè singulari casu pactum huiusmodi confestim interpositum, non tamen ex parte actoris inerit, sed ex parte rei locum habebit. nam si tempus obligationi adiectum sit, veluti vsque ad Kalendas, post tempus petere quidem stipulator poterit, sed pacti conuenti exceptione submouebitur: ait Paulus in d.l. obligationum. 44. De obl. & act. & l. si mandata, 59. §. 2. D. mand. sed ratio hæc est. quoniam propriè obligatio ad tempus non constituitur. d.l. obligationum. At si ex interuallo adhibitum fuerit, tum ad exceptionem tantum valebit. vt modò dictum est ex d.l. obligationum, itémque in l. 2. §. item quæritur. D. de dol. excep. vbi stipulatus purè, si postea paciscatur ne ante diem petat, si prius petat, pacti exceptione repellitur. Atque hoc ex loco interpretanda est l. si quis, 49. D. de pact.


vbi Vlp.agit de pacto,vt quatenus facere debitor possit,eatenus creditor agat. Nam illud pactum incontinenti appositum fuisse necesse est, cum de imminuenda actione loquatur. quod si ex intervallo factum esset, ita conceptum fuisset, quatenus facere possit,debitor teneatur:atque ad exceptionem valeret. Seq.111. Pactum substantiæ contractus adiiciens quocunq; tempore adhibeatur, nullius momenti est. nam si credidero tibi decem vt mihi vndecim debeas, amplius quàm decem petere non possum. d. l. rogasti, §. 1. D. si cert. pet. & l. si tibi. 17. D. de pact. vbi Paulus rationem subiungit: Re enim non potest obligatio contrahi, nisi quatenus datum est. Causa autem differentiæ à bonæ fidei contractibus superius exposita est, quoniam hîc res non est in integro. causa differentiæ ab enunciatione superiore. quoniam illud pactum onerabat obligationem: hoc autem subleuat. qua de causa fauorabilius est. l. 47. D. de obl. & act. Seq. 14. Pactum adiiciens adminiculis contractus, si quidem continuò adhibitum est, ex parte actoris inest: sin ex intervallo, locum habet ex parte rei duntaxat. l. si ita quis, 135. §. Seia. D. de verb. obl. vbi actio ex stipulatu dari dicitur ei qui continuò post stipulationem pactus fuerat. itémque in l. iure. §. C. de fideiuss. vbi pactum vt antè cum reo quàm cum fideiussore agatur, actionem aduersus fideiussorem impedit. & l. 3. D. de rescin. vend. vbi si emptioni stipulatio adhibita fuerit, & ex continenti conuenierit, vt venditor de euictione satisfdet, Paulus

in fi.

in fi. legis scribit, emptorem ex stipulatu agentem petiturum vt satisfidetur. similiterque si crediderim tibi ea lege, vt mihi Romæ soluas. nam actio ita nascetur, vt Romæ peti possit. l. aut mutua, 6. & l. is qui, 6. D. de eo qu. cert. lo. Itemque si in emptione cui adhibita stipulatio est, conuenierit, ne cui certo in littore piscari liceat, per stipulationis legem obligatur: ait Vlp. in l. venditor, 13. D. com. præd. Eodémque pertinet l. petens. 27. C. de pact. vbi Imp. scribit petentem ex stipulatu cui pactum vel post vel statim adhibitum est, audiendum esse. Quamquam in vsuris locum hoc non habet. nam ita ius ciuile comparatum est, vt in strictis contractibus vsuræ ex pacto quamuis incontinenti adhibito non debeantur. l. titius. 24. D. de præf. verb. sed tantum ex stipulatione. l. 3. C. de vsur. l. si pro parte, 10. D. de in rem vers. Vbi verò ex interuallo pactum interpositum est, tum reo ad exceptionem valebit. Itaq; si post emptionem, cui adhibita stipulatio est, ex interuallo conuenierit vt venditor de euictione satisfidet, ac venditor ex stipulatu agens pretium postulet, pacti exceptione summouebitur: si non pactus sis vt satisfides, ait Paul. in d. l. 3. D. de resc. vend. non quo apud iudicem opponatur, sed quod pacto apud Prætorem (à quo venditor actionem petebat) allegato, prætor actionem denegat propter bonæ fidei iudicium: cuius tanta vis est, vt etiam si stipulatio adiecta sit, tamen in ea pactum insit. Nunc rei dilucidandæ causâ tabulam subiungemus, in qua summarim totam



hanc disputationem descripsimus. Ex quibus ita disputatis, non modò de summa inter bonæ fidei & strictos contractus convenientia, verumetiam de aduersariorum nostrorum iudicio existimari poterit.



## QVÆSTIO XXXVII.

*Et quanam eorum pactorum natura sit, quæ vel contractum formare, vel per se vitari dicuntur.*

PRImis temporibus qui iuri civili constituen-  
do præfuerunt, iis negotiis omnibus, ex quibus lege, iure, aut iudicio ageretur, formam certam imposuerunt, quæ dicitur *Forma antiquitus constituta*. l. quinta, §. Julianus, D. de admin. tut. Hæc forma primum ad ius negotij quod per eam definiebatur pertinebat, tum etiam ad actionum formulas, id est rituum ac verborum solennitates. Et hæ sunt quas olim generali nomine legis actiones appellabant: non, ut Tribonianus dixit, quibus inter se homines disceptabant. l. 2. §. deinde. D. de orig. iur. Dicemus hoc loco de contractibus, & forma iuris antiquitus in ipsis constituta. Forma contractuum duplex est, una pertinet ad substantiam, altera verò ad accessiones, quæ Papi-  
nianus adminicula vocat in l. pacta, 72. D. de contrah. emp. substantiam contractus dicimus, sine qua consistere negotium non potest: veluti contractus bonæ fidei, sine bona fide. l. 5. D. de rescin. vendit. stipulatio sine verbis: nominum obligatio sine literis: emphyteusis sine scriptura. l. 1. C. de iur. emphyteu. item fideiussio sine stipulatione: emptio & venditio sine pretio. d. l. 72. locatio & conductio sine mercede. l. 23. D. commun. diuid. Adminicula dicimus, quæ & a-

besse, & adesse possunt, vt tamen contractus per  
 se ac sine iis consistat. veluti scriptura, in ple-  
 risque contractibus. l. 4. D. de pignorib. l. 4. D.  
 de fid. instrum. præstatio periculi in bonæ fidei  
 contractibus: vt paulò post demonstrabimus.  
 in emptione cautio de euictione, d. l. 72. Vtra-  
 que forma iure civili antiquo constituta qui-  
 dem ac definita est: sed tamen dissimili ratione.  
 Nam illius regulæ ita directæ ac legitimæ fue-  
 runt, vt neque iudicibus in iudicando, neque  
 contrahentibus in contrahendo ab iis recede-  
 re liceret. l. contra, 28. D. de pact. l. ex empto, 11.  
 D. de act. empt. vbi hæc dicuntur inesse cuiusq;  
 contractus iudicio. Et hic est, qui dicitur Status  
 & natura obligationis. l. 9. §. 1. D. de duob. reis.  
 & ius quod lex cuiusque contractus naturæ tri-  
 buit. l. 27. §. 2. in fin. D. de pact. Quæ verò ad  
 contractuum adminicula pertinebat, ita iure  
 quoque civili definita est, vt tamen contrahen-  
 tium arbitrio permitteretur: id est, vt si nihil  
 nominatim inter contrahentes contra formam  
 præscriptam conveniret, iure communi reli-  
 cta intelligeretur. vnde illa sunt peruulgata, O-  
 bligationum causas pactione immutari posse.  
 l. 27. D. de reg. iur. Pacta legem dare contractui.  
 l. contractus, 23. eod. l. 7. §. quimino, D. de pact.  
 contractum ex conventionione legem accipere. l.  
 1. §. si convenit, D. de pos. Nam hæc omnia de  
 adminiculis dicta esse, pro locis intelligitur. &  
 nisi attentè & accuratè obseruentur, negotium  
 hominibus minus exercitatis faceissent. veluti  
 cum Paulus hanc Adminiculorum formam, ap-  
 pell

pellat Naturam contractus. l. 5. §. pen. C. de præscript. verbis: vbi Naturam mandati esse dicit, vt levis tantum culpa præstetur: licere tamen per pactum naturam eius excedere, vt etiam custodia præstetur: cum tamen ea res ad mandati adminicula pertineat: vt paulò post intelligetur. Dicamus de pactis contra substantiam contractuum adhibitis. Eorum enim quædam per se constant, quædam prioris negotij accessiones sunt. Quæ per se seruantur, priorem contractum renouant, ac nouæ conventionis ius noménque inducunt. quæ accessiones sunt, non seruantur, sed vitiantur, ac repudiantur: quoniam (vt iam diximus) naturæ principalis contractus repugnant. Prius generis exempla hæc sunt: Natura mandati, depositi, commodati hæc est, vt sint gratuita. si inter contrahentes conuenerit, vt merces præstetur, ex deposito, commodato, mandato efficietur locatio & conductio. l. 5. §. nunc videndum, D. comm. §. ult. Inst. mand. l. si tibi, 22. D. de perscript. verb. l. 1. §. si vestimentum, D. deposit. Natura depositi est, vt depositario re deposita vti non liceat. si conuenerit, etiam ex interuallo, vt pecunia deposita vtatur, ex deposito mutuum efficietur. l. certi, 9. §. ult. D. de reb. cred. l. Lucius, 24. D. deposit. Natura dotis est, vt res ipsæ dotales restituantur. si conuenerit, vt æstimatio reddatur, ex dotis datione emptio & venditio efficietur. l. cum dotem, 10. C. de iur. dot. vbi apertè dicitur, contractum per pactionem illam formari. Natura mutui est, vt idem genus reddatur: vt



luti pecunia pro pecunia, vinum pro vino, oleum pro oleo. si conuenerit, vt pro pecunia vinum, pro oleo frumentum reddatur, permutatio contracta esse dicetur. l. 2. D. de reb. cred. l. pen. C. de rer. perm. l. 8. §. pen. D. de transf. Natura emptionis est, vt merx & pretium inter se commutentur. si conuenerit, ne pretium detur, donatio efficietur. l. 3. & l. 9. D. de cont. empt. Natura societatis est, vt aliquid vterque conferat. si conuenerit, vt alter solus conferat, alter nihil conferat, non societas, sed donatio intelligitur. l. quinta, §. vlt. D. pro soc. l. cum hic status, §. si inter, 19. D. de donat. int. vir.

Deinceps exemplar eorum pactorum exponemus, quæ contra naturam contractuum adhibentur, non vt per se constant, sed vt eorum pars & accessio siue adiectio sint: & quoniam eorum naturæ repugnant, vitiantur: neque à Prætore, vtpote iuri civili contraria, seruantur: non enim hæc contractum vitiant, sed ipsa vitiantur, & pro non adiectis habentur. veluti: Natura bonæ fidei contractuum est, vt ab iis dolus absit, & si quid dolo commissum sit, præstetur. l. 3. D. de rescind. vend. pactum igitur ne dolus in iis præstetur, nullius momenti est: neque à Prætore seruabitur, quoniam bonis moribus repugnat. l. 7. §. 1. D. de pact. l. contractus, 23. D. de reg. iur. l. 1. §. si conuenit, D. de pos. Natura societatis est, vt par lucri & damni portio ad socios pertineat. si conuenerit, vt ad vnum lucri duæ partes pertineant, damni tertia, ad alterum duæ partes damni, lucri tertia, Q. Mutius disp

difputabat, contra naturam societatis hanc pacti-  
onem esse, ac proinde inutilem. §.2. Inst. de  
societ. Natura eiusdem est, vt cum sortis, tum  
etiam lucri & damni communio ineatur. l.1. §.  
planè, D. de tut. & rat. distrah. si conuenerit, vt  
ad vnum lucrum, ad alterum damnum perti-  
neat, inutile pactum est. l. si non fuerint, 29. §.1.  
D. pro soc. Natura eiusdem est, vt ei quisque  
cum sibi commodum videbitur, renūtiare pos-  
sit. quare pactum, vt in æternum societas con-  
trahatur, nullius momenti est. l. nulla, 70. D. pro  
soc. Natura dotis est lege XII. tabul. constituta,  
vt soluto matrimonio annua, bima, trima die  
reddatur. & hoc ius esse dicitur, quod lex eius  
naturæ tribuit. l. 27. §. secundo, in fin. D. de pact.  
Hanc formam mutare pactiōne non licet: velu-  
ti si conueniat, vt longiore die soluatur. tametsi  
admittatur pactio, vt citiore die soluatur.  
quoniam hanc legis mentem fuisse constat, vt  
mulieri potius quàm viro consulatur. ac prop-  
terea meliorem dotis conditionem efficere  
per pactiōnes liceret, deteriore non liceret. l.  
17. & l. seq. D. de pact. Natura precarij est, vt res  
precariò concessa ad concedentis nutum resti-  
tuatur. si conuenerit, vt non ante certum tem-  
pus repetatur, pactum non seruatur. l. cum pre-  
cario, 12. D. de precar. Natura hypothecæ est, vt  
debitori salua maneat vendendæ hypothecæ  
potestas. pactum igitur ne ipsi vendere liceat,  
nullius momenti est. l. 7. §. vltim. D. de pign. Ex  
quibus ita disputatis perspicuum est. pacta quæ  
tanquam adiectiones in contractibus adhiben-

tur, non quidem contractum vitare, sed ipsa vitari. sicuti Vlpianus ait, adiectionem contra legati naturam adhibitam, non vitare legatum, sed ipsam vitari, & pro non adiecta cenferi. l. 6. §. 1. D. de pecul. leg. Deinceps ad eorum pactorum exempla transeundum est, quæ ad contractuum adminicula pertinere diximus: atque ita iure civili antiquitus constituta, ut tamen contrahentium arbitrio permetterentur. Natura contractuum ferè omnium est, ut sine scriptura constent. d. l. 4. D. de fid. instr. si convenierit ut non prius perfecti intelligantur, quàm in scriptum redacti sint, valet pactio, l. contractus, 16. C. eod. l. ult. C. de contrah. empt. Natura bonæ fidei contractuum est, ut in nullo eorum fortuiti casus præstentur: l. 5. C. de pignorat. at si id cōvenerit, pactum valebit. sicuti de pignore traditur in d. l. 5. de commodato, in l. 1. C. commod. l. 5. §. 1. l. in rebus, 18. D. eod. & de deposito in l. 1. §. sæpe, D. deposit. l. 7. §. si paciscar, D. de pact. de mandato in l. & Aristoni, 39. D. mand. de locato in l. nona, §. 2. l. item quæritur, 13. §. si gemma, D. locat. de vendito in l. prima, D. de peric. & commod. de negotiis gestis in l. negotium, 22. C. de neg. gest. Natura empti & venditi est, ut de emptione nuda cautio præstetur. l. si duo, 13. §. 3. D. de iureiur. l. 1. §. 1. D. de prætor. stipul. l. 4. D. de euct. at pactum ut ne cautio illa præstetur, aut ut cum fideiussore præstetur, valebit. l. pacta, 72. D. de cont. empt. l. ex empto, 11. D. de act. empt. l. 4. l. Lucius, 11. l. si dictum, 56. l. emptori, 37. D. de euct. Natura bonæ fidei

cont

contractuum est, ut in iis qui dantis solius utilitatem continent, dolus tantum & lata culpa præstentur: qui solius accipientis, leuissima: qui vtriusque, levis. l. 23. De reg. iur. l. si seruus, 108. §. cum quid, D. de leg. 1. l. 5. §. 1. D. commod. at si conuenerit, ut pro leui, vel lata vel leuissima pro lata, levis: pro leuissima, levis tantum præstetur, pactum seruatur. d. l. 23. & l. 1. §. si conuenerit, D. deposit. l. 5. §. penult. D. de perscript. verb. Natura eorundem est, ut quod promissum est, simpliciter præstetur. velut in deposito, ut res deposita sola reddatur. at pactum ut ex mora usuræ præstentur, valet. l. 3. C. de usur. l. 5. C. de pact. int. emp. l. 5. D. de actionib. empt. idque speciatim de pecunia deposita traditur in l. Publia, 26. §. 1. D. deposit. quinetiam iudicis officio continetur in his bonæ fidei iudiciis, ut si ei æquum videatur, & usuras infligat, & earum modum definiat. l. 1. l. 3. §. ult. D. de usur. l. in bonæ, 13. C. eod. l. quarto, 54. D. locat. l. deducta. 58. D. ad Trebel. Natura mutui est, ut credita pecunia semel vnâque pensione reddatur, l. tutor, 41. §. 1. D. de usur. l. Iulianus, 13. §. offerri, D. de act. empt. at pactum ut per partes soluere liceat, valet. l. lecta, 41. D. de reb. cred. Natura societatis est, ut heres in societate non succedat. pactio tamen ut heres in demortui locum succedat, valebit. §. pen. de societat. l. cum duobus. 52. §. idem respondit, D. eod. Natura fideiussionis antiquo iure fuit, ut fideiussorem omisso reo conuenire liceret. at pactum ut non nisi excusso reo conuenire fideiussorem liceret, va-



lebat. l. 5. C. de fideiuss. Natura eiusdem est, ut à singulis fideiussoribus solidum peti possit. pactum tamen factum ut pro virili tantum parte teneatur, valet. l. inter eos, 51. D. de fideiuss. Natura commodati est, ut repeti nisi expleto usu non possit. in quo tacitè tractus temporis continetur. l. in commodato, 17. §. sicut, D. de commod. si conuenerit, ut intra certum tempus red datur, siue usus expletus sit, siue non, valebit conuentio. l. 2. C. commod.

### QVÆSTIO XXXVIII.

*Quenam & quarum rerum fictiones in iure civili numerentur.*

**F**ictionum in libris nostris frequentissima mentio fit: de quibus quoniam à nemine specialiter tractatum animaduerti, commodissimum videtur, paucis verbis quæ de iis obseruauimus, exponere. Fictio igitur est, iuris civilis commentum ad usum vitæ communis contra naturam rerum contraque veritatem accommodatum. l. 2. D. de usus. ear. rer. l. contractus, 54. D. de oblig. & act. Eius quinque animaduerti esse genera. aut enim in personis versatur, aut in rebus, aut in locis, aut in actibus. In personis hoc modo: nam interdum qui in rerum natura non sunt, esse tamen finguntur, veluti, cum dicimus eum qui in utero est, cum ipsius commodum agitur, pro iam nato haberi. cuius fictionis quanta vis sit, declarat l. qui in utero, 7. & l. pen. D. de stat. homin. sic qui neque filius

filius, neque agnatus est, tamen per adoptionem filius atque agnatus esse intelligitur, non secus ac si ex adoptatore & matrefam. eius natus esset. l. si is qui, 43. D. de adopt. & vice versa qui in rerum natura est, inter mortuos numeratur. velut is qui mediam aut maximam capitis deminutionem passus est. l. verum est, 65. §. ult. D. pro soc. aut socius, cuius bona publicata sunt. nam cum in eius locum alius successerit, pro mortuo habetur: ait l. actione, 65. §. publicatione, D. eod. interdum etiam qui verè ac naturaliter idem est qui antea fuerat, novus homo esse fingitur. veluti manumissus. l. servus, 27. D. de adim. legat. Non rarò præterea in personarum confusione fictio versatur: veluti, cum plures numero personæ civili commento vna eadèmq; persona esse finguntur: id est, pro vna eadèmq; numerantur. quod duobus exemplis demonstrabimus. prius est cum dicimus, patris & filij vnā personam esse. l. ult. C. de instit. & aliis substit. vnde illud vulgatum, vox patris vox filij. §. 4. Instit. de inutil. stipul. quod idem in domino & seruo dici potest. l. i. & pass. D. de stipul. seru. §. 2. Instit. eod. Quin etiam personæ omnes quæ in eadem familia sunt, pro vna numerantur. solus enim paterfamil. qui familiæ Princeps est, personam habere dicitur. l. si quis, 56. §. 1. D. de fideius. l. si Pamphilo, 10. D. de opt. leg. vbi filij & serui quādiu in patrisfa. potestate sunt, personam habere negantur. sed vt primum per emancipationem aut mortem aut manumissionem sui iuris effecti sunt, confestim

singuli suam quique personam habere incipiunt: civilem scilicet, hoc est in qua ius dominiūque aliquod versetur. naturalem enim iam ante habeant. quoniam homines omnes iure naturali vno & communi nomine Homines appellabantur. l. 4. D. de iustit. & iur. Illa autem fictio ad vitæ communis vtilitatem accommodata est, vti quoniam qui in alterius potestate sunt, nihil proprium habere possunt, quæ filij filiæque familias agerent, gererent, facerent. quæ quidem ad patrisfam. commodum pertinere possent, ea ipse paterfam. agere, gerere, facere videretur. §. 1. & §. 2. Inst. per quas person. nob. acquir. l. acquiruntur, 10. D. de acquir. rer. domin. nam cum is solus familiæ caput sit, & in ea dominium ac principatum obtineat, commoda familiæ domūsque omnia, repente ad illum vnum redeunt. l. pronuntiatio, 195. §. 1. D. de verbor. signif. aliorum autem opera & ministerio tantum vtitur, quandoquidem nec filiisfam. nec serui personam in qua dominium consistat habere intelliguntur. l. debitor, 82. §. ult. D. de legat. 2. & ob id quicquid acquirunt tacito iuris intellectu ipso momento patrisfam. acquirunt. l. 1. D. si à parent. quis man. l. placet, 79. D. de acquir. hered. Sed iam ad alterum exemplum accedendum est: quod ex confusione personarum creditoris & debitoris sumemus, cum creditor debitori, vel hic illi heres existat. quo casu ex duabus personis vna quodammodo conflare creditur. qua de causa ipso iure obligatio extinguitur: ne vnus idemque sibi credi-

tor & debitor sit: quod nec naturalis, nec civilis ratio patitur. l. si debitori, 7. C. de pact. l. si id quod, 21. D. de lib. leg. l. stichum, 95. §. aditio, D. de solut. Ac fictionum quidem earum exempla, quæ in personis versantur, satis multa commemoravimus. Nunc de rebus videamus. Neque enim rarò accidit, ut quæ res in rerum natura sunt, peremptæ esse, vicissimque quæ extinctæ sunt saluæ esse fingantur. Posterioris generis exemplo sunt eæ res quæ utendo consumuntur, quarum usus sine interitu est nullus. veluti pecuniæ, quæ assidua permutatione extinguere quodammodo dicitur, §. 2. Inst. de usufruct. & tamen contra naturam rerum contraque veritatem tum eius, tum aliarum similium rerum usufructus constitui fingitur, qui propterea quasi usufructus appellatur. l. 2. D. de usufr. ear. rer. Prioris exemplo sunt, res quæ publicatæ aut consecratæ sunt. l. verum est, 63. §. ult. D. pro soc. l. si fundum, 105. D. de condit. & demonstr. l. 4. D. commun. præd. l. Imperator, 12. l. cum verò, 25. D. de fideic. libert. Pari ratione intexta vestimenta aliena purpura extincta esse dicitur: ac proinde vindicari non posse. §. si tamen, 19. De rer. divis. item accessiones quædam ferruminatione coniunctæ per maioris partis unitatem consumi finguntur. l. in rem, 23. §. 4. D. de rei vindic. Sed memorabilis præsertim fictio est in rebus, quæ solo intellectu constantes personæ alicuius vicem sustinere intelliguntur. veluti, cum hereditas iacens, municipium, decuria, societas personæ vice fungi dicuntur. l. mortuo, 22. D. de fi-



deiuss. cum eadem hereditas heredis vicem sustinere dicitur. l. non minus, 31. D. de hered. inst. §. 4. Inst. eo. §. 1. De stipul. seru. & domini esse loco: quinetiam interdum dominus appellatur, interdum domina. l. liber. 13. D. ad l. Aquil. l. si ante, 15. D. de interrog. in iur. l. 1. §. 1. D. si quis test. lib. d. l. non minus, 31. D. de hered. instit. quod idem ad futuri heredis utilitatem accommodatum est: ne quæ ad defunctum, si tandiu vixisset, pertinuisent, hereditati pereant. veluti prædiorum fructus, ancillarum partus, pecorum foetus, seruorum operæ: quæ omnia propter illam fictionem iacenti hereditati acquiruntur. & si quid seruus hereditarius stipulatus fuerit, aut per traditionem acceperit, quoniam ex persona defuncti vires sumit. l. in eo, 33. §. ult. & l. seq. D. de acq. r. d. l. 1. l. seru. 35. D. de stip. seru. ad eo ut iniuria funeri testatoris ante aditionem facta heredi facta esse dicatur. l. 1. §. 4. D. de iniur. Porro in TEMPORE versari fictionem dicimus, cum posterum tempus in præteritum retroducitur. Cuius rei exemplum est in Retrotractione. velut in ratihabitione, quæ vulgò dicitur mandato comparari. propterea quod approbatio post gestum negotium subsequuta illud præcedere fingitur. l. ult. C. ad Macedon. l. si fundus, 16. D. de pignorib. l. ult. D. de bon. poss. & pari ratione Imp. constituit, ut donationes, quæ propter coniugium infirmæ essent, morte tamē donatoris aut donatricis ita cōfirmarētur, ut cōfirmatio in præteritū tēpus valeret. l. donationes, 25. C. de do. int. vi. Eiusdē fictionis alterum

rum extat exemplum in eo quod quandocunque hereditas aditur, statim à morte testatoris adita esse intelligitur. l. 138. 193. & l. seq. D. de reg. iur. vt scilicet quæcunque interea hereditati quæsitæ sunt, quasi defuncto quæsitæ, heredi attribuantur. l. 1. §. 4. D. de iniur. & propter hanc fictionem Cassius contra Proculum disputabat, seruum hereditarium heredi futuro stipulari posse: quasi seruus ille non extraneus sit, sed iam tum ipsius futuri heredis proprius: propterea quod heres statim à morte testatoris successisse fingitur. l. heres, 54. D. de acq. hered. quin ne vllum quidem temporis intervallum inter patris mortem & filij successionem intercedere fingitur. l. si post, 68. D. de legat. 1. argumentoque esse, quod heredis familia ex mortis tempore funesta esse facta intelligitur. l. si ex re, 28. §. ult. D. de stip. seru. Tertium exemplum extat in lege Cornelia de captiuis, vt apud hostes mortuus ipso captiuitatis momento mortuus fingatur. l. lege Cornelia, 12. D. de testam. item in pluribus causis in quibus quæ temporis ordine posteriora sunt, iuris intellectu sunt priora. veluti, fideiussio principalem obligationem præcedens tamen iuris intellectu posterior habetur. qua de causa semper principalis obligationis sequela & accessio appellatur. l. §. item fideiussori, D. de insti. act. l. si duo, 93. D. de solut. l. si seruum, 91. §. nunc videamus. de verb. obl. sic substitutio ante institutionem fieri posse dicitur, Si filius heres non erit, Titius heres esto. Filius heres esto. sed tamen cum

substitutio ex institutione vires capiat : l. quod per manus, 10. D. de iur. codicill. quæ scripturæ ordine prior est, iuris intellectu posterior est. quod ipsum ex contrario recipitur. l. 2. §. 3. D. de vulg. substit. Eodem præterea pertinet, quod vulgo dicitur, conditionem existentem retrahere ad tempus contractus. l. potior, 11. §. 1. D. qui pot. in pign. hab.

Deinceps de fictione quæ in loco versatur videamus. cuius exemplum est in fictione postliminii. cum is qui ab hostibus reuersus est, nunquam ex ciuitate exisse, sed semper in ea permansisse fingitur. l. in bello, 12. D. de capt. item in eo qui quamuis præsens sit, tamen si quid agatur, ignoret, abesse censetur. l. non multum, 14. D. de auctor. tut. itaque furiosus quanquam certo in loco præsens sit, absentis tamen loco haberi dicitur. l. 2. §. pen. D. de codicil. sic qui ab hostibus captus est, tamen præsens esse neque à ciuitate abesse intelligitur. l. absentem, 199. D. de verb. signific. ac pari ratione in legato eorum quæ certo in loco sunt, nec quod casu abest, non continetur : neque quod casu ibi est, continetur. l. si ita, 86. l. si fundus, 44. l. qui saluum, 67. l. cui quæ, 84. l. quæsitum, 78. §. ult. D. de legat. 3. l. Seix, 20. §. Pamphilæ, D. de instruct. vel instr. leg. Eodem illa fictio pertinet, quæ in suorum successione versatur, cum vno ex duobus filiis demortuo nepotes ex eo in ipsius locum succedentes, atque hoc modo sui ius adipiscuntur, primo gradu numerantur : hoc est pari cum altero filio superstite, suo patruo : qua de causa

caussa fictio hæc peperit diuisionem in stirpes.  
 l.1. §. si filius, D. de suis & legit. l.2. l.3. l.4. C. eod.  
 l. Gallus, 29. §. & bene, & §. videndum, De lib. &  
 postum. §. cum filius, Inst. de hered. ab intest.

Reliquū est, vt de ACTIBVS fictitiis videamus:  
 quo in genere primum locum obtinent, qui di-  
 cuntur Imaginarij. l. contractus, §4. D. de oblig.  
 & act. veluti cum in adoptionibus & emanci-  
 pationibus & testamentis emptor imaginarius  
 adhibebatur, teste Caio lib. Inst. 1. & Imp. in l. 1.  
 §. diui, De quæstion. l. vlt. C. illo tit. l. vlt. C. de  
 adopt. §. 1. D. de testament. aut dicis causa, id est  
 expediendæ rei gratia in venditionibus simu-  
 latis numus vnus pro pretio dabatur. l. 4. D. cō-  
 mod. l. si vsufr. 66. D. de iur. dot. l. si quis, 10. D. de  
 acq. poss. si quis, 46. D. locat. l. vl. C. de don. Liui-  
 us lib. xi. C. Marius accusatus est apud Tribu-  
 nos pl. quòd exercitum in Gallia deseruisset,  
 damnatusque sub furca diu virgis cæsus est, &  
 h. s. numo venit. Extat etiam aliud exemplum  
 de seruis, qui suis numis ab emptore appposito  
 emebantur. l. 4. D. de manumiss. Alterum ha-  
 rum fictionum exemplum suppeditat Traditio  
 imaginaria, de qua in causis facti & iuris supe-  
 rius diximus: cum per clauium aut instrumenti  
 traditionem fit, aut per vini degustationem: aut  
 rei grauioris demonstrationem. Eiusdem præ-  
 terea generis est acceptilatio: quæ fictitia solu-  
 tio dici potest. l. si acceptilatum, 19. §. 1. D. de ac-  
 cepti. Ac ne illa quidem prætermittenda fictio  
 est, de qua Vlp. loquitur in l. 3. §. sed si, D. de do-  
 nat. int. vir. cum creditor debitorem alteri iu-



Bes dissoluere, accipere ipsemet & illi confestim tradere momento ipso videtur. qua celeritate coniungendorum inter se actuum vnus ipsorum occultatur.

---

## QVÆSTIO XXXIX.

*An, vt quod ab initio statum non cepit, recipere postea non potest, ita quod semel statum cepit, amittere illum non possit.*

**H**Vius quæstionis prior quidem pars, expedita est: vt quod ab initio vitiosum fuit, ex postfacto conualescere non possit. l. quod initio, 29. D. de reg. iur. quoniam civiles actus ex præsentis tempore statum capere oportet, non ex incerto & fortuito futuri temporis euentu pendere. l. continuus. 137. §. cum quis, D. de ver. obl. Itaque certa illius exempla passim extant, non modò in testamentis, quorum causa primum à Catone sententia illa concepta est: l. 1. D. de reg. Cat. verum in aliis omnibus. Quapropter de testamento quidem in genere & infinitè exemplum extat in l. omnia, 201. D. de reg. iur. & l. si filiusfamil. 19. D. de testament. de institutione verò, in l. si filius, 7. D. de lib. & post. & §. 1. D. de exher. lib. l. si alienum. 49. D. de her. inst. Item de legato in l. 1. D. de reg. Cat. l. cetera. 41. §. 1. D. de leg. 1. l. 3. D. de his quæ pro non scrip. & de legato libertatis in l. Seruius, 35. & l. verum est 38. D. de manumis. testam. Sed præter testamenti partes, & planè extra causam testamentariam, exemplum de stipulatione extat in  
l. inc

l.inter stipulantem, 83. §. Stichum. & l.insulam, 124. D. de verbor. oblig. Item de pacto in l. si tibi decem, 17. §. si pactus. D. de pact. Item de tutoris auctoritate, in l. obligari, 9. §. tutor. D. de auct. tut. Item de actione quod iussu, in l. 2. §. vl. D. quod iuss. & de in rem verso, in l. si pro parte, 10. §. idem quærit, D. de in rem vers. & de pignoribus, in l. si Titio, 22. D. de pign. Cum autem conditionalia statum ex præsentī tempore non capiant, consentaneum est, in illis huic regulæ locum non esse. Velut in legatis, l. pen. D. de reg. Cat. Itémque in stipulationibus, l. si rem meam, 31. & l. existimo, 98. D. de verborum obligat. Atque hæc quidem de priorē parte hæctenus. Posterior autem quæstionis pars aliquanto perplexior est: An quod semel statum cepit, si in eum casum vnde incipere non poterat, inciderit, vitietur. Multis enim casibus accidere vt non vitietur, Vlpian. scribit in l. in ambiguis, 85. D. de reg. iur. cuius rei exemplum primum in nuptiis ostendemus. nam etsi adoptivus filius eam quæ patris adoptivi vxor fuit accipere vxorem non possit, quoniam noueræ loco ei fuit: l. adoptivus, 14. D. de rit. nup. tamen si is qui mulierem à Titio repudiatam duxerat, ab eodem postmodum arrogetur, nuptiæ non vitiantur. l. si qua mihi, 12. eod. Item quamvis furor sponsalia & nuptias impediat, in quibus consensus requiritur: tamen post sponsalia nuptiæve contractas superveniens, neutrum illorum vitiat. l. furor, 8. D. de sponsal. l. oratione, 16. §. vlt. D. de rit. nupt. l. patre furioso, 8. D. qui

sunt sui vel al. id quod ad libertam patroni concubinam postea productum est, ut quamvis liberta discedere à patrono furioso possit, nec ubi concubina esse cogatur, tamen si post concubinatum furor superueniat, manere in concubinato cogitur. l. in eo, 45. §. deinde, D. de rit. nupt. l. 2. D. de concub. Secundum exemplum in possessione sumendum est. Quamvis enim mala fides ab initio possessionis vsucapionem impediat, tamen eadem postea superueniens, possessionem non vitiat, nec impedit vsucapionem procedere. l. si is qui, 15. §. pen. l. iusto, 44. §. etsi, D. de vsurp. l. bonæ fidei, 48. §. primo, D. de acq. rer. domin. Idémque in quasi possessione seruitutis vsuuenit. Quamvis enim prætor interdictum de itinere actûq; privato non det, nisi ei qui hoc anno non vitiosè, hoc est, nec vi, nec clàm, nec præcariò vsus est, tamen si post annum vitiosè uti cœperat, nihilominus interdictum habebit. l. prima, §. vltim. & l. seq. D. de itin. actûque pr. Tertium exemplum est sumendum ex testamentis. Quamvis enim neque furiosus, neque prodigus facere testamentum possit, tamen furor aut interdictio bonorum post testamentum factum superueniens illud non vitiat. l. filius, 16. l. is cui, 18. D. de testam. Quartum erit in stipulationibus. nam etsi seruitus acquiri per partes non potest, cum indiuidua sit: l. secunda, §. ex his. D. de verbor. obligat. tamen si Titius viam ad suum fundum sit stipulatus, deinde pluribus relictis heredib. decesserit, singuli heredes ipsius separatim agere

gere ex stipulatu poterunt, cum tamen si plures ab initio stipulati seruitutem fuissent, vnus ad constituendam seruitutem agere non potuisset. l. pluribus, 140. §. secundo, D. de verbor. obligat. Sic de promissione iudicio sisti exemplum est in l. sciendum, 15. §. vlt. D. qui sat. cog. Quintum exemplum est in actionibus: Quamuis enim prætor ex defuncti delicto actionem non det in heredem, nisi quatenus ad eum peruenit: l. quod diximus, & ll. seqq. D. de eo quod met. caus. l. quinta, D. de calumniat. tamen etiam si id quod peruenerit non daret, sed apud heredem esse desierit, actionem nihilominus concedit, etiam si momento tantum apud eum fuerit. l. cum prætor, 127. D. de regul. iur. Atque hæc quidem exempla sunt eorum casuum, quibus vitium superueniens rem bene constitutam non corrumpit. Sed neque vsquequaque vt verum est, neque in vllius eiusmodi regulæ definitione Iurisconsulti consenserunt. Nam in quæstione, An legatum vtile sit, cum debitor creditori quod in diem debebat, legauit, si viuo testatore dies venerit. Papinianus quidem affirmare videtur esse vtile: in §. si quis debitori, 13. de lega. & l. verbis, 5. D. de leg. Falc. Paulus autem negare idem videtur, in l. debitor, 82. D. de leg. 2. Rursus in quæstione de seruitute, vulgata regula repudiatur à Paulo, Modestino & Marcello in l. si sub vno, 136. §. 1. & l. pen. §. vlt. D. de verb. obl. l. vt pomum, 8, §. 1. & l. pro parte, 11. D. de seruit. probari autem videtur ab eodem Paulo in l. pluribus, 140. §. 1. & l. 2. §. ex his igitur, D.



de verb. oblig. Nam Paulus in d. l. penul. tres proponit casus, quibus stipulatio non corrumpitur: quorum primus est, cum is qui viam stipulatus est, duos heredes reliquit. secundus, cum is qui dum solus fundi dominus erat, viam stipulatus est, sed postea partem eius fundi alienauit. tertius est, cum idem fundi seruiantis partem acquisiuit. De primo casu dubitari non potest, propter l. heredes, 25. §. an ea, D. fam. erc. l. viæ, 17. D. de seruit. vbi si stipulator decesserit, pluribus heredibus relictis, singuli solidam viam petunt. Ex quo consequitur, stipulationem viæ in casum duorum eiusdem fundi dominorum deductam non corrumpi, siue extingui. Vtroque enim verbo promiscuè Paulus & Modestinus vtuntur. Quantum ad casus insequentes pertinet, vbi de sociis agitur qui pro parte vel acquirunt, vel alienant: illud constat, Rem indiuiduam pro parte acquiri non posse. dicta l. viæ, 17. D. de seruit. Quare vnus ex sociis fundi communis neque acquirere, neque imponere seruitutem potest. l. per partes, 11. D. de seruit. l. pen. §. 2. De verb. oblig. l. si vnus, 19. de seru. rust. l. vnus, 34. eod. Nunc de alienata parte videamus. Nam si is qui ad suum fundum viam stipulatus est, totum fundum alienet, Catonis regula seruatur: vt stipulatio euanescat. quoniam neque sine prædio acquirere seruitutem potuisset, neque emptor ex alterius stipulatione agere. l. existimo, 98. D. de verb. obl. Sed si partem duntaxat alienet, hoc casu adhibenda distinctio est. Nam si seruitus nondum constitu-

ta, cessa, quæ sita est, sed tantum ex stipulatione debetur, quoniam acquiri servitus pro parte non potest, parte prædij alienata stipulatio evanescit. l. pro parte, 11. D. de servit. l. si sub vna, 136. §. 2. D. de verb. oblig. si verò iam acquisita & constituta est, alienatione partis fundi non extinguitur: quoniam pro parte retineri potest. l. penul. §. 1. D. de verb. oblig. Diverſitatis causa hæc est: quoniam ea demum superveniente vitio corrumpuntur, quæ propter illud vitium explicari, hoc est, exitum & effectum sortiri non possunt. velut in illa prædij alienatione, nam qui alienato prædio servitutem stipulatur, cum acquiri servitus sine prædio non possit, nihil agit. l. 1. §. ideo, D. commun. præd. At retentio servitutis pro parte prædij sortiri effectum potest. quoniam ipso iure etiam sine usu retineri potest: sicuti possessio rerum corporalium solo animo retinetur. l. generaliter, 9. D. de acq. poss. Hæc eadem sententia probatur in exemplo l. 5. D. de bon. damn. ubi deportatio non dissolvit matrimonium: favore certè singulari, cum deportatus civitatem amittat: matrimonium autem non nisi inter ciues consistat. At eandem illam sententiam Vlp. repudiat in l. si à me, 11. D. de iudic. l. huic scripturæ, 15. & l. seq. D. ad l. Aquil. §. 2. de inut. stip. Paulus in inter stipulantem, 83. l. 25. qui, 51. de verb. oblig. Marcianus in l. quia in eum, 16. D. ad leg. Aquil. Deinceps quæ priori sententiæ obijciuntur, videnda sunt. Primum obijcitur l. cum vir, 42. D. de vsurp. & l. penultim. D. de fund. dot. Sed intelligen-

dum est, venditionis duo esse extrema: vnum in obligatione vendentis, alterum in acquisitione emptoris. nam alienæ rei venditionem ex parte venditoris valere, propter ipsius obligationem, constat. l. rem alienam, D. de cont. empt. Quare cum illo extremo venditio niteretur, & statum cepisset: nihil ei hæc aduersatur regula: quæ de iis est, quæ statum omnino non ceperunt. Secundò obiicitur l. Stichum, 95. §. aditio, D. de solut. vbi civilis obligatio quæ ab initio inanis erat, ex postfacto confirmatur. vt in herede fiduciario, qui postea fideicommissario successit: itémque in muliere quæ eius pro quo intercesserat heres fuit. Sed vtraque obligatio constituta fuerat ab initio, statumque certum & stabilem ceperat: tantum propter exceptionem effectum non habebat. quæ exceptio postquam aditionis iure sublata est, non conualescit obligatio quæ ab initio fuerat inutilis: sed quæ utilis fuerat, sublato impedimento vim suam exerit. Postremò obiicitur l. quarta, D. de rit. nupt. vbi minor annis duodecim nupta, tunc legitima vxor futura dicitur, cum apud virum expleisset xii. annos. Sed ex verbo *Expleisset* satis significari arbitror minorem annis xii. dici à Pomponio, quæ duodecimum quidem annum ingressa, non autem egressa fuerat, quod in pubertate requiri satis constat ex §. primo, Quibus mod. par. pot. Denique errorem fuisse necesse est, vt in l. penultim. §. vltim. D. quod fals. tut. & l. cum hic status, 32. §. si quis, 20. D. de don. int. vir. & matrimonij fauorem tantum esse, vt

prop

propter exigui temporis defectum non rescinderetur : siue iam annum XII. attigisset, siue non attigisset : sed parum admodum ab eo abesset. nam error in multo minore esse non potuisset. Singulare igitur hoc fuit in matrimonio propter eius fauorem & perexigui temporis intervallum. Eiusque rei exemplum est in l. Proculus, 67. D. de iur. dot. vbi liber ancillam quam liberam putabat vxorem duxerat, dotemque acceperat : & statuitur, si ea manumissa fuerit, dotem quidem ex post facto confirmari non posse : matrimonium autem ex manumissionis tempore initium sumpturum. Itaque nihil aduersatur l. eos qui, 65. D. de rit. nupt. quam Gordianus citat in l. etsi, 6. C. de nupt. vbi matrimonium contractum in provincia ab eo qui officium gerebat, si deposito officio in eadem voluntate perseverarit, iustum efficitur. non enim retro iustum effici dicitur, sed ab eo demum tempore quo depositum officium est. qua de causa liberi antè nati legitimi non sunt, sed iuduntaxat qui postea nascuntur. Multo minus aduersatur quod dici solet, cum alieni nummi crediti sunt, si consumantur, condictio nasci. l. nam etsi, 13. D. si cert. pet. non enim mutuum quod ab initio non valuit, confirmatur : sed ex facto consumptionis condictio nascitur. l. non omnis, 19. §. primo, D. eod.



## QVÆSTIO XL.

*An fœneratio in bene morata ciuitate tolerāda sit.*

**P**Erplexæ hæc quæstio est. Nam vt toleranda esse videatur, disputari sic potest: primùm, Quemadmodum æquitati naturali consentaneum est, pro ceteris rebus omnib. vtendis datis mercedem pacisci: ita pro pecunia vtenda data mercede pacisci non iniquum videtur. Similitérque ex contrario, si naturalis equitas postulat, vt gratis pecunia vtenda daretur: etiam ceterarum rerum omnium vsus gratuitò concedendus esset, ac proinde locatio & conductio ex communi vita tollenda, quod esse absurdissimum inter sanos omnes constat. Quinetiam Fœneratio quasi locatio quædam pecuniæ videtur esse: vnde Collocare pecuniam fœnori, veteres dicebant, quasi locare: vt in l. vxori, 24. D. de vsuf. leg. l. si benè, 33. D. h. t. Tullius Offi. 2. Pecuniæ non quærendæ solùm ratio est, verum etiam collocandæ, quæ perpetuos sumptus suppeditet. Plautus in Mostellaria, Scelestio rem ego annum locando argento fœnori Nunquam vllum vidi. Sueton. Augusto: Notauitque aliquos, quod pecunias leuioribus vsuris mutuati, grauiore fœnore collocassent. Et ex contrario, Conducere numos dixit Horatius, Sat. 2. pro, Fœnori accipere.

*Omnia conductis coemens obsonia numis.* id est, fœnori acceptis. vnde paulò post Fœnus Mercedem appellat.

*Quin*

*Quinas huic capiti mercedes exsecat.* vbi tamen, *Exigit* legi posset, Quinetiam vt merces locati prædij Reditus vulgò appellatur, l. liber- to, 21. D. de an. leg. ita Fœnus quod annuum est, Pecuniæ reditus appellatur. l. Titius, 24. D. de præsc. verb. & l. qui quadraginta, 88. §. 1. D. ad leg. Falc. Sequitur argumentum secundum: Naturæ consentaneum est, neminem cum alterius damno fieri locupletiores, & ex alterius incommodo suum augere commodum: l. natura, D. de cond. ind. Debitor vtens creditoris pecunia, ei commodum illud intercipit: nam creditor suos nummos aut mercatura facienda exercuisset, aut eos in prædiorum emptionem collocasset. Quare consentaneum est, debitorem ei damnum illud sarcire, ne ex alterius damno lucrum faciat. Seq. tertium: quemadmodum æquum est, emptorem, qui re sibi tradita pretium non soluit, eius pecuniæ vsuras præstare, l. Iulianus, 13. §. ex vendito, D. de act. empt. eodem modo æquum videtur, eundem, cui venditor accepto pretio confestim illud mutuatur, aut eum iubet rei pretium in mutui vicem habere, eius pecuniæ vsuras soluere velut in l. 3. §. pen. D. ad Macedon. & l. si ex pretio, 6. C. si cert. pet. Quid enim interest, vtrum ab eo qui pecuniam alienam ex causa venditi, an ab eo, qui ex mutui causa pecuniam retinet, vsura exigatur? Seq. iv. Quemadmodum ars cauponatrix in bene constituta ciuitate opportuna iudicatur, cum quidam edulia rure ab agricolis & piscatoribus in urbem allata coemunt, vt ea postea ciuibz di-

uendant, licet eo commercio quæstui suo consulant: (in quo etiam Platonis auctoritas laudatur, l. 2. D. de nund.) ita cùm ὀβολοῦ ἀλκή, fœneratrix, numularia, magna ad vsum vitæ communis opportunitates habere semper iudicata sit: non immeritò in bene morata ciuitate probanda, & toleranda videtur. l. quod priuilegium. 8. D. de pos. Ac memorabile est, quod Imp. Leo, philosophus, pietatis & religionis Christianæ studiosissimus, & qui concubinatum è repub. Christiana sustulit, scribit, patrem suum Basilium Macedonem fœnerationem Christianis omnibus interdixisse: sed postea sese comperisse, humanam vitam arte illa carere non posse: trientēsq; vsuras permisit: Nou. 83. Illam autem Basilij constitutionem esse non dubito, quæ Leoni falsò inscripta est apud Harmenopulum lib. 3. tit. 7. vbi iubet pluri fieri à Christianis lēgem Dei, quæ fœnerationem prohibuit, quàm commodā, quæ ex ea comparari putātur. Quintum argumentum proferri potest, quòd leges Imp. Christianorum (veluti, Constantini & Iustiniāni) fœnerationem permittunt. Lex autem est rerum humanarum, ac præsertim bonorum ac fortunarum cuiusque ciuis domina & regina: vt ex Chrysippo Marcianus tradit in l. 2. D. de legib. Quare vt ceteræ leges de acquirendis dominiis in quaque ciuitate dominantur: quauis aliarum ciuitatum leges sint dissimillimæ: ita lex de fœnore & mercede aliqua ob vsum pecuniæ præstanda, præsertim ab Imp. Christianis promulgata, non improbanda videtur.

Post

Postremum argumentum esse poterit, quòd in fœnore per se&simpliciter considerato vitium nullum est. quid enim si vnciarium sit? quale olim legib. xii. tab. permissum fuisse, Tacitus lib. 5. testatur: an non potius debitoris quàm creditoris commodo exercebitur? Omne igitur fœnerationis vitium in quantitate ac magnitudine accessionis, non in ipsa accessione & incremento positum videtur: cum (vt suprà docuimus) corruptissimis reip. Rom. temporibus vsitatissima&frequentiss. vsura esset centesima: sepe autem binæ, ternæ, atque quaternæ centesimæ exercebantur: qua ex magnitudine natum esse fœneratorum odium constat: cùm illa fœnoris acerbitate, non longo tempore, debitorum inopum fortunas exhaurirent, vt apud Auson.

--*si turpia lucra*

*Fœnoris: aut velox inopes vsura trucidat.*

Et apud Demosth. Olynth. 1. οἱ δαναϊζόμενοι παδίως ἐπὶ μεγάλοις τόκοις μικρὸν ἐμπορήσαντες, χρόνον ὕστερον καὶ τῆς ἀρχαίων ἀφίστανται. Cùm igitur Iustiniani constitutione certus vsuris modus sit impositus: nihil incommodi videtur, fœnerationem in bene morata ciuitate exercere. Neq; verò mouere nos inania quædam argumenta debent, veluti si quis disputaret, iccirco fœnerationem esse damnandam, quòd ex re aliena fructum quærit. nam pecuniæ quidem mutuæ dominium in debitorem translatum esse fatendum est, neque mutuum contrahi, nisi & dominus sit qui dat, & dominus fiat qui accipit. l. 2. §. 2. & §. pen. l. nam etsi, 15. l. non omnis, 19. §. ult.



D. si cert. pet. sed non si aliena res est, ideo ex ea fructum percipere extraneo non licet. Nam & colonus ex fundo alieno fructus percipit, & fructuarius, & usufructuarius: atque adeo maritus, si veritatem non fictionem spectemus. l. in reb. 30. C. de iur. dotium. Nihilomagis mouere nos debet, quod creditor sine labore, sine impendio, sine vlla sua opera fructum quaerit. Nam etsi sceneratio quaestuosæ (vt Plin. eleganter dixit) segnitiae materiam præbet, atque ab industria homines auocat: non tamen si quam in rem nullam meam operam & industriam confero, ideo mihi fructum ex ea percipere non licet. Nam & dominus, qui colono inquilino ve prædium locauit, vel pecora pascenda partiario dedit, operam nullam confert: l. 5. C. de pact. & socius, qui solam pecuniam contulit, ex negotiatione, quam alter solus exercet, iure lucri partem consequitur. l. si non fuer. 29. D. pro soc. Minus etiam aduersatur, quod Aristot. disputat, contra naturam esse, ex numis sterilibus, fructum quaerere. *ἰυλογώτατα, inquit, μισεῖται ἢ ὀβολοσάλικη, ὅτι τὸ ἀπ' αὐτῆς τῆ νομίσματος εἶναι τὴν κλήσιν.* Iure optimo, inquit, sceneratio in odio est, quoniam ex ipso numo lucrum quaerit. quod ipsius argumentum etiam Ambrosius & Chrysostomus secuti sunt. Sed non si res per se sterilis est, ideo cum opera & industria coniuncta excoli, & frugifera, fructuosaque reddi non potest. Non enim fructus omnis naturalis est: vt cum prædiorum fruges, & animalium partus, fructum appellamus: l. 43. D. de euct.

Fructus enim quidem ciuiles sunt, veluti mercedēs locationum, operarum, seruorum, vecturæ nauium & iumentorum. l. mercedes, 29. D. de hered. petit. Quinetiam vsura pecuniæ modò redditus, modò fructus appellatur, vt iam aliquoties demonstratum est: alioqui ridiculum esset dicere, quia mula sterilis est, iccirco nullum ex eius locatione percipi fructum licere: cum omnium iumentorum vecturæ passim fructus appellantur: vt in l. 8. §. 1. D. de reb. auct. iud. poss. l. 39. De legat. 1. atque adeò etiam nauiſ vectura fructus dicitur: & vsurę in eo comparatur, quòd neutra natura prouenit, sed iure percipitur. l. si nauiſ, 62. D. de rei vindic. Neque minus absurdum esset disputare, quia domus domum, aut nauiſ vecturam non parit, iccirco mercedem ex eius locatione exigere non licere. Nam rectissimè Papin. illo loco scripsit, vsuram non natura prouenire, sed iure percipi. Et Pomponius: Vsura pecuniæ, quam percipimus (inquit) in fructu non est: quia non ex ipso corpore, sed ex alia causa est: id est, ex personæ obligatione nascitur. l. vsuræ. 121. D. de verb. signifi. Quod igitur Sterilis aut Fructuosæ pecuniæ nomen in iure nostro vsurpamus: vt in l. debitor, 7. l. si bene, 33. infra h. t. l. 3. §. vsuris, D. de contr. tut. act. nequaquam ad propriam fructuum vel naturalium, vel ciuiliū rationem referendum est, sed vt per translationem dictum, accipiendum est: quoniam (vt Festus scribit) Fœnus appellatur, naturalis terræ foetus. Ob quam causam & numorum foetus Fœnus est vocatum: & Fœnebris

pecunia, quòd crediti numi alios pariant : & apud Græcos eadem res τόκος dicitur, ὡς τὸ τίτλειν. His igitur aut similibus argumentis probari videtur posse fœneratio : ac præsertim, vt nonnullis placere video, cum quis mediocrib. fortunis præditus, sed præsentì pecunia fortè instructus, opulentiore multò, sed minus à præsentì pecunia parato pecuniam sub vsuris credit. Verùm his omnib. non obstantib. contrariam sententiam veriore & probabiliorem esse arbitror, iis de causis, quas subscribemus. Nam primum & summum argumentum ex auctoritate Scripturæ sacræ ducitur, Exod. 22. Leuit. 25. Deut. 23. vbi Deus vetat, ne eius ciuitatis ciues, quam ipse pro sua sapientia instituerat, ex creditis pecuniis vel fœnus, vel quamuis aliam accessionem, siue exuperantiam, & additamentum exigant. Nam vtrunque propheta Ezechiel coniungit, Fœnus & Exuperantiam : siue, vt quidam conuertunt, Superabundantiam, cap. 18. Ac fœnus quidem ab Hebræis Nezech appellatur : quo verbo morsum significant, quasi quod debitorum fortuna arrodât, atq; abundat. Additamentum autem, Tarbat : vt disputari possit, non eam tantum vsuram damnari, quæ ciuem mordet atq; arrodit, hoc est, damno afficit, eiûsq; bona deminuit : verum etiam omnem ad sortem accessionem, eiûsq; incrementum : quo verbo Fœnus nonnunquam à nostris appellatur : vt in l. 9. D. de alim. & cib. leg. l. 1. §. bellissimè. D. vt legat. nom. cau. Etsi autem huc referri solet illud Christi præceptum, Luc. 6.

δανείζει μηδὲν ἀπελπίζοντες: tamen à multis iam demonstratum est, verba illa ad sortem potius; quàm ad fœnus pertinere: propterea quòd paulò antè dixerat: εἰ δὲ δανείζῃται παρ' αὐτῶν ἐλπίζει δόποιο λαβεῖν quasi ἀπελπίζοντες dictum esset, pro ἐλπίζοντες δόποιο λαβεῖν. Atque ita Basilii locum illum in Psal. 14. disertè interpretatur. Secundum argumentum erit, ex veterum summorum legislatorum auctoritate, Scripturæ sacræ consentanea. Nam Plato quidem lib. De leg. 5. fœneratorem & sorte & vsuris multat: μὴ δὲ δανείζειν; inquit, ὅτι τὸ κερὶ ὡς ἐξὸν μὴ δόποιο δίδοναι τὸ πᾶν παρὰ δανεισμένῳ, μήτε τόκον, μήτε κεφάλαιον. In eandemque sententiam Aristoteles lib. Politic. 1. multa scribit, & fœneratorum quæstum lenonum quæstui comparat. Et Plutarchus eadem de re libellum scripsit ubi ait: Fœneratores contra naturam de nihilo nihil efficere, & ab iis ex eo quod non est, neque vnquam fuit, lucrum captari. Similitérque Seneca lib. de Benef. 7. Quid Fœnus, & Kalendarium & Vsura, nisi humanæ cupiditatis extra naturam quæsitæ nomina? Et Cicero in Offic. Catonem Maiorem laudat, quod fœnerari, & hominem occidere eodem loco haberet. Quinetiam, vt ad ius nostrum, hoc est, ad Rempublicam R. veniamus: idem Cato in lib. de Re rust. scribit: Legib. XII. tab. fœneratorem quadrupli damnatum, cùm fures dupli tantùm damnarentur: ex quo inquit, intelligi potest, quanto improbiorem furẽ fœneratorem existimarint. Neque obstat, quod Tacitus libro quinto scribit, iisdem XII. tabul:



fancitum fuisse ne quis fœnus vnciario amplius exerceret. Nam cùm vnciarium fœnus creditori magis propè damnosum sit quàm lucrosus, illudam hac lege fœneratoriam artem esse apparet. Tertium argumentum ex intima Iurisprudencia eruendum est, hoc modo: Ei demum quæque res quæstiosa esse debet, cuius periculo est: neque enim antè rem cuique quæstui esse oportet, quàm eius periculo sit: ait Pomp. in l. is qui, 13. §. 1. D. commod. neque vllum lucri, quæstus emolumentum genus, in tota Iurisprudencia reperiatur, quod non indiuiduè coniunctum periculum habeat. l. si non fuerunt, 29. in fi. l. si igitur, 55. eo. l. secundum naturam, 10. D. de reg. iur. At in Mutuo fortis periculum à creditore in debitorem transit: & siue incendio, siue latrocinio, aliòve casu fortuito fors perierit, soli debitori perit: creditori semper certa est. l. incendium, 11. C. si cert. per. l. qui negotia, 34. D. mandat. quod non modò propter personalem debitoris obligationem dici potest, verùm etiam quia non rarò fœneratori pignoribus, interdum etiam prædiis prædibûsque cauetur. Neque ad rem pertinet, quòd credita pecunia dicitur esse periculo eius qui dedit, & ei demum usura deberi, cuius periculo fors apud debitorem collocata est, quamuis alterius, aut plurimum ea pecunia sit. l. si navis, 62. D. de rei vind. l. postulante, 44. D. ad Tertull. l. si vnus, 67. §. 1. D. pro soc. l. idemque, 10. §. si mandauero. D. mand. Primùm, quoniam hoc de duob. debitorib. dicitur, quorum prior alteri credidit: cuius posterior

rioris periculo pecunia est. Deinde duplex in pecunia periculum est : vnum corporum quod ad eum, penes quem pecunia est, pertinet: alterum obligationis, cuius periculum ad dantem pertinet: si fortè propter debitoris inopiam inanis euaderet. l. 6. D. de dol. Verùm (vt dixi) nonnunquam fœneratores sibi, aut pignoribus, aut fideiussoribus cauent. Quare iniquum videtur, sortem, quæ debitoris periculo est, creditori quæstuosam esse, idque eò magis, quia non modò sors creditori semper tuta & extra periculum est, verum etiam certum & exploratum ei lucrum affert: atq; ita duplex ex credito commodum ad fœneratorem redit: nam & pecuniam suam tutò & extra periculum collocat. & certum ex ea lucrum adipiscitur. Vnde quartum argumentum duci potest. Repugnant enim, ex sorte & negotiatione incerta certum lucrum captare. nam vbi periculū est (ait Iust.) ibi lucrum collocandum est. l. ult. §. pen. C. de fur. Dixi, Negotiatione: vt eas fœnerationes remoueamus, quæ aduersus calamitosos exercentur: quas ferè boni omnes execrantur. Sed vt eorum disputationem adiuuemus, qui contendunt, nihil esse incommodi, si ab eo lucrum aliquod stipulemur, cui negotiaturo credidimus: quid, si infelicitè ei negotiatio successerit? an non iniquum est, lucrum ex alieno damno & iactura quærere? vt ait tex. in l. rescriptum, 12. §. 1. D. de dist. pig. l. quoties, 16. D. de iur. dot. l. itaque, 28. D. de dol. Bono & æquo non conuenit, inquit Pomponius, aut lucrari aliquem cum

damno alterius, aut damnum sentire per alterius lucrum: l. 6. D. de iur. dot. quod posterius persæpe accidit, ut quidquid quæstus mercator industrius fecerit, id totum fœneratori pro usuris præstare debeat. Quintum est, quod cum Mutuum ex eorum contractuum numero sit, qui officij causa, & ad utilitatem eius qui accipit instituti sunt: sicuti commodatum & precarium: tamen per fœnerationem ad quæstum & eius qui dedit utilitatem, contorquetur. Nam mutui natura est, ut si gratuitum. l. si tibi. 17. §. 1. D. de pact. l. rogasti, 11. §. 1. D. si cert. pet. per fœnerationem autem corrumpitur, & quæstuosum efficitur. l. gravius. 71. §. ult. D. de fideius. Nam & supra dictum est, plerunque ex die stipulationis usuræ deberi incipiunt, atque adeo certi temporis repræsentantur. l. 4. §. ult. & l. qui in futurum, 57. D. de pact. Sextum argumentum est, quod ex aliena re domino invito fructus queritur. nam etsi debitor stipulanti fœneratori usuras promittit, ac proinde consentire videtur: & regulariter in iure nostro voluntas coacta voluntas censetur: ut in l. si patre, 22. D. de rit. nupt. l. apud Iulianum, 11. D. ad Treb. tamen si veritatem spectemus, libera & integra voluntas non est. l. si mulier, 21. §. pen. D. quod met. caus. neque dubium est, quin debitor gratuitam, quàm fœnebrem pecuniam mallet: sed rei numariæ difficultate, sæpe etiam calamitate coactus, usuras promittit. qui verò non integra voluntate consentit, inuitus appellatur. l. si metus, 85. D. de acq. hered. Septimum argument

mentum Aristoteles suppediat, cum ait: Fœnus iccirco esse omnium acquirendi modorum maximè contra naturam, quod ex ipso numo, qui permutationis causa inuentus est, quæstum facit. nam satis constat, numum venditionis & locationis causa institutum fuisse, cuius æstimatio difficultatibus permutationum subueniret, ut ait Paulus, l. 1. D. de contr. empt. Quare cum per numum cuiusque rei æstimatio, tum in venditionibus tum in locationibus fiat: sequitur, ut neque venditio, neque locatio in numum cadat: ne idem sit & merx, & pretium mercedis: & quæ res aliarum rerum omnium æstimandarum causa instituta est, ea ipsa eiusve usus æstimetur: l. si ita, 43. D. de fideiuss. l. 3. D. de in lit. iur. Octauum argumentum ex Plutarcho sumi potest, qui in libello aduersus fœnerationem scripto, ait: Fœnus iccirco contra naturam esse, quia ex eo, quod non est, neque vnquam fuit, generatur: cum lege naturæ (inquit) ex nihilo nihil gignatur. Et certè ita se res habet, ut cum pecunia (quemadmodum iam dictum est) permutationis solummodò causa instituta sit, ubi nihil permutatur, iniquum sit pecuniam exigere: Fœnerator autem nihil permutat: quoniam solida ei fors redditur. Ita & pro nihilo & ex nihilo quæstum facit. Deinceps videndum est, quemadmodum superioribus argumentis responderi possit. Ergo quantum ad primum attinet, dicendum est: Pecuniam similisque res, quæ quantitate constant, iccirco cadere in locationem non posse: primum, quia nulli nisi ad



consumendum vsui sunt: l. 3. §. ult. D. commod.  
 Pecunia (inquit Imp.) vsu & assidua permutatio-  
 ne quodammodo extinguitur. §. 2. de vsufr. Vi-  
 num, frumentum, oleum, nullum sine interitu  
 & consumptione vsu præbere possunt. l. 1. D.  
 de vsufruct. ear. rer. Itaque in Mutuo non ad i-  
 dem, sed ad tantundem reddendum obliga-  
 mur. l. 2. D. si cert. pet. At in locatione idem cor-  
 pus eadéque forma reddenda est. l. videamus.  
 II. §. 2. D. locat. Altera causa est, quia non modò  
 locatæ rei tum dominium tum periculum pe-  
 nes locatorem manet, l. 9. §. 1. l. non solet, 39. D.  
 locat. l. in iudicio, 28. C. eod. verumetiam colo-  
 nus mercedem, si qua calamitas acciderit, non  
 debet. Iniquum est (ait textus) præter damnum  
 seminis amissi etiam mercedem exsoluere. l. ex  
 conducto. §. vbicunque, D. eod. At in mutuo  
 non modò pecuniæ dominium & periculum in  
 debitorem transit, verumetiam si & sortem, &  
 insuper operam suam perdiderit. nihilominus  
 sceneratori & sortem & vsuras debet. l. incen-  
 dium, II. C. si cert. pet. Eò accedit, quòd res lo-  
 catæ non modò mobiles vsu conductoris atte-  
 runtur, in quo damnum locatoris manifestum  
 est: verumetiam quædam immobiles: vt prædi-  
 a urbana propter facta tecta census & tributa, o-  
 neri & sumptui domino esse solent: l. ex con-  
 ducto, 15. l. sed addes, 19. §. illud. D. locat. l. 7.  
 D. de public. quæ omnia locum in mutuo non  
 habent. Quare, vt veteres locari & conduci nu-  
 mos dixerint, aut scenus Mercedem Reditum-  
 ve appellarint: tamen id vt translatè & venustè,  
 non

non autem verè, ac propriè dictum, intelligendum est. Nam eodem modo festiua translatione dicebant, Occupare pecuniam, pro Exercere, & scœnori collocare. Cicero pro Flacco: Pecuniam adolescentulo grandi scœnore, fiducia tamen accepta, occupauisti. Et Verrin. 3. Pecunias occuparat apud populos. Ex contrario, Vacare pecuniam dicebant, quæ in arca relinquitur, nec in scœnore, aut prædiorum emptionib. aut mercaturis faciendis occupatur. l. cum plures, 12. in fin. D. de admin. tut. & Vacuam, quasi vacantem pecuniam: in l. quintus, 28. D. de pos. & l. Titius, 24. D. de præsc. verb. quæ aliis locis Otiosa dicitur: velut in l. qui semisses, 13. §. ult. D. de vsur. §. 2. Inst. mandat. Quantum ad secundum argumentum attinet, duplex responsio est: primùm, quod in scœneratione nullum creditoris damnum aut incommodum versatur: quoniam (vt suprà dictum est) scœnus exigitur à creditoribus, etiamsi nihil illorum interfuerat, vsq. caruisse suæ pecuniæ: & solius lucri captandi, non damni compensandi caussa institutum est. alioqui compensatoria vsura esset, non scœnus. l. cum quidam, 17. §. si pupillo. D. h. t. Deinde quod lucrum illud cessans, quod scœneratores sibi interceptum queruntur, & vulgò suum Interesse appellant, incertum fuit: quandoquidem neque mercatura, neque prædiorum comparatio semper feliciter succedit. Quare periniquum esset, incertam lucri spem cum certo ipsius scœnoris lucro commutare. Ad tertium respondendum est: primùm dissimilem esse ra-

tionem debitoris ex causa empti & venditi, & debitoris ex causa mutui. nam ille plerunque, creditore inuito, pecuniã retinet. qua de causa, cum verisimiliter venditoris intersit, usuræ non ad lucrum, sed ad eius, quod propter moram interest, compensationem conceduntur: l. cum quidam, 17. §. si pupilli. infrà. h. t. At hic creditore non modò volente, verumetiam (ut fœneratorum institutum fert) cupiente, pecunia ipsius vitur, in quo non damni cõpensatio, sed apertum lucrum appetitur. d. l. 4. §. ult. D. de pact. & quod officij causa in vita hominum institutum est, ad quæstum conuertitur. contra l. idẽmque, 10. §. si mandauero. & l. ita ut omnes, 26. §. 1. D. mand. Præterea in huiusmodi conventionibus cautio adhibenda esset, videndumque ne fraus legi fieret: si fortè venditor hoc prætextu & colore differendę solutionis usus esset, ut fœnerationem tegeret, l. 3. §. pe. D. ad Maced. Quartum & quintum argumentum, quæ ab auctoritate ducta sunt, contraria auctoritate refelluntur. Nam ut aliquo tempore fœneratorum ars Romæ probata sit, tamen alio tempore pestifera & propè exitialis iudicata est. Itaque videre licet passim in Liuij, Dionysij, Appiani, & aliorum libris seditiones, ciuilesque dissensiones quamplurimas, quæ Rempublicam Romanam, propter fœnerationis incommoda propè funditus euerterunt. Quod verò de cautionatrice dictum est, ita facillimè refellitur. Etsi nundinatio illa cariora ciuib; reddit cibaria, tamen damnum illud, qualecunque sit,

cum

cùm eo commodo compensari, quod ex subita  
rusticorum ad opus suum reuersione compa-  
ratur. Ex scœnatione verò nullum, neque rei-  
publicæ, neque privato cuiquam emolumen-  
tum, sed contra & priuatim & publicè detri-  
mentum affertur: idque quotidiana experientia  
seculis omnib. docuit, in Numulariis qui foro  
cedunt, vt Plautus loquitur: quæ incommoda  
non sine multorum calamitate possunt accide-  
re. Quod etiam Imperator Constantinus suo  
tempore factitatum testatur in l. lex quæ, 22. §.  
vlt. C. de adm. tut. Pecuniæ ipsius, inquit, in qua  
robur omne patrimoniorum veteres posue-  
runt, scœnerandi vsus vix diuturnus, vix conti-  
nuus & stabilis est: quo subsecuto, intercidente  
sepe pecunia, ad nihilum patrimonia deducun-  
tur. Leoni verò philosopho Christiano Impe-  
ratori, & Constantino, & Iustiniano, non mo-  
dò veteris ecclesiæ summum consensum oppo-  
no, ac præsertim synodum Nicenam, verum-  
etiam Scripturæ sacræ auctoritatem: quæ, vt di-  
xi, non modò rodentem & carpentem vsuram,  
verumetiam omnem ad mutuum accessionem,  
incrementum & additamentum damnat: Exod.  
22. & Ezech. 18. quem in locum præclara Theo-  
logi cuiusdam sententia extat, indignam Deo  
fieri contumeliam, si quis neget, eum satis pro-  
uidisse, quæ ad ciuitatem bene ac beatè consti-  
tuendam pertinerent. neque dici potest, con-  
stare ciuitatem sine scœnatione non posse, vt  
non de perfecta Dei sapientia contumeliosè  
detrahatur. Quæ cum ita se habeant, concludi



posse arbitror, cam demum de sortis incremento conventionem probandam esse, in qua ex creditoris parte duo hæc concurrunt: vt neque quæstus caussa ab illo facta sit, & eius intersit, v-  
fu suę pecunię caruisse. ex debitoris autem parte, vt non modò damnum in exercenda pecunia non senserit, verumetiam lucris aliquid per eius pecunię occasionem perceperit. Nam quantum ad societatem attinet, certum est, cam sine lucris & damni communione non consistere. l. si vnus, 67. l. si non fuerint, 29. & l. seq. D. pro soc.

## QVÆSTIO XLI.

*Quę res facti, aut iuris, aut animi esse dicantur, & quanam illarum differentia sit.*

**C**Aussæ facti & iuris & animi multum inter se discrepant, longęque diuersæ ac disiunctæ sunt. Res autem illæ variis de causis, & diuerso respectu sic appellantur. Nam facti dicuntur, quæ naturales sunt, & factum hominis requirunt, neque fictionem vllam admittunt, nullæ autem iure civili infirmari possunt. l. à bello, 12. §. 12. D. de captiu. l. 8. & l. pe. D. de cap. min. l. 1. §. 2. De acq. poss. Iuris causæ dicuntur, quæ non naturaliter, sed iuris intellectu constant, & cum civili iure constitutæ sint, eodem iure perimuntur, eiusque fictionem admittunt. l. 1. §. 2. D. de acquir. poss. d. l. pen. D. de cap. min. Animi autem dicuntur, quæ præter factum animi & affectum facientis requirunt. l. pro herede

rede, 20. D. de acq. hered. Sed quæ facti sunt, interdum animum & voluntatem non desiderant: quæ iuris sunt, omnino etiam animi sunt. l. 1. §. 1. possessionem, 29. D. de acq. poss. l. pro herede, 20. D. de acq. hered. l. si eum qui, 26. D. de don. int. vir. & vxor. unde intelligitur, eâ quæ facti sunt, ad corpus: quæ iuris, ad animum referri. Atque hæc quidem illarum natura & proprietas dici potest: quæ tamen multis modis utilitatis causa, hoc est propter usum fori, ac vitæ communis utilitatem, multis casibus inflectitur. Cuius rei exempla mox proferemus. Nam prius illud scire oportet, Naturalia iam ea dici, quæ ad ius naturæ referuntur: quod fuisse Iuriconsulti statuunt nondum neque gentium, neque civili iure constituto: cum par eademque hominum omnium conditio erat. l. 2. D. de natal. rest. l. 4. D. de iustit. & iur. l. quod attinet, 32. D. de regul. iur. Qua de causa omnia hæc indistinctè in quemvis hominem conveniunt, hoc est, etiam in servum. sic, ut in vnum collata, per alterum impleri non possint. veluti, Tenere, ire, agere, solvere, dare, tradere, eligere, emere, vendere, locare, conducere, hereditatem adire, habitare, alii, heredem institui, pacisci. Nam factum servi, non est factum domini, nec factum filii familias, factum patris: ut posteriùs docebimus. l. quod dicitur, 130. D. de verb. oblig. §. 2. De stip. serv. Hinc Naturaliter ea fieri dicimus, quæ sine vlla iuris civilis fictione, formula, & solennitate sunt, quod Pragmatici dicere solent, Realiter. Veluti, cum naturaliter fieri

solutio dicitur, numeranda, tradendâque pecunia numerata, l. solutam, 49. D. de solut. cui opponitur Acceptilatio, quæ tota iuris intellectu constat, tota ciuilis, atque fictitia est, l. pe. D. de solut. item cum cognatio naturalis dicitur, etiam inter seruos, itémque ex adulterio, incestu, stupro. l. eius qui, 9. D. ad municipal. l. adoptiuus, 14. §. 1. D. de rit. nupt. l. 2. D. vnd. cogn. Ciuilis autem, & fictitia, quæ intellectu constat, quæ sita per adoptionem sine iure naturali: vt ait Modestinus, in l. 4. §. 1. D. de gradib. Sic naturaliter clausæ testamenti tabulæ dicuntur, quæ vulgari, & vsitato modo clausæ sunt, non eo, quem senatus certo ritu & formula instituit: apud Paul. lib. sent. 4. tit. 6. & naturaliter apertæ, quæ quouis modo apertæ sunt, non quomodo senatus decreuit, vt etiam, qui linum tantum incidisset, aperuisse videretur. l. 3. §. aperire, 12. & §. si quis, 14. D. de senat. Silan. Sic Naturalis datio in peculio requiri dicitur, id est, corporalis traditio de manu in manum, non nuda domini voluntas, l. 8. D. de pecul. Atque inde Naturalis possessionis nomen, quæ quia possidentis factum requirit, non nisi rerum corporalium, & singularum esse potest. l. 3. & l. cum heredes, 23. D. de acquir. possess. l. 3. §. 1. D. de bon. possess. Indidem etiam Naturalis obligationis vocabulum, l. si quod, 64. D. de cond. indeb. l. serui, 14. D. de obligat. & act. quæ ad eò personæ hominis cohæret, vt iure ciuili, puta, per capitis minutionem, non extinguatur. l. 2. §. 2. & l. eas, 8. D. de cap. min. Quapropter S. C. Macedonianum  
vetar

vetare non potuit, quominus filiusf. ex pecunia mutuo sumpta, naturaliter obligetur, atq; adeò post sui iuris adeptionem obligatus maneat. l. quia, 10. D. ad Maced. Denique quæ naturalia sunt, & facti esse dicuntur, indistinctè in quemvis hominem conveniunt: hoc est, etiam servum, & pupillum & infantem. l. i. §. i. & §. 3. & §. ceterum, 7. & l. possessionem, 29. l. quamvis, 32. §. 2. D. de acquir. possess. l. quod dicitur, 130. l. stipulatio, 38. §. hæc quoque, D. de verb. obligat. &, quemadmodum superius diximus, quæ facti sunt, ad corpus referuntur: quæ iuris, ad animum. Sed hæc differentiæ, ac definitiones, aliquot exemplis illustrandæ sunt, quorum hoc PRIMVM est: TRADITIO, siue DATIO dicitur esse facti. l. 7. §. 3. D. de cur. furios. l. quæ heredi, 44. D. de condit. & demonstrat. Ergo naturaliter intelligitur, vt de manu in manum fiat corporaliter. auctore Paul. sentent. 5. tit. de don. 11. §. i. qua de causa seruo dare iussus, domino dando non liberatur. imò heredi scripto dare iussus, seruo heredi scripto, non ipsius domino dare debet. quoniam (ait Paulus) ea quæ facti sunt, non trãseunt ad dominum. d. l. 44. Ac pari modo servus, aut filiusfam. electionem sibi stipulatus, ipsemet eligere debet, nec patri aut domino electio permittitur. l. si stipulatus, 76. l. si servus, 141. l. ult. D. de verb. obl. l. Stichum, 95. §. Vsumfructum, D. de solut. SECUNDVM exemplum est in possessione, tametsi duo hæc inter se conferuntur, quandoquidem acquiri possessio ab altero, sine ipsius traditione, non potest. Ergo



POSSESSIO plurimum facti habere dicitur: quoniam ex quorundam sententia in ea tum acquirenda, tum retinenda, corporalis detentio requiritur. l. denique, 19. D. ex quib. caus. maior. ubi Papinianus apertè disputat, possessionem solo animo non retineri: cum ait, eum qui ab hostib. captus est, amittere possessionem, neque fictioni postliminij locum dari, ut eam animo continuasse intelligatur. ac pari ratione possessio magis est facti, quàm iuris: ait l. 1. §. adipiscimur, D. de acquir. possess. l. stipulatio, 38. §. hi qui sunt, D. de verb. obligat. imo magis facti & corporis, quàm animi & iuris: l. possessionem, 29. D. de acquirenda possessione. l. si eum, 26. D. de donation. inter vir. Naturaliter igitur intelligenda est, unde naturaliter acquiri dicitur. l. ea quæ, 53. D. de acquirendo rerum dominio. ac proinde non nisi corporalium, & singularum rerum esse potest. l. qui vniuersas, 30. D. de acquirenda possess. l. 3. §. 1. D. de bon. pos. quia factum possidendi requiritur, quæ de causa hereditas possidere posse negatur. l. 1. §. Scauola. D. si is qui test. lib. non utique tamè apprehendenda possessio est manibus, aut pedibus, & tactu: sed tantum oculis & aspectu. Sic enim locum illum legendum arbitror, non (ut Vulgo scriptus est) ACTV & AFFECTV. l. 1. §. pen. D. de acqu. possess. Fictionem præterea possessio non admittit: quæ de causa qui possidet, sibi, non alteri possidet. adeo ut fructuarius non possidere dicatur. l. acquiruntur, 10. §. ult. D. de acq. rer. domin. l. ult. D. de acquir. possess. l. 1. §. quod ait. D. quod

D. quod legat. atque iccirco nec possessio sua natura per alterū . alteri acquiri potest , vt mox dicemus: nec fictione vlla retineri. qua de causa per captiuitatem interrupta postliminij fictione non restituitur. d. l. denique. & l. in bello. 12. §. 2. D. de captiu. l. cum hered. 23. §. 1. D. de acq. possil. si is qui, 15. D. de vsurp. Sed hoc quidem modo, vt antè dixi, subtiliter & verè, proprièque de Traditionis, Dationis, Possessionis natura disputantur. Vtilitatis autem causa Iurisconsultos coegit, earum naturam interdum inflectere, atque ingenuè fateri, possessionem interdum plurimum iuris habere, & solo animo, ac solo iuris intellectu constare, neq; corporis tantum esse, sed etiam iuris, id est, dominij. nam Imp. Constantin. Nemo ambigit, inquit, possessionis duplicem esse rationem: aliam quæ iure consistit, aliam quæ corpore. l. nemo; 10. C. de acq. pos. quod idem traditur in l. possessio quoque, 49. D. e. l. i. §. interdictum. 13. D. de vi & vi arm. nam, exempli causa, possessio creditoris corporale pignus possidentis, naturalis quidem appellatur. l. 3. §. vlt. D. ad exhib. ac proinde facti est: sed tamen adeo iuris est & animi vt rem debitori & locare & precario concedere possit. l. cum & sortis, 35. §. vlt. D. de pig. act. Quinetiam possessio quædam dicitur esse iuris, siue animi: hoc est, non facti, & corporis: nempe quæ animo solo retinetur. d. l. i. §. interdictum, 13. & §. sequ. D. de vi & vi arm. l. 3. §. salutus. D. de acq. pos. l. 4. C. eod. §. quinetiam, Inst. de interdict. & apud Paul. Sent. §. tit. 2. vnde e-

tiam fictionem admittit. Nam utilitatis causa contra ipsius naturam receptum est, primum, ut per alterum acquiri alteri possit, ut Paulus eodem loco scribit: & traditur in l. traditio, 20. in fin. D. de acquir. rer. dom. l. 1. l. 8. C. de acquirēd. possess. Deinde, ut heres dicatur suam portionem retinere, ubi legatarius totum legatū possidet. l. 1. §. 3. D. quod legat. tum ut proprietarius per colonum, aut inquilinum possideat. l. 24. l. seq. D. de acq. poss. item per depositarium, & commodatarium. l. 17. §. 1. D. de pos. l. 8. D. commod. quid amplius? quamvis regula iuris sit, ut possessio non nisi animo simul & corpore acquiratur, quemadmodum supra demonstratum est, tamen utilitatis causa inductum est, ut & sine animo & sine corpore acquiratur: ignorantibus scilicet, & absenti. l. si me, 34. §. ult. D. de acq. poss. l. nunquam, 31. §. si servus, D. de usurp. Simul intelligimus, cur adeptio possessionis dicatur esse facti: Acquisitio verò facti & iuris. nam in acquirendo tria requiruntur: primum, titulus, hoc est, iusta dominij acquirendi causa. l. nunquam, 31. D. de acquir. rer. dom. deinde naturalis apprehensio, siue detensio corporalis. l. 3. §. 1. l. 8. D. de acquir. poss. l. 3. §. 1. De bonor. possess. postremo, animus, & affectus possidendi. d. l. 8. & l. qui iure. 41. D. de acquir. poss. ac pari modo, quamvis Traditio verè proprièque sit facti, & planè naturalis, & corporaliter fiat, tamen eiusdem utilitatis causa interdum ipsius natura inflectitur, ut tota iuris civilis sit, & fictione, atq; imaginatione constet. Veluti, cum  
poss

possessio prius naturaliter, & corporaliter alia ex causa apprehensa, nunc posterioris nouæ causæ fictione cumulatur, cuius rei exempla passim extant. l. §. vlt. D. de donat. int. vir. & vx. l. licet, 43. §. 1. D. de iur. dot. l. non statim, 8. D. de pecul. l. 8. §. interest. l. si seruus, 21. §. 1. D. de acq. rerum dominio. l. 9. §. D. de Publician. l. 3. §. vlt. D. de acquir. possess. l. quædam, 77. D. de rei vindic. l. si rem. 62. D. de euiction. item cum possessionis causæ conuentione partium separantur. veluti, cum inter absentis rei donatorem, & donatarium conuenit, vt eam donator conductam habeat, vel vsumfructum retineat. d. l. quædam, & l. quisquis, 28. D. de donat. item cum instrumentum absentis rei, pro ipsius rei donatione traditur. l. 1. C. de donat. aut clauis pro frumento in horreo proximo, vel pro vino, in cella proxima. l. 1. §. pen. l. quorundam, D. de acquir. possess. l. clauibus, 74. D. de contrah. empt. aut cum vinum traditionis loco degustatur. l. 1. l. 4. D. de peric. & commod. Denique ne quid dissimulem, & publicè utilitatis maiorem quam Triboniani existimationis rationem habeam non celabo studiosos, controuersum hoc ius inter Proculianos & Sabinianos fuisse: cum illi solo animo in possessione acquirenda contenti essent, hi etiam factum ipsum & corporalem detentionem requirerent. l. 3. §. Neratius. D. de acq. her. neque vlli nugatori auscultandum est, qui hoc inficiari audeat. ac pari ratione videmus Paulum qui lib. 54. ad edictum scripserat, possessionem animo solo amitti, quamuis cor-



pore insistatur: l. 3. §. in amittēda, D. de acq. pos. eodem lib. 65. scripsisse possessionem non nisi corpore & animo amitti. SECVNDVM exemplum est de pacto, & stipulatione. Nam in PACTO factum versari dicitur, in stipulatione, ius, l. 27. §. pactus, D. de pact. atque ob id pacto solo naturali iure niti dicuntur, quia iuris civilis auctoritate destituta sunt, nec nisi naturalem obligationem vel pariunt, vel extinguunt. l. 5. §. 2. l. Stichum, 95. §. naturalis, D. de sol. deinde personam non mutant. Nam quæ personalia sunt, ne heredibus quidem profunt. l. idem, 25. §. 1. D. de pact. Neque obstat, quod dicitur, pactum filij patri prodesse. l. 17. §. ult. & ll. seqq. D. eod. aut pactum defuncti heredi prodesse. l. 9. D. de probat. quoniam ex Pedij disciplina magis spectari oportet, quid actum sit (hoc est, quæ mens paciscentium fuerit) quàm quæ persona inter ipsos nominata sit. l. 7. §. pactorum, D. de pact. l. 3. §. 2. D. de lib. leg. quod tamen, quoniam interdum obscurum est in controuerso iure apud Iurisconsultos mansit: ut apparet ex l. qui in futurum. 57. D. de pact. Porro neque in pacto fictionem admitti, neque illud iure civili infirmari, patet ex eo, quod factum à filiofam. etiam ipsi emancipato prodest: factum à seruo, etiam eidem manumisso vtilitatem affert. l. 7. §. si antè, D. eod. At ex contrario, STIPVLATIO in iure consistere, ac tota civilis esse dicitur, & per eam civiliter acquiri. l. ea quæ, 53. D. de acquir. rer. domin. Qua de causa neque personæ cohæret, & iure civili perimitur: quemadmodum in ser-

uorum obligationibus mox docebimus. TERTIVM enim exemplum ex OBLIGATIONE SERVORVM proferemus: in qua factum versari dicitur, hoc est, naturalis obligationis nexus. l. nec servus, 41. D. de pecul. quoniam iuris civilis auctoritate destituta, ad vetustum illud naturæ ius refertur, quod superius ostendimus: cum omnes homines pari iure, & conditione utebantur, neque alij servi, alij liberi erant, sed omnes equabiliter vno, & communi nomine Homines appellabatur. l. 4. D. de iustit. & iur. qua de causa passim in libris nostris servus domino, vicissimque dominus servo, itemque cuius extraneo servus naturaliter obligari dicitur: adeo ut vel manumisso vel à manumisso solutum non reperatur. l. si tuo, 38. De solut. l. ser. 14. l. naturales, l. 10. l. obligari, 43. D. de obl. & act. l. ult. §. vi. D. ad Velleian. ac ne à domino quidem. l. naturalis, 13. l. si quod dominus. 64. D. de condict. inde. l. quod servus. 35. D. de solut. quod idem de filiisfam. obligatione dicitur, ut post capitis minutionem nihilominus naturaliter obligatus maneat. l. 2. §. 2. D. de cap. mi. Nam in causis facti, quia naturaliter spectantur, vulgatæ illi fictioni locus non est, qua dicimus, domini & servi, patris & filij vnam eandemque personam censer. l. frater. D. de cond. indeb. & quod patri debetur, filio deberi: vicissimque quod filio debetur, patri deberi. l. si cum filio, 9. D. de compensat. quod pater filio stipulatus est, sibi stipulatum intelligi. l. 39. l. 56. §. 2. l. 130. D. de verb. oblig. l. 2. C. de cont. stipul. Item hominem ma-

numissum, nouum hominem videri. l. seruus, 27 D. de adim. legat. quin potius diuersæ personæ, & omnes pari libertatis iure & conditione censentur. d. l. 64. D. de cond. indeb. At ex contrario, liberi hominis: hoc est, ciuis R. obligatio dicitur esse iuris, & iniure consistere. l. i. §. i. D. de rer. diuis. definitur etiam iuris ciuilis vinculum. §. i. D. de oblig. l. contractus, 54. D. de obl. & act. ac proinde personæ mutationem ferre si ius in alteram personam transierit, potest. namque obligationes à defuncto in heredes fictione, & tacito intellectu transeunt. l. i. vt act. ab hered. l. ex contractibus, 49. D. de oblig. & act. Vnde fictionem admittere intelliguntur: quoniam & obligatio, & persona defuncti, & heredis, vna eademque censetur. l. cum à matre, 14. C. de rei vind. postremò iure ciuili huiusmodi obligationes infirmantur: quia per capitis minutionem perimuntur. l. quoties, 14. in fin. D. de nouat. l. si ita, 126. §. 2. D. de verbor. obligat.

QVARTVM exemplum est, in seruitute & vsu seruitutis. Nam VSUS SERVITVTIS est facti, seruitus ipsa iuris est. l. 5. D. de verb. obl. Nam vsus seruitutis est factum ipsum euntis, agentis, aquam ducentis, vtentis fruuentis. Neque sine facto eius, qui vtitur, consistere seruitus potest. l. i. D. quand. dies leg. vsuf. ced. personæ autem adeò cohæret, vt seruus eundi agendi facultatem sibi stipulatus, soli non domino acquirat: solus ipse prohiberi non possit, ne vtatur: nam dominus ipse prohiberi potest. §. 2. de stipul. seruor. l. stipulatio, 38. §. hi qui sunt. l. quod dicitur

tur, 130. D. de verb. oblig. postremò iure ciuili non infirmatur. Nam etiam post manumissionem perseuerat : vt superiùs de seruorum obligationibus diximus. Per contrarium **SERVITVS** in iure, vt diximus, consistit, qua de causa per actionem in rem vindicatur. l. 1. & pass. D. si seru. vind. neque personæ cohæret, sed vendi, donari, legari, & quouis modo alienari in alterum potest. Fictione autem admittere, vel ex eo intelligi potest, quod si pater se arrogari passus sit, in arrogatorem, seruitutis dominium æquè vt aliud ius quoduis transiit. l. si arrogatur, 15. D. de adop. vbi tamen seruitutem solus arrogatus poterit : quia seruitutis vsus personalis est : vt superius diximus. Quinetiam differentia inter vsum seruitutis, & ipsam seruitutem notari aliter potest nimirum in homine libero. Nam vsus seruitutis personæ cohæret, seruitus ipsa prædii. l. quid aliud, 86. D. de ver. sig. l. si aquæ, 47. De contr. empt. l. qui fund. 12. D. quem. seruit. amit. Itaque diuersæ actiones iis de causis comparatæ sunt. l. 2. §. vlt. D. si seru. vind. Illius nomine interdictum possessorium, de itinere actûque priuato. Vti hoc anno, nec vi nec clam, nec precario itinere vsus es. l. 1. D. de it. act. pr. per quod quæritur tantum, an vsus sit hoc anno : non etiam vtrum iure an iniuria ? quippe, cum omnis controuersia in facto consistat, non in iure. Vsus enim seruitutis non est ius, sed possessio, & factum. At seruitutis nomine ciuilis actio confessoria comparata est : AIO mihi ius esse cundi agendi per tuum fundum. l. 2. in



fin. D. si seruit. vind. ob eamque rem, quamuis fructuarius vindicare sibi seruitutem itineris non possit, quia ius seruitutis non potest esse, nisi proprietarij, potest tamen agere illo interdicto possessorio: quia potest vti seruitute, quamuis seruitutem non habeat. quippe, cum vtatur non suo nomine, sed pro alieno iure. l. vfu, 20. & seqq. D. quemadmodum seru. amitt. imò nec proprietarius propter factum fructuarij illo interdicto vti potest, quia factum personæ cohæret, nec personam egreditur. d. l. 2. §. vlt. D. si seruit. vindic. QVINTVM exemplum est in hereditate, & eius aditione. Nam HEREDITAS dicitur in iure consistere. l. 1. D. de rer. diu. At eius ADITIO dicitur esse facti. l. pro herede, 20. l. aditio, 455. D. de acq. hered. qua de causa factum heredis requirit, eiusque personæ ita cohæret, vt siue filiusfam. siue adeò seruus heres institutus, ipsemet adire debeat. Pater enim, & dominus ad eundo nihil agit. l. antistius, 62. §. 1. D. eod. l. 3. l. qui liberis, 8. §. vlt. D. de vulg. substit. l. 1. in prin. & §. 1. D. si quis omiff. causf. test. qua de causa si is cui seruus suus substitutus est, seruum suum adire iubeat, testamenti causfam omiffisse, & legata ab utroque relicta debere dicitur. l. cui seruus, 25. D. si quis omiff. causf. test. Et si autem facti est hereditatis aditio, tamen pro herede gestio animi, imò magis animi quam facti esse dicitur: quippe quæ animum & affectionem heredis requirit. l. pro herede, 20. l. gerit, 83. D. de acq. her. l. 1. C. de rep. hered. Etenim post aditionem confestim hereditas patri aut domino acq

acquiritur, tamen seruus, & filius nudum heredis nomen retinent, & dicuntur heredes sine re. d. l. 3. De vulg. subst. Fictionem præterea non recipit: atque ideo iussus patris aut domini, qui in aditione filij, seruiue requiritur, præcedere aditionem debet. Nam ratihabitio, quæ posterius tempus ad præteritum retrahit, non admittitur. l. si quis mihi. 25. §. 3. D. de acq. hered. l. pen. D. de rem rat. hab. Iure autem ciuili non infirmatur: quia etiam post emancipationem, & manumissionem nudum heredis nomen retinent. Per contrarium HEREDITAS, quia iuris ciuilis est. §. 3. de bon. poss. primùm etiam sine vlllo rei corpore iuris intellectum habet. l. hereditas. 50. de hered. pet. l. hereditatis. 119. De verb. sign. deinde fictionem & personæ mutationem admittit. l. placet. 79. de acq. hered. postremò iure ciuili infirmatur, quia capitis minutione amittitur. l. 1. §. capitis, D. ad Tertyll. l. 7. D. de cap. min. SEXTVM exemplum est in bonorum possessione. Nam BONORVM possessio dicitur esse iuris, & sine vlla corporali detentione consistere. qua de causa vniuersitatem quæ sensibus comprehendi non potest, animo & intellectu complectitur. l. 3. §. 1. D. de bon. poss. & d. l. 119. l. 208. De verb. sign. at eius AGNITIO est facti. l. 3. §. acquirere, D. de acq. hered. Itaque personæ cohæret, neque ad heredem eius, qui ante agnitionem mortuus est, transmittitur. l. 7. & l. bonorum, 24. D. rem rat. hab. neque fictionem admittit: quia ratihabitio in ea, post tempora petitioni præstituta, inuti-

liter adhibetur. d. l. bonorum & l. vltim. D. quis ord. in bon. possess. postremò iure ciuili non infirmatur. Nam si emancipatus bonorum possessionem patris petit, quamuis postea statum suum mutet, tamen id, quod acquisiuit, retinet. l. vlt. D. si tab. test. null. Per contrarium verò Bonorum possessio dicitur esse iuris: atque iccirco neque personæ cohæret, quia semel agnita ad heredem transmittitur, ac proinde fictionem admittit. d. l. 3. §. acquirere. Iure autem prætorio, à quo introducta est, infirmatur, quia per capitis minutionem amittitur. l. 3. D. vnde cog. SEPTIMVM exemplum sumi licebit ex institutione & substitutione. Nam INSTITVTIO & substitutio heredis dicuntur esse facti. l. sed si plures, 10. D. de vulg. subst. quamuis hereditas in iure consistat, vt modò dicebamus. Itaque serui etiam heredes instituuntur: & quamuis confestim domino, cuius iussu adierint, acquirant, tamen nudum heredis nomen retineant. d. l. 3. D. eodem. Pari etiam ratione ad heredem heredis institutio non transmittitur: cum tamen adita hereditas transmittatur, l. 3. l. 7. C. de iure deliber. & ratio perspicua est: quoniam institutio in personam certam, & certo iudicio conferitur. Heres autem heredis incerta persona est. l. sciendum, 70. D. de verb. signifi. OCTAVVM exemplū suppeditat LEGATVM ANNVM: quod certæ pecuniæ, aut vestiarij caussa relictum est, aut habitationis. Nam hæc omnia facti esse dicuntur. l. pen. D. de cap. min. Naturaliter igitur intelligenda sunt, vt nihil in iis ius ciuile valeat

leat. Nam cui relinquūtur, ei relinquuntur tanquam homini simpliciter, non tanquam ciui, aut deportato, aut seruo vel libero, aut filiof. aut patrif. sed, vt dixi, vt hominis victui & cultui cōsultatur. Itaque seruis atque adeo in metallum damnatis relinqui solent. l. si seruus, 16. D. de an. legat. l. 3. D. de his quæ pro non script. l. is cui, 11. D. de alim. & cib. leg. Certæ igitur personæ sic assignantur. vt ei soli præstari debeant: seruo, puta, non domino: filio, non patri-fam. l. si habitatio, 9. D. quan. dies leg. ced. quia testator eam personam specialiter intuitus esse censetur. Quare cū illa persona naturaliter spectanda sit, nihil ei capitis minutio nocebit. d. l. pen. De cap. minut. neque enim prioris status mutatio facit vlla ex parte personam illam deficere. At mors naturalis contingens, quia facit personam deficere iccirco legatū hoc, quantumuis agnitum, extinguit, neque ad ipsius heredem transire patitur: quia ius non continet, sed factum duntaxat. d. l. pen. & l. in singul. 8. D. de ann. leg. Atque hoc nimirum est, quod de hoc legatorum genere Papinianus scribit, persona deficiente, caussam præstandi legati annui videri extinctam. l. firmio, 26. in fin. D. quand. dies leg. ced. Per contrarium autem, legata, quibus ius continetur, semel agnita, legatarij morte non extinguuntur: quia non specialiter, & absceisè personam ipsius testator spectauit: sed dominium ad ipsum & ipsius heredes transire voluit. l. 1. §. in nouis. C. de caduc. tol. l. in annalibus, 22. C. de legat. Neq; mouet, quod le-



gatarius negatur esse iuris successor, l. 9. §. 1. D. de edend. §. legatariis, Instit. de test. ordin. Nam hoc dici constat ad differentiam heredis, qui onerum successor est, cum legatarius merum lucrum auferat. l. si hereditate, 32. D. mandat. Itaque alij legatorum capaces dicuntur, alij incapaces. Legata denique capitis minutione perimuntur. l. si cognatis, 19. D. de reb. dub. l. intercedit, 59. D. de cond. & demonstr. l. liber, 59. §. si heres, D. de hered. instit. NONVM exemplum est, in usu ædium & habitatione: quæ multum inter se discrepant. Nam HABITATIO facti esse dicitur. l. pen. D. de cap. min. atque iccirco factum ipsum habitandi requirit, & ab eo ipso, cui concessa est, ut per alium habitare non possit. l. 4. l. 8. D. de usu & habitat. adeo, ut seruo vel filio concessa, domino vel patri non debeatur. l. si habitatio, 9. D. quand. dies legat. ced. quoniam, ut de alimentis diximus, intelligitur simpliciter, & naturaliter homini concessa, non tãquam civi, aut filio, seruo, aut libero: qua de causâ neque manumissione, neque capitis minutione perimitur: sed sola naturali morte, qua homo ille naturaliter extinguitur, neque ad ipsius heredem transit. l. si habitatio, 10. & l. seq. D. de usu & habit. d. l. penul. De capit. minut. Per contrarium vsus domus in iure consistit. l. 1. §. 2. D. de rer. diuis. atque à iure civili formam habet, æquè, ut aliæ servitutes omnes: ac proinde filio seruoque legatus confestim ad patrem aut dominum transit. l. filio, 17. D. de usu & habit. neque dubium est, quin pari ratione ad heredem trãsiret,

iret, nisi aliter speciali iure prouisum esset, ne  
proprietas in perpetuum inutilis maneret. l. 3. §.  
2. D. de usufruct. Quapropter eodem civili iure  
infirmatur: veluti capitis minutione. §. primo,  
Instit. de usu & habit. l. prima, D. quemadmod.  
usufruct. amitt. DECIMUM exemplum est in o-  
PERIS seruorum: quæ in actu, hoc est, in mini-  
sterio eorum consistere dicuntur. l. 1. D. de oper.  
seru. non enim iuris sunt atque domini, vt vin-  
dicari possint, sed dominus obligatus est eas  
præstare, atque ideo personali tantum actione  
agi cum eo potest. Serui autem personæ sic  
coherent, vt eo mortuo pereant stipulatori.  
Sed si in decem annos stipulatæ sint, stipulato-  
re ante id tempus mortuo, obligatio usque ad  
id tempus ad stipulatoris heredem transeat. l.  
quæsitum, 37. D. de usufruct. item vt omnes o-  
peræ fabriles, quæ pecuniariter æstimantur. l. 6.  
l. 9. D. de oper. libert. Iure autem civili, hoc est,  
capitis minutione, non finiuntur. l. 2. D. de o-  
per. lib. l. 2. D. de usufruct. leg. Per contrarium,  
usus serui iuris est: vt superius docuimus. In o-  
peris tamen officialibus, quas liberti patronis  
præstant, alia ratio est. Harum enim hoc pro-  
prium est, vt non nisi tanquam à liberto, nec  
nisi tanquam patrono præstentur. l. 9. D. de o-  
per. libert. Qua de causa ita personales sunt,  
vt illius personæ ac status mutationem ferre  
nō possint: ac proinde siue patronus esse desie-  
rit, nimirum capitis deminutione media, siue  
libertus minima, earum obligatio extinguitur.  
l. operæ. 9. D. de oper. libert. l. 4. l. siue patronus,

21. D. de iur. patron. l. sed si, 10. §. 2. D. de in ius  
 vocand. l. libertus, 23. l. patroni, 39. D. de bon. li-  
 bert. VNDECIMVM exemplum erit ex venditio-  
 ne, ac proinde etiam ex locatione, conductio-  
 ne, mutuo, eiusdémque generis contractibus.  
 Nam VENDITIO à Iuliano dicitur esse facti ma-  
 gis, quàm iuris, l. 7. §. 3. D. de cur. fur. Sed huius  
 dicti causam requiro. Accursius notat facti  
 venditionem esse, hoc est, tutoriæ administra-  
 tionis, non vllius negotij ab administratione a-  
 lienæ: quod meo iudicio refutatione indignum  
 est. Quærebatur enim, an valeret venditio fun-  
 di facta legitimè ab vno ex pluribus furiosi cu-  
 ratoribus? Dubitandi causa hæc erat, quia iure  
 antiquo, vbi plures curatores erant, cunctorum  
 consensus atque auctoritas requirebatur. l. pen.  
 C. de auct. præst. Sed Iulianus ait, eatenus ven-  
 ditionem valere, quatenus facti est, non iuris:  
 hoc est, simplex factum esse curatoris venden-  
 tis, quod ius & dominium rei venditæ pupillo  
 non adimit, nec rem à furioso alienat, non ma-  
 gis, quàm facta cuiusvis alterius alienæ rei ven-  
 ditio. l. rem alienam, 29. D. de contrah. empt. v-  
 bi cum Vlp. ait venditionem rei alienæ esse qui-  
 dem venditionem, sed rem emptori non au-  
 ferri: hoc ipsum, quod modò diximus, signifi-  
 cat: eiusmodi nempe venditionem, non esse a-  
 lienationem: quia magis facti est, quàm iuris.  
 Possessionem igitur & vfucapiendi causam  
 præbere, dominium non transferre. l. Iulianus,  
 17. in fin. D. de rei vindi. DVODECIMVM exem-  
 plum in quo modum huic disputationi impo-  
 nem

nemus, erit SOLVTIO: quam Iulianus eodem illo loco scribit magis esse facti, quàm iuris. Sed eadem mente atque sententia, quam modò exposuimus. nam hoc si simpliciter diceretur, apertè falsum esset: cum inter omnes constet, solutione numerum contineri liberationem, & civilem, & naturalem ab obligatione tum naturali, tum civili, idque ipso iure. l. ult. C. ad exhib. l. ult. C. de solut. §. 1. Quib. mod. oblig. toll. neque ad simplex factum, id est, numerum dinumerationem referri, sed ad debitoris liberationem. l. solutionis, §. 4. l. pen. D. de solut. §. 2. De excep. Sed Iulianus in quæstione superiori simillima, An rectè vni ex pluribus furiosi curatorib. solvatur, respondet, rectè solui: quod idem etiam Vlpian. affirmat, in l. quod si fortè, 14. §. siue autem, D. de solut. Verùm Iulianus præter Vlpianum insuper ascribit, magis ad factum, quàm ad ius, & soluentis liberationem, eam solutionem valere. quomodo? nimirum, vt si alter curator à debitore pecuniam eadem petere instituat, exceptione submouebatur, NISI ea solutio in utilitatem pupilli cesserit. argum. l. quarta, de exceptio. l. quarta, §. si quis pupillo, D. de dol. except. l. non omnis, 19. §. ult. D. si cert. pet. l. quod si, 14. §. ult. l. pupillo, 15. l. in pupillo, 47. D. de solutionib. Itaque non incommodè dici posse existimarem, acceptilationem vulgarem, in quam obligatio re aut consensu contracta deducta est, non esse iuris, sed facti: quia non ipso iure debitorem liberat, sed per doli, aut pacti exceptionem. l. an inutilis, 8. l. si acceptolatum, 19. D.



de acceptil. l. cum emptor, §. D. de rescind. vendit. sicuti superius diximus pactum de non petendo facti esse, non iuris. sed Aquiliana acceptilatio, quia re & consensu contractas obligationes in verborum obligationem deducit ac nouat, quoniam ipso iure obligationem extinguit, iccirco non dubium est, quin ad iuris causas referenda sit. l. si ex pluribus, 16. D. de acceptilat. l. quarta, D. de transact.

## QVÆSTIO XLII.

*Quaratione pœna in vindicando multitudinis delicto temperanda sit.*

**H**Æc quæstio vulgò à Doctorib. sic effertur, Quomodo vniuersitas ex delicto obligetur. Sed aliud est Vniuersitas, aliud multitudo: nam omnis quidem Vniuersitas est multitudo: veluti populus, curia, collegium, corpus, societas. l. metum, 9. §. animaduertendum, D. quod met. caus. l. 1. & pass. D. quod cuiusq; vniuersit. At non omnis multitudo, non omnis cœtus, est vniuersitas: sed is demum, qui iure aliquo continetur. veluti qui vni imperio vnique legibus paret. qua de causa M. Tullius in libris de Repub. Populum definit, non omnem cœtum multitudinis, sed cœtum iuris consensu & vtilitatis communionem sociatum. quippe, cum Cœtus dici etiam soleat de coneurso, seditione, turba, & quauis alia multitudine, non iure congregata. l. qui cœtus, §. D. de vi publi. l. 4. D. de vi priuat. Dupliciter igitur hanc quæstionem tractabimus

bimus: ac priore quidem loco summam de  
quouis cœtu & multitudine, posterius autem  
distinctè de singulis disceremus. In vindicando  
multitudinis delicto triplex fuisse veterum in-  
stitutum animaduerto. interdum enim sump-  
tum de vniuersis supplicium video, interdum  
de solis principibus atque auctoribus sceleris:  
nonnunquam ad minuendam seueritatem sor-  
tem adhibitam fuisse. Primi instituti exempla  
hæc extant. Livius lib. 38. Rhegium quondam  
in præsidium missa legio interfectis per scelus  
principibus ciuitatis urbem opulentam per de-  
cem annos tenuit. propter quod facinus tota  
legio, millia hominum quatuor, in foro Roma-  
no securi percussi sunt. quam eandem rem Epit.  
15. his tradit verbis: Legio Campana, quæ Rhe-  
gium occupauerat, obsessa, deditioe facta, se-  
curi percussa est. Iul. Front. Stratag. 4. C. Curio  
Cōsul, inquit, bello quodam circa Dyrrachium,  
cū ex quinque legionib. vna seditione facta  
militiam detrectasset, secuturamque se temeri-  
tatem Ducis in expeditionem asperam & insi-  
diosam negasset, quatuor legiones eduxit ar-  
matas, & consistere ordinibus detectis armis,  
velut in acie iussit: posthæc seditiosam legio-  
nem inermem procedere, distinctamq; in con-  
spectu armati exercitus stramenta coegit seca-  
re: postero autem die, similiter fossam discin-  
ctos milites facere: nullisque precibus legio-  
nis ab eo impetrari potuit, ne signa eius sum-  
mitteret, nomēque aboleret: milites autem in  
supplemētum ceterarum legionum distribue-

ret. Sueton. Iulio c. 69. Nonam legionem, quam adhuc in armis Pompeius esset, totam cum ignominia missam fecit: ægræq; post multas & supplices preces, nec nisi exacta de fontibus. pœna, restituit. Idem Augu. c. 24. Decimam legionem contumacius parentem cum ignominia totam dimisit. Lamprid. in Alex. Seuer. Sæpe exauctorauit integras legiones hac formula, Quirites discedite, atque arma deponite. Pari ratione Cyziceni, qui seditione facta Romanos ciues interfecerant, itémque Tyrij & Sidonij in seruitutem eiusdem Augusti Imperio subacti sunt: sicuti Dio lib. 54. & 57. testatur. sed eius rei exempla non pauca Cæsaris de bell. Gall. commentarij suppeditant. Atque hæc quidem primi, vt dixi, instituti exempla sunt, ex innumeris perpauca: quorum æquissima, vt videtur, ratio hæc afferri potest, quæ his iuris regulis continetur: Quod à pluribus pro indiuiso commissum est, singulos in solidum obligat. l. semper, 15. §. 2. D. quod vi aut cl. Quæ pœna delictis imposita est, si plures deliquerint, à singulis in solidum debetur. l. item Mela, 11. §. 2. D. ad leg. Aquil. Quod in partes diuidi non potest, ab omnibus quodammodo factum videtur. l. 4. D. de verb. obl. & secundum illas iuris regulas, si plures fures coniunctis operis tignum aliquod grauius sustulerint, singuli in pœnam tenentur. l. vulgaris, 21. §. vlt. D. de furt. l. tres tutores, 55. D. de admin. tut. l. 1. C. de condict. furt. l. 1. §. vlt. D. si is qui test. lib. l. vlt. D. de sicar. pari modo si cuius familia prætoris album corruperit, domi-

nus pro singulis seruis singulas multas exsoluit. l. si familia, 9. D. de iurisd. & similiter si plures serui iniuriam fecerint, tot iniuriæ numerantur, quot eorum personæ fuerint. l. si plures; 33. D. de iniur. Vna tantum & singularis causa excipitur, ex furto & damno iniuria, ex edicto Si familia furt. feciss. dic. & causa hæc profertur æquissima, ne dominus ob seruorum nequitiam fortunis evertatur: ne in seruorum nequam potestate positum sit, dominum vniuersa sua familia priuare. l. 1. D. si famil. furt. feciss.

Venio iam ad secundum institutum, vt de solis auctoribus, ac principib. sceleris pœna exigatur. cuius rei exemplum extat insigne in supplicio de Campanis sumpto, apud Liuium lib. 36. Capuam, inquit, à Calibus reditum est. ibi in eos qui capita rerum erant animaduersum. Ita septuaginta Principes Senatus interfecti, trecenti fermè nobiles Campani in carcerem conditi. Et paulò post, Seuerè & celeriter in maximè noxios animaduersum. Alterum extat de Soranis apud eundem Liuium lib. 9. Iam Sora capta erat, cùm Consules prima luce aduenere, & quos reliquos fortuna ex nocturna cæde ac fuga fecerat, in deditionem accipiunt. ex his ccxxv. qui omnium consensu destinabantur, & infandæ colonorum cædis & defectionis auctores vinctos Romam deducunt. ceteram multitudinem incolumem præsidio imposito Soræ relinquunt. Omnes qui Romam deducti erant, virgis in foro cæsi ac securi percussi. Tertium extat apud Ciceronem Verr. 3. vbi cum de C.



Verris flagitio, commemorasset, Lampface-  
nam ciuitatem domum Verris circumsedisse,  
sarmen-  
ta circundedit, lictorem ipsius Corne-  
lium in turba interfecisse: ita concludit: Tu si te  
legatum ita Lampfaci tractatum esse Senatum  
docuisses, ut tui comites vulnerarentur, lictor  
occideretur, ipse circumfessus pene intercede-  
re, eius autem rei duces & auctores & principes  
fuisse, quos scribis Themistagoram & Thessa-  
lum, quis non commoueretur? Et paulò suprà,  
Non eos homines qui populum concitarant,  
Consulum literis euocandos curari oportuit?  
Quartum proferemus ex Liuij libro 38. Per eos-  
dem dies, inquit, consilium de iis Carthagine  
erat. (loquitur de seditione militum ad Sucro-  
nem exorta) certabaturque sententiis, utrum in  
auctores tantum seditionis (erant autem hi nu-  
mero haud plus quam quinque & triginta) ani-  
maduerteretur, an plurium supplicio vindican-  
da tam foedi exempli defectio, magis, quam se-  
ditio esset: vicit sententia leuior, ut unde culpa  
orta esset, ibi poena consisteret. ad multitudi-  
nem castigationem satis esse. ubi verborum ca-  
stigationem sine dubio intelligit. Similis alter  
locus de Rhodiorum supplicio libr. 45. C. De-  
cimi, inquit, moderatio oratio fuit: qui culpam  
non penes populum, sed penes paucos conci-  
tores vulgi esse dixit. Cum magno assensu au-  
ditus esset, non magis eo, quod multitudinis  
noxam eleuabat, quam quod culpam in aucto-  
res verterat: decretum igitur extemplo, ut qui  
pro Perseo aduersus Romanos dixisse quid aut  
fec

fecisse convincerentur, capitis condemnarentur. Atque hæc quidem de secundo instituto: cuius non minor æquitas videtur. præsertim ex his regulis iuris: Peccata suos teneant auctores, nec ulterius progrediatur metus, quàm repariatur delictum. l. sancimus, 22. C. de pœn. Vnusquisque ex suo admissio pœnæ subiiciatur, nec alieni criminis successor teneatur. l. crimen, 26. D. eod. Vnius factum alteri qui nihil fecit non nocet. l. de pupillo, 5. §. si plurium, D. de nou. op. nun. Ne alieni admissi pœnam luant quos nulla contingit culpa. l. vltim. D. de bon. damnat. Heredis vnus innocentis delictum innocenti alteri fraudi esse non debet. l. vlt. D. de Senat. Sillan. Nullum patris delictum innocenti filio pœnæ est. l. 2. §. 2. D. de Decurion. Et hanc æquitatem secutus D. Ambrosius grauitè & acerbè Theodosium Imp. increpuit, quod cùm in vrbe Thessalonica populus seditione concitata præfectum eius & alios quosdam primarios vires interfecisset: & sceleratum quendam à magistratibus comprehensum eripere conatus esset, armatas aliquot cohortes in ciuitatem immisit, tantàmque ciuium cædem fieri iussit, vt septem hominum millia ea carnificina interiisse dicantur. Sed hoc facinus Imperator ab Episcopo suo reprehensus modeste agnouit, eiùsque veniam postulauit. Restat tertium institutum, vt è multis fortitione ducantur, qui ceteris pari terrore ac damnatione affectis soli tamen pœnas luerent. plerunque autem moris fuit, vt decimus quisque sorte ductus supplicio

afficeretur : cuius rei apud Romanos testis est Polyb. lib. histor. 6. Tacit. lib. 3. & 14. & 17. Plutarch. in Crasso, Appian. Civil. 2. Dio lib. 48. interdum mitior erat sortitio. nam Iul. Capit. in Opilio Macrino scribit eum interdum milites decimasse, interdum etiam centesimasse : idque verbum familiare illi fuisse. Eius autem consilij æquitatem M. Tullius in Cluentiana luculenter his demonstrat verbis: Statuerunt ita maiores nostri, ut si à multis esset flagitium rei militaris admissum, sortitione in quosdam animaduerneretur, ut metus videlicet ad omnes, pœna ad paucos perveniret. nam miles, qui locum non tenuit, qui hostium impetum vimque pertimuit, potest idem postea & civis esse melior, & vir bonus, & civis utilis. quare ne in bello propter hostium metum delinqueret, amplior ei mortis & supplicij metus est à maioribus constitutus. ne autem nimium multi pœnam capitis subirent, ideo illa sortitio comparata est. Morem igitur illum etiam quædam aliæ fortasse gentes imitatae sunt. Livius lib. 2. App. Claudius Consul; inquit, advocata concione inuectus haud falsò in proditorem exercitum, militaris disciplinæ, desertorum signorum, ubi signa, ubi arma essent, singulos rogatans, inermes milites, signo amisso signiferos, ad hoc centuriones duplicariosque qui reliquerant ordines, virgis cæsos securi percussit. cetera multitudo decimus quisque ad supplicium lecti. His ita constitutis nunc quæstio exoritur, Ecquodnam ex his tribus animadversionis generib

neribus tenere oporteat. In qua explicanda primum illud ponendum est, quemadmodum multum inter Vniuersitatem & multitudinem interest, ita multum inter se illarum delicta, itémque illarum pœnas discrepare. ac valde repudianda est vulgi opinio, qui putat vniuersitatem nihil aliud esse quàm singulos eius homines vnum in locum coactos. sicuti vniuersitas gregis, armenti, equitij dicitur ex singulis pecudum capitibus. l. quid ergo, 70. D. de vñfruct. nam in vniuersitate, veluti ciuitate, ordine, collegio, ius versatur. in singulis capitibus, factum. qua de causã vniuersitas magis intellectu constat, quàm corporibus & sensu. l. mortuo, 22. D. de fideius. vbi municipium, decuria, societas personæ vice fungi dicuntur: sed personæ fictæ & imaginariæ. l. 1. D. de liber. vniuer. quia municipium corpus est incertum: vt ait Vlp. tit. reg. 22. qua de causã nec consentire posse municipales dicuntur. d. l. 1. D. de libert. vniuer. nec possidere, l. 1. in fin. D. de acq. poss. nec iusiurandum præstare. l. municipibus, 97. D. de cond. & demonst. l. nec igitur heres institui, nec hereditatem adire: vt eodem loco Vlp. scribit, & Plinius apertius lib. epist. 5. epist. 7. directo iure scilicet. nam postea vtilitatis causã Senatus consulto prouisum est, vt id liceret, ac per suos Syndicos adirent. l. 2. l. cum senatus, 20. D. de reb. dub. l. 1. D. de lib. vniuer. l. hereditatis, 12. C. de hered. inst. ac proinde etiam iurarent. d. l. municipibus. Municipij ergo & ciuitatis corpus incertum dicitur, quoniam intellectu con-



stat. ac singuli ciues & municipales Certi appellatur, quia sensibus percipiuntur. 1. cum senatus, 20. D. de reb. dub. l. ciuitas, 27. D. si cert. pet. cuiusque rei vel vnum illud argumentum sufficiet: quod si ius omnium in vnum recideret, tamen vniuersitatis nomen staret. l. 7. §. vltim. D. quod cuiusque vniuer. denique Vniuersitas à singulis separatur apertissimè. l. 2. D. eod. & l. 6. §. 1. D. de rer. diuis. d. l. cum senatus, 20. D. de reb. dub. sed præsertim in d. l. 7. §. 1. Quod cuiusque vbi quod ab vniuersis debetur, deberi à singulis negatur. item in l. 6. §. 2. eodem. l. sed si, 10. §. 1. D. de in ius voc. vbi & seruus & libertus vniuersitatis negatur esse seruus & libertus singulorum. itaque ex Decurionum delicto vniuersitas non teneri dicitur: sed ipsi Decuriones. l. sed & ex dolo, 15. D. de dol. ma. ac pari modo ex delicto magistratus non tenetur ordo Decurionum, quamuis ab eo datus sit. l. 1. §. 1. D. de magistr. conuen. Nam vt aliquis ex alterius delicto teneatur, necesse est vt vel mandarit, vel suo nomine commissum ratum habuerit. l. 1. §. quoties. D. de vi & vi arm. Nunc igitur distinctione tripartita vtendum est. nam aut temeritate multitudinis sua sponte & sine magistratum auctoritate peccatum est, aut à solo magistratu & ordine senatorio, aut coniunctim ab vtrisque. Primo casu, rursus distinguendum est: nam aut non multi delinquentes fuerunt, ac tum regulæ superiori locus est, qua diximus, quod à pluribus pro indiuiso commissum est, singulos in solidum obligare. l. semper. 15. §. 2. D. quod

D. quod vi aut clam. l. ult. D. de fidei iur. l. item Me-  
la. ii. §. 2. D. ad leg. Aquil. aut ingens fuit delin-  
quentium numerus, quo casu putarem locum  
esse illi alteri iuris regulæ, vt pœnæ interpreta-  
tione potius moliantur, quàm exasperentur. l.  
pen. D. de pœn. atque ideo, vt carnificina vi-  
tetur, sortitionem adhibendam esse arbitrarer,  
hoc est decimationem, aut vicesimationem. Ci-  
cero pro Flacco: Vobis autem est confitendum,  
si consiliis principum vestræ ciuitates reguntur,  
non multitudinis temeritate, optimatum con-  
silio bellum ab istis ciuitatibus cum populo  
Rom. esse susceptum: sin illæ tum motus est te-  
meritate imperitorum excitatus, patimini me  
delicta vulgi à publica causa separare. Quòd si  
soli magistratus aut etiam summi ordinis im-  
perio peccatum est, tum eas regulas esse ser-  
uandas, quib. iubemur pœnas intra earum per-  
sonarum numerum coercere, quæ solæ deli-  
querunt: ne videlicet innocentes pro nocenti-  
bus pœnas luant: ne culpam temeritatis alienæ  
alij sustineant: l. 6. C. vnde vi. l. neque in inter-  
dicto, 198. D. de reg. iur. l. ult. D. de Sena. Silan. l.  
ult. D. de bon. damnat. & in hanc sententiam  
extat Vlpiani auctoritas in l. 1. D. de magistr.  
conueniend. eiusque rei æquitas manifesta est,  
quoniam eo mandato quo Reip. administratio  
eis committitur nihil quod contra bonos mo-  
res sit, continetur. l. 6. §. rei turpis, l. si manda-  
uero, 22. §. qui ædem, D. mandat. Neque verò in  
hoc odiosarum causarum genere locum esse iis  
sententiis quibus dicitur, referri ad vniuersas

quod publicè factum est per maiorem partem.  
 l. aliud, 160. D. de reg. iur. ut maiorem partem  
 interpretemur, duas de tribus: veluti octo ex  
 duodecim. l. 3. D. de decret. ab ord. fac. l. 3. & l. 4.  
 D. quod cuiusque vniu. l. nominationum, 46. C.  
 de decurion. nam illæ sententiæ ad ea quæ ciui-  
 liter gesta sunt sine dubio pertinent. d. l. 1. §. sed  
 si ordo, D. de magistr. conuen. quemadmodum  
 dicimus, quod maior pars curiæ effecit, pro eo  
 habetur, ac si omnes egissent. l. quod maior, 19.  
 D. ad municipi. quod pro voto omnium primo-  
 ribus indulgetur, vniuersis tribui videtur. l. 6.  
 C. de advoc. diuers. iudic. Pertinet autem ad  
 hunc locum Deditiois institutum, de quo Var-  
 ro in lib. de vita populi R. sic scribit: Si cuius le-  
 gati violati essent, qui id fecissent, quamuis no-  
 biles essent, ut dederentur ciuitati statuerunt.  
 Nempe, ne ciuitas paucorum delicti pœnas  
 lueret. cuius rei exempla sunt apud Liuium, &  
 alios innumerabilia. Sin autem publico consi-  
 lio & communi totius vniuersitatis consensu  
 peccatum est, tum verò negari non potest, quin  
 ipsa vniuersitas plectenda sit. sed non eo modo  
 quem vulgus putaret, ut de singulis ordine pœ-  
 na repetatur. quid ergo est? Pœna de vniuersi-  
 tate sumi dicitur, cum ipsa vniuersitas punitur:  
 quare cum vniuersitas iure constet, ut superius  
 diximus, adhiberi ea pœna poterit, quæ ius il-  
 lud adimat. veluti si suis legibus, si magistratib.  
 si publico consilio, si immunitatib. & aliis pri-  
 uilegiis priuetur: si mœnibus oppidum nude-  
 tur. quinetiam interdum ciuitas vniuersa dele-  
 bat

batur, quo casu dicebatur mori, & aratro prof-  
cindebatur. l. si usufructus, 21. D. quibus mod. v-  
sus, amitt. Cicero Agrar. 1. Tum ipsam vete-  
rem Carthaginem vendunt, quam P. Africanus  
nudatam, tectis ac mœnibus siue ad notandam  
Carthaginensium calamitatem, siue ad testifi-  
candam nostram victoriam, siue ad oblatam a-  
liquam religionem, ad æternam hominum me-  
moriæ consecrauit. Item in ead. Maiores no-  
stri Capua magistratus, senatum, consilium  
commune, omnia denique insignia Reip. sustu-  
lerunt, neque aliud quidquam, nisi inane no-  
men Capuæ reliquerunt. Et hoc idem suppli-  
cij genus in vrbe Byzantio ab Imper. Seuerò  
vsurpatum Herodian. testatur lib. 3. Xiphil. in  
Seuerò, Zonaras tom. 2.

## QVÆSTIO XLIII.

*An filius fideicommisso grauatus detrahere duas  
quartas possit.*

Vetus quæstio est, de qua quid dici in vtran-  
que partem possit, considerandum est. Pri-  
mum ergo illud scire oportet: extare decretum  
in c. Raynutius, & c. Raynaldus, de testamen. v-  
bi hoc iuris statuitur, vt filius de restituendo  
grauatus præter suam legitimam detrahere Pe-  
gasianum quadrantem possit: decretumque i-  
stud vbique gentium ita comprobatum est, vt  
Baldus in consil. ccix. Pepus Nicolutij, num. 3.  
tom. 2. testetur, id toto terrarum orbe & in scho-  
lis & in iudiciis observari. quod idem scribit



Guid. Pap. quæst. LI. licet doctores numer. i. vbi multorum testimonia enumerat: & præter illos Angel. in l. coheredi, §. cùm filia, D. de vulg. & pup. Phil. dec. cõsil. cclxix. cõsil. D. clxxxviii. ad confirmationem num. 8. tom. 3. Angel. l. in ratione, §. quod vulgo, D. ad leg. Falc. Philipp. Corn. & Fulgos. in l. quanquam, C. ad legem Falcid. Huius autem sententiæ argumentum (quod nondum à quoquam prolatum esse animaduerti) sumi potest ex l. 2. in fin. & l. 3. §. item Pomponius, D. ad Trebell. vbi duarum quartarum detractio perspicuè conceditur. cùm enim heres ex quadringentis quibus testatoris patrimonium constabat, trecenta legatariis dare iussus esset, hereditatem verò, alicui restituere: scribitur eum de legatis, septuagintaquinque, quæ illorum quarta est, detracturum: de fideicommisso verò, vigintiquinque. vt faciliè appareat, duplicem detractiõnem, duâsque quartas permitti. Secundum argumentum sumi solet ex eo, quod istæ duæ quartæ vario ac dissimili ex iure promanant. legitima nempe, ex iure naturæ: Trebellianica, ex S. C. eamque ob causam alteram alteri obesse non oportere. quemadmodum videmus prælegata non imputari in Falcidiam: sed heredem & ea ex testatoris beneficio, & Falcidiam ex legis auctoritate obtinere. l. in quartam, D. ad leg. Falcid. Tertium ex eo ducitur, quòd legitima detrahitur tanquam à filio: Trebellianica verò tanquam ab herede scripto. nihil autem absurdi esse, si vnus atque idem duplicem personam sustineat, & ex  
dupl

duplici persona geminum emolumentum consequatur. l. tutorem, 22. D. de his quæ vt indig. l. i. in fin. D. si à parent. Quartum suppeditat l. quoties, 68. D. ad leg. Falcid. vbi duplex deductio ex duplici deducendi causa conceditur. cum enim alicui plus esset legatum, quàm quantum capere liceret: prius deducenda Falcidia dicitur, tum deinde lex Iulia. Quintum inducitur ex l. quanquam, 10. C. ad leg. Falcid. vbi cum filius de fideicommissio mortis sue tempore restituendo grauatus esset, respondetur, heredem eius Trebellianicam detracturum. nam si filius suam iam antè legitimam detraxerat, vt ei ordinario iure licuit: apparet duas quartas vna ex hereditate deductas fuisse. Sextum omnium accerrimum suppeditat. l. Papinian. 8. §. meminisse. D. de inof. test. vbi Papinianus scribit, filium fideicommissio grauatum, si inofficiosi egerit, & non obtinuerit: id solum perdere, quod Falcidiæ iure habiturus erat. vbi Falcidiæ nomen pro legitima vsurpari constat: quemadmodum in §. vnde si quis, ead. l. nimirum vt extremum paragraphi cum initio conveniat: Filium inofficiosi damnatum perdere quod ei testamento relictum erat: hoc est, partem legitimæ. nam ex contrario videmus ita rectè argumentari licere: Si qui quæstus est, nec obtinuit, legitimam amittit: sequitur vt is qui quæstus non est, sed contētus testamento quieuit, eam habeat. quòd si & Trebellianicam & legitimam habeat, duas quartas eodem testamento retineri. Sed videamus ne & plura & certiora multo afferri con-

traria ex parte possint. Nam primum omnium Pontificali auctoritati opponitur natura rerum & sensus communis. Atque enim ratio & natura hæc est, ut eius una aliqua parte nominata, altera necessario intelligatur. quippe cum ex eorum numero sit quæ dialectici τὰ πρὸς τὴν nominant. Itaque quoties quadrantis detractio nominatur, toties dodrantis reliquatio intelligitur: neque quisquam detrudere quadrantem dicitur, nisi ei soli cui superstes ex asse dodrans relinquitur. quod cum ita sit, quæro si filius qui iam legitimarium quadrantem detraxit, insuper velit alterum Pegasianum nomine detrudere, quemadmodum dodrans fideicommissario relinqui possit? Nam Falcidia lex relinqui omnino dodrantem volebat: summamque testandi libertatem lege XII. tabul. constitutam ea in parte deminuebat. l. i. D. ad leg. falcid. ut facile appareat, non tam quadrantis detrahendi, quam dodrantis relinquendi rationem habendam esse. quippe, cum hæc reliquatio lege XII. tabul. primum instituta, post etiam Falcidia lege confirmata & constabilita sit. Eiusdem modi alterum argumentum est. nam cum quadrantis detractio sit priuatio, & priuatio præsupponat habitum, ut vulgus loquitur: hoc est, detractio rem subesse arguat: satis constat, inde duntaxat quadrantem detrahi, ubi redundat: hoc est, ab eo cui plus dodrante superat. Quod si filius qui legitimam detraxit, Pegasianum quadrantem petat, quæro an ab eo petat cui plus dodrante superat. Ac nimirum hoc illud est, quod vulgo dicit

dicitur, quartæ detractiōem ei demum concedi, qui supra dodrantem grauatus est. §. sed quia, De fideicom. hered. vbi dicitur, Senatum censuisse, vt ei qui rogatus esset hereditatem restituere, perinde liceret quartam partem retinere, atq; ex lege Falcidia ex legatis retinere conceditur. Quoties igitur heres supra dodrantem grauatus non est, sed ei quadrans hereditatis quoquo iure, siue institutionis, siue præceptionis, deductionis, retentionis, siue legati, siue mortis causa capionis relictus est: sequitur vt quartam petere non possit. l. in quartam, D. ad leg. Falcid. Itaque cū heres legitimam adeptus est, satis constat, eum supra dodrantem grauatum non esse: ac proinde petere falcidiæ beneficium non posse. Tertium argumentum ducatur ex aliarum quartarum inductione. nam in reliquis omnibus hoc perpetuò videmus esse iuris, vt vnius adeptio alteram excludat. Cuius rei tria exempla suppeditat. l. Papinianus. D. de inoffic. test. Primum est, in §. quarta autem: vbi filius qui Falcidiam ex legatis adeptus est, ab inofficiosi querela depellitur. Alterum in §. vnde si quis: vbi filius Pegasianam ex fructibus consequutus similiter ab inofficiosi actione excluditur. Tertium in §. si quis impubes: vbi nepos ex filia impubes ab auo arrogatus, & exheredatus, quoniam ex constitutione D. Pij, quartam habet, à querela remouetur. Cui consentaneum est quod traditur in l. prima, §. pen. D. si cui plus quàm. vbi patronus qui in liberti bonis partem habet legitimam, si eam de-



trahit, à Falcidia petenda depellitur. Quartum inducendum est ex Nouell. xxxix. de restitut. & ea quæ par. cuius verba, Iuliano interprete, hæc fere sunt : Si quis vnum ex liberis heredem instituerit, & rogauerit eum, vt cum morietur aliis restituat hereditatem : primum quidem legitimam portionem, nempe trientem, sibi retineat : ceteras autem partes fideicommissario restituat integras. Itaque Barthol. in eum locum scribens, numero 1. Nota, inquit, filium fideicommissio grauatum non posse duas quartas detrahere, sed vnam tantum. Quintum est ex l. iubemus, 6. C. ad Trebel, vbi Zeno statuit, vt filius portionem suam hereditariam fratri restituere rogatus, retenta ex s. c. beneficio quarta, dodrantem restituat. quo quid apertius dici potuit ? Neque nos moueat quod suprâ diximus Iustinianum de legitima statuisset. cum enim eius summam auxisset, & è quadrantaria trientariam fecisset, non dubium est, quin filij iam non amplius Pegasianam, sed legitimam potius petitori sint. Sextum sumitur ex l. quoties, D. de regul. iur. quoties duplici iure defertur alicui successio, repudiato nouo iure superat vetus. non enim duæ causæ lucratiuæ in eundem hominem & eandem rem concurrunt. §. si res aliena, de legat. l. omnes, 17. l. ex promissione, 19. De obl. & act. & non vt ex pluribus causis deberi nobis idem potest, ita ex pluribus causis idem peti potest. l. non vt ex pluribus, D. de regul. iur. Cum igitur quadrans successionis nomine à lege attribuitur, qui eum semel ex vna  
caussa

caussa adeptus est, si eundem ex altera causa petat, doli exceptione vulgata rectè remouebitur. habet enim quod petit. l. 2. D. de doli except. Neque nos moueat, quod Bald. in dicta l. quamquam, & plerique omnes dictitant, legitimam non ex lucratiua causa deferri, sed quasi naturæ iure deberi, ex textu quem falso nobis obiiciunt, ex l. si quis legatum, §. vlt. D. de fals. sed habebant textum directum in l. 1. C. de impon. lucrat. descript. & l. scimus. 36. §. illud præterea. C. de inoffic. testa. quia, ut maximè illis concedamus legitimam naturæ iure deberi, cum ex contrario, non quarta, sed solida hereditas liberis debeatur: dicta l. 1. & l. vlt. D. de bon. damnat. tamen non si quid duplici ex causa debetur, duplici ex causa solidum peti & obtineri potest. l. tertia, D. de petit. heredit. l. si seruus, 108. §. stichum, D. de leg. 1. Cum igitur nostri propter huiusmodi argumenta de illius Pontificalis decreti æquitate dubitare cœpissent, veteri suo instituto ad conciliationem sophisticam perfugerunt: ut si filius purè fideicommissi grauatus esset, vna tantum detractio vteretur: quasi vno eodemque tempore concurrere duplicis quadrantis detractio non possit: utpote à sensu communi (ut superius diximus) aliena. sin autem in diem, vel sub cōditione, tum legitimam quidem statim detraheret: existente die aut cōditione, Pegasianam. Cuius distinctionis non reperio vetustiore auctorem Azzone, qui in summa Nouell. i. commentum illud tradit; & ei suffragatur gloss. in dicto §. me-

minisse, D. de inoffic. test. & item in l. quanquam, C. ad legem Falcid. & in authent. de hered. & falcid. §. is igitur, vers. si quis verò non implens. Rursus altera gloss. in d. c. Raynutius, ubi hanc dicit esse communem opinionem. Sequuntur Fulgos. & Corneus in d. l. quanquam: ubi uterque ait, Azonis tempore distinctionem illam seruata fuisse tãquam euangelium. Barth. in d. l. quanquam, C. ad leg. Falcid. & rursus in cons. vi. viso testamento. & consil. xii. si quis instituatur. Philipp. Corn. consil. cxiii. in hac consultatione. numer. 3. & 4. tom. 4. Barth. Socin. consil. xxxiii. prosequendo ordinem: num. 14. tom. 1. & rursus consil. xxxi. viso testamento. num. 9. tom. 4. & consil. lxxxii. in causâ vertente. num. 3. eodem tom. Petrus de Anchar. consil. xxvii. non seruato. num. 3. Verùm vt, remotis auctoritatibus, rationis momenta paululum exquiramus: velim mihi respondeant, primùm cuius legis auctoritate freti ius istud nouum inducere audeant: cùm toties in ore habeant, erubescendum si quis sine lege loquatur? deinde si rerum natura non ferat (quemadmodum ipsi quoque fatentur) vt quadrantes duo detrahantur, quæro quemadmodum eadem ferre possit, vt distinctis temporibus id fiat? Præterea quid si filius illico post patrem decederet, aut restituere confestim hereditatem vellet, quis vnquam istorum monuit, duos quadrantes isto casu detrahi non posse? Itaque non mirum est Baldum in dicta l. iubemus, C. ad Trebell. scribere, distinctionis istius rationem

nein quidem apparentem esse aliquam, sed nullam-existentm: quia iuris civilis veritati aduersatur. & Paul. de Castr. in eadem l. distinctio nem illam iure civili falsam esse. Quinetiam glossa in dicto cap. Raynutius, apertè profite-  
tur, superiorem illam Canonistarum senten-  
tiam communi & mente & voce Civilistarum  
repudiatam esse: vbi in ista parte Iacobum de  
Bellouisu numerat. sed omnium acerrimè Ca-  
nonistas oppugnat Oldrad. in consi. ccv. prima  
dubitatio. num. tertio, vbi liberè profitetur, i-  
stam de duabus quartis sententiam aduersari  
rationi, veritati, & expresso iuri. hæc enim illius  
verba sunt. Fulgosius autem in dicta l. quan-  
quam, C. ad leg. hanc. eam ex falso iuris intelle-  
ctu processisse: idémque & Cynum & Dinum  
sensisse. Petrum autem terribiliter in Canoni-  
stas insurrexisse. Qua de causa Philip. Corn. in  
dicta l. quanquam, ascribit, cum illa decreta ex  
malo intellectu iuris civilis processerint, illa  
esse seruanda in illorum foro: at in foro civili  
seruandum esse ius civile: idémque & Petro &  
Dino placuisse. omnium autem copiosissimè  
Civilistarum sententiam contra Canonistas  
tuetur Alexander in consilio cxlii. circa pri-  
mam dubitationem. numero 9. tom. 2. vbi dicit  
hanc partem esse communem: nec illam Cano-  
nistarum decisionem ibi seruandam, vbi ius ci-  
uile seruari debet. item in consil. l. circa pri-  
mam dubitationem. numero 10. 11. 12. tom. 6. vbi  
ait, naturam quartarum hanc esse, vt altera in  
alteram imputetur, & profitetur se auctores ha-



bere Dinum, Iacob. But. & Odofred. Quamobrem videndum est, quemadmodum superioribus argumentis responderi possit. Nam quod ad Pontificalem auctoritatem attinet, nos ei & naturam & sensum communem opposuimus: duarum scilicet quartarum detractioem, & ex altera parte dodrantis reliquationem, neque fieri, neque vlla humani animi intelligentia concipi posse. Ad primum autem argumentum respondendum est, duplicem quidem eo loco detractioem esse: de legatis scilicet, & fideicommisso. sed si assem hereditarium consideremus, vnus quadrantis duntaxat. cum enim quadringenta tantum in hereditate essent, qui septuaginta quinque de trecentis legatis, viginquinque rursus de centum fideicommissariis detrahit: non amplius quam centum (qui assis quadrans est) detrahit. Ad secundum respondendum est, non duas detractioes eas esse: sed vnicam duntaxat, quod enim prælegatæ nomine heres capit, non detractiois iure, sed tanquam ex mero testatoris beneficio id accipit. nos autem de duarum detractioem iure quærebat. Ad tertium respondetur, primum ex d.l. Papinianus, §. si impubes. vbi impuberi arrogato duæ quartæ vario & dissimili ex iure deferabantur: nimirum vna ex constitutione D. Pij, altera ex lege Falcidia. & Præterea vnus atque idem duas personas sustinebat, arroganti & filij. deinde ex d.l.i. §. penult. D. si cui plus quam. vbi patrono qui similiter & patroni & heredis personam sustinebat, vna ex lege Iulia, altera ex lege

lege Falcidia detractio defertur. Sed tamē quia bis idem deberi duplici ex iure non potest, vnius quadrantis adeptione ab alterius petitione per doli exceptionem remouetur. Similiter igitur in proposito, quando ita doctoribus nostris placet, duas quartas vario & dissimili iure deferri, optionem earum filium habiturum, vtro iure alterutram velit consequi: sed non vtranque tamen consecutum. l. cum filius, 76. §. variis, D. de legat. sec. l. 1. §. quia autem. D. quod legat. Atque hæc quidem (vt dixi) responderi sic possunt, vt maximè concedamus duas istas quartas ex vario & dissimili iure promanare. Docuimus enim alio loco, tres quartas, & eam scilicet quæ de legatis, & eam quæ ex institutione, & eam quæ ex fideicommissio detrahitur, vno ex fonte & capite legis Falcidiæ fluxisse. qua de causa vnamquamque earum passim Falcidiæ nomine promiscuè appellari. vt in d. l. Papin. §. vnde si quis, & §. meminisse. Ad quartum autem animaduertendum est, in l. quoties, non esse duas detractiōes, sed vnā duntaxat: nimirum Falcidiam. quod enim ob legatarij vitium quia solidum capere non poterat, cecidit, non id heres sibi colligit: sed si patrimonij quantitas tulisset, ad filium, vt caducum, ex lege Iulia Papia delatum fuisset. l. si is qui ex bonis, 6. D. de vulg. & pupil. l. si quis solidum, 72. D. de hered. instit. Ad quintum autem iam antè responsum est ex l. iubemus, C. ad Trebell. antiquo iure, hoc est, antè auctam à Iustiniano legitimæ quantitatem, liberos fideicommissio grauatos

Pegasianam detraxisse, & dodrantem restituisset: legitimam autem non detraxisse. patet etiam ex l. coheredi, §. cum filia, versicul. quod si heredem, D. de vulg. & pupill. Superest sextum, quod omnium acerrimum esse diximus. in quo illud intelligi oportet, antiquo iure, hoc est ante Expletoriam actionem à Iustiniano introductam per l. omnimodo, C. de inoffic. testam. filium querela non videntem nihil planè aliud ex partis hereditate obtinuisse, quàm quod ei nominatim relictum ab eo fuerat. quare siue filio isti nihil erat relictum, nihil (omissa quidem querela) omnino habiturus erat: siue quid ei relictum fuerat, totum ei in Pegasianam imputabatur: vt ex l. in quartam, D. ad legem Falcid. superius ostendimus. ac proinde utrocumque casu vnicam duntaxat quartam consequebatur. Atque hoc quidem modo superioribus argumentis abundè satisfactum esse arbitramur. Quod autem ij qui nostram hanc sententiam tuentur, afferre solent ex l. filium quem, C. de famil. erciscund. vbi scribitur, filium quod supra quartam adeptus est reddere compelli: planè extra questionem nostram est. quemadmodum in Iurisconsulto nostro, vbi eius interpretationem posuimus, satis dilucidè diximus. Illud verò nullo modo prætermittendum est, singularem quendam casum reperiri, quem etiam video animaduersum à Fulgoso in dicta l. quanquam, Cod. ad legem Falcidiam. quo casu duarum quartarum detractio summa ex æquitate permitti potest. nimirum cum filiam cui

pater

pater dotem legitimæ suæ parem attribuit, heres postea instituta & restituere grauata est. tum enim præter legitimam (in quam imputari dotem constat ex l. quoniam nouella, 29. C. de inoff. test.) æquissimum videtur, vt Pegasiana in reliqua summa restituenda ei permittatur. quippe, cùm id demum in hereditate numeretur, quod mortis tempore in defuncti bonis fuit, neque inter viuos alienatum est. l. sequens questio, 68. D. de legatis secundo. Quod enim Zenon constituit, vt dos in legitimam imputetur, vnde quodammodo ad partem hereditatis reuocari videtur: totum istud ex fictione est, quæ contra ordinarij iuris rationem propter querelæ odium inducta est. vt in fin. d. l. quoniam nouella, disertè traditur. dotem enim reuera extra patris hereditatem esse, constat ex l. pater filiam, 14. D. ad legem Falcid. l. à filia, 62. D. ad Trebell. Quod verò contra iuris ordinarij rationem constitutum est. produci ad consequentias non oportet. l. quòd verò. 14. cùm duabus seqq. & l. nulla iuris ratio, D. de legib. Sed iam ad consultationem alteram veniendum est, qua pro corollario quæsitum est: Si tamen filio suæ legitimæ & item Pegasianæ detractio propter receptæ consuetudinis auctoritatem permittenda esset, quotam hereditatis partem ambæ simul ablaturæ essent. nam communi Pragmaticorum consensu receptum est, primùm ex asse hereditario quatuor vncias, trientis legitimarij nomine, detrahendas: tum deinde ex reliquo besse quartam, quæ duæ sunt vnciæ. Ita




vj. vncias filium duarum detractionum nomine sibi habiturum. sic enim video hanc rem explicare Bald. Fulgos. & Philipp. Corn. in l. quamquam, C. ad leg. Fal. & huius suæ sententiæ rationem hanc asserre, quia cum fideicommissi graueni cadere in legitimam non possit, l. quoniam in prioribus, 32. C. de inoff. test. consentaneum esse, ut filius hereditatem restituere rogatus, non nisi de besse restituendo rogatus esse videatur. Potuissent fortasse haud paulo aptius proferre exemplum ex l. quoties, 67. D. ad leg. Falcid. ubi traditur, cum duæ subductiones locum habent, veluti cum plus alicui legatum est, quam capere possit, prius Falcidiam de trahi: tum in reliquo secundam subductionem admitti. veluti si qui centum orbo alicui legauit: heres prius detrahet Falcidiæ nomine, viginti quinque: tum deinde ex reliquis septuaginta quinque, filius dimidiam partem auferet. l. i. C. de infirm. pen. cœlib. Sed videamus ne ratio ista conuenire in Pegasianum quadrantem possit. Nam ut de lege Papia prius disseramus, cum illa de dimidia, aut decima, aut alia parte locuta est: non de assis hereditarij parte locuta est: sed de quauis summa testamento alicui relicta. Lex autem Falcidia, quam Pegasianum s. c. secundum est, nominatim his utitur verbis: NE MINVS QVARTAM HEREDITATIS PARTEM. ut Pegasiana quarta non ad aliam vllam summam nisi ipsius assis solidi hereditarij referri possit. Quod cum ita sit, perspicuum est, Canonistas nostros falso, perperam, & contra diser

diserta legis Falcidiæ verba Pegasianum quadrantem ad beſſis reliqui rationem referre. vt omittam, quod ne natura quidem patitur quadrantem ad beſſem referri. cùm enim quadrans nominatur, non beſſis quadrans nimirum, ſed aſſis ſolidi quadrans intelligitur. ex quo concluditur, ſi filio iſti præter ſuam legitimam Pegasiæ detractio permittenda eſſet, ei ſeptem vncias ex aſſe hereditario eroganda eſſe. Ad illam autem rationem l. quoniam in prioribus, ſatis argutè excogitatam, reſpondendum eſt: non ſi legitima privilegium illud habet, vt fideicommiſſo grauari non poſſit, iccirco tamen minus in aſſe hereditario numerandam eſſe, & partem eius facere. neque enim conditio illa facit, vt extra hereditatem numeranda ſit. Quare cùm legitima partem aſſis hereditarij faciat, ſequitur, vt lex quæ de quadrante hereditatis loquitur, de quadrante totius illius ſummæ ſolidæ & integræ intelligatur. Quod ſi quis diceret, filium propterea duas tertias, hoc eſt beſſem, detracturum, quia Iuſtinianus non tantum eam portionem auxit, quam filius habet vt filius, ſed etiam eam quam habet vt ſcriptus: haud ſcio, an ſatis hæc ſententia probari poſſit. nam etſi verum eſt, Iuſtinianum auxiſſe filij legitimam, ſiue heres ſcriptus ſit, ſiue non ſit: tamen nunquam eam auxit niſi tanquam filio: neque diſtinxit vtrum ſcriptus ſit, an non ſit. denique hoc perſpicuè aduerſatur Nouel. xxix. de reſtit. vbi Iuſtinianus nominatim loquens de filio herede ſcripto, & reſtituere rogato: ſtatuit eum

detracta legitima (quæ iam, inquit, non quarta est, sed tertia) reliqua omnia redditurum. Denique, ut isti perplexæ quæstioni finem imponamus, arbitror de ratione duplicis detractiōis ita constituendum esse: ut si quidem vnus filius est, de principio trientem legitimæ suæ nomine detrahat: post deinde, quia idem ille triens partem hereditarij assis facit, & in hereditate numeratur, tres insuper vncias, ac proinde septuncem auferat. Quod si Græcorum instituto ad centesimam rationem reuocare hanc disputationem volumus: si quidem vnus sit filius, primum triginta tres aureos & vnus trientem detrahit: deinde Pegasianæ nomine insuper viginti quinque, ut ipse quinquaginta octo cum triente auferat: restituat vnum & quadraginta cum vnus besse. Sin autem duo sint filij, & in bonis sint sexaginta, pater autem suo iure vsus primò suam solam legitimam attribuat, hoc est decem: alteri verò, dodrantem hereditatis, hoc est quinquaginta: tum hic secundus de portione sibi ab intestato contingente, quæ fuit triginta detrahet legitimæ nomine decem: post deinde quasi hæc legitima adhuc in hereditate sit, detrahet duodecim & quadrantem duorum. Atque hæc quidem ita se habent. quoniam tamen error iste Canonistarum passim toto ferè terrarum orbe ius fecit: haud scio an consultius facturi simus, si quam minimo nos ab illorum litibus redimamus: & pinguem illam subducendi rationem, de qua superius diximus, placidè sequamur:

APPENDIX. Summa igitur totius disputationis hæc esto. Filius fideicommisso grauatus iure ciuili non plus sua legitima detrahet. l. 8. §. quarta autem, D. de inoff. test. l. 6. C. ad Trebell. Nouell. 39. sed in quibusdam locis, stulto Canonistarum errore iam recepto, duas portiones detrahit. legitimam, iure filij: quæ iure nouo triens est: hoc est, vnciarum quatuor. Nouell. 18. Trebellianam, iure scripti heredis: quæ dicitur esse quadrans bessis reliqui: vt scilicet duarum sit vnciarum. Atqui cum Imperator non tantum eam portionem auxerit, quam filius retinet, vt filius, verum etiam eam quæ detrahit vt institutus: necessario dicendum est, eum duos trientes, hoc est bessem ex asse auferre, conuersa Iustiniani ratione, qui bessem heredi, trientem filio attribuerat. Quid igitur si quinque liberi sint? nimirum ex eadem Nouella duos semisses: reliquum, id est nihil, heredi à Canonistis reservabitur.





## SEQUITVR DISPVTATIO

EIVSDEM AVCTORIS CONTRA C. RAYNVTIVS,

extra, de testamentis:

habita Biturigæ anno 1567. Kal. April.

*Enuntiationes ex d.c. Raynutius.*

I.

*Ex bonis filia quæ restitutioni obnoxia sunt, possunt & mater & auia paterna suas legitimas detrabere.*

II.

*Mater & auia paterna spem suæ legitimæ in bonis superstitis filia quæ restitutioni obnoxia sunt, vendere extraneo & donare possunt.*

III.

*Cum mater & auia paterna suas legitimas de vnius filia bonis detraxerunt, altera filia de iisdem legitimis suam legitimam detrahit.*

IIII.

*Fructus ab heredis fiduciarij successore post litem contestatam percepti, ei in suam Pegasianam imputantur.*


V.

*Cum auia et mater suas legitimas de bonis filia restitutioni obnoxiiis detrabunt, ipsa quoque filia sibi detrahit: ac proinde tres legitima à tribus diuersis personis detrahuntur.*

VI.

*Heres filia de restituendo grauata præter legitimam etiam Pegasianam detrahit.*

ARG



# A R G V M E N T V M

IN D. C. RAYNVTVS,  
de testam.

*Heres eius filia, quæ portionem suam hereditariam, cum morietur, sorori suæ restituere iussa est, legitimam simul & Pegasianam detrahit. Filia autem & mater & avia paterna, suas illa superstite speratas legitimas alienare in extraneum possunt: ita tamen ut altera filia fideicommissaria, suam quoque de illis legitimam detrahat.*



Aussæ constitutio hæc est. Raynvtius cum duas filias Alterocham & Adiectam haberet, vtranque heredem instituit: simulque Adiectam rogauit ut si sine liberis decederet, portionem suam moriens Alterochæ sorori restitueret. Ita Raynvtius decedit: vxore Adelasia, & matre Clera superstilibus relictis. Eo mortuo, Adelasia & Clera quæ legitimas suas in Adiectæ portione, si ea sine liberis decederet, sperabant: spem illam Adiectæ marito vendiderunt. Post Adiecta sine liberis decedens, Petrucium maritum heredem instituit. Cum enim & Pegasianam & legitimam detrahere dicatur: necesse est eum heredem institutum intelligi. l. quam, 10. C. ad leg. Falcid. Ita fideicommissi dies Alterochæ cessit: de qua quæsitum est, quanta ei pars illius portione hereditariæ restituenda

da esset. Papa iudex adhibitus statuit, vt primū omnium duæ illæ tertiæ quæ legitimariæ portionis nomine Adelasiæ & Cleræ debebantur, & Petrucio venditæ fuerant, à Petrucio deducerentur: ita tamen vt Alterochæ sua in iis legitima seruarietur. tum deinde, vt idem Petrucius debitam Adiectæ legitimam detraheret, ac postremò, Pegasiani s. c. nomine quadrantem. His detractis, reliquum Alterochæ restitueretur. Quod sanè cuiusmodi sit, coniectura assequi non possum. nam vt, perspicuitatis causa, ex iuris antiqui ratione, quadrantarias omnes detractiones fingamus: cū Adelasia tres vncias, Clara item tres detraxerit: post Adiectæ legitima tres quoque abstulerit: totidēque ad extremum eiusdem Pegasiana: ecquænam portio Alterochæ restitui poterit? Sed prius noua iura omnia quæ per hanc sententiam constituuntur, consideranda sunt. Sex enim illorum capita licet animaduvertere: quorum primum illud est.

*Ex bonis filie quæ restitutioni obnoxia sunt, possunt & mater & auia paterna suas tertias detrabere.* Tertia autem, si ad iuris ciuilis rationem spectemus, non alias quàm legitima interpretari possumus, quare huic enunciationi multa perspicuè aduersantur. Nam primū omnium, vbi mater & auia paterna filio moriente superant, soli matri, vtpote proximæ, secessio deferatur: auia exclusa. Nouell. cxviii. §. 2. Constat autem legitimam, hereditatis ab intestato partem esse. l. parentibus, 8. cum similib. C. de inoff. test.

test. ac proinde, iisdem personis, quibus illa defertur eodémque ordine deferri. Nouell. xviii. §. 1. & §. 2. Præterea etiamsi & mater & auia simul admitterentur : tamen non singulis, trientes singuli, legitimæ nomine : sed ambab. vnus tantum attribueretur. §. vlt. De inoff. test. Iam verò cum legitima matri deberi dicitur, de hereditate quæ filia propria est, deberi intelligitur : quemadmodum cum filio deberi dicitur, de patris hereditate intelligitur. Atqui hereditas ista non erat Adiectæ propria, sed Raynutij qui eam per fideicommissum Alterochæ destinauerat : & notum est, hereditates fideicommissarias semper testatoris hereditates dici. l. coheredi. 41. §. qui filia, D. de vulg. & pupil. subst. ex quo intelligitur, nihil ex ista hereditate neq; matri, neque auia, legitimæ nomine, deberi potuisse. Huc accedit, quòd legitima ei demum conuenit, cui hereditas ab intestato debebatur. hæc autem hæreditaria portio à filia intestatò mortua, neque ad matrem, neque ad auiam peruenire poterat. Patris enim Raynutij testamento Alterochæ destinata fuerat. Eodem pertinet, quòd legitima nulli, nisi institutionis iure, debetur : neque ab alio quàm ab herede instituto peti potest. Nou. cxv. §. 3. Quare cum neque Adelasia mater, neque Clera auia paterna heredes institutæ essent, neutra earum petere legitimam potuit. Neque ad rem pertinet, quòd legitima de bonis restitutioni obnoxiiis, filia mortua, per ipsius heredem detrahitur. Tum enim ipsius filia nomine detrahitur : quemad-



modum hac quoque in causa posterius videbimus constitutum esse, ut detrahatur. Nunc autem mulieres istæ, non filiæ, sed suo ipsarum nomine detrahunt.

Secundum ius nouum, quod hac sententia constituitur, est huiusmodi: *Mater & auia patertera spem suam legitimam, in bonis superstitis filia, quæ restitutioni obnoxia sunt, vendere extraneo & donare possunt.* Cùm enim Petrucij liberis hæc omnia & eorum tutoribus adiudicentur: perspicuum est, alienationes illas, quæ à matre & auia factæ dicuntur, confirmari. Qua de re ita disputari potest. Primùm, quod isto modo venditio hereditatis viuentis confirmatur: contra l. i. cum similibus, D. de hered. vel act. vend. ubi Vlp. ait propterea id fieri non posse, quia venderetur res quæ nulla est, & in rerum natura non est. quod autem de tota hereditate dicitur, idem de legitima, quæ ipsius pars est, dicendum esse, constat ex vulg. l. quæ de tota, D. de rei vind. Denique pacisci de legitima viuentis non licere, nemo nescit ex l. si quando, 35. i. D. de inoff. test. l. i. §. si impubere, D. de collat. præterea isto modo pactum quod mali ominis est, id est, quo liberorum spes extinguitur, confirmatur: contra l. inter stipulantem, 80. §. sacram, D. de verb. obl. nam istius duplicis trientis sperati venditio, non aliter rata esse potest, quàm si Adiecta sine liberis decesserit. Postremò absurdum videtur, quò isto pacto, ius legitimæ, quod certis personis proprium est, & in eas propriè conuenit, tam extraneo ceditur: nimium

thirum Petrucio, Adiectæ marito: cùm tamen ea quæ certis personis propria sunt, cedi extraneo non possint: quemadmodum de usufructu traditur in §. finitur, 3: De usufruct. l. si usufructus, 66. D. de iur. dot. de fideicommissio verò, in l. mulier, 59. §. ex asse, D. eod.

Tertium ius est hoc: *Cùm mater & auia pater-na suas legitimas de vnius filia bonis detraxerunt, altera filia de iisdem legitimis suam legitimam detrahit.* Quo iure constitutum video, deductionem ex deductione concedi. nam de matris legitima suam legitimam filia detrahit: quod quam absurdum sit, nemo non videt. nam neque accessionis accessio, neque deductionis deductio usquam conceditur: utpote cùm contra naturam sit ut accidens accidentis fingatur: quemadmodum de usuris usuratum, aut usuris fructuum, aut fructuum fructibus traditur in l. placuit, 29. cum similibus, D. de usur. & de Falcidia in l. pœnales, §. si Titio, ad leg. Fal. Eodem illud quoque accedit, quòd ista Alterochæ legitima præcisè & peculiariter de legitimis matris eius & auia detrahi dicitur. nam si qua detrahenda fuit, non de illis particulis, sed universè de tota illarum hereditate, quæ mortis tempore reperta est, illam deduci oportuit. l. cum quæritur, 6. C. de inoff. test.

Quantum hoc ius est: *Fructus ab heredis fiduciarij successore, post litem contestatam percepti ei in suam Pegasianam imputantur.* Vbi duplex dubitatio exoritur. Primùm enim si fructus ab herede fiduciario quocunque tempore percepti;

ci in suam Pegasianam imputantur, l. in fideicommissoria, 28. D. ad Trebell. quanto magis ab eius successore percepti & ante & post lit. contest. imputabuntur? quanquam, quoniam hic casus est de primi gradus liberis, quibus privilegium à Zenone tributum est, ut fructus illis in suam quartam non imputentur: l. iubemus, 6. C. ad Trebell. propterea de iis qui Adiecta vivente percepti sunt, nihil mutamus: sed eius successorem meliore esse iure, quàm quo sunt heredes fiduciarij extranei, nulla ratio est. Præterea singulare quiddam est in hoc controversiarum genere: ut locum non habeat quod in hoc iudicio spectatum est: litis contestatione malæ fidei possessorem effici: ac proinde fructus ab eo postea perceptos imputari: l. 2. cum similibus. C. de per. hered. nam quemadmodum traditur in l. solidum, 78. D. de leg. sec. ab ea regula excipiuntur causæ, in quibus Falcidia locum obtinet. idq; perspicua æquitate. quia possessor non absolutè & simpliciter restitutionem abnegat: sed cum adiectione, si totum restitui petitur. non enim tota hereditas debetur, sed cum deductionibus legitimis. Eoque pertinet l. 3. D. de usur.

Quintum hoc ius est: *Cùm auiā & mater suas legitimas de bonis filie restitutioni obnoxias detrahunt, ipsa quoque filia sibi detrahit: ac proinde tres legitime à tribus diuersis personis detrahuntur.* Quod cuiusmodi sit, ex iis quæ in prima enuntiatione dicta sunt, satis intellectum est. nam siue matri legitima debeatur, de filij heredit

ditate ei deberi intelligitur. siue rursus filio debeatur, de parentis. Virique autem de eadem hereditate, & matri, inquam, & filia, deberi non potest, propterea quod in intestatorum hereditatibus liberorum gradus parentes excludit. Nouella, exviii. §. primo. Quare cum pateat hanc Raynutij hereditatem esse, sola filia legitimam ab ea capiet: matrem verò & auiam prorsus excludet.

Sextum ius est: *Heres filia de restituendo grauata, prater legitimam, etiam Pegasianam detrahit.* Quod non modò contra iuris ciuilis rationem, sed etiam contra sensum communem institutum fuisse, superius docuimus. vt non mirum sit, si sententia hæc à iuris ciuilis interpretibus plerisque repudiata sit. Quadrantis enim detractio aduersus eum solum intelligitur, cui dodrans relinquitur. constat autem, vbi legitimarius triens detractus est, bessem solum superesse. Præterea ex s. c. sententia is demum quadrantem retinet, qui supra dodrantem grauatus est. §. sed quia, D. de fideicommiss. hered. quod de filio qui suam legitimam detraxit, dici non potest. Denique planissimè refutatur per Nouellam xxxix. vbi Barthol. hoc ipsum fateatur: & per Liubemus, 6. C. ad Trebell. l. quamquam, 10. l. si vt allegas, 11. C. ad leg. Falc. Atque hæc quidem ita se habent. Cum autem Glossemarius, huius Decretalis interpretes, tantam absurditatem animaduerneret, medicinam quaesivit. Adscripsit enim probabilius sibi videri, duas illas matris & auia tertias non ex ciuili,



sed potius ex Langobardico iure detrahi: propterea quòd eo loco vbi earum mentio fit, ita scriptum est: ILLAS tertias deducendas, de quib. deduci poterant, secundum Tuscanæ consuetudinem ciuitatis. Sed videamus, ne si ex eo loco argumentari liceat, tertias illas iure Langobardico detrahi: similiter concludi debeat, legitimæ detractionem quæ Adiectæ deberi dicitur, ex eodem Langobardico iure attributam ei fuisse. Vbi enim de illa agitur, ita scriptum est: Legitimam retinendam de his reb. de quib. secundum Tuscanæ consuetudinem ciuitatis fieri consuevit. Quod quàm absurdum sit, nemo non videt. Verùm vt illud omittamus, estne verisimile, tam barbaram, feram & inhumanam in vlla Tuscanæ ciuitate receptam esse consuetudinem, vt mater, & vxor patrisfam. duos de ipsius patrimonio trientes auferant: neque ei liceat suis liberis, quantumvis multis, præter vnum trientem relinquere? nam in iis quidem quæ extant Langobardorum legibus, caput hoc planè contrarium reperio, tit. 3. De vlt. volunt. Si quilibet Langobardus ægrotauerit, potestatem habeat dispensandi de reb. suis quid aut qualiter voluerit: & quod iudicauerit, stabile debeat permanere. Eodè accedit, quòd si qua huiusmodi consuetudo in ista ciuitate valuisset, superius in exponenda causâ mentio aliqua de tertio triente, de quo paterfam. disponere inter liberos poterat, facta sine dubio fuisset: nimirum, Raynutium trientem illum, de quo liberè statuere poterat, suis illis filiabus attrib

tribuisse. Præterea locus est apertissimus ex quo intelligi potest, duarum illarum tertiarum deductionem, de sola hereditaria Adiectæ portione petitam esse. Cum enim Alterocha restitutionem postulasse dicitur, non dubium est, quin eorum tantum bonorum restitutionem postularit, quæ Adiectæ attributa, & relicta, & fideicommissio destinata à Raynutio fuerant. Atqui postea dicitur, licere Petrucio de illis bonis ab Alterocha postulatis, duas illas matris & auig tertias detrudere. ex quo perspicuum est, eas non de vniuerso Raynutij patrimonio, sed præcisè de hac hereditaria portione Adiectæ attributa detractas fuisse. Verba autem hæc sunt: Coram quo Alterocha bona quondam Raynutij tanquam ex causa fideicommissi vel substitutionis sibi debita petiit: tutore filiorum ex aduerso dicente, quod de bonis illis tam tertia Cleræ & tertia Adelasæ vxori eiusdem, quàm quarta per Trebellianum nomine ipsius Adiectæ erant ante omnia deducendæ. Quibus ex verbis perspicuè intelligitur, tres istas deductiones de iis ipsis bonis sumi, quæ fideicommissi nomine postulabantur: neq; aliunde duas Cleræ & Adelasæ tertias exigi, nisi vnde Trebellianica petebatur. nam eodem ex fonte omnes hauriri apparet: cum Textus eas coniunctim de certis bonis postulari ostendat: non autem duas ex iure Langobardico, tertiam ex iure civili. Sed video quid alicui venire in mentem possit, quod tamen receptæ huius Decretalis interpretationi planè aduersatur. nimirum

tertias illas Lāgobardicas eius donationis causa deberi, quæ in libro de Feudis, Morganatica: in Langobardorum legibus & Germanorum institutis, Morgengeba vocatur: ita tamen, ut Clara de bonis sui quondam mariti qui Raynutij pater fuerat, suam illam Morgengebam postulet. Primum omnium nulla huiusce rei vel tenuissima in textu nostro facta mentio est, deinde Langobardorum legibus Morgengeba disertè vetatur esse quadrante bonorum maior. Edict. Lutprand. tit. 4. præterea quomodo ad hæc verba accommodari ista interpretatio poterit? Alterocha bona quondam Raynutij tanquam ex causa fideicommissi sibi debita petiit: tutore allegante quòd de bonis illis tertia Clara, quàm tertia Adelasæ, & quarta per Trebellianum Adiectæ nomine erant deducendæ. Nam si Morgengebæ illæ fuerant, & alienatæ in extraneum erant, quo iure peti ab Alterocha potuissent? deinde quomodo de illis iisdem bonis detrahi Trebellianica potuit? Ad extremum, quid illud est, quod Alterochæ tribui legitima dicitur, de iisdem illis duabus tertiis delibata? Nam ita omnino se res habet: ut si maximè commentum istud alicui largiamur, tamen absurdissimè ius illud ex eo consequatur: Cùm vxor & mater iure Langobardico suas tertias detrahunt, easque inter viuos alienant, tamen filia potest suam de illis legitimam detrahere. Hoc enim loco statuitur, ut Alterochæ, de illis tertiis Petrucio venditis, sua legitima seruetur. Atqui constat legitimariam portionem

tionem de hereditate tantum detrahi: quæ  
 verò inter viuos alienata sunt, in hereditate  
 non numerari. l. sequens quæstio, 68. D. de leg.  
 sec. Neq; enim, opinor, locum hîc habuit, quod  
 traditur in l. l. l. 2. & l. si totas, 3. C. de inof. don.  
 & l. si vnquam, C. de reuocand. don. cùm per  
 inofficiosas donationes legitima læsa est, eas  
 vsque ad legitimæ quantitatem rescindi. quia  
 cùm illæ duæ tertiæ confusæ in matris & auix  
 patrimonio fuissent: si casus ita tulisset, vt Al-  
 terocha suam illarum bonis legitimam postu-  
 laret, certum est illam legitimam non præcisè,  
 de istis tertiis, sed vniuersè de solido illarum  
 patrimonio detrahendam fuisse. Præterea vbi  
 de inofficiosis donationibus, aut earum recis-  
 sione, vlla in consultatione, & toto Decretalis  
 contextu vel minima suspicio est? non enim, o-  
 pinor, iudex huic controuersix adhibitus, po-  
 tuit illas donationes nondum inofficiosi con-  
 uictas & damnatas, ita obiter & quasi aliud a-  
 gens rescindere. Nam quod ad inofficiosæ ven-  
 ditionis querelam attinet, vbi vnquam eius au-  
 dita mentio est? Neque verò plura de Glossa-  
 torum interpretatione dicenda sunt, præsertim  
 cùm tota illorum in tertiis deducendis ratio  
 nemini probari possit, nam si ponamus in Ray-  
 nutij bonis fuisse LIIII. tres autem personas  
 Cleram, Adelasiam, & Adiectam tertias ex iis  
 peterè: nò sic rationem inibimus, vt Clera de  
 LIII. detrahat xviii. pòst Adelasia de reliquis  
 xxxvi. auferat xii. ad extremum Adiecta de  
 hisce xii. quatuor abstrahat. Cùm enim vniqvi-



que earum eodem iure, eodémque temporis puncto legitima debeat: quis non videt, ex eadem quoque summa singulis suam portionem attribuendam? neque Cleram Adelasiæ, aut hanc illi anteferendam esse? sed vnam simul omnibus illis tribus legitimam de toto Raynutij patrimonio attribuendam: quam pariter æquabilitérque inter se partiantur. verbi gratia XVIII. omnibus. quemadmodum ex §. vltim. De inoffic. testamen. superius demonstratum est. Verùm, vt antea diximus, quæsitum emplastrum est, quod ista vlcera non sanaret, sed tegeret. de quo tamen diutius non pugnari, nam per me quidem pedibus ista trahantur, licet.

### QVÆSTIO XXXIIII.

*Quemadmodum ex variis coniunctionum modis ius accrescendi cuique coniuncto competat.*

NVlla toto iure spinosior aut magis perplexa disputatio est, quàm illa de iure accrescendi. nec mirum. fuit enim variis Iurisconsultorum concertationibus mirificè vexata, atque vt Iulianus testatur, agitata. l. si seruo, 31. D. de statulib. deinde quantum ad legati causam pertinebat, tota in formulis & verborum conceptionibus interpretandis versabatur: quarum aliæ per vindicationem, aliæ per damnationem, aliæ per præceptionem dicebantur: vt testatur Imp. in l. 1. §. C. de cad. toll. Vlp. tit. Regul. 24. & Caius

Caius lib. Inst. 2. tit. De legat. quarum formularum cum cuiusque diuersissima vis ac significatio veteribus Iurisconsultis videretur, neque tamen illi inter se in earum interpretatione consentirent, ad extremum Tribonianus exortus est, qui formulis illis sublatis tamen quod cuique formulæ ius à Iurisconsultis attributum fuerat, sparsim in Pandectis reliquit, Vt iam per admodum paucis in locis animadvertere liceat, ad quamnam earum formularum referri quasque Iurisconsultorum interpretationes oporteat. qua de causa nunquam sum veritus palam hoc dicere, ac liberè profiteri, non modò cunctorum qui hodie viuunt Iuris Professorum, sed ne multorum quidem veterum Iurisconsultorum si hodie reuixissent, ingeniis vllam inter tam discrepantes sententias concordiam conciliari posse. Sed tamen quæ ex tanta caligine tantisque tenebris ad aliquam studiosorum vtilitatem proferri in lucem poterunt, hoc loco commemorabimus. Coniunctio duplex est: vna iuris, altera testamenti. Iuris coniunctio est, quæ ex rei communione inter plures eiusdem rei dominos ipso iure ita inducta est, vt deficientis pars alteri capienti accrescat, veluti, cum è pluribus eiusdem rei dominis vnus suam partem pro derelicto habet. nam ea pars alteri domino eam occupanti confestim accedit. l. 3. D. pro derelict. vnde vetus illud ius, vt qui è duobus serui dominis illum pro sua parte manumitteret, tacitè illam donare socio intelligeretur, hoc est, vt pars illa

deficiens alteri retinenti accresceret. teste Vlp. tit. reg. 2. Paul. Sent. 4. tit. 12. §. vlt. in fin. Inst. de donat. l. 1. C. de seru. com. manumiss.

Pari modo pars eius fratris qui querela inofficiosi agere destitit, alteri fratri qui in querela perstitit, propter iuris communionem & coniunctionem accrescit. l. si ponas, 23. §. vlt. D. eod. Item cum patrisfam. intestato mortui hereditas ipso iure primum ad suos heredes, tum illis deficientibus ad agnatos paris eiusdemve gradus æquabiliter pertineat, si quis vel suorum sua parte abstinere, vel agnatorum suam partem repudiaret, Iurisconsulti propter coniunctionem iuris statuerunt partem abstinentis aut repudiantis reliquis capientibus accrescere. auctore Vlpian. tit. Regul. 22. & tit. 26. & l. 3. §. 3. l. 9. D. de suis & legit. §. vlt. Inst. ad orphit. Paul. Sent. 4. tit. 8. §. vlt. Deinceps de coniunctione testamentaria differendum est. nam hæc tribus fit modis: re tantum, re & verbis simul, & verbis duntaxat. l. triplici, 142. D. de verb. obl. l. re coniuncti, 89. D. de legat. 3. Re tantum fieri coniunctio dicitur, cum pluribus eadem res separatis enuntiationibus relicta est: veluti, Primo Stichum lego. Secundo Stichum lego. §. si eadem, 8. De leg. nam etsi verbis & enuntiationibus inter se disiuncti sunt, tamen rei communione coniuncti intelliguntur. Verius tamen & crebrius Disiunctio hæc appellatur: propterea quod Coniunctio & Disiunctio in hoc genere potius ex verbis, quam ex re æstimatur. d. §. 8. & l. 1. §. his ita, & §. sequ. C. de cad. toll. Re & verbis

coniunctio fieri dicitur, cum & vna res & vna enuntiatione pluribus simul relinquatur. veluti, Primo & Secundo: vel, Primo, cum Secundo: vel Primo Secundoque fundum illum do lego. l. triplici, 142. D. de verb. signific. l. si duobus, 16. §. ult. D. de legat. 1. nam cum & ad eandem rem & vno verborum ambitu sint vocati, non dubium est, quin arctissime inter se coniuncti sint. quam vocem ARCTISSIME, aut certè parem aliquam, veluti, *Summè*, aut *Præcipuè* desiderari arbitror apud Paulum in d. l. 142. vbi scriptum ita est: Nec dubium est, quin coniuncti sint, quos & nominum & rei complexus iungit, de quo ne seruulus quidem Pauli calceolarius dubitare potuisset. sed hoc significat, è tribus coniunctionibus illam esse arctissimam: atque iccirco ceteris duabus præferri, ac potiorē esse: vt idem loquitur in l. re coniuncti, 89. D. de legat. 3. Verbis autem solis coniunctio fieri dicitur, cum vna quidem res & vnica enuntiatione pluribus relicta est: sed tamen certis unicuique partibus assignatis. velut, Primo, & Secundo fundum Tusculanum æquis ex partibus do lego. d. l. 89. & apud Vlp. tit. regul. 24. Titius & Mæuius ex parte dimidia heredes sunt. d. l. 141. Etsi enim vnico verborum ambitu comprehensi sunt, tamen propter partes cuique ab initio assignatas vt ipsa separati esse intelliguntur. quia quot partes in legato factæ sunt, tot res numerantur. l. rectè, 25. D. de verb. signif. non secus ac si singulæ res singulis separatim legatæ fuissent. l. huiusmodi, 84. §. pen. D. de legat. 1.



Atque huius folius ultimi coniunctionis modi exempla Paulus subiungit, in d.l.triplici: quam longè aliter & legendam, & interpretandam arbitror quàm ut vulgò creditur. Totam enim illam superiorem enuntiationem. *Nec dubium est, & cet.* nota parenthesis includo. ut quod continenter sequitur, *Veluti, Titius & Mauius ex parte dimidia heredes sunt*: nequaquam ad illa proxima parèthesi inclusaverba pertineant, sed ad illud vnicum superius ante parenthesis extremum, *Aut verbis tantum*. Nam hæc exempla, *Titius & Mauius ex parte dimidia heredes sunt: Titius Mauiusque ex parte dimidia* (sic legendum est) *heredes sunt: Titius cum Mauius ex parte dimidia heredes sunt*: non duplicis coniunctionis exempla sunt, sed eius duntaxat, quæ fit nudis verbis. neque verè proprièque Coniunctio est. quoniam, ut Celsus disputabat, tum demum propriè testator coniunctim legare dicitur, cum cuique coniuncto ita solidum attribuit, ut si legatarij concurrant, suam singuli partem ferant: sin alter deficiat, alter totum auferat. l.coniunctim, 80. D. de legat. 3. At is qui verbis tantum coniungit, partes ab initio definit: & qui sibi relictum capiunt semper habuisse suas partes dicantur: hoc est, non tantum concursu, sed etiam ab initio. l.planè, 34. §. si coniunctim, D. de legat. 1. l. re coniuncti 89. D. de leg. 3. Sed iam attentius considerandum est, quæ cuiusque coniunctionis vis ac potestas sit. In quo multiplex distinctio adhibenda est. nam primum omnium aut hereditatis causa est, aut legati.

legati. de quib. Paul. separatim disputat in d.l. 142. & d.l. 89. deinde alia proprietatis causa est, alia ususfructus. tertio cum de hereditate ambigitur, aut omnes instituti sunt ex partibus indefinitis aut omnes ex definitis, aut permixte. quarto, vel omnes agnoscunt, aut quidam non agnoscunt. quinto, vel primus, vel secundus, vel tertius coniungendi modus à testatore usurpatus est. De hereditatis causa priore loco differemus. Ergo ubi plures coheredes facti sunt, siquidem omnes agnoscunt, tum si partes definitæ sunt, singuli suam partem ferunt. si indefinitæ sunt, æquas partes habent. l. quoties, 9. §. heredes, D. de hered. inst. quod si cuius pars defecerit, qui cum aliis coniunctus est, eius pars soli coniuncto, eique invito, accrescit. si non est coniunctus, tum omnibus pro partibus hereditariis accrescit. l. liber, 59. §. cum quis, l. heredes. 63. l. si ita quis, 66. D. de hered. instit. l. heredi, 32. l. qui ex duobus, 53. §. 1. l. si quis, 55. D. de acq. here. Cuius rei ratio perspicua est: quoniam hereditas natura sua indiuidua est: hereditas ius vniuersum est: neque pro parte acquiri, pro parte repudiari potest: neque quisquam pro parte testatus, pro parte intestatus potest recedere, nisi forte miles sit, cuius ideo in testamento ius accrescendi non est. l. si duobus, 37. D. de testam. mil. l. filius. 42. §. 1. D. de bon. libert. qui verò sine parte scripti sunt, neque inter se coniuncti habentur, neque inter ipsos ius accrescendi competit. l. item quod, 17. §. 1. D. eod.

Deinceps de legatis videamus: in quibus ius

antiquum diligenter à Iustiniano separandum est. nam iure antiquo tripartita primum distinctio adhibebatur ex formulis, quemadmodum superius ex Caio & Vlpiano demonstraui-  
tum deinde bipartita, ex coniunctione, vel dis-  
iunctione. quarum de vtraque præcepta Vlpia-  
nus tradit tit. Regul. 14. itémque Caius lib. Inst.  
2. tit. De leg. sed ita, vt ænigmata loqui videan-  
tur. Verba illius hæc sunt : *Optimum ius legati  
per damnationem est.* Quid est optimum ius le-  
gatum siue optimum legandi genus? nempe, vt  
constare inter omnes arbitror, quod plurimum  
legatario tribuit, quod est ad legatarij utilita-  
tem accommodatissimum: ac proinde quod he-  
redi plurimum adimit, deque ipsius iure demi-  
nuit. Damnatio enim & damnum ab ademptio-  
ne & quasi deminutione dictum est: ait l. 3. D.  
de damn. inf. eiusque rei argumento est l. ciui-  
tatibus, 122. §. 1. D. de legat. 1.

Quod cum ita sit, quid est quod Vlpianus il-  
lo loco sic scribit? *Si per damnationem eadem res  
duobus legata sit; si quidem coniunctim, singulis  
partes debentur: & non capientis pars in heredita-  
tem remanet.* Non enim & optimum legati ius  
est per damnationem, & plurimum heredi re-  
linquit. Quæro præterea, quid sit quod his ex-  
ponit verbis? *Si duobus eadem res per vindica-  
tionem legata sit, siquidem disiunctim, singulis in  
solidum debetur.* Nam hoc perspicue falsum est:  
cum imperator in d. l. 1. §. sin autem, solius hoc  
per damnationem legati proprium esse affir-  
met, vt singulis solidum debeat, hoc est vni  
res.

res, alteri pretium : in vindicationis autem legato suam tantum cuique partem deberi. *Sin autem, inquit, disunctim fuerit relictum, siquidem omnes hoc accipere voluerint, suam quisque partem pro civili portione accipiat & non sibi blandiatur, ut unus quidem rem, alij autem singuli solidam eius rei estimationem accipere desiderent: cum huiusmodi legatariorum amicitiam antiquitas in uno tantummodo legati genere (hoc est per damnationem) suscepit: in aliis respuendam esse existimans.* Quod eodem modo Caius supradicto loco ita tradidit: *Ut si disunctim per legatum damnationis relictæ fuerit, singulis integra debeatur, id est, ut unus rem ipsam accipiat, alij estimationem rei ipsius ab herede percipiant.* At de legato vindicationis quid dixit? *Si per vindicationem, inquit, una res multis disunctim legata sit, et singuli hanc ipsam rem præsumere velint, æquales singuli de re legata capient portiones.* Tamen si tota hæc regula alienissimo loco apud Caium posita, post superiorem de damnatione locum restituenda est: ut cuius facile est ex ea quam demonstrare instituerat distantia cognoscere. Quinetiam hoc ipsum de damnationis legato paucis interiectis versibus inculcans: *Præceptionis legatum, inquit, etsi coniunctim aut disunctim relinquitur, omnibus una res tantum quæ nomenclata est, debetur, non vni res, & alij estimatio: sicut in legato damnationis est constitutum: id est sicut in legato damnationis obseruatur.* Quid igitur dicemus? Foedissimum scilicet apud Vlpianum incogitantia librarij, mēdum irreplisse: & prio-



re loco pro VINDICATIONEM reponendū DAM-  
 NATIONEM: posteriore verò *Damnationem*, pro  
*Vindicationem*. Id quod planissimè hoc modo  
 demonstrabimus. Si duobus eadem res per dam-  
 nationem legata sit, inquit Ulpianus, *si quidem*  
*disiunctim singulis in solidum debetur*. Quòd i-  
 dem superius & ex Imperatoris & ex Caij ver-  
 bis apertissimè comprobauimus, tantūne? i-  
 mò etiam ex ea regula, quam Ulpianus initio  
 tradiderat, *Optimum legati genus esse, per dam-*  
*nationem*. quomodo? quoniam heredi pluri-  
 mum adimitur, legatario plurimum tribuitur:  
 quo nihil aut verius, aut ad hanc emendatio-  
 nem aptius dici aut excogitari potest. docu-  
 mentūque habet apertissimum in l. si plurib.  
 44. §. 1. D. de legat. 2. & l. quid ergo, 53. §. si quis  
 duos, De legat. 1. quinetiam Imperator hoc i-  
 psū ius retinuit, si modò testatoris hoc fuisse  
 consilium apertè intelligatur. *Ne testator* (in-  
 quit) *apertissime & expressim disposuerit, ut uni*  
*quidem res solida, aliis autem estimatio rei singu-*  
*lis in solidum præstetur*. in quam sententiā Tri-  
 bonianus Pauli locum inflexit & contorsit aper-  
 tissimè in d. l. si plurib. 33. D. de leg. 1. ut facile est  
 iis qui veterum Iurisconsultorum & ipsius sty-  
 lum internoscunt, animaduertere. nam ceteris,  
 qui Bæotico ingenio sunt hæc non traduntur.  
 denique Pomponius idem euidenter affirmat  
 in l. qui duos, 13. §. 1. D. de legat. 2. & Iulianus in  
 l. non quocunque, 82. §. qui Caium, D. de legat.  
 1. itémque Ulpian. in l. si res mihi, 20. D. de leg. 3.  
 item Celsus in l. duos, 14. D. de usufr. leg. Atq;  
 hæc

hæc quidem de legato damnationis disiuncto  
satis dicta sint. Sequitur apud Vlpianum: *Si ve-  
rò coniunctim, velut, Titio et Seio hominem Sti-  
chum do lego*: (vbi sine dubio reponendum est  
DATO: quia modus hic per damnationem con-  
cipiendus est) *iure ciuili concursu partes fiebant.*  
Quam sententiam generaliter ita Celsus expo-  
nit: Coniunctim legari, hoc est, totum legatum  
singulis ab initio datum esse, partes autem con-  
cursu fieri. l. coniunctim, 80. D. de legat. 3. quod  
idem Paulus confirmat in l. si pluribus, 33. l. hu-  
iusmodi, 84. §. si Titio, D. de legat. 1. l. si quis. 7.  
D. de usufruct. accresc. idemque de legato præ-  
ceptionis per rei coniunctionem relicto tradi-  
tur. in l. si fortidianum, 7. C. de legatis, & ratio  
est æquissima: quia coniuncti vnius loco ha-  
bentur: ac proinde non plus omnibus præstan-  
dum est, quàm quantum vni præstaretur. l. pla-  
nè, 34. D. de legatis 1. Sequitur apud Vlpianum:  
*Non concurrente altero, pars eius alteri accrescit:*  
quæ sententia multis locis confirmatur. & æ-  
quissima ratione nititur, quam superius osten-  
dimus. primum; quia quibus testator coniun-  
ctim legat, iis solidum ab initio legare intelli-  
gitur. d. l. coniunctim, 80. De leg. 1. deinde, quia  
coniuncti vnius loco habentur: ac proinde  
quemadmodum non plus duobus quàm vni  
debetur, ita vicissim non minus vni quàm duo-  
bus debetur. l. si duobus. 16. §. vlt. l. ciuitatibus.  
122. §. 1. D. de legat. 1. l. pater. 29. §. 1. l. si duabus,  
40. l. mortuo, 49. §. vlt. D. de legat. 2. Haftenus  
de legato damnationis dicta sint. tamen si ne

hoc quidem omittendum videtur, vbi coniuncti pars iccirco definit, quoniam in eius persona legatum non constitit, nullum accrescendi ius esse. l. si duobus. 16. l. planè, 34. §. si coniunctim. D. de legat. 1. l. si Titio. 7. D. de legat. 2. atque ita partem facere, qui tamen ad partem non admittitur. d. §. si coniunctim: & l. huiusmodi. 84. §. si Titio, D. de legat. 1.

Sequitur, vt de legato vindicationis differamus. Si per vindicationem (sic legendum esse superius diximus, & mox planius intelligetur) eadem res duobus legata sit, si quidem coniunctim singulis partes debentur. Quam regulam Caius his confirmat verbis: *Inter legatum vindicationis et damnationis ista similitudo est: quod per legatum vindicationis siue damnationis, si coniunctim (id est, duobus aut pluribus) una res in legato dimissa fuerit, in utroque legato simul ab omnibus præsumitur.* Imperator autem æquitatem his ostendit verbis: quia coniuncti propter unitatem sermonis quasi in vnum corpus redacti sunt. d. l. 1. §. hoc ita. sed planius Celsus in d. l. coniunctim, 80. D. de legat. 3. Quare sequentia videamus: *Et non capientis pars iure civili in hereditate remanebat.* Quod certè cuiusmodi sit, assequi coniectura non possum. nam ad damnationis quidem legatum referri non posse superius satis planè satisque copiosè demonstraui-  
mus. De vindicationis quoque legato testimonia extant sole ipsa clariora in l. 1. §. si verò, C. de cad. toll. l. Mæuio. 41. D. de leg. 2. l. si seruo, 31. D. de statulib. l. Titio, 34. cum l. sequen. in quib.  
de

de hoc ipso vindicationis legato tractatur, D:  
ad legem Aquil. l. i. §. penult. & l. si quis, 7. D. de  
vsuf. accresc. Quid igitur statuemus? nempe hoc  
ipsum, quod iam ab initio monuimus: discre-  
pantes inter se Iurisconsultorum hac de re sen-  
tentias fuisse: & Vlpianum eorum opinionem  
secutum esse, qui partem legati per vindicatio-  
nem deficientis heredi relinquebant: quasi me-  
lior esset heredis in hoc genere conditio, quàm  
in legato damnationis: quòd & heredi plurium  
adimit, & legatario plurimum tribuit. Quare  
superest, vt reliqua Vlpiani verba exponamus:  
*Quod si disunctim*, inquit, *singulis in solidum de-*  
*betur*, in quo dubitandi causa nulla est, quin à  
reliquis Vlpianus non dissenserit: quorum ali-  
quanto ante sententiam hanc fuisse docuimus;  
vt singulis partes singulæ deberentur. Nam i-  
dem alio loco suam sententiam in eam partem  
accipi velle ostēdit, si modò testator non com-  
municandi, sed solidi utriq; legandi consilium  
habuerit. l. si res mihi, 20. D. de leg. 3. quam ean-  
dem aliorum quoque Iurisconsultorum men-  
tem fuisse Imp. non obscure profitetur in d. l. i.  
§. sin autem. & in l. si pluribus. 33. D. de leg. 1. His  
igitur ita constitutis, deinceps illud animad-  
uertendum est, plurimi referre, vtrum coniu-  
cti omnes vno eodēque modo, an alij vno, a-  
lij altero modo coniuncti sint. nam inter eos  
omnes qui eodem modo coniuncti sunt, ius  
accrescendi competit æquabiliter, pro portio-  
nib. scilicet hereditariis. quippe, cum solidum  
illis ab initio tacitè relictum intelligatur. d. l. i.




coniunctim, 80. D. de leg. 3. Inter eos verò quorum alij vno, alij altero modo coniuncti sunt, qui re & verbis coniuncti sunt, iis qui re tantum coniuncti sunt præferuntur, potioresque habentur, vt soli deficientis socij partem obtineant, quasi qui coniunctiores sint, & in vnum corpus coacti. d. l. 142. Pars autem eius qui re tantum coniunctus est, deficiens iis pro portionibus hereditariis accrescit. l. lib. 59. §. 3. D. de her. instit. l. Mæuio, 41. D. de leg. 2. Primus & Secundus heredes sunt. Tertius heres esto. Non fient tres partes æquales. sed Primus & Secundus in vnum semissem cogentur, alter Tertio relinquetur. l. Attius, 11. d. l. lib. 59. §. Titius, De her. instit. l. 7. D. de vsuf. accresc. Ergo Primo vel Secundo deficiente quadrans Primi soli Secundo, vel quadrans Secundi soli Primo accrescit. l. heredes, 63. D. de her. inst. quod idem de substitutione iuris est. l. coheredi, 41. de vulg. subst. Et huc referendum est ius illud accrescendi, quod filiabus aut nepotibus præteritis antiquo iure concedebatur. de quo Imp. §. 1. De exher. lib. Vlp. titul. Reg. 22. Paul. senten. 3. tit. 4. vt si plures extranei sint instituti, filia præterita, tamen quasi tacite instituta in semissem instituta intelligatur. quasi illi re & verbis coniuncti, hæc verbis tantum disiuncta sit. quod si filij instituti, filia præterita sit, partes illis viriles auferet. quasi propter tantam familiæ vnitatem & re & verbis fratribus coniuncta fuerit.

Reliquum est, vt videamus quid intersit inter ius accrescendi, quod in proprietate, & illud  
quod

quod in usufructu contingit. Primum igitur illud interest, quod in proprietate tum demum admittitur, cum alter non concurrat. In usufructu, utroque casu, siue alter non concurrat, siue alter concurrere desierit. l. 1. §. 2. De usufructu. Itaque in usufructu ius accrescendi propriè verèque dicitur: quoniam pars semel alteri quæsitæ tamen eius morte ad socium accedit. in illa autem ius non decrescendi verius appellatur. nam in proprietate posteaquam concursus est, spes omnis accrescendi sublata est: at in usufructu etiam posteaquam concursus est, & socius partem tulit, tamen accrescendi spes est. Eius enim morte usufructus non vel ad testatoris, vel ad ipsius mortui heredem, sed ad socium alterum fructuarium accedit. d. l. 1. §. 2. & Paul. lib. 3. tit. 6. §. cum coniunctim. Secunda differentia est, quod proprietarius suam partem non habens ius accrescendi non habet. l. si totam, 83. De acq. hered. fructuarium quamvis suam partem non habeat, accrescendi tamen ius habet. l. si Titio, 10. De usufructu. l. si Titio, 33. §. ult. D. de usufructu. ubi ratio hæc profertur: quoniam in proprietate portio accrescit portioni: sicut alluvio accedit fundo. at cum usufructus sit personalis, non portioni, sed personæ accrescit. l. & an eadem, 14. §. 1. D. de except. rei iudic. Tertia differentia est, quod portio proprietatis semel acquisita, & post amissa alteri non accrescit, portio usufructus accrescit. d. l. 1. §. 2. ubi ratio hæc profertur: quia usufructus quotidie constituitur, & legatur. quippe, qui in quotidiana per-

ceptione consistit. l. i. D. quan. dies leg. ac proprietas eo solo tempore constituitur, quo vindicatur. d. l. i. §. 2. Itaque si coniunctim duobus ususfructus legatus sit, vno mortuo ususfructus eius non ad proprietarium redibit, sed ad alterum in solidum pertinebit: vt ait Paul. Sent. 3. tit. 6. §. cum coniunctim. quod idem Vlpianus de ususfructu seruo communi legato respondit in d. l. i. De usufr. legat.



## EX AFRICANO,


### LIBRO NONO

#### Quæstionum.



Rater à fratre, cum in eiusdem potestate essent, pecuniam mutuatus, post mortem patris ei soluit. quæsitum est, an repetere possit. Respondit, vtique quidem pro ea parte qua ipse patri heres extitisset, repetiturum: pro ea verò qua frater heres extiterit, ita repetiturum, si non minus ex peculio suo ad fratrem peruenisset. Naturalem enim obligationem quæ fuisset, hoc ipso sublata videri, quòd peculij partem frater sit consecutus: adeò vt si prælegatum filio eidemque debitori id fuisset, deductio huius debiti à fratre ex eo fieret. idque maximè consequens esse ei sententiæ, quam Iulianus probaret: si extraneo quid debuisset, & ab eo post mortem patris exactum esset, tantum iudicio cum familiæ  
ercisc

erciscundæ recipiaturum à coheredibus fuisse, quantum ab his creditor actione de peculio consequi potuisset. Igitur & si re integra familiaræ erciscundæ agatur, ita peculium diuidi æquum esse, vt ad quantitatem eius indemnis à coherede præstetur. porrò eum quem aduersus extraneum defendi oportet, longè magis in eo quod fratri debuisset, indemnem esse præstandum.



FRANC. HOTMANNI, I. C.

IN EANDEM AFRICANI LEGEM

vetus renouata disputatio.



Vodeuiginti iam anni sunt, cùm in hanc legem scripsi videri mihi mendum irrepsisse fœdissimum: modestèque (vt mea natura & consuetudo semper tulit) sententiam illam meam exposui. Pòst etiam anno M. D. LXIII. cùm essem Valentia, commentationem eandem retractavi: nouisque aliquot argumentis sententiam illam meam veterem confirmaui. Ac sperabam fore, vt si quis vir doctus eam emendationem improbare vellet, disputationem suam eadem qua vsus eram modestia, literis mandaret: meamque opinionem placidè & sedatè refelleret. non enim de iuris sententiis, tanquam pro aris & focis, vt opinor, dimicamus. nunc verò ab aliquot amicis sum admonitus, reprehensionem quidem illius libelli mei nuper editam fuisse: sed



valde contumeliosam, atque à Iurisconsultorum ratione & instituto planè abhorrentem. Itaque rursus illam Africani legem in manus sumpsi, publicèque nuper interpretari volui: & communicato cum amicis consilio, quoniam mihi visus sum perspicere, verissimam illam meam esse sententiam, tertiam hanc illius legis tractationem diuulgare institui: ut quoniam voluntarius mihi aduersarius exortus est, eruditi viri (quorum iam magna copia est) nostrę huius contentionis arbitros se interponant. Nam ad me certè quod attinet, paratum me profiteor, vbi sententiam meam certis testimoniis conuictam animaduерtero, de illa desistere: & eruditorum Iurisconsultorum iudicio stare. in quibus ne Franciscum quidem Roaldum eruditissimum virum recuso: atque adeò propter singulare animi mei de ipsius integritate iudicium, huius controuersię arbitrum fero: ea tamen lege, ut veteris præcepti meminerit, & cum arbitri personam susceperit, amici deponat.

Summa autem quæstionis hæc est: An & quatenus quod frater fratri naturaliter debitum post patris mortem dissoluit, tanquam in debitum condicat. Principio propter quæstionis subtilitatem triplex adhibenda præmunitionis est, nam mirum est, eos qui facillimam hanc legem esse scribunt, tamen tres totas paginas in præmunitionibus consumere. Nostrarum igitur hæc prima est, *Inter eos qui eiusdem familie sunt naturalis tantum obligatio contrahitur.* l. a-  
ction

ctiones, 7. D. de obl. & act. l. 4. D. de iudic. l. naturalis, 10. D. ad Macedon. Est autem naturalis obligatio, quæ cum iure civili destituatur, naturali æquitate, id est, æqui bonique ratione, sola sustinetur. l. Stichum, 95. §. naturalis, D. de solut. l. si quod, 64. D. de cond. indeb. Quo loco illud obiter notandum est, quamvis filiisfam. ex contractibus cum extraneis factis, non modò naturaliter, verumetiam civiliter & obligent, & obligentur: l. filiusfam. 39. D. de oblig. & act. l. tam ex contractibus, 57. D. de iudic. l. si id quod, 58. §. 2. D. pro soc. tamen ipsos inter se naturaliter tantum obligari. ut paulò post planius intelligitur. Sequitur secunda, *Naturalis obligationis hæc vis est, ut cum ad retentionem, tum ad compensationem valeat.* l. naturaliter, 13. & l. iudex, 28. D. de cond. indeb. l. etiam, 6. D. de compens. Sequitur tertia, *Peculium tum profectitium, tum aduentitium, iure civili cum hereditate paterna permiscetur.* l. certum, 13. C. famil. ercisc. l. filiarum, 12. C. de collat. qua de causa res in peculium concessa patre mortuo efficitur hereditaria. l. emptor, 65. §. 1. D. de rei vind. Cuius rei hæc ratio est, quoniam cum peculium non dicatur nisi eorum qui in aliena potestate sunt, sequitur ut ea potestate perempta peculium perimatur. l. paterfam. 182. D. de verb. signif. l. ult. in fin. C. de inoff. test. sicuti morte filij aut serui, emancipatione filij & manumissione serui peculium esse definit. l. 1. & l. ult. D. quand. de pec. act. §. 1. Quibus non est permixtum. §. 1. Per quas pers.

Nunc causæ constitutio videnda est. Duo

fuere filii. fratres, Primus & Secundus: quorum  
 uterque in peculio centenos habuit aureos.  
 Primus à Secundo quinquaginta mutuatus est.  
 Pòst pater moritur, cui fratres illi æquis ex par-  
 tibus succedunt. Hi cùm paternam heredita-  
 tem inter se ipsi pinguius nullo adhibito arbi-  
 tro diuisissent (velut in l. cùm putarem. 36. §. ult.  
 fam. ercisc.) Primus datam Secundo fidem ser-  
 uare voluit, eique quinquaginta aureos dissol-  
 uit. Pinguius autem diuisam inter illos here-  
 ditatem iccirco dicimus, quoniam si familiæ  
 erciscundæ adhibitus arbiter fuisset, reputatio-  
 nis & deductionis rationem habuisset. animad-  
 uertisset, inquam, & in peculio fratris credito-  
 ris, id quod ei naturaliter debebatur, compu-  
 tandum: & ex illo debitoris, quod ipse natura-  
 liter debebat, deducendum. l. quàm Tiberonis,  
 7. in fin. l. sed si, 9. §. 1. D. de pecul. l. si peculium,  
 6. §. sicut. l. denique, 8. §. 1. D. de pecul. leg. Cuius  
 rei ratio si habita fuisset, nihil prorsus con-  
 trouersię superfuisset. neque enim tam amens  
 Primus fuisset, ut pecuniam semel solutam, ite-  
 rum dissolueret. Verùm ut hoc per incuriam &  
 errorem non animaduernerit, parui refert. Illud  
 summè attēdi oportet, cùm permixtum vtrius-  
 que filij peculium in paterna hereditate fuisset,  
 uterque autem æquis ex partibus heres extitisset,  
 tum accidisse, ut Primus è peculio Secundi  
 (quod, ut diximus, quinquaginta aureorum e-  
 rat) viginti quinque auferret: vicissim autem  
 Secundus è peculio Primi (quod idem fuisse  
 diximus) quinquaginta. Nam (ut iam testati su-  
 mus

mus) nullam quinquaginta aureorum quos Secundus Primo crediderat, duci rationem oportet. quasi apud Primum periissent, neque in eius peculio patre moriente reperti fuissent. Cum enim Africanus dicat naturalem Primi obligationem post patris mortem mansisse, perspicuum est illam summam in patris hereditate confusam non fuisse. nam si confusa fuisset, Secundus eam percepisset: atque ita sibi vterque centenos suos peculiares aureos recepisset. Hæc igitur cum ita essent, Primus fidem (vt dixi) seruans quinquaginta aureos fratri dissoluit. Aliquanto post de iure civili admonitus, quo debitæ inter filiosfam. pecuniæ exactio nulla est, repetere pecuniam illam tanquam indebitè solutam instituit. Quæstio est, an possit. Dubitandi causa est, vt non posse videatur, defensio Secundi, quoniam naturalis obligatio ad retentionem valet, vt paulò antè diximus: id est, naturale debitum per errorem solutum retineri ab eo cui solutum est, potest: propter æquitatem naturalem. l. hoc iure, 29. §. 4. D. de donat. l. naturales, 10. D. de obl. & act. Contrariam tamen Africanus respondit. Primum videlicet quinquaginta solutos fratri per errorem aureos repetiturum. hac nimirum de causa, quoniam Secundus eos iam antea ex Primi peculio ceperat. nam (vt à posteriore primùm ordiamur) pro qua parte Secundus patri heres extitit, cuius in hereditate confusum Primi peculium fuerat, è Primi peculio quinquaginta aureos abstulerat. Cum autem obligatio naturalis e-



tiam ad compensationem valeat ( vt superius dictum est ex l. 6. D. de compens. ) æquum esse vt illa quinquaginta ei in solutionem imputentur, & cum eo quod Primus Secundo debuerat compensentur: hoc est, eatenus naturalis obligatio tollatur, quatenus Secundus è Primi peculio consecutus est. Ita disceptatio ex contraria æquitate constat: sicuti videmus in l. si seruus, 61. §. quòd verò, D. de furt. æquitatem cum æquitate contendere. Nam quemadmodum Secundus naturali æquitate pugnat, ita Primus eadem se æquitate tuetur. Naturalis autem obligatio sicut æquitate sola contrahitur, ita æquitate sola dissolvitur: id est, iis modis omnib. qui naturali æquitati consentanei sunt. d. l. stichum, 95. §. naturalis, D. de solut. Atque hoc nimirum est quod ait Africanus, *Pro ea verò parte qua Secundus frater heres exitit, ita repetiturum Primum, si non minus ex peculio suo ad fratrem Secundum peruenisset, vbi subaudiendum est, quàm quantum ei naturaliter debebatur. quod in proposita specie vsuuenit.* Quibus ex verbis duo nobis singulariter notanda sunt: primùm, Eatenus naturalem filij obligationem extinguì, quatenus naturalis ipsius creditor ex eius peculio consecutus est. nam id etiam in patre creditore valere, posterius intelligetur ex §. quæsitum: & dilucidè traditur in l. si noxali, 11. in fin. prin. D. de pecul. Deinde notandum est, quod suprà diximus, quamuis filii fam. ex contractibus cum extraneis factis etiam ciuilitè obligent & obligentur: tamen inter se non nisi na-

turaliter obligari: nam si civilis post patris mortem mansisset obligatio, dubitandi causa nulla omnino superfuisset. Verum hic alia subsequitur quaestio: Quantum igitur Primus sit repetiturus: utrum integra quæ dissolvit quinquaginta, an eorum partem duntaxat. Hic illud meminisse oportet, quod supra dictum est: quia Primus è Secundi peculio viginti quinque abstulerat, consentaneum esse, Primum tantundem Secundo imputare, & cum eo quod nimium solvit, compensare. Quare ut si attentus ad suum negotium Primus fuisset, xxv. tantum Secundo reddidisset: ita nunc errore admissio, xxv. tantum repetet: atque ita sua utrique fratri peculij sui ratio constabit. nam sicuti ante mutuum datum uterque centenos in peculio aureos habuit, ita post mutuum dissolutum tantundem uterque habebit: ut vel Archimedes melius describere non potuerit.

Veniamus iam, ὅς ἐστιν ἀπό τινος ὁμολογῆσαι, ad prius caput, pro qua parte Primus patri heres extitit. In quo quaero, cum illa superiore ratione commodissime utrique satisfactum fuerit, quo iure, Primus præter illos xxv. quos iam repetiit, repetere quicquam amplius possit. Et tamen in vulgatis libris omnibus ita legitur. *Utrique quidem pro ea parte, qua ipse patri heres extitisset, repetiturum.* Quare pristinam meam sententiam retineo quam annis ab hinc xx. diu multumq; cum eruditissimo viro Ioanne Lautrecio Sangermerio, Senatore Tholosano communicatam, vehementer illi probaram, & ali-

quanto post edito libello promulgaram: ut particula NON interponatur: itaque locus restituatur: VTIQUE NON REPETITVRVM. Nam usitata Iurisconsultorum locutio est Vtique pro Certè. Ut in l. si pro parte, 10. §. 2. D. de in rem vers. Sed si non sint promissæ, utique non debentur. Et has duas voces VTIQUE NON plerunque coniungi, testimonio sunt. l. item apud, 15. §. si quis, 27. D. de iniur. l. §. §. 2. cod. l. 4. D. vi bon. rapt. l. si seruus, 61. §. ult. D. de furt. l. l. §. dies autem. D. quand. appell. sit. l. 1. D. de iur. delib. AT NON VTIQUE idem valet quod Non continuo. ut apud Pomponium in l. cum plures, 71. D. de euiction. non utique alter alterius fundus pars videtur esse. Item, Non utique prohibebitur emptor venditorem conuenire. Quintil. lib. 5. Sol. colorat. non utique qui est coloratus, à sole est. Quod si usitatam scripturam retineremus, duo valde absurda consequerentur. primum, ut Secundus xxv. minus haberet, quam quantum illi æquitas naturalis peculij sui nomine attribuit. Primus autem xxv. amplius in peculio suo haberet, quam quantum illi æqui bonique ratio permittit. Et si enim peculium morte patris extinctum est, tamen in hac tota naturalis obligationis ratione considerata, quæ inter fratres contracta fuerat, solius æquitatis naturalis ratio habenda est: quippe quæ in iis sola dominatur: ut ait l. si quod, 64. D. de cond. ind. d. l. stichum, 95. §. naturalis, & l. si noxali, 11. D. de pecul. Alterum absurdum ac propè flagitiosum ita licebit animadvertere. ponam

namus Primum nihil in peculio habuisse. Secundum illi quinquaginta credidisse. Post patris mortem Secundus è Primi peculio nihil auferet: ac proinde nulla ex parte naturalis obligatio tolletur. Qua fronte igitur Primus hoc casu repetere quicquam auderet? Denique ut nostram causæ constitutionem retineamus, & ponamus Primum in peculio centum habuisse. quo iure audebit, quod bona fide sibi creditum bona fide persoluerit, repetere? præsertim pro parte qua patri heres extitit. Nam illo respectu qua tandem in parte compensatio induci poterit? Sed ad reliquam Africani disputationem pergamus. Nam ubi eam *ἡ ὁδὸς* exposuerimus, tum unde vulgaris error natus sit, aperiemus, & simul cuiusmodi aduersariorum obiectiones sint, considerabimus.

Seq. versiculus, *Adeò ut sit, &c.* ubi hæc quaestio proponitur: Ex peculio fratri à patre prælegato an alter frater quod sibi debebatur deducat. Primus in peculio c. habuit. Idem Secundo xx. debebat. Pater moriens Primo debitori Secundi suum peculium prælegauit: velut in l. si peculium, 20. & pass. D. de pec. legat. Patre mortuo quaeritur, an Secundus creditor xx. sibi debita deducere de Primi debitoris peculio possit. Dubitandi causa est, quoniam peculium morte patris interit: ut supra dictum est. quinetiam ut non extingueretur, tamen Primo totum prælegatum est. Contrà tamen Africanus respondet: quoniam etsi morte patris peculium extinguitur, tamen naturalis obligatio peculia-



ris patriæ potestatis interitu non extinguitur: sed post patris mortem durat: sicuti de emancipatione traditur in l. eas, 8. d. de cap. min. neq; enim iuris civilis argutiis obligatio naturalis labefactatur: sed naturali æquitate, id est, boni æquique ratione, substinetur. d. l. 8. & d. l. stichum, & naturalem. l. non amplius, 84. §. 1. De regul. iur. Quorsum igitur hæc disputatio? non usquequaque certè ad superiorem questionem: sed tamen ut ex ea intelligitur, primum naturalem obligationem per patris mortem non extinguui, quod ad superiorem questionem pertinet: deinde illud subaudiendum est, quod hic non exprimitur, Si Secundus è Primi peculio partem abstulisset (quemadmodum in casu superiore vsuuenit) tum nihil eum deducturum fuisse: quoniam naturalis obligatio pro qua parte peculium participasset, sublata fuisset. Quod autem video esse, qui verba illa FILIO EIDEMQUE DEBITORI, sic interpretantur: *De filio loquitur, cui alter filius mutuam pecuniam dedit: & cuius filius dicitur, eiusdem debitor dicitur:* hoc cuiusmodi sit satis intelligere non possum. Nam debitorem filium alterius filij creditoris respectu appellari, quis non videt? præsertim cum modò dixerit, naturalem obligationem manere inter fratres post patris mortem, nam si obligatio est, certè alterum debitorem, alterum creditorem esse oportet. l. fideiussor, 16. §. 2. D. de fideiuss. Quinetiam hoc ex loco perspicuum est, naturalem fratrum obligationem neque patris morte perimi, neque hereditatis ipsius

immix

immixtione confundi. nam si nulla obligatio superfuisset, vnde deducendi facultas competisset?

Seq. versic. *Idque maximè, &c.* Qui versiculus non ad proximam, sed ad superiorem quaestionem referendus est. Quod dictum est, inquit, de participatione peculij, quæ perimendæ obligationis vim obtinet, consequens (id est, consentaneum) est Iuliani sententiæ: vt si filiusfam. aliquid extraneo debeat, & post patris mortem extraneus non aduersus singulos coheredes pro rata percepti peculij egerit, sed totum ab ipso filio exegerit, tum vt filius iudicio familiæ erciscundæ tantum à coheredibus recuperet, quantum ab iis creditor actione de peculio consequi potuisset. l. his consequenter, 18. §. si filius, D. fam. l. erciscund. Quæstio igitur erat: An filius à quo creditor extraneus debitum integrum post patris mortem exegerat, pecuniam à coheredibus pro rata recuperet. Dubitandi causa est, quia peculium morte patris interit. Cōtrarium tamen respondetur: quia quamuis peculij nomen interierit, tamen coheredes qui è filij peculio partem adepti sunt, ex bono & æquo ipsi obligati sunt. Qua ex re quorsum hæc sententia pertineat, intelligitur. nam si coheredes filio ex ipsius peculij participatione etiam civiliter obligantur: multo magis obligatio Primi, præsertim naturalis tantum, ob partem peculij à Secundo perceptam extincta fuerit. quemadmodum dici solet, multo facilius liberationem, quàm obligationem contingere.

l. Arrianus, 47. D. de obl. & act.

Seq. versic. *Igitur si re, &c.* Hoc cum ita sit (inquit Africanus) si re integra, id est, prius quam filius debitor extraneæ creditori satisfecerit, familiæ eriscundæ inter coheredes agatur, ita peculium fratris diuidi inter coheredes fratres æquum est, ut is qui fratris peculium communicari vult, caveat se indemnem illum præstiturum, usque ad quantitatem eius partis, quam è peculio percepturus est. l. si à pluribus, 107. D. de leg. 1. Quare quæstio hæc fuit: An is cuius peculium coheredes participant, ab iis ut se indemnem creditori suo pro rata participationis præstent, petere possit.

Seq. in textu: *Porrò cum quem, &c.* Argumentum est ex minoris comparatione: Si qui peculium fratris participat aduersus extraneum indemnem illum præstare debet, ut frater pro rata suum peculium recuperet: multo magis aduersus seipsum, & præsertim re integra, id facere cogitur. arg. l. qui negotia, 31. D. mandat. l. cum hereditas, 59. D. de admin. tut. l. cum in eo, 44. D. de pact.

Seq. §. *Quæsitum est, &c.* ubi quæstio hæc proponitur: An quod naturaliter debitum filius emancipatus patri dissoluit, repetere possit. Dubitandi causa peruulgata est, quoniam regulariter indebita per errorem soluta conditione indebiti repetuntur. l. 1. & pass. D. de cond. ind. Contrarium tamen respondetur, Adhiberi distinctionem oportere: Vtrumne pater aliquid ex peculio retinuerit, annon. Siquid retinuit,

iam

iam suprà demonstratum esse, naturalem obligationem eatenus extingui, quatenus creditor ex debitoris peculio consecutus est. Idémque perspicuè traditur in l. si noxali, 11. D. de pec. v. bi si filiusfam. à debitore paterno aliquid exegit, & pater id de peculio deducit, filiusfam. naturali obligatione liberatur. Est autem, inquit, natura æquum liberari filium obligatione: propterea quod pater de peculio deducens, videtur in illud exegisse. Sin autem nihil pater retinuit, nihil repetiturum: quoniam naturalis obligatio per emancipationem non tollitur. d. l. 8. D. de cap. min. non magis quàm per manumissionem. l. serui, 14. D. de obl. & act. l. naturaliter, 13. l. si quod, 64. D. de cond. indeb. quippe; cùm ut civilia civilibus tantùm, ita naturalia naturalibus tantùm modis dissoluuntur, d. l. 8. & §. vlt. De leg. agn. tut.

Seq. in textu, *Nam manere naturalem*, &c. Probat naturalem inter filium & patrem obligationem etiam post emancipationem manere: nisi quid ex peculio apud patrem remanserit. quoniam siquid filiusfam. extraneo debuisset, & cùm filiusfam. emancipatus esset, extraneus aduersus patrem actionem de peculio intendisset, pater quod sibi filius debuisset, deduceret. quoniam etsi patriæ potestatis interitu peculium interit, tamen contrahendæ obligationis tempus inspicitur. l. vlt. D. de stip. scr. l. id quod, 19. §. vlt. D. de pecun. const.

Seq. versic. *Contrà si pater*, &c. Quæstio est, An quod pater naturaliter filio debitum eidem



emancipato soluit, repetat. Dubitandi & respondendi causa eadem est quæ in casu superiore: quo magis illa sententia confirmatur, naturalem obligationem sublata patria potestate neque ex patris, neque ex filij parte interire. d. l. 8. D. de cap. min.

Seq. versic. *Nam hic quoque, &c.* Cuius quaestio est, An extraneo intra annum agente patris debitum in peculio computetur. Filius peculium habebat LXXX. aureorum. Pater ei XX. debebat. Idem ille filius extraneo centum debebat. Cum emancipatus à patre fuisset, quaesitum est, an extraneus petere à patre centum integra possit. Dubitandi causa est, quoniam pater supra vires & summam peculij non tenetur. §. actiones, & §. sunt præterea, 34. Inst. de act. contrarium tamen respondetur, quia quæ pater naturaliter filio debuit, in eius peculio numerantur. leg. 7. §. 3. D. de pecul.

Superest versic. *Eademque erunt, &c.* Cuius hæc quaestio est, An quod extraneus heres filio naturaliter à patre debitum eidem exheredato dissolvit, repetere ab ipso possit. Pater qui X. filiofam. debebat, illo exheredato extraneum instituit. Hic filio decem illa dissolvit. queritur an repetere possit. Dubitandi causa est, quoniam actione nulla cogi ab illo filio poterat: ac proinde soluisse indebitum videbatur. Contrarium tamen respondetur: primum, quia naturalis obligatio ut per emancipationem, sic neque per exheredationem extinguitur. l. 3. §. sed utrum, D. de minoribus. deinde, quia heres ille extraneus

neus participatione peculij naturalem patris obligationem in se suscepit.

RESTAT, vt quibus ex fontibus peruulgatus error natus sit, demonstremus. nam cum in l. placet, 79. D. de acq. hered. scriptum esset, hereditatem filio quæsitam, confestim patri acquiri: Accursius & eum secuti Doctores omnes ratiocinati sunt, non modò civilem, verum etiam naturalem obligationem patri quoque acquiri. cum autem Primus patri heres extiterit, aditione hereditatis creditoris confusam obligationem extinguere, l. Stichum, 95. §. aditio, D. de solut. Hæc ego (pace doctorum hominum dictum sit) valde ab hoc proposito nostro aliena esse arbitror. Fieri potest vt fallar: & quemadmodum errare humanæ imbecillitatis adiunctum est: ita nimium opinioni suæ confidere, & petulanter alios laceßere, superbiæ, stultiæ, & temeritatis. Sed Iurisconsulti officium est in rem scribere, non in personam. Itaque quantumvis contumeliosè laceßitus, modeste tamen vt potero respondebo. Primum quòd dicitur ius filio quæsitum patri acquiri: totum ex iuris civilis fictionibus, argutiis & subtilitatibus manauit: quibus personæ omnes quæ eiusdem familiæ sunt, pro vna numerantur. l. si quis, 56. §. 1. D. de fideiuss. l. si Pamphilo, 10. D. de opt. leg. quibus filij, qui libertinus effectus est, mater esse definit. l. 2. D. ad Tertyll. quibus filius post emancipationem, extraneus: seruus post manumissionem, alius homo numeratur. §. tertio, de hered. qual. l. seruus, 27. D. de admin.

leg. l. qui res suas, 98. §. ultim. D. de solut. At in obligationibus naturalibus nudum & simplex factum (quod à fictione abhorret) consideratur. l. nec seruus, 41. D. de pecul. adeò vt ne civilis quidem liberatio naturalem obligationem extinguat. l. Iulianus, 60. D. de cond. indeb. Denique iure naturali omnes homines pares & æquales habentur. l. quòd attinet, D. de regul. iur. Quare cum hic de naturali iure & naturalibus obligationibus agatur, consentaneum est, eas naturaliter considerari, neque iuris civilis fictionibus locum permitti. l. si quod, 64. D. de cond. ind. vt is demum qui credidit, naturaliter creditor: qui mutuatus est, naturaliter debitor numeretur. In eamque sententiam Seneca lib. de Benef. Et si filius meus, inquit, pecuniam mutuam sumpserit, creditori numerabo. nec tamen ego debuerò. Dico me tibi obligatum pro filio: non quia sum, sed quia volo me offerre tibi debitorem voluntarium. Denique huius rei euident argumentum est, quòd etsi filiusfam. civiliter possidere negetur, l. filius, 93. D. de acq. poss. & quæ peculiari nomine apprehendit, confestim à patre possideantur: l. 4. D. eod. tamen, si naturale ius spectemus, filiusfam. possidet: neque illa naturalis possessio patri acquiritur. l. per seruum, 37. l. quòd seruus, 24. & l. possessio, 49. §. 1. de acq. possess. Ex quo perspicuum est, vbi de naturali iure tractatur, locum fictionibus civilibus non permitti. quod idem patet etiam ex l. heres, 21. §. 2. D. de fideiuss. vbi seruus naturaliter obligatus, si manumissus in natur

naturalem obligationem suam fideiubeat, nihil agere dicitur. quoniam intelligi non potest, ut quis pro se fideiubeat. cum tamen si civilem fictionem spectaremus, iam non idem homo, sed alius dicendus esset. dicta l. seruus. De adim. leg. Quod cum ita sit, in illa nobili disputatione Pomponij l. i. D. de resc. vend. An pacto solius patris venditio à filio f. facta resoluatur: vbi Pomponius contra Celsum affirmat filium quoque obiter liberari: statuendum putarem, liberari quidem filium, sed civiliter tantum, naturaliter autem obligatum manere. Similiter in l. si quis pro eo, §. i. D. de fideiuss. quod dicitur cum filius à patre stipulatur, nec fideiussorem acceptum teneri: quia non potest pro eodem & eidem esse obligatus: non dubitarem, quin de civili obligatione accipiendum esset, non autem de naturali: in quam etiam fideiussor acceptus obligatur: l. 7. D. eod. eiusque rei argumentum præbet l. planè, 12. cum l. præcedenti, D. eod. Secundum argumentum est, quod si obligatio filij creditoris patri acquireretur, eadem fictione simul etiam obligatio filij debitoris ad illum pertineret, partim propter regulam l. secundum, 10. de reg. iur. & l. usus. 9. §. i. D. de usus. l. neque, 13. D. de impens. in res dot. partim etiam propter naturam relatorum. quod ab exemplis intelligetur. nam si frater societatem cum fratre contrahens patrem facit socium: etiam alter frater eundem suum patrem socium faciet. Item, si frater locans fratri, patrem facit locatorem, alter frater conducens, patrem quoque



conductorem faciet. Denique in obligationibus contractis cum extraneis, hoc perspicuum est. Nam ut ex credito filij pater creditor efficitur: sic ex debito efficitur debitor. l. si filius, 21. D. de damn. infe. l. mandati, 46. D. de negot. gest. At hoc in ipsorum filiorum f. contractibus inter ipsos factis, absurdum est. Nam isto modo pater vnius eiusdemque rei nomine simul & debitor & creditor existeret. quod neque rerum natura, neque civilis ratio patitur. l. heres, 21. §. quod si stipulator, D. de fideiuss. l. si id quod, 21. D. de lib. leg. Qua de causa confusio hæc appellatur. d. l. Stichum, 95. §. aditio, D. de solut. Neque obstat quod modò diximus, patrem ex filij cum extraneo contractu posse, & creditorem & debitorem esse: id est, tum agere, tum conueniri actione de peculio posse. Nam id verum est diuersorum nominum & obligationum & summarum respectu. At in casu nostro de vnico nomine & eadem summa quærebatur: cuius secundus est creditor, Primus debitor: quæ contrariæ qualitates cadere simul in vnum eundemque non possunt. Idque argumentum valere volumus ad obiectionem, qua vteretur fortasse quispiam: per subiectas personas meliorem fieri conditionem nostram posse, de teriorem non posse. l. melior, 133. D. de regul. iur. l. 3. in fin. Quod quisque iur. nam cum pater filio peculij administrationem permisit, ex ipso filius persona efficaciter æquè & obligatur & obligat. l. si pater, 12. D. quæ in fraud. cred. vbi filij creditores etiam patris ipsius creditores esse dic

dicuntur. adeò vt ipsa mater cui filius debet, patrem ipsius filij maritum suum obligatum & debitorem habeat. l. si prædia, §. 2. D. de don. inter vir. & vxor. Tertium argumentum est, quòd si quæsitæ filio naturalis obligatio patri quæreretur, pater ipse obligari nunquam posset. alioqui sibimetipso obligatus videretur: contra l. cum filio, 11. De legat. 1. Passim autem traditur atque etiam hac ipsa lege, in §. quæsitum, confirmatur, patrem filio debere, & obligatum esse, adeò vt illa patris obligatio, etiam post emancipationem duret. Sed huic argumento video esse qui sic respondeant, *Imò acquiritur ipso iure: sed quandiu pater ea acquisitione non utitur, id est, quandiu peculium manet apud filium, non intelligitur ei acquisita.* Quid audio? Patrem tandiu filio naturaliter non obligari, quandiu peculium apud filium esse finit: post verò naturaliter obligatum esse? hoc verò nimium perquam absurdum est. cum Vlpian. in l. sexta, §. sicut, D. de pec. legat. tam apertè scribat, id quod dominus seruo debet serui peculium augere. item in l. 7. §. tertio, D. de pecul. Sed & id, inquit, quod dominus sibi debet, in peculium habebit. Naturaliter ergo & pater filio & filius patri, & fratres ipsi inter se, manente peculio obligantur: contractaque naturalis illa obligatio sublata potestate patria permanet: quamuis peculium interierit. l. 1. §. 2. & l. ult. D. quod cum eo. Deinceps altera obiectio videntæ est. nã hîc occurritur ab amico nostro, quem minimè superbia decuit. Obiicit l. sed si, 9. §. 1.

D. de pecul. vbi tamen non animaduertit desiderari vocem FRVSTRA, aut eiusmodi quam-  
 piam: vt sit, Huic definitioni frustra Seruius ad-  
 iecit, cùm ita dicitur, peculium olim definitum  
 esse, deducto eo quod domino debetur: cui de-  
 finitioni, Seruius summus definiendi artifex, &  
 peritus Dialecticus, adiecit: *Esti quid iis debeat-  
 ur, qui in eiusdem potestate sunt.* Sed hoc quo-  
 que, inquit Vlpian. domino deberi, nemo am-  
 bigit: quasi superuacanea Seruij adiectio fuerit.  
 Primum si pro Seruio disputare cum Vlpiano  
 fas est, quæro vtrum naturaliter debitum istud  
 æstimetur, an civiliter? Si naturaliter, perspicuè  
 id falsum est. natura enim seruilem conditio-  
 nem non agnoscit. l. quod attinet. D. de reg. iur.  
 Itaq; illo iure tam debet dominus seruo, quàm  
 hic illi. Sin autem civiliter, multo absurdus,  
 nam civiliter debitum inter seruos & dominos  
 non dicitur. l. nec seruù, 41. D. de pecul. l. fideius-  
 sor, 16. §. fideiussor, D. de fideiuss. Itaque mirum  
 est Vlp. ipsum in l. sexta, D. de pecul. leg. hanc  
 Seruij adiectionem seruasse: *Siquidem,* inquit,  
*nihil sit, quod seruus domino, vel conseruis liberis-  
 ve domini debeat.* Sic Imperator, vel Caius po-  
 tius, in §. cùm autem, 5. Quod cum eo qui in al.  
*Cùm autem queritur,* inquit, *quantum in peculio*  
*sit, antè deducitur, quicquid seruus domino, et ve*  
*qui in potestate eius sit debet, &c.* Quid ergo est  
 necesse est videlicet, quod Vlpian. scribit, ea  
 quæ seruo à conseruo debentur, domino debe-  
 ri: non de naturali iure intelligi, ac ne de civili  
 quidem propriè, verùm abusiue & impropriis-  
 simè

simè: vt non re ipsa domino debeantur, sed vi ac potestate: quoniam serui peculium domini nutu propemodum extinguitur, nam simulátque non vult peculium serui esse, desinit peculium esse: ait Paulus in l. non statim, 8. D. de pecul., Quid verò si etiam quis, id quod ibi Vlpian. de conseruis scribit, ad filiosfam. pertinere neget? cùm inter ius peculij serui & filijf. plurimùm interesse constet, vt l. serui, 14. & l. filius, 39. D. de oblig. & act. & l. 3. §. vlt. D. de minorib. nam si quodcunque filius fratri suo debet, simul patri debet, quid est quod idem Vlp. ait in l. 3. §. Pomponius, D. de minor. & in l. si statu libera, 6. §. si filius, D. de statu lib. mortuo filio (puta creditore fratris) patrem eius quasi heredem esse? Etenim si quasi heres est, nunc demum creditor esse incipit. at viuentē filio creditore, non fuit. Quare de illa noua Vlpiani sententia sic habendum est: quādiu duo filij aut conserui in eiusdem potestate manent, tandiū illorum inter se obligationem ad patrem aut dominum non pertinere: sed cū naturales sint, naturaliter æstimandas esse. At verò alterutro mortuo, aut sui iuris factō, tum sine dubiō pertinere. nam in casu nostro, siue Secundus, qui creditor fuit, moriatur, pater de Primi debitoris peculio debitum illud deducet: siue Primus debitor moriatur, & Secundo emancipato pater soluat, non repetet: quemadmodum tum ex Africani disputatione planissimè intelligitur, tum etiam ex d. l. si noxali, 11. D. de pecul. Quare isto casu non modò Vlpian. rectè dixit, quod conseruo debe-



tur, domino deberi: verum etiam ex contraria parte rectè dixisset, quod conseruus debet, dominum debere. Quinetiam illud singulari obseruatione dignum est, quamuis naturalis obligatio filij vel serui cum extraneis, patri vel domino non acquiratur: tamen ex illa naturali obligatione civilem illis obligationem cum extraneis vtraque ex parte acquiri. nam vt de peculio in ipsos agitur, ita ipsi aduersus extraneos civiliter agunt. d. l. nec seruus, 41. D. de pecul. tametsi pater civiliter non obligetur. l. 8. §. vlt. D. de acceptil. Venio nunc ad alteram huius erroris originem. Nam cum regula iuris sit, vt additione hereditatis creditoris, aut debitoris, confundatur obligatio etiam naturalis d. l. Stichum, 95. §. aditio. D. de solut. & l. heres, 21. §. quod si, D. de fideiur. argumentum inde ductum est, Primi debitoris obligationem pro qua parte patri heres extitit, confusam, ac proinde extinctam fuisse. Hoc cum Accursij, tum aliorum omnium veterum commune argumentum fuit: quod nunc à recentioribus renouatum est: à quibus nihil quicquam noui præter verborum contumeliam Iurisconsultis indignissimam asferri video. Sed illi argumento perfacile est multis modis respondere. Primùm hoc modo: Si quia Primus debitor patri creditori heres extitit, confusa obligatio debitoris est: etiam quia Secundus creditor patri debitori heres extitit, confusa creditoris obligatio est. Relatorum enim hæc vis est. Itaque si societas inter fratres contracta ob patris mortem vna ex parte

te dirimatur, etiam altera ex parte dirimetur. Creditoris autem obligationem per hereditatis acquisitionem confusam non fuisse, Africanus demonstrat, cum ait, illam per participationem peculij, ex eo, inquam, quod Secundus è Primi peculio partem adeptus est, sublatam fuisse, nam si semel per confusionem perempta fuisset, iterum per peculij participationem perimi non posset. l. in fin. D. de duobus reis. l. qui res, 98. §. aream, D. de solut. Præterea si per confusionem obligationis perempta Secundi obligatio fuisset, quid opus fuit, Africanum aliam in Primo, aliam in Secundo causam peremptæ obligationis proferre? Cur non vno verbo dixit, Primum omnia sua quinquaginta repetiturum: propterea quòd per aditionem hereditatis patris, vna ex parte creditoris altera ex parte debitoris, confusa obligatio perierat? Neque verò nos moueat quod in d. l. Stichum, & d. l. heres, scribitur, etiam naturalem obligationem aditiones hereditatis creditoris aut debitoris confundi, quia naturalis obligatio disertè exponitur ea quæ cum extraneis, puta cum pupillo, contracta est: in qua illud accidere omnino necesse fuit. Sed insequens responsio planiorem huius obiectionis solutionem ostendet. Nam etsi aditione hereditatis creditoris obligatio confunditur, tamen animaduertendum est, in causa proposita non aditionem, sed imixtionem fuisse, non extraneos, inquam, sed filiosfam. heredes extitisse proponi. §. extraneus, 6. de hered. qual. l. diff. l. impuberibus, 11. l.

cum bonis, 87. D. de acq. her. Quoniam autem de iure civili iam tractamus civilem quoque subtilitatem & tractationem adhibebimus. Ergo quantum his casibus inter aditionem & immixtionem intersit, primum ex eo intelligitur, quod in aditione diuersæ & alienæ personæ sunt, debitoris succedentis, & creditoris defuncti: ut non mirum sit, si confusio eueniat. At in immixtione, non modò non alienus succedit, sed ne alius quidem succedere videtur. pater enim & liberi eadem persona censentur. l. in suis, 11. D. de lib. & postum. Deinde in aditione, diuersa & varia patrimonia sunt debitoris succedentis & creditoris defuncti. nam heres nouum sibi & alienum dominium acquirit: at in immixtione vnicum patrimonium est: neque nouum dominium acquiritur, sed vetus continuatur. §. si autem, De her. qual. & dif. l. 1. §. largius, D. de success. edict. & d. l. in suis, 11. D. de lib. & post. vbi Paulus ait, filios patre mortuo non hereditatem percipere videri, sed liberiores bonorum administrationem consequi. qua de causa filii fam. non adire, sed retinere hereditatem dicuntur. l. si patronus, 12. §. ult. D. de bon. libert. l. 2. C. pro hered. Quin ne illa quidem prætermittenda differentia est, quod in casu aditionis de sola hereditate agitur, id est, de debitoribus & creditoribus hereditariis. at in casu nostro non de hereditariis, sed de pecuniariis debitoribus & creditoribus agitur. In quo pondus ac momentum permagnum est. neque enim si aditione hereditatis, creditoris obligatio

tio confunditur : iccirco peculij retētionē confunditur. In quo satis mirari nouum illud amici nostri praeceptum non queo: *Notandum est duobus modis confusionem obligationis fieri, acquisitione hereditatis, & acquisitione peculij si peculium debitoris ad creditorem peculiarem peruenerit.* Quis vnquam antehac audierat, filiosfam. patre mortuo suum peculium acquirere? At ne hereditatem quidem acquirunt: vt paulo supra dicebamus. quinetiam pater in filij mortui peculio quasi heres existere dicitur. d. l. 3. §. Pomponius, D. de minor. & l. 6. §. filius, D. de statu lib. Quod si filij paternam hereditatem retinere dicuntur, quanto magis peculium? praesertim si eiusmodi sit, vt non à patre id acceperint, sed sua industria parauint? velut in l. peculium, 39. & l. non solum, 48. D. de pecul. Ex quibus intelligi potest, quam dictu absurdum sit naturalem filiorumfam. obligationem ob peculium ab illis acquisitum confundi: quam parum, inquam, illum hæc decuit scribere; qui privato consilio magisterium in alios sumpsit. At si tibi scutica domi est, & nobis flagrum domi. *Superdicto*, inquit, *opus fuit: μὴ κακούργει τὸν νομικόν.* Quæ, malum, barbara ista iuris tractandi ratio est in personam scribere: non in rem? & doctissimos quosque modò Germanos, modò Italos & Insabres, modò Gallos, probris & contumeliis laceßere: suaque scripta maledictis & conuiciis infarcire. At quonam tibi superdicto est opus? *ἄλλων ἰατρὸς, αὐτὸς ἔλκει βρῦον.* sed vt ad rē redeamus, quid si pater Primo credidisset, Secundo



debuisset? quid censes? ánnon patre mortuo, si-  
mulátque filij sese ipsius hereditati immiscue-  
rint, æquè Secundi qui creditor fuerat, obliga-  
tio confundetur, vt illa Primi, qui creditor? si-  
quidem (vt antehac creditum est) in casu nostro  
Primi immixtione obligatio ipsius confunde-  
batur. Quid? Ponamus locationem & condu-  
ctionem inter ipsos fratres contractam, Dicant  
nunc, qui solius Primi obligationem confundi  
affirmant, ánnon patre mortuo æquè vtriusque,  
& locatoris, inquam, & conductoris, confunda-  
tur obligatio? cùm tamen alter alteri & debitor  
& creditor sit: neque vna ex parte obligatio  
consistat. l. 1. D. de rescind. vend. l. bona fides,  
50. D. de act. empt. l. vlt. D. de acceptil. Quid  
verò alter ille nescio quis ad hæc respondebit?  
ille, inquam, temulentus, turbulentus, lutulen-  
tus: qui cùm crapulam suam exhalaret, ad oram  
libelli publici sic ascripsit: *Perperam & contra  
iuris disciplinam quidam hic addidit negationem.*  
O peritum iuris scholiastè, sed vindemialis non  
Iustinianici! quàm eleganter Demetrius dixisse  
fertur, eodem loco sibi esse voces imperito-  
rum, quo ventre redditos crepitus! quid igitur  
nostra refert, sursum iste an deorsum sonuerit?  
Quare omissis istis, quæ à me contra perpetuam  
meam annorum viginti consuetudinem tantæ  
contumeliæ indignitas expressit, breuiter con-  
cludendum est. Nam si iam doceamus aditione  
hereditatis peculiarem obligationem non con-  
fundi, quid controuersię supererit? Attendat  
igitur eruditissimus Roaldus, & si quis alius ar-  
biter

biter futurus est. Vlpianus in l. sed si, 9. §. sed &, D. de pecul. scribit creditorem serui, qui heres domino ipsius extitit, deducere de peculio quod sibi debetur, si conueniatur. Rursus in fi. §. si ei qui post mortem intra annum potuit conueniri de pec. heres extitero, deducam quid mihi debetur. Rursus Gaius in l. si quis seruum, 29. D. de pecul. scribit, si creditores serui domino heredes extiterint, ipsos inter se agere de peculio posse. Rursus ex contrario, Iulianus in l. si creditor, 37. D. de pecul. Si creditor, inquit, filij tui heredem te instituerit & tu hereditatem eius vendideris, tenebere de peculio. Quod etiam confirmatur in l. eo tempore, 50. §. 1. D. eo. & rursus in l. cum quo, 56. D. ad leg. Falcid. Rursus, si filius patrem suum debitorem peculiarium habeat, tantum abest ut immixtione confundatur obligatio, ut id in familiae erciscundae iudicium inducatur. l. filiae, 20. §. 1. & l. heres, 25. §. si filius, D. famil. ercisc. Eodemque pertinet, quod si fideiussor manumissi eidem heres extiterit, naturalis tamen illius obligatio permanere dicitur in l. heres, 21. §. 2. D. de fideiuss. Sed ne tam longè abeamus, Africanus noster hac ipsa lege, Africanus, inquam, noster, in vers. *Ad eò ut si*, perspicuè idem ostendit: ubi scribit, si duo sint filij, quorum Primus Secundo debeat, tum ambo filij heredes instituti, Primo autem suum peculium prælegatum: naturaliter tamen inter illos fratres obligationem durare: quamuis patris hereditati sese immiscuerint. Quod qui tam dilucidè dictum non animad-

uerterunt, considerent ipsi secum, vtrum scutica, an flagris, vel propter tantam in cæcitate superbiam, vel propter contumeliosam linguæ petulantiam, digni sint. Nam hac modesta com-  
 monitione in præsentia contentus ero, quantumvis contumeliosè lacessitus: ne in quo alios reprehendo id ipsum videar imitari. Verùm ecce aliud quod fere præterieram. *Huic sententia* (inquit amicus noster) *opponitur quod est in l. 6. & l. 8. C. ad l. Falc. l. 1. §. si debitor, D. eod. in ponenda ratione legis Falcidiae heredem deducere, et retinere, quod sibi defunctus debuit: & boni computare, quod defuncto debuit. Nihil est quod tam facile expedire possim. Ideò quod initur ratio omnium bonorum quæ mortis tempore fuerunt, perinde atque si tum fuerunt, & nunc essent. Hanc vel obiectionem vel solutionem si Roaldus vir acutissimus intelligit, causam non dico, quin obtusi ingenij existimer. In ponenda ratione Falcidiae, mortis tempus spectatur: quoniam (inquit interpret noster) initur ratio bonorum quæ mortis tempore fuerunt. Eadem videlicet per eadem. Sed cur eius temporis ratio ducitur, aut verò quid hæc ad institutam disputationem pertinent? id est, ad naturalis obligationis perseverantiam, etiam post aditionem hereditatis debitoris aut creditoris? Ergo intelligendum est, iccirco mortis tempus spectari, hoc est do-  
 drantem & quadrantem ideo ex ea quantitate quæ mortis fuit tempore æstimari: quoniam quicquid post testatoris mortem damni lucrive contingit, id totum heredi contingit. l. in  
 quant*

quantitate, 73. D. ad leg. Falc. quippe, cum à tempore mortis successisse intelligatur. l. heres quandoque, 54. D. de acquir. hered. l. omnia, 153. De reg. iur. Quare quæcunque vel heres testatori, vel testator heredi etiam civiliter debebat, ea omnia in assem hereditarium imputantur. sed quorsum hæc, aut verò qua ex parte ad institutam disputationem pertinent? An ut opponatur, naturalem obligationem per aditionem hereditatis confusione non extinguere? At ne civilis quidem extinguatur, quoniam (ut modò dictum est) ex mortis tempore ratio ducitur. Nihil igitur nec obiectio ad institutum pertinet, nec solutio ad obiectiorem. Agè, cetera videamus. *Opponitur* (inquit idem amicus noster) *l. debitor, 59. D. ad Trebell. quæ etiamsi creditor debitori successerit, ait propter pignus manere naturalem obligationem. Nihil est quod tam facile expedire possim. Significat enim propter alia non manere, & esse confusam. Confusione tollitur omnis personalis obligatio, etiam naturalis. Obligatio realis, idest pignoratitia, non tollitur.* Hic te, Roalde, appello, & tuam attentionem exquiro. Verus debitor, qui pignus dederat, & civiliter obligatus erat. l. Iulianus, 60. D. de cond. indeb. Cum creditor heres institutus hereditatem ex fideicommissio restituisset, quærebatur de pignore, quod dominij iure possidere postulabat. Dubitandi causa erat, quia ius pignoris extinctum videbatur dominio acquisito. Neque enim potest pignus perseverare domino constituto creditore. l. pen. D. de except. rei iud. Paul.



tamen respondit, propter pignus naturalem obligationem remanere. nam hæc illius verba sunt. Quæro iam ex te, Roalde doctissime, utrius obligationem Paulus hisce verbis designet: personæ, hoc est, ipsius debitoris: an rei, hoc est pignoris? Dices, opinor, absurdam esse questionem: primum, quia Paulus dilucidè naturalem obligationem ad ipsum debitorem refert. deinde, quia nunquam fando audita est naturalis eiusmodi pignoris obligatio, & ab eiusdem civili obligatione discreta. Ecquonam igitur modo Paulum cum aduersario suo conciliabimus? cum ille sic scribat: *Remanet propter pignus naturalis obligatio debitoris.* hic verò sic, *Confusione tollitur omnis personalis obligatio, etiam naturalis, obligatio realis non tollitur.* An non apertè Paulus affirmat, naturalem obligationem manere: alter apertè affirmat, eandem tolli? Quid verò illud est tam, ἀνυπόστατον, obligationem realem non tolli? An ergo rei pignoratæ alia civilis, alia naturalis obligatio est, quarum illa tollitur, hæc manebit? Præterea quid ad Paulum, aut Pauli institutum obligatio illa realis? cui propositum est ostendere, aditione hereditatis debitoris, civilem quidem obligationem confusione tolli: naturalem non tolli: in quo superior nostra disputatio versabatur. Verum hæc quidem ad l. frater à fratre, satis superq; dicta sint. Sequitur altera criminatio: his verbis: *Et iidem etiam eodem libello titulos Digestorum nobis corrumpunt: ut non dicamus, Quarum rerum actio non detur, sed quarum rerum exceptio, vel, exactio*

*Etio. item, non De conditione causa data: sed, De conditione causa dati.* Corrupti videlicet amicus noster statuit, quæ contra suam opinionem in libris nostris emendantur. Isto modo si corruptor ipse ex opinione nostra dicendus esset, quàm multas momento temporis corruptelas proferre possemus? sed sua cuique rei maturitas est. nunc quod instat agemus. Ergo quantum ad priorem titulum sic respondeo: Titulus ab argumento & tractatu dissentaneus, sine dubio pro vitioso & mendoso habendus est. Hic titulus ab omni argumento quod sub eo tractatur, abhorret, nihil habet commune cum vlla vel minima tractatus parte. nego verum esse vllum, in quo tractetur cuius rei actio non detur. Dico seriem Rubricarum flagitare titulum ad exceptionum argumentum accommodatum. Primus huius libri titulus est, De exceptionibus: secundus, De exceptione rei iudicata: tertius, De diuersis & tempor. except. quartus est, De doli & metus exceptione: quintus erat antehac, Quorum rerum actio non detur. Vbi dico & contendo reponendum esse, Quorum rerum exceptio. Primum, quia hanc rubricam ordo & continuatio titulorum respuit. Deinde, quia in toto tractatu versus ostēdi nullus potest, in quo de actione disputetur: quini- mo nullus in illo tractatu versus est, in quo non de exceptionibus agatur. Si verum vnum notare mihi doctissimus Roaldus potest, qui per- uulgatæ rubricæ respondeat, causam non dico, quin pro cæco & imperito numerer. Quod si

versus ostendi eiusmodi nullus potest, concludo mendosum, ac propterea corrigendum esse titulum: ut pro ACTIO, reponatur EXCEPTIO. Quid ad hæc criminator noster? Dixi, inquit, in paratitlis. Eorum igitur verba audiamus: *Non dari dicitur actio, quæ exceptione eliditur: ut in S. C. Macedoniano.* Quid audio? Ecceui vnquam Iuriconsulto isto modo loqui in mentem venit. quid? si actio non detur, ecquonam modo per exceptionem elidetur? Quid ergo est, quod Iustinianus sub tit. de except. toties inculcatum demum exceptionem dari, cum actio quidem competit: sed iure summo & stricto, & contra naturalem equitatem competit: tum denique, cum ius summum summa iniuria est. §. 1. §. 2. & pass. de except. l. 1. D. de dol. except. l. ex diuerso, 17. §. 1. D. sol. matr. Atenim scriptum est in S. C. Macedoniano: De pecunia filiof. credita, nec actionem, nec petitionem dari. l. 1. l. sed si. 9. §. 2. D. ad Macedon. §. quæ diximus. 8. Quod cum eo qui in al. l. si filius, 6. C. ad Macedon. & tamen passim dicitur, filiofam. exceptionem Senatusconsulti dari. Nimirum, inquit amicus noster, in S. C. Macedon. denegari dicitur actio. quæ tamen sine exceptione non infirmatur. Hoc verò perquam absurdum & ineptum est. Quis enim ignorat, de pecunia filiofa. credita interdum actionem non dari, interdum dari? Si de filiifam. conditione Prætori constet, Prætor actionem denegat. quod verbis S. C. demonstratur. si non constet, actionem quidem concedit, sed sub illa exceptionem subiungit, quod

quod non ex verbis, sed ex mente Senatusconsulti intelligitur. ac sic accipiendum est quod scribitur in l. item si, 7. §. non solum, D. ad Maced. & l. sed si pater, 9. §. hoc S. C. D. eod. vbi denegari dicitur actio, non (vt noster interpretatur) cui exceptio subiungitur: sed planè quæ ipso iure non datur. eodémque modo accipiendam. l. veluti, 27. D. de verb. obl. perspicuum est ex l. r. §. idem, D. de dol. mal. vbi disertè & nominatim id traditur: iuncta l. si flagitij, 123. D. de verb. obl. vt me certè tantæ inscitiae in tanta superbia pudeat. Neque vel Petrum Fabrum, virum clarissimum, quantumuis aduersarij nostri amicum, iudicem recusso. spero enim maiorem illum suæ dignitatis quàm amicitiae rationem habiturum. Quare rem paulò dilucidius exponam. Iurisiurandi exceptio passim dicitur ei dari, qui se non debere iurauit. §. 4. de excep. & aliis locis innumeris. et tamen Prætoris edictum ita conceptum est: *Eius rei de qua iusiurandum delatum est, actionem non dabo.* l. 7. D. de iureiur. Verùm Vlp. mōx solutionem subiungit: *Posteaquam iuratum est, inquit, denegatur actio: aut si controuersia erit, id est, si ambigitur an iusiurandum datum est, exceptioni locus est.* l. 9. D. eod. Ridiculum igitur esset dicere, quo casu fœneratoris actio filiifam. exceptione summouetur, actionem denegari. nam quomodo summouetur actio, quæ data non est? quod enim alibi scribitur nihil interesse, vtrum ipso iure actionem quis non habeat, an per exceptionem infirmetur. l. nihil, 117. De reg. iur. l. & elegantem,




7. §. seruus, D. de dolo malo. hoc ad actionis effectum referendum est, non ad veterum iudiciorum formam, ritum & ordinem: ut cum dicitur actionem eum non habere, cui propter aduersarij inopiam inanis actio est. l. 6. D. de dol. mal. cum tamen inanis actio etiam dicatur (ab effectu videlicet) cui firma exceptio subiungitur. l. pen. D. de cond. ob turp. caus. Ergo ubi actio ne iure quidem civili constat, veluti cum ab initio contracta obligatio non fuit, Prætor nihil necesse habet exceptionem addere: quia ne actionem quidem concedit. d. l. si flagitij. 123. De ver. ob. l. 5. C. de cond. ob turp. caus. & d. l. 1. §. idem. 4. D. de dol. mal. ex qua interpretanda est l. penul. D. de cond. ob turp. ubi non ita de turpi causa constiterat, ut Prætor actionem denegaret. at ubi summo & subtili iure constitit obligatio, veluti cum dolo, vel metu contracta stipulatio est: actionem quidem Prætor concedet: verum eius iniquitatem exceptione corrigit. l. si quis. 36. D. de verb. obl. l. siquidem. 9. C. de cont. stipul. Et hoc idem in S. C. Velleiano licet animaduvertere. nam et si passim Senatusconsulti exceptio commemoratur: velut in l. si mulieri. 15. l. 16. & l. 17. §. si mulier. & l. 30. D. ad Velleian. tamen S. C. ita conceptum profertur: Ne eo nomine ab his petitio, neve in eas actio detur. quinetiam Pompon. in l. ult. §. pen. Totius, inquit, sermo Senatusconsulti ad petitionem non dandam aduersus ipsam mulierem spectat. quid? annon idem Pompon. superiore proximo §. dixerat, interdum etiam

tiam Senatusconsulti replicationem dari? Sic igitur statuendum est, ut modò diximus ex l. octaua, De iureiur. si de facto Prætori constet, denegari actionem: si non constet, dari: sed exceptionem subiungi. Superest titulus, De condict. causa data: ubi corrigendum esse contendit, Causa dati. Argumenta autem hæc habeo. Primum Latini sermonis ratio ita flagitat: deinde Imperatores in Codice Rubricam illam isto modo proposuerunt, De condict. ob causam datorum. Terriò reliquæ condictiones omnes sic nominantur: veluti Condictio certi, condictio incerti, condictio indebiti, liberationis, furti. Cur in ceteris omnibus Latinæ linguæ ratio seruabitur, in illa sola violabitur? *Quoniam* (inquit amicus noster in Paratitl.) *verba legis hæc sunt.* Eccuius tandem legis? Si lex vlla populi R. proferatur, in qua scriptum ita sit, cedo manum, & me victum agnosco. An igitur edicti prætorij? ut in eo fortasse ita scriptum fuerit: Causa data, causa non secuta, ut condicatur, actionem dabo. Primum proferri edicti verba oportuit. nam dum illa non proferentur, non modò ignorare, verum etiam negare nobis illam verborum formulam licebit. deinde ut maximè hæc formula proferatur, an iccirco Condictio causa data dicenda erit, potius quàm causa dati? cur igitur Imperatores Conditionem ob causam datorum appellarunt? cur eadem dicitur Condictio ob rem dati? in l. ult. D. de cond. caus. dat. Præterea ponamus ita conceptum edictum fuisse, Indebitum solutum ut

condicatur, actionem dabo: cōtinuōne rectum erit dicere, Conditionem indebitum, potius quàm indebiti? Verùm hæc pluribus persequi quæ sole ipso clariora sunt, propè putidum videtur. Illud non alienum erit quærere, si propositum fuit amico nostro veteris illius libelli quem adolescens edideram, emendationes persequi, quid ita correctionem illam alteram prætermisit, vbi Rubricam Institutionum De exhered. liber. ita correxeram: De instit. & exher. liberorum? nimirum, quoniam biennio post libelli nostri editionem, notas euulgavit in Instit. in quibus, meo nomine suppresso, ita scripsit, Titulus hic rectius de Instit. & exheredat. liberorum inscriberetur. Ergo quia & mutatio mea, & ipsius mutatio adhuc placet, prætermissa est huiusce correctionis criminatio. At ego aliquanto pòst in meis Institut. commentariis peccatum illud meum agnoscens, ingenuè scripsi, malè tum me de illa Rubrica existimasse, cæcùmque aliorum ducem fuisse. Ex quo eruditi viri de vtriusque nostrum vel bona vel mala fide existimare poterunt.

\*

APP



# A P P E N D I X

ADVERSUS NOVAM EIVSDEM LEGIS

INTERPRETATIONEM.

*nuper à Lescurio eruditissimo viro promulgatam.*



Ditus est nuper, sub nomine Lescurij Iurisconsulti, libellus eruditè scriptus, in quo nova huius eiusdem legis interpretatio ita proferatur, ut nostra perspicuè (modestè tamen & sine vlla contumeliæ nota) repudietur. Et quoniam doctus ille vir quisquis est, honorificè semper & amicè nomen meum usurpavit: dabo & ego operam ne meritis honos illi à me denegatus esse videatur.

Caussam igitur ita constituit, quasi non vterque frater (Primus, puta, & Secundus) peculium habuerit, sed Primus tantum. qui verò peculium non habebat, aliunde pecuniam mutuatius sit, quam postea Secundo peculium habenti crediderit. Quid enim (inquit Lescurius) si extraneus in hoc ei det, fratri ut credat peculium habenti? Patre autem mortuo, eam per errorem Primo fratri, eidemque creditori suo, reddiderit? Nunc quæri putat, an Secundus à Primo repetere illam, quasi indebitè solutam, possit: Africanum autem respondisse, Vtrique quidem, (hoc est, certè ac sine dubio) pro ea parte, qua Secundus patri suo heres exitit, repetiturum.



quid ita? quoniam (inquit Lescurius) aditione hereditatis creditoris fit confusio, debitumque extinguitur. l. Stichum, 95. §. aditio, D. de solut. quę peruagata & trita & decantata, cū doctōrum omnium, tum etiam alterius aduersarij nostri ratio est: & (quod sine offensione dictum velim) quasi quodammodo crambe recocta. Cur autem credito illi viro Lescurio in hac nōua interpretatione, quę (vt opinor) nunquam cuiquam ex Doctōribus in mentem venerat, assentiri non possim, causam exponam: nec ita multo pōst. Prius enim Lescurij industriam adiuuabo: & causam ita constituam, vt prima specie vulgata huius l. scriptura integerrima videri possit, meamque illam emendationem importunitatis condemnatura. Ponamus enim non Secundum Primo, sed Sempronium illorum patrem Primo quinquaginta credidisse. hoc credito naturalem patri quęsitam obligationem constat: §. quęsitum, in hac ipsa l. Postea Sempronio mortuo, vtrumque filium ei ex semisse heredem extitisse, Primum autem Secundo per imprudentiam quinquaginta illos aureos, quasi ex efficaci obligatione debitos, persoluisse. Nunc consultum Africanum an & quatenus illos repetere, quasi indebitē solutos, possit: respondisse, pro qua parte patri suo creditori debitor ipse successit, repetiturum, hoc est xxv. quoniam aditione siue immixtione hereditatis creditoris confusa obligatio est, l. i. §. pen. D. ad leg. Fal. pro qua verò parte Secundus patri heres extitit, hoc est, pro altero semisse,

peculiūque Primi cum illa hereditate confusum participauit, ita repetiturum, si non minus ex eo consecutus est quàm ei ad solutionem supererat. propterea quòd naturalis obligatio, quam sibi pater quæsierat, ad Secundum pro hereditaria parte peruenerat, quippe, cum naturales obligationes à defunctis non modò ad heredes, verumetiam ad fideicommissarios transeant. l. quamuis, 40. l. si eius pupilli, 64. D. ad Trebell. Hæc autem obligatio sublata per illam peculiij participationem fuerat, pro qua parte Secundus patri heres successerat. Reliquos igitur xxv. Primum à Secundo repetiturum. Qua ratione nihil primo aspectu aptius ad peruulgatæ scripturæ interpretationem fingi videtur posse. Nam etsi Afric. verbo Secundum Primi creditorem faciat, tamen interpretes omnes (quos Lescurius secutus est) patrem ipsum creditorem faciunt, propter vulgatam regulam, qua dicitur, Obligationem filio quæsitam statim ipso momento patri adquiri. l. placet, 79. D. de acq. hered. Verùm argumentum istud, quod firmissimum vulgus credit, verbo vno refellitur. Quid enim de Secundi peculio dicemus? An non, vt Africanus rationem habuit eius quod Secundus ex Primi peculio consecutus est, etiam habenda erit ratio eius quod Primus vicissim ex Secundi peculio adeptus fuit? Qua vna interrogatione omnes omnium interpretum disputationes refelluntur. Itaque cum hoc Lescurius vir doctissimus sensisset, huius timore (vt Bartholus loquitur) nouam illam speciem

confinxit, quasi Primus solus peculiatuſ fuisset, Secundus non fuisset. At enim si peculium Secundus non habuit, unde pecuniam Primo credidit? Iccirco respondet Lescurius dicendum esse, extraneum in hoc ei pecuniam credidisse, fratri ut credat peculium habenti. Causse igitur quamobrem erudito illi viro non assentiar, sunt huiusmodi. Primum, quoniam nouum est credi pecuniam filiofam. ab extraneo, neque in paterna negotia, neque in causam peculiarem, sed tantum ut eam alteri credat, cum etiam simpliciter vetitum sit, ne filiofa. mutuum detur, sancitumque ne de eo ius dicatur: hoc est, nequa eiusmodi mutui nomine vel actio vel petitio concedatur: ut ait l. i. D. ad Maced. quod autem Lescurius in testimonium profert. l. sed si. §. i. D. ad Maced. pace doctissimi hominis dictum sit, Ulpianus eo loco primum non de credita sed de donata filiofam. pecunia loquitur. deinde, non de donata ut credat, sed de donata ut creditori soluat. quod à specie nostra est alienissimum. Altera dissensionis meæ causa est: quia si ex mutuo aliunde sumpto Primus Secundo pecuniam credidisset, alienissimum esset existimare, patri eam obligationem adquiri, eumque numerata pecunia, statim factum esse creditorem Secundi: quod tamen Lescurius identidem inculcat. nam ut illud demus, quod neque iam probare possumus, & superiore disputatione nostra ante biennium edita repudiavimus, naturalem Primi obligationem patri confestim adquiri: tamen illud intelligendum esset

esset de obligatione ex re peculiari per filium adquisita, non autem ex re extraneis : in qua & civilis & naturalis æquitas eum patri præferret. l. si quis mancipiis, 17. §. ult. D. de inst. act. l. eo tempore, 50. §. ult. D. de pecul. l. non debet, 41. §. 1. l. iure naturæ, 206. D. de reg. iur. Tertia & potissima causa est, quoniam Africanus totam suam disputationem & distinctionem in eo consumit, quòd alter alterius peculium simul cum hereditate patris participavit. *Pro ea parte*, inquit, *qua Primus patri heres extitit*, ac proinde partem ex Secundi peculio simul percepit. Et mox, *Pro ea verò parte qua frater Secundus patri heres extitit*, ac proinde partem ex Primi peculio percepit, ita repetiturum, si non minus ex peculio ad Secundum fratrem suum peruenisset. Ex quibus perspicuum est, Africanum ita causam constituisse, ut uterque frater peculiaris fuerit, sicuti Iurisconsulti nostri loquuntur (de quo Lescurius dubitabat) in l. si quid venditor, 18. D. de ædil. ed. & l. Iulianus, 13. §. si venditor, D. de act. empt. Atque hæc quidem de noua causæ constitutione à Lescurio excogitata, hæctenus. De causa autem cur Africani locum affirmatè legendum Lescurius existimet, quam ex vulgari, ut dixi & inueterata opinione sumpsit, summam sic habendum est : Omnem de naturali æquitate, de naturalibus obligationibus, de naturalibus conductionibus, disputationem, naturaliter & intelligendam & interpretandam esse. l. si quod dominus, 64. D. de cond. indeb. ut factum & veritatem solam spe-



etemus, eamque à iuris Quiritium fictionibus  
 & argutiis distinguamus. l. 8. D. de cap. min. I-  
 taque contracta naturali iure obligatio, per  
 commenta & fictiones ciuiles non dissoluitur:  
 veluti per emancipationem, vt Africanus o-  
 stendit in hac ipsa lege. §. quæsitum, & l. 8. D. de  
 cap. min. & l. si noxali. ii. D. de pecul. item per  
 rem iudicatam. l. Iulianus. 60. D. de cond. in-  
 deb. item per iusiurandum. l. ult. D. de iureiur.  
 si quidem simpliciter & per se iusiurandum  
 considerari posset. nam cum pacto nudo natu-  
 ralis obligatio tollatur, iusiurandum autem il-  
 lud conuentionale sit, confitendum est natura-  
 lem obligationem per iusiurandum propter  
 conuentionem tolli. l. Stichum, 95. §. naturalis,  
 D. de solut. Huius autem iuris exempla hæc  
 proferemus. Naturali, hoc est. gentium iure  
 (velut hodie apud plerasque gentes) tot in fa-  
 milia personæ numerantur, quot capita sunt,  
 singulæq; pari & eodem iure censentur, l. quod  
 attinet, D. de reg. iur. At iure Quiritium, omnes  
 qui in eiusdem potestate sunt, vna persona cen-  
 sentur. l. si quis. 56. §. 1. D. de fideiuss. l. si Pamphi-  
 lo, 10. D. de opt. leg. Lactant. Inst. 4. c. 29. Cum  
 quis habet filium quem vnicè diligit, qui tamen  
 sit in domo & manu patris, licet ei nomen do-  
 mini potestatemque concedat, ciuili tamen iu-  
 re & domus vna, & vnus dominus nominatur.  
 quin etiam fratres qui in eiusdem patris pote-  
 state sunt, omnes pro vna persona censeri de-  
 clarat l. non solum, 61. §. 2. D. de rit. nu. at l. pater,  
 17. D. de testib. §. sed neque. Inst. de testam. Vlp.  
 tit. 20.

tit. 20. iure naturali omnes vno generali nomine Homines appellabantur. l. 4. D. de iust. & iur. iure verò Quiritium, alij patresfam. alij filii fam. dicti sunt: quæ nomina ciuilis iuris inuenta & instituta sunt. l. 4. §. qui sunt sui vel al. Item Iure naturali & gentium, velut hodie apud nonnullas gentes, possunt filij separatim à patris bonis patrimonium habere: sibi que seorsim suo labore & operis acquirere. ac multo magis fratres inter se distincta, etiam viuo patre, habere patrimonia possunt. absurdumque esset hodie apud illas gentes dicere quod vnus frater quinquagenarius alteri paulò fortasse natu minori credidisset, id ipsorum patri deberi. pater denique hoc iure filio debere potest, adeo vt eius obligatio etiam post emancipationem duret, vt in hac ipsa lege, §. quæsitum. Singulæ nanque personæ simpliciter iure gentium considerantur: neque Quiritium iuris ratio habetur. d. l. quod attinet. De regiur. at ciuili fictione, & iure Quiritium, quo filiusfam. in patris potestate est, nihil proprium extra patris dominium ac potestatem habere potest: sed quidquid acquirit, patri confestim & in ipso momento acquirit. l. 1. D. si à par. quis. l. acquiritur, 10. D. de acquiren. rer. domin. quod pater filio, vel filius patri stipulatur id pater sibi, & filius patri stipulari intelligitur. l. 39. l. 59. §. 2. l. 130. De verb. obl. l. 2. C. de contrah. stipul. quod patri debetur, filio deberi intelligitur: vicissimque quod filio debetur, patri deberi. l. si cum filio, §. D. de compens. & ob eam ipsam causam neu-

ter alteri civiliter debere potest: non pater filio, propter regulam Iuliani. Quod quis ab alio stipulando mihi adquirit, id à me stipulando nihil agit. l. sed etsi, 25. §. idem Iulianus, D. de v. fus. non filius patri, quia cum pater pro suo iure statuere in filium posset, nulla inter illos actio à veterib. concessa est. l. serui & filij, 17. D. de furt. l. lis nulla, D. de iudic. Quinetiam si quis arrogabatur, non modò ipse, verumetiam ipsius liberi, serui, bonaque omnia in arrogatoris manum potestatemq; transibant. l. 2. in fi. & l. 15. D. de adopt. l. pen. D. de bon. poss. sec. tab. & postea quæcunque acquirerebat, arrogatori acquirerebat, ante Iustin. constitutionem. l. pen. C. ill. tit. & §. Inst. de adquis. per arrog. Neque tamen id eò pertinet, quasi iure naturali & gentium non & filij & patris nomen audiatur: sed quia filii fam. patris fam. adoptionum, & emancipationum nomina & iura à iure Quiritium instituta, eiusque iuris propria sunt. l. 3. l. 4. D. de his qui sunt sui vel al. l. 1. D. de rei vind. Quid multa? Iure naturali filius eodem iure habetur (quantum ad rerum dominium acquirendum attinet) quo pater fam. sicuti de milite dici consuevit: nimirum, ut & pater filio, & filius patri ex causa peculij castrensis debitor creditorve esse possit. l. pater, 15. §. 1. D. de cast. pecul. ut seruus eiusdem ab ipsius patre & stipulari & accipere possit. d. l. pater, §. seruus. ut & filius patri, & pater filio furtum facere possit: inuicemque furti agere. l. si quis uxori, 52. D. de furt. aut eodem iure quo emancipatus est, hoc est, ut sibi seorsum suoque arb

arbitrio adquirat. l. quòd autem, 6. in prin. D. quæ in fraud. cred. l. 1. D. si à par. quis. vt æs patris alienum ipsius æs alienum non censeatur. l. si quis, §. §. parens, D. de lib. agnosc. vt cum patre litigare possit. l. vlt. C. de in ius voc. Item iure naturali, quod frater fratri debet, patri non debet: neque quod seruus conseruo debet; aut ordinarius vicario, vicariûsve ordinario domino naturaliter debet: quod vel hinc licet intelligatur, quòd Seruius summus definiendi artifex, ad peruulgatam definitionem, Peculium intelligitur deducto quod domino debetur: adiecit, vel iis qui in eius potestate sunt. l. sed si damnum, 9. §. 1. D. de pecul. l. 6. D. de pecul. legat. l. si filio, 13. D. sol. matr. mon. §. cum autem, Inst. Quod cum eo. At iure prætorio, quo de peculio actio instituta est, quod seruo conseruus debet, domino deberi intelligitur. l. sed si damnum, 9. §. 2. D. de pecul. Sic enim illum Vlpiani locum interpretari necesse est: siue Vlpianus Seruij adiectionem improbarit, & scripserit (vt olim dicebamus) *Huic definitioni FRVSTRA Seruius adiecit:* siue QVAMVIS pro QVONIAM, posterius sit legendum: vbi Vlp. non factum & ius naturale spectat, sed Prætorij iuris effectum, vt modò dicebamus. Postremò, vt ad institutum redeamus, serui iure naturali & obligant & obligantur. l. serui ex delictis, 14. D. de obl. & act. at ciuilitèr neque obligant, neque obligantur. l. obligari, 43. in fin. D. de obl. & act. l. vlt. §. vlt. D. ad Vell. Cùm igitur ab Africano naturalis obligatio inter duos fratres contracta proferat



tur, & de conditione indebiti soluti agatur, aurea Tryphonini regula seruanda est, vt debiti & non debiti ratione in conditione naturaliter intelligatur. l. si quid dominus, 64. D. de cond. indeb. ac proinde solæ duorum fratrum personæ per se considerentur : & (quemadmodum hodie apud multas nationes, in quib. iuris Quiritium nomen nunquam auditum est, fieri constat) alter creditor, alter debitor constitutur : neque patris persona cum illis permisceatur : aut ciuilis illa fictio admittatur, qua dici solet, Vocem patrisfam. & vocem filii fam. eandem esse : Personam patrisfam. & filii fam. eandem esse. Quod vni debetur, alteri deberi. præsertim cum illud *ἀντροπον* inde sequeretur, vt si vnus nomine paterfam. esset creditor, alterius nomine debitor existeret : quod neque naturalis, neque ciuilis ratio ferre potest. l. cum filia, 11. D. de leg. 1. l. heres, 21. §. quod si stipulator, D. de fideiussor. l. si id quod, 21. D. de lib. leg. Satis ergo iam perspicuū esse arbitror, quamobrem patre mortuo naturalis obligatio Primi (quem debitorem posuimus) per hereditatis paternæ aditionem confusa non sit : cum tam dilucidè probatum sit, Patrem cui heres extitit, eius creditorem non fuisse. quoniam naturalis obligatio ita intelligenda est, qualis ante Iuris Quiritium nomen auditum, & patrumfam. ac filiorumfam. fictam communionem fuisset. At certum est, illo tempore quæsitam fratri ex suo credito obligationem nequaquam patri acquisitam fuisse. Quare, ne iuris illius : atque (vt sic dicam

dicam) temporis illius naturalis fines migremus: sed intra cancellos nobis à iure naturali circumscriptos maneamus. quā in sentētia Bartholus quoque testatur nonnullos ex antiquis interpretibus fuisse: atque Accursium auctorem profert, qui affirmavit disputatum à nonnullis fuisse, naturalem filij obligationem patri quæsitam non esse. Sed agedum, pergamus. Nūc enim peruulgatæ istius interpretationis absurditatem ita patefaciam, ut omnes eruditos tantæ inscientiæ, ne dicam stultitiæ, pudeat. Quæro enim, Sempronio patre mortuo (quem vulgus propter l. placet, De adq. hered. Primi creditorem facit) Secundus, ad quem ex paterna hereditate illa rediisse obligatio fingitur, quā fronte primum de quinquaginta sibi reddendis appellauit? atque ut non appellaret, tamen pro iure Primus tantam se illi pecuniam dare oportere credidit? annon, quia Secundus patri heres existens, paterni crediti & obligationis successor erat? Certè, & hoc fateri aduersarios nostros necesse est. quid igitur? tamne amens ac vecors fuit Primus, ut fratrem patris heredem esse meminisset, & coheredem esse obliuisceretur? Aut non intelligo quid consulas? (inquibat Celsus) aut valde stulta est tua consultatio. Quod idem multo maiore cum ratione dicere Africanus potuisset. nam si adeo stupidum ponamus Primum fuisse, ut putaret & fratri totum debere, quia frater patris heres extiterat: ac non cogitaret se iccirco totum debere, quia ipse quoque coheres extiterat: ineptissimam ac stultissimam

delatam ad Africanum consultationem ponemus. quod cum tanti viri dignitate alienum est, tum verò referre illum hanc ridiculam consultationem in suos Commentarios voluisse, incredibile videtur. Neque huius sententiæ ac disputationis meæ iudicem recusabo clarissimum & omnibus ingenuis artibus politissimum virum ac Senatorem prudentissimum Gilbertum Malocium, cui, amico (vt video) comuni, suum libellum Lescurius dicauit. Sed quoniam & Africani responsum subtilius est, quàm vt à quouis faciliè intelligatur: & scio nonnullos esse honestos adolescentes, quibus magis propter doctorum suorum obseruantiam, & quasi partium studium: quàm propter veritatem emendatio mea suspecta est, operæpretium me facturum arbitror, si eius causæ quam Africano propositam esse confido, constitutionem exponam, eamque doctis viris quasi consultationem proponam. Nam (vt verè loquar) neque vnquam antehac intellexi, neque adhuc intelligere possum speciem illam, quam superior aduersarius noster his verbis exposuit: *Duo sunt fratres, primus & Secundus. Vterque habet peculium. Secundus de peculio suo Primo mutuam pecuniam dedit. Secundi obligatio pertinet ad patrem. Primi obligatio non pertinet ad patrem: cum de peculio Primi à Secundo conueniri non possit: propterea quòd nulla lis esse potest inter patrem & filium. Quid audio? Annon enim vicissim referri ac retorqueri sic poterit? Secundi obligatio non pertinet ad patrem (id est, patri quesita non est)*

vt

vt pater Primi creditor dici possit: propterea quòd conuenire Primum de peculio non potest, cum lis nulla inter illos esse possit. Regula igitur illa tenenda est, vt in istiusmodi de iure naturali quæstionibus, iuris civilis argutiis & fictionibus locus non detur, qualis illa peruulgata est personarum confusio, vt paterfam. & filiusfam. eadem persona censeantur: ac proinde filiofam. quæ sita obligatio patrifam. confestim adquiratur. Quare in hac quæstione, quæ tota est de iure naturali, civile filiorumfam. & patrumfam. nomen remoueamus, naturale filiorum & parentum retineamus: & perinde quasi nunquam Quiritium ius auditum fuisset, ita simpliciter loquamur: atque vbi vnus è duobus filiis Sæpronij alteri pecuniam crediderit, eum qui crediderit, Creditorem: qui accepit, Debitorem nominemus: Patrem neque debitorem neque creditorem fingamus: ne personarum fiat confusio. alioqui si pater vnus nomine creditor dicatur, vicissim alterius nomine debitor dicendus erit, quod, vt iam demonstratum est, neque civilis, neque naturalis ratio patitur. Idque multò dilucidius in illa specie apparebit, si fortè seruus filiofam. aut hic illi pecuniam crediderit. Annon enim absurdior personarum confusio existeret, cum ita dicetur, Dominum esse creditorem filij: vel, patrem esse creditorem serui? quas enuntiationes etiam communis sensus repudiat. Nam si Secundi obligatio patri quæ sita est, Primus non iam fratri Secundo, sed patri debitor esse cœpit. Atqui Africanus Pri-



mum, non patris sed Secundi debitorem diser-  
 tè appellat. *Longè magis, inquit, in eo quod fratri  
 debuisset, indemnem esse præstandum.* Quod si  
 Primus fratris debitor fuit, certè non pater ip-  
 sius creditor fuit, sed frater : hoc est Secundus.  
 Neque dissimilis apparebit confusio, si ponam-  
 us Sempronium communem istorum patrem  
 res Primi peculiares Secundo pignori dedisse,  
 nam & ob naturalem obligationem pignus con-  
 trahi constat, ex l. 5. D. de pignor., & res filij pe-  
 culiares à patre obligari, ex l. fideiussor, 26. §. 1.  
 D. eod. Ista enim quam vulgus sequitur, ratio-  
 ne, Sempronius Secundi respectu, creditor: Pri-  
 mi verò, debitor : atque adeò pigneratitius ap-  
 pellabitur. quod (vt dixi) etiam communis sen-  
 sus respuit, atque aspernatur. Sed nihil est in  
 hac tota disputatione quod mihi mirabilius vi-  
 deatur, quàm è tot eruditis scriptoribus nemi-  
 nem fuisse, qui triplicem illam absurditatem a-  
 nimaduernerit, quam ex ista recepta & peruul-  
 gata huius legis interpretatione consequi ne-  
 cesse est. Nam primum omnium Africanus as-  
 firmasse dicitur, *Quia* (sic enim voces illas PRO  
 PARTE interpretantur) cum Primus patri heres  
 extitit (ac proinde debitor creditori successit)  
 confusa obligatio est, Primum id quod Secun-  
 do soluit repetiturum. quod si ita est, Africanus  
 quinquaginta ei aureos à Secundo attribuit:  
 hoc est, quantum illi per errorem dissoluerat.  
 Atqui continuo pòst idem Africanus subiun-  
 git, *Quia Secundus primi peculium in hereditate  
 diuidenda participauit.* Primum ab eo ita repe-  
 titur

titurum, si Secundus ex Primi peculio non minus percepit, quàm quantum ei debebatur. Non minus autem Secundus percepit. nam cum in Primi peculio centum essent, Secundus ex semisse heres quinquaginta consequutus est. Alteros igitur quinquaginta aureos Africanus Primo absurdissimè attribuerit.

Sequitur secunda siue absurditas, siue stultitia, quæ ex peruulgata huius legis scriptura & interpretatione consequitur. Nam cum Africanus utrumque fratrem peculiatum posuisset, ita tamen eius responsum vulgò interpretantur, quasi eius solius portionis rationem habuerit, quam Secundus ex primi peculio consequutus est: eius autem quam Primus ex Secundi adeptus est, ne mentionem quidem ullam fecerit. Nam in omnibus hominum istorum ad hanc legem commentationibus & disputationibus, litera de Secundi peculio à Primo participato nulla reperietur. Et tamen constat, Primum ex Secundi peculio (in quo quinquaginta posuimus) vigintiquinque percepisse. Horum igitur ratione Africanus Primo, pro quinquaginta Secundo solutis, centum & insuper vigintiquinque adiudicavit. Quo nihil stultius dici posse existimarem: nisi tertia illa maior absurditas sequeretur, quam superius patefecimus: nimirum quod Primus iccirco Secundo soluerat, quia patri heres existens, eius obligationis successor erat: neque illi in mentem venerat, se fratri coheredem extitisse: ac proinde pro dimidia parte obligationis eiusdem successorem esse. Quin

ne illud quidem prætermittendum videtur (quia mihi interdum cum Latinizantibus res est) quòd Africanum, quo neminem vnquam purius ac subtilius scripsisse arbitror, ineptæ loquacitatis arguunt. Quorsum enim illud tam absurdum, & bistamen inculcatum? PRO EA PARTE QVA HERES EXSTITIT. Nam istorum ratione positum oporteret pro QVIA vel PROP-TEREA QVOD, vel, QVANDOQVIDEM. quam interpretationem Latinæ consuetudinis ratio repudiat. Atque vt nihil istorum à me confictum cognoscatur, proferam eam interpretationem quam superior noster aduersarius in suo libro totidem verbis proposuit, *Cùm essent duo fratres, Primus & Secundus: & Primo Secundus pecuniam credidisset, ac mox obligationem naturalem ex causa crediti contractam pater adquisisset, ac deinde mortuo patre vterque patri heres exstitisset aqvis partibus, confusa est naturalis obligatio: partim quia Primus debitor patri creditori, heres exstitit ex semisse, partim quia Secundus heres patri ex altero semisse cepit iure hereditario ex peculio tantum quantum erat in residuo debiti.* Atenim ne ista quidem admissa & recepta interpretatione, confusa dici potest naturalis obligatio, istis duabus de causis: sed potius ob priorem causam, confusa, ob posteriorem, compensata. Verum tamen si, quia Primus patri heres exstiterat, confusa erat eius obligatio, cur soluebat? annon se patris heredem esse meminerat? deinde quæ fuit Secundi vecordia, qui patiebatur eius rationem haberi quod ex Primi  
pecul

peculio sumpserat, eius verò quod frater de suo peculio consequutus erat, mentionem non faciebat? quod argumentum in superiore Disputatione præterminisera. Deinde, quomodo verborum illorum vis exponitur, PRO QVA PARTE? *Quia Primus* (inquit) *patri heres exstiiit.* quasi verò PRO QVA PARTE, idem valeat quod QVIA. quod tamen mox iteratur, *Partim quia Secundus tantumdem cepit, &c.* Verùm vt hæc quæ Grammaticalia nonnulli vocant, omittam, deinceps Africano remoto, causæ constitutionem eruditis viris proponam: vt si quis deinceps me viuo & incolumi aliter de ea statuentum esse docuerit, quàm quo modo respondisse Africanum demonstraui, manus illi dem, & pro singulari erga me beneficio gratias agam. Nam vsque adhuc, hoc est vsque ad annum 1575 addo iam ad annum 1585. Deum immortalem testor me verissimam & certissimam esse & interpretationem & emendationem meam arbitrari. Sempronius duos habuit filios, Primum & Secundum: vterque centenos in peculio aureos habuit. Viuo patre Primus à Secundo quinquaginta mutuo accepit: ac proinde naturaliter illi debitor esse cœpit. Patre mortuo, filiisq; illis duobus ex æquis portionibus hereditibus relictis, quum Primus illam pecuniam se fratri ciuilitè & efficaciter debere crederet, eam illi persoluit. paulo pòst admonitus est, debitum illud non ciuile, sed naturale tantum fuisse: quod à Iuriscon. sic definitur: quod natura quidem solui æquum est: l. si noxali, ii. D. de



pecul. quod naturalis quidem æquitas solui postulat: l. Stichum, 95. §. naturalis, D. de solut. sed tamen per iudicem peti non potest: l. prima, §. id quod natura, D. ad legem Falcid. l. creditores, 10. D. de verb. signif. Agere igitur indebiti condictione aduersus Secundum fratrem suum instituit: quasi indebitum per errorem soluisset, cuiusque intentio hæc fuit: Aio te mihi quinquaginta reddere oportere, quippe indebitè soluta. Exceptio Secundi, Non oportet. Cuius hæc ratio est, quoniam debiti naturalis per errorem soluti nulla repetitio est. l. nam hoc, quarto, D. de cond. indeb. Quæro ex Iurisperitis, & Academiarum omnium Doctoribus, aduocatis, causidicis & pragmaticis omnibus quid iuris? Atque vt Relatorum & consultorum quorundam more, meam sententiam primus exponam, crederem, si mei iudicij res esset, distinctionem adhibendam esse, quotam vterque partem ex fratris sui peculio perceperit. Nam (vt inter omnes constat) patre mortuo filiorum peculia cum hereditate paterna confunduntur: sic, vt in familiæ erciscundæ iudicio, proportionibus hereditariis inter illos diuidantur. l. certum, 13. C. famil. ercisc. l. filia, 12. C. de collat. Sed quotam quisque ex peculio fratris partem perceperit, magnæ quæstionis videtur. Imò verò dubitari magnopere videtur posse, quanta vtriusque peculij quantitas fuerit: propter vulgatam regulam, qua dicitur, id quod peculiatius naturaliter debet, eius peculium imminuere: vicissimque quod ei naturaliter debetur, eius pec

peculium augere. l. 6. §. sicut. D. de pecul. leg. l. 7. §. 3. D. de pecul. Quod si verum est in Primi peculio quinquaginta tantum numerandi sunt: in Secundi verò centum: & consequenter, Primus in hereditate diuidenda ex Secundi peculio quinquaginta, Secundus autem, ex Primi tantum vigintiquinque perceperit. Quod mihi longè videtur secus. Intelligendum est enim, totam istam, siue Prætorum, siue Iurisconsultorum, qui Prætoris edictum interpretati sunt, fictionem esse: qui ad effectum de peculio actionis, interdum imputationibus, interdum deductionibus vtuntur, & ea fingunt inesse in peculio, quæ non sunt: vicissimque abesse illa, quæ tamen eo continentur. veluti cum Prætor id imputat in peculium, quod dolo domini factum est, quo minus sit. l. summa, 21. D. de pecul. Item cum ea deducuntur (id est abesse finguntur) quæ patri dominove, aut iis qui in eiusdem potestate aut tutela aut cura sunt, debentur. l. 4. & l. 8. §. prætoriam, & §. peculium, & §. seq. adeo vt singula corpora rerum peculiarium, pro rata diminui dicantur. quæ tota fictio & imaginatio est, ad effectum, vt dixi, de peculio actionis accommodata. l. 6. & l. 8. D. de pecul. leg. l. seruus, 30. D. de act. empt. Superius autem demonstratum est in istis naturalibus obligationibus & conductionibus, factum, id est veritatem solam, spectari: neque vllis fictionibus locum permitti. l. nec seruus, 41. D. de pecul. l. si quod dominus, 64. D. de cond. indeb. Quare in æstimanda quantitate peculiorum cau-

tio hæc adhibeatur, vt imputationes & deductiones & ceteræ fictiones remoueantur: solùmque (vt Iurisconsul. loquuntur) factum naturaliter, & pingui Minerua, consideretur. Quod cum fiet, tum perfacilis ad illam quantitatem definienda via ratioque patebit. nam in Secundi peculio, patre mortuo, ea tantum summa numerabitur, quæ reuera, & (vt ita dicam) de facto reperitur. nimirum quinquaginta, quæ Primus à Secundo mutuatus fuerat, neutrobi computentur: quia neutrobi naturaliter reperiuntur: quippe consumpta & perempta: cum pecunia ipso usu & permutatione extingatur. §. 2. Inst. de usufr. Atque id omnino dici necesse est. necesse, inquam est, quinquaginta mutuò à Primo sumpta, perempta atque extincta dicere: neque in eius peculio reperiri. Id quod ex Africani verbis cogi & conuinci potest, cum ita loquitur, *Naturalem enim obligationem, quæ fuisset, hoc ipso sublata, videri, quod frater Secundus partem ex Primi peculio sit consecutus.* Nam si quinquaginta illi mutuò accepti, reperti in Primi peculio fuissent, cum patris hereditate confusi permixti que fuissent. Si confusi fuissent, tum vterque frater, qui ex æquis partibus patri heres extiterat, centenos suos peculiarios aureos recepisset: si Secundus suos centenos recepisset, in iis suis quinquaginta, qui partem illius summæ efficiebant, recepisset. Si totam suam summam recepisset, Primus ei nulla in re debitor mansisset. Falsum est autem postremum: quoniam Africanus scribit, Primum post patris mortem

natur

naturaliter obligatum mansisse. falsa igitur quæ  
antecedunt omnia. Nam (vt Tullius scribit)  
quum consequens aliquod falsum est, illud cuius  
est consequens, non potest esse verum. Re-  
stat igitur vt ad primam quæstionem redea-  
mus, An & quatenus quod Primus Secundo  
naturaliter debitum post patris mortem soluit,  
tanquam indebitum condicat: & remoto Afri-  
cano sic respondeamus, Quoniam Secundus ex  
Primi peculio quinquaginta consecutus est,  
(quod per ius ciuile contra iuris naturalis ra-  
tionem factum est) æquitas naturalis (qua sola  
naturales obligationes nituntur) postulat vt ea  
compensentur. l. sexta, D. de compens. Totos i-  
gitur (inquiet Primus) eos quinquaginta au-  
reos, quos tibi postea persolui, te mihi reddere  
oportet. Ex contrario Secundus ita referet, At tu  
quoq; quod ex meo peculio percepisti, vicissim  
deducito: nimirum aureos xxv. quod naturalis  
quoque ratio & æquitas flagitat. Ex quo, sub-  
ducta vtrinq; ratione, consequetur, Primum à  
Secundo per indebiti condictionem tantum  
xxv. repetiturum. Rectè igitur cum negatione  
ex Africani verbis sic respondemus: Pro qua  
parte Primus patri heres exstitit (id est, pro ra-  
ta parte semissis (quia xxv. ex Secundi peculio  
percepit, nihil ab eo repetiturus est. At pro  
qua parte Secundus patri similiter heres exsti-  
tit, & partem ex Primi peculio consequutus est,  
ita Primus repetiturus est, si non minus ex pe-  
culio ad Secundum fratrem suum peruenisset,  
quàm quantum ei Secundo debebatur, quod



nunc accidit: nam Secundo debebantur. l. idem ex Primi peculio l. consequutus est. Eatenus igitur Primus ex illa summa repetiturus est, quatenus Secundus plus percepit, quàm ex æquitate naturali ei debebatur: nimirum xxv. Atque ita Secundo solida, integra, illibata sui veteris peculij quantitas constabit. nam quum Primus post patris mortem in percipienda hereditate, xxv. ex Secundi peculio cepisset, tantum illi Secundo xxv. restabant. rursus Secundus in percipienda hereditate ex Primi peculio l. consequutus est. unde efficiuntur lxxv. postea Primus per errorem insuper illi l. dissolvit. unde efficiuntur cxxv. Repetantur per Primum xxv. Non Archimedes, non Pythagoras, non Minerua (quæ numerorum inventrix fuisse dicitur) melius vnquam, aut certius, aut liquidius rationem vllam confecerit.

## APPENDIX.

Ex Musæo nostro, anno 1575. Recognoui, & rata eadem habui anno 1585. quin etiam confirmationis causa hæc subiunxi: Ex eodem commentorum & fictionum genere illud est, Fratres, qui in eiusdem patris potestate sunt, pro eadem persona numerari. atque iccirco neutrum alteri testem in re alterius esse posse. §. sed neque, Inst. de testament. Vlp. tit. regul. 20. & l. pater, 17. D. de testib. item, cum Senatus prohibuisset tutorem filio suo pupillam suam matrimonio iungere, Tryphoninus subtiliter argumentatus est, non modò vice versa filiumfam. prohiberi, patri suo pupillam suam nuptum dare: verum

re: verum etiam fratri suo qui in eiusdem potestate est. l. non solum, 67. §. 1. D. de rit. nup. quasi videlicet fratris commodis seruiens lucro & commodo suo in conturbandis tutelæ rationibus seruire intelligeretur: & nubenti pupillæ auctoritatem præbens, in rem suam auctor esset: contra l. 7. D. de auct. tut. Pari ratione quod dicitur de patre & filio, ut quod vni debetur, alteri debitum intelligatur: pro duci eadem fictione & commentitio iure potest ad duos fratres: ut si decem ab eo, cum quo contractum est, petantur, compensare quinque possit, quæ fratri suo debebuntur. d. l. 9. D. de compens. Ex eodem commentorum genere etiam illud est, ut iniuria facta nepoti ex filio in potestate retento, videatur facta & patri & filio, & auo. l. 8. D. de procurat. Item, ut neque patri à filio, neque filio à patre, neque fratri à fratre, neque filio-famil. ab ipsius filio, vel ex diuerso huic ab illo, neque seruo patris à filio rectè legetur: si quidem in eadem causa permanserint. l. quasi-tum, 91. D. de leg. 1. §. aufertur, 28. Instit. de leg. 1. cum legato, 17. D. quand. dies leg. item ut non aliter fideicommissio pater filij heredis instituti onerari possit, quàm si vel extraneo, vel ipsi filio, post sui iuris adeptionem dare sit rogatus. l. cum filio, 11. D. de legat. 1. l. quamuis, 16. C. de fidei-comm.

\*

ff



# INDEX

## RERVM ET VERBORVM in Quæstionum illustrium libro memorabilium.

<b>A</b> Cceptilationis	277
ius	239
Acceptilatio cur	
sic actus legiti-	
mus, cum stipulatio non	
sit	247
Accessio accessionis non da-	
tur	369
Accrescendi ius inter eos	
esse, qui ab initio solidum	
habuerunt	133
quale ius,	
& quam varium	376
Actionem amittere	152
Actiones legis	226
& actus	
legitimi differunt	246
Actionibus concurrenti-	
bus an vti liceat	195
Actus legitimi, qui	227
Actuum fictio, qualis	291
Addicebantur debitores	
creditoribus	177
Aditio hereditatis, legis a-	
ctio	233
cur facti esse dica-	
tur	328
Adoptio, legis actio	230
Adoptiones in testamen-	
tis, cuiusmodi	230
Adminicula contractuum	251
Aduersarij & hostes disse-	
runt	46
Adulterij nomine transige-	
re an liceat	153
Agnatorum hereditates in	
stirpes non diuiduntur	94
Ærarij & fisci differentia	5
Ærarium duplex fuit	5
Aliud pro alio nec peti nec	
solui potest	95
Amittere actionem	152
Amittitur vti fructui similis	
Animi res, quæ dicantur	
	316
Appellatio, actus legiti-	
mus	251
Area, pars domus maxima	
	56
Armis capta, nisi armis non	
retinentur	37
Agri conditio propter per-	
sonam non mutatur	255
Assis natura, vt partes in-	
ter se referantur	350
Auctoritas tutoris, quid sit	
	251

RER. MEMORAB. INDEX.

Auo mortuo, nepotes ex filio demortuo vna cum filio superstitite in stirpes succedunt	35	bitorem speciei, non qualitatis	40
Aurei non corpus sed valor spectatur	97	Cautio damni infecti diuisionem recipit	121
B		Cautionem reddendo debitorum remittitur	36
Balnei vsus plurium est in solidum 127 campi, & porticus vsus, non admittit diuisionem	123	Cedi actio dicitur non modo utilis, sed etiam directa	261
Bannum, promulgatio	174	Chirographi ius consideratur	97
Baptismus ab hereticis episcop. collatus non retractatur	114	Citra, pro sine	155
Barbarij, Philippi fraus insignis	106	Ciuitas an cum libertate iura sua omnia recuperet	37
Bartholi disputatio capitalis	51	capra, capite minuitur	36
Bonorum cessionis iura possessio non est legis actio	185	Clandestinae nuptiae damnantur	172
234 cur dicatur esse iuris	329	Clauibus traditis, traditur dominium	72.76.79
Bello parata victoris sunt	36	Codicis leges plerumque obscurae propter sermonem	69
C		Collocare pecuniam faenori	300
Cæcus an iudex esse possit	194	Collybus in pecuniis	99
Cæsaris in ditione quæ dicantur 4 patrimonium res, & fisci res, differunt	6	Conceptus post aui mortem ei neque auus, neque cognatus	18
Canonistæ parentis consensum in nuptiis non requirunt, nisi de honestate	63	Concesso aliquo, ea sine quibus constare illud non potest, concessa intelliguntur	114
Canonistarum acumen	227	Conciliationes legum prudenter exquirendæ	208
& civilistarum controuersia	355	Concubina & vxor dignitate differunt	169
Casellij iurisconsulti fortis animus aduersus tyrannos	226	Concurrentibus actionibus an uti liceat	195
Casus fortuiti liberant de-		Conditio pro pactione	18
		Conductor fructuario simili	



RERVM MEMORABIL.

lis	164	319	Debita summa vtrum diui-	
Coniunctionum tres modi			dua, an indiuidua	120
377			Deus non potuit ignorare,	
Coniugium an solo consen-			quæ reip. salutaria sint	315
su sine publica testatione			Deponitur eadem res apud	
contrahatur	168		plures in solidum	232
Consensus dicitur non con-			Debitor qui soluendo non	
tradicens 60 parentis ta-			est, an affici pœna corp. pos-	
citus sufficit in nuptiis	62		sit	175
Constitutiones nouæ stri-			Debitorum corpora obno-	
ctæ accipiendæ sunt	91		xia, & vexata	176
Consulatus olim patriam			Defectores, iuris gentium	
potestatem non perimebat			participes	47
255			Definitionis proprietas	165
Contractibus nominatis			Delatorem corrumpens,	
certa quædam imposita for-			pro conuicto habetur	152
ma	277		Delicta tot, quot delinquen-	
Contractus natura inter-			tium personæ	223
dum improprie pro admi-			Delinquentium quot per-	
niculis	278		sonæ, tot delicta	221
Contrariorum regula insi-			Delphinatus regi Galliæ	
gnis	83		datus	4
Conuentio in manum, le-			Dialecticæ ratio in iure	
gitimus actus	235		non semper dominatur	223
Corporum tria genera	213		Dignitatum gradus non	
Corruptio alia vniuersalis,			confundendi	254
alia particularis	54		Dispositio legis intra suos	
Criminis causa an pacisci			fines coercenda	86
liceat	150		sub con-	
Culpa quo modo in con-			ditione, deficiente condi-	
tractibus præstetur	283		tione conuertitur	82
Cunctator & frustrator dif-			Diuiduntur res naturaliter	
ferunt	206		& ciuilitur	117
D			Diuisionis effectus vt ex v-	
Damnati iuris gentium			na re plures fiant	134
non expertes	49		Diuidua natura & vtilitate	
Dari aut tradi non diffe-			138	
runt	73		Doli & perfidiæ differentia	
Dari res, quando dicatur	73		50	
Datio cur dicatur esse facti			Dolus bonus 50 permissus,	
			vbi	

- vbi fides data non est 50 284  
 Dominij causa quadruplex 72  
 Dominium ab obligatione separatur 167 communio-  
 nem non diuisionem reci-  
 pit 134 rei vtrum diuiduum  
 an indiuiduum 119 sine pos-  
 sessione an acquiratur 170  
 transferendo, an praesentia  
 & naturalis traditio requi-  
 ratur 73  
 Dominus speciei nemo est  
 pro diuiso 125 rei eius vsuf-  
 fructuarius esse non potest  
 75  
 Domus per partes resecta,  
 an eadem 56  
 Donationes inofficiose vs-  
 que ad legitimam quartam  
 rescinduntur 375  
 Dos in legitimam imputa-  
 tur 359 vsui fructui similis  
 164  
 Dotalis fundus etiam ab al-  
 io possessus fit mariti 71  
 Doti dare & tradere diffe-  
 runt 75  
 Dotis dominium penes ma-  
 ritum 166 natura 279.281  
 E  
 Effectu & verbo inter se op-  
 ponuntur 130  
 Eiurare bonam copiam 180  
 Electio fit per procurato-  
 rem 240  
 Emancipatio legis actio 231  
 Emphyteutes an dominus  
 165  
 Esse fingitur, qui non est  
 Euectus, pro euectione siue  
 vectura 130  
 Euectus fortuiti ratio si non  
 ducitur, neuter laeditur 103  
 Expressio eorum quae taci-  
 te insunt, aliquid operatur  
 86  
 F  
 Facti res quae dicantur 316  
 Factum, non dicitur, ex par-  
 te factum 121  
 Falcidiae nomen pro legiti-  
 ma 349  
 Favoris causa inductum  
 contorqueri in odium non  
 debet 67  
 Feudorum fraterna succes-  
 sio nulla 35  
 Feudum sine vassalli con-  
 sensu a seniore non aliena-  
 tur 13  
 Fideicommissariae res dimi-  
 nui ultra quadrantem non  
 possunt 83  
 Fideicommissarius fructua-  
 rio similis 164  
 Fideicommissorum nullae  
 certa formulae 83.84  
 Fides hosti data an seruan-  
 da sit 45  
 Filia post annum xxv. pa-  
 tris consensum in nuptiis  
 non requirit 63  
 Filius fideicommissio grauatus  
 duas quartas an detra-  
 hat 348  
 Fiscalium rerum commer-  
 cium erat 6  
 Fiscus res, a rebus Caesaris  
 ff 3

differunt 4  
Fiscus & grarium differunt 220

5  
Fluminis vsus plurium est  
in solidum 128  
Fœneratio quæstiuosa, segni-  
tia 304  
Fœnoris species omnis a  
Deo prohibita 306  
Fœnus, pecunię reditus 301  
quasi fœrus 305  
Forma fuit contractuum  
nominatorum antiquitus  
constituta 277  
Fortuiti euentus ratio si  
non habetur, neuter lædi-  
tur 103  
Fratrum inter duorum li-  
beros patruī hereditas, quo  
modo diuidatur 87  
Fraudatio prodesse fraudato-  
ri non debet 67  
Fructuarius in suo domi-  
nio ius habet 167  
Fructus quidam naturales,  
alij ciuiles 304  
Frugum in lite æstimanda,  
cuius loci aut temporis pre-  
tium spectetur 104 pretia  
mutabilia 104  
Frustrator & cunctator dif-  
ferunt 206  
Fur & malæ fid. pos. diffe-  
runt 206  
Fures etiam corporaliter  
puniuntur 182  
Furiosus possess. non acqui-  
rit, dominium acquirit 71  
Furti actionis nomine con-  
dictio intelligitur 200 à plu

G  
Galliæ regnum Anglis do-  
natum 4  
Generis per speciem dero-  
gare quid sit 212  
Gestorum nomine quid si-  
gnificetur 188  
Glicia lex de inofficioso  
nulla 249

H  
Habitatio cur dicatur esse  
facti 332  
Hereditas aliud, aliud res  
hereditariæ 143 cur in iure  
consistat 328 deuoluta sem-  
per primi testatoris heredi-  
tas 367 inter pares gradus  
pariter diuiditur 92 uiuen-  
tis non venditur 368 vnus  
hominis non duplex 141  
vtrum diuidua, an indiui-  
dua 140  
Hereditates agnatorum  
nunquam diuiduntur in  
stirpes 94  
Heres dominus, hereditas  
dominium 142 fiduciarius  
vltra quadrantem non alie-  
nat 83  
Hominis genus duplex 257  
Homo è seruo liber non i-  
dem qui prius fuit 37  
Hostem fallere licet, cui fi-  
des nondum data est 50  
Hosti an fides seruanda 45  
Hostibus pretium promit-  
tens naturaliter obligatur 52

Host

Hostium appellatio quotu-  
plex 45

I

Idem, apud philosophos  
quid 57

Imperator an res privato-  
rum alienandi ius habeat 7  
8.9. de Ducatu ante Impe-  
rium adepti, an fidelitatem  
detrahat 253 a Papa ob le-  
gatum non solum excom-  
municatus 2

Imperatori an ius fuerit di-  
tiones imperij oppignera-  
re 1. in ea quæ diuina sunt  
potestas nulla 3

Imperatoris an sint omnia,  
& quomodo 2.3.11.12.13

Incorporeum omne est in-  
diuiduum 133

Indiuidua quædam natura,  
utilitate diuiduntur 121

Indiuiduæ res quæ 132.133

Induciis violandis ius gen-  
tium violatur 47

Iniuriam suam gratis licet  
remittere 150

Iniuriarum actio per pro-  
curatorem 243

Institutio & substitutio cur  
dicantur esse facti 330

Instrumento dato, traditur  
dominium 76.79

Instrumentum fundi indi-  
uiduum 137

Interesse non æstimatur ex  
affectione 100

Interitus rei vtrum ad a-  
ctorem an ad reum perti-  
neat 201

Iudicandi munus an legum  
imperitis mandetur 191

Iudices Romæ non iurispe-  
riti 192.193

Iulia lex de debitoribus 175  
180

Iuri antiquo standum, quan-  
diu de ipsius abrogatione  
non constat 223

Iuris communio inter quos  
est, inter se obligantur 47

Iuris res quæ dicantur 316

Iurisconsultorum dissensio  
notata 223

Iurisc. casus à lege omisso  
non suppleant 86

Ius accrescendi quale, &  
quàm varium 376

Ius gentium quibus modis  
violatur 47

Iusiurandum iudiciale, a-  
ctus legitimus 251

L

Latrones iuris gentium  
non expertes 48

Legatarius fruendi ius in  
suo dominio non habet 168

Legatis violandis, ius gen-  
tium violatur 47

Lege agere 228

Leges interdum irreconci-  
liabiles 208

Legis actiones 226 & legi-  
timi actus differunt 246 di-

spositio inter terminos co-  
ercenda 86 ratio vbi non

habet locum, eò lex non  
producitur 92

Lex de subleuandis addictis  
179 Porcia & Sempronia 181



Regia 2	Roscia & theatralis 183	rerum & dominiorum domina 302	xij de ære alieno 177	xij tab. de vsuris 307	Legitima de viuentis pactum non valet 368	est pars hereditatis ab intestato 366	institutionis iure relinquenda 367	verba 236	Liberatus è seruitute non idem qui antea 37	Liberi in conditione positi, an intelligantur ad hereditatem vocati 82	Libertas semel præstatur 232	Libertatis fauor maximus 232	Litem ex nudo pacto institutam esse, absurdum 64	Locatur vna res pluribus insolidum 126	Loci fictio, qualis 290	M	Magis & minus non cadunt in substantiam 135	Magistratu à falso gesta, an rata sint 106	Magistratus patriam potestatem non extinguit 255	iniussu gesta, rata non sunt 50	creati vitium 107. 110. 111	Mancipatio, legis actio 234	Mancipationis & traditionis, differentia 73	Manumissio, legis actio 232	Manumissus non idem homo, qui prius fuit 37	Materiæ & speciei differen-	tia 112	Matrimonia Romano iure tacite contrahebantur 169	Matrimoniales causæ magna ex parte theologicæ 171	Matrimonij causa quadruplex 168	& nuptiarum differentia 174	parentum iniussu contracti, an vlla pœna sit 58	Matrimonium à magistratu cum provinciali non contrahitur 18	est diuini iuris 171	sine scriptura contrahitur 171	Menia columna, vbi fures coercebantur 182	Metallorum in refectione differentia à reliquis rebus 96	Militaribus viris iudicia mandata 193	Mora commissa, damnum præstatur 104	Morganatica 374	Morgengeba 374	Mortuus fingitur, qui viuit 285	Municipij corpus incertum 343	Municipium an heres instituat 343	N	Natura contractus interdum pro adminiculis 278	non patitur ex pecunia sterili fructum quærere 304	Naturalia quæ dicantur 317	Naturaliter fieri dicuntur, quæ
---------	-------------------------	-------------------------------	-----------------------	------------------------	---	---------------------------------------	------------------------------------	-----------	---	--	------------------------------	------------------------------	--	--	-------------------------	---	---	--	--	---------------------------------	-----------------------------	-----------------------------	---	-----------------------------	---	-----------------------------	---------	--	---	---------------------------------	-----------------------------	---	---	----------------------	--------------------------------	---	--	---------------------------------------	-------------------------------------	-----------------	----------------	---------------------------------	-------------------------------	-----------------------------------	---	--	--	----------------------------	---------------------------------

quæ realiter vulgo dicun-  
 tur 317 obligatur, qui pre-  
 tium hosti promisit 32  
 Natis nondum relinqui per  
 fideicommissum potest 43  
 Nato nondum, donari non  
 potest 43  
 Natus ante adeptum à pa-  
 tre magistratum an magi-  
 stratus filius 17  
 Nauigij vsus pluribus in so-  
 lidum conceditur 127  
 Navis per partes refecta, an  
 sit eadem 53  
 Neapolis direptio à Gallis  
 40  
 Nepotes an filij appellen-  
 tur 30  
 Nepotis in nuptiis an aui  
 auctoritas requiratur 59 nu-  
 ptie, & neptis, ius diuersum  
 habent 59  
 Nexi qua lege soluti 180  
 Nomina inter heredes iure  
 diuiduntur 140  
 Numi ex corio, ære, lami-  
 nis 96 ratio, eadem quæ chi-  
 rographi 98  
 Numerorum consideratio 96  
 neque qualitas, neque quan-  
 titas spectatur 96  
 Numus, emptionis & ven-  
 ditionis causa inuentus 311  
 inter res corporales nume-  
 ratur 98  
 Nuncupatio actus legiti-  
 mus 239  
 Nuptiæ iustæ, sine parentis  
 iussu præcedente, iniustæ  
 60 clandestinæ damnantur

172  
 Nuptiarum & matrimonij  
 differentia 174  
 Nuru fideicommissum quo  
 modo relinquatur 83

Q

Obærati 180  
 Obligatio principalis an  
 poenali stipulatione noue-  
 tur 64 seruorum, cur facti  
 esse dicatur 325  
 Obligationum vis non ad  
 dominium transf. valet 167  
 Occupare pecuniam, pro  
 fœnori collocare 313  
 Operæ seruorum cur dican-  
 tur esse in actu 333  
 Operarum obligatio nu-  
 mero diuiditur 121  
 Optio legati 224. 225  
 Otiosa pecunia, quæ non  
 exercetur 313

P

Pacisci de crimine an liceat  
 150 post constitutum iudi-  
 cium non licet 150  
 Pacisci furri, iniuriarum, an  
 liceat 156 tantum de re pri-  
 uata licet 151  
 ex Pacto cui poenæ stipula-  
 tio subiecta est, an & exte-  
 ptio & poenæ petitio con-  
 cedatur 66  
 Pactum, cur dicatur esse fa-  
 cti 326  
 Papa imperatorem ob lega-  
 tum non solum excom-  
 municat 2  
 Papiniani auctoritas, quam  
 Iustin. sequutus est 85

Parentum auctoritas in matrimonio 58.60	erga liberos affectio præsumitur 85	Pœna in delicto multitudinis quo modo temperanda 336
Pars iuris, aut ius partis, quando dicatur 137	non dicitur dominij, habitatio- nis, vsus, instrumenti 137	Pœnæ tot, quot delinquentium personæ 221
Partes certæ pro diuiso: incertæ, pro indiuiso 117	intellectæ, pro indiuiso 117	Polliceri, pro pacisci 63
in toto & naturam & nomen suum retinent 56	verè dicuntur, quæ suo munere funguntur 216	Populi suffragia, legis vim obtinent 114
Pater quomodo liberis succedebat 90	Patris in voluntate æstimâda maior pietatis quàm verborum ratio dicitur 85	Possessio an requiratur ad dominium 70
Patruj hereditas quomodo diuidatur 86	Pauli loca emendata 95	in venditione qualis requiratur 71
Pauper debitor an corpore plectatur 183	Pecuniæ præsentia an requiratur in emptione 73	iusta quæ dicatur 72
Pecuniarum permutationes 98	Periculum pecuniæ creditæ ad quem pertineat 308	naturalis & civilis 208
Periculum pecuniæ creditæ ad quem pertineat 308	post moram commissam pertinet ad debitorem 40	utrum sit facti, an iuris 320
Petitorium & possessorium an concurrant 206	Pietatis coniectura fauorabilis 85	Possessiones quæ dicantur 7
Pignoris causa utrum diuidua, an indiuidua 119	Platonis sententia de scœnratore 306	Possessionis in petitione quasi vi ereptæ utrum de vi an pos. prius quærat 7
		Possessor malæ fid. & fur. differunt 206
		Possessorium & petitorium an concurrant 206
		Possidere, & in possessione esse, differunt 109
		Postliminium in agris & locis sacris, publicis, &c. 37
		iura & statum restituit 37
		Postumi extranei an institui possint 40
		Potestas numerorum, quæ 95
		Prædij qualitas propter possessorem non mutatur 255
		Prædones, iuris gentium participes 48
		Præsentia alia vera, alia ficta 48
		Prætozem esse aliud, aliud prætura fungi 109
		Prec

## INDEX.


Precaria substitutio	83	Regis filiorum hereditates,	
Principis patrimonium,		quo iure sint 17	17
quid	5.6	rege natus, differunt 22	22
Privatorum rebus publico		trum liberi quo iure sint in	
consilio damnum non adfe-		hereditate 32.33	32.33
rendum	8	nio sunt vniversa, non sin-	
Probare, quid	187	gula 2.13	13
Proculianorum & Sabinia-		Israelij lex & norma certa 8	8
norum controuersia 66.201		nepos & filius	
208		ius habeant	26
Proscripti, iuris gentium		Regna quibus parentur mo-	
non expertes	49	disio testamento legata 3	3
Publicæ res quæ dicantur 5		Regnum ad utilitatem sub-	
Publicas res alienandi po-		iectorum dirigendum: vt tu-	
testatem an Cæsar habeat 7		tela, ad pupillorum	11
		Rei, donatæ vel venditæ do-	
		minium transferri dicitur	
		sine traditione solo eius vsu	
		fructu retinendo 72	72
		duo eiusdem locationis in soli-	
		dum constituti 125	125
		vnus nec dominium nec posses-	
		sio penes plures in solidum	
		125	125
		Rem tradi & rem dari, dif-	
		ferunt	74
		Representationis in liberis	
		ius, quale	87
		Repudium actus legitimus	
		238	238
		Res extincta fingitur, quæ	
		in natura est 287	287
		iudicata	
		utrum diuidua, an indiui-	
		dua	118
		Rex an res privatorum a-	
		lienandi ius habeat 7.8	7.8
		à tyranno quantum differat	9
		populi sui tutor	11
		Romanorum flagitiosa con-	
		suetudo in vxoribus com-	
		modandis	170



<p><b>S</b></p> <p>Scriptura in matrimoniis non necessaria 171</p> <p>Sectionis nomen à corpore ad bona translatum 178</p> <p>Sententia de scripto recitanda 190</p> <p>Seruire, &amp; in seruitute esse, diuersa 183</p> <p>Seruitus, an in iure consistat 326 natura indiuidua, tamen quandam diuisionem recipit 122 quæ homini ab homine debetur, indiuidua 122</p> <p>Seruum esse, aliud: aliud, in seruitute esse 109</p> <p>Solomon vrbes Iudææ an alienari 4.14</p> <p>Solutio, cur dicatur esse facti 335 imaginaria valet pro vera 37</p> <p>Stipulatio à conditione incipiens 64.71 cur dicatur esse iuris 324 cur non sit actus legitimus 247 prior per pœnalem subsequenter nouatur 69</p> <p>in Stirpes &amp; ex stirpibus succedere, idem sunt 90</p> <p>Subiecti principum non de teriore conditione, quam olim serui 10</p> <p>Substitutionis, directæ &amp; fideicommissariæ differentia 84</p> <p>Subtilitas in iure non semper dominatur 223</p> <p>Subtilitatis &amp; vtilitatis iura varia 138</p>	<p>Successio non est in agnatis 33</p> <p>peperit ius diuisionis in stirpes 87</p> <p>Suorum postumorum definitio 42</p> <p>Superficies ius soli sequitur 56</p> <p><b>T</b></p> <p>Taberna mercibus summo- tis an eadem 57</p> <p>Tacitus consensus sufficit in nuptiis 62</p> <p>Temporis fictio, qualis 288</p> <p>Testamentum, legis actio 233 militis, &amp; à milite factum, diff. 228</p> <p>Testatoris consilium certum esse oportet 42</p> <p>Tigni à pluribus furto sublatis, ius quale 220</p> <p>Totius &amp; vniuersi, similitudo 210 differentia 213 triplex species 213</p> <p>Totum &amp; perfectum, idem 217 in partes diuisum interit 133 integrale &amp; vniuersale 143</p> <p>Trabis furti à pluribus facti, ius quale 221</p> <p>Traditio cur dicatur esse facti 319 duplex 77</p> <p>Transigere de crimine an liceat 150</p> <p>Triboniana incogitantia 323</p> <p>Triboniani facinus 75</p> <p>Tutor quando dominus dicatur 166</p> <p>Tutorem esse, &amp; tutela fungi, differunt 109</p> <p>Tyran</p>
---	--

# INDEX.

Tyranni & regis differentia	re	41
9	Victores rerum tantum cor	
Tyrannidis tempore gesta,	porcium domini	36
sublata tyrannide tollun-	Vindicatio in depositarium	
tur	an competat	208
Tyranno dominante nulla	Vniuersa sunt regis, non	
Respubl.	singula	215
V	Vniuersi & totius differen-	
Vacare pecunia dicitur,	tia & similitudo	210, 213
quæ otiosa est	Vniuersitas an singularum	
Varronis locus emendatus	rerum refectione mutetur	
180	54 & multitudo differunt	
Vassalli in fidelitate iuran-	336	
da ritus	Vniuersitati debitum, vni	
Vassallus maiorem seniore	superstiti debetur	38
suo dignitatem adeptus, an	Vnus duas personas susti-	
ab eius hominio liberetur	net	256
353	Vocatio in ius, an sit actus	
Vbi de veteris iuris abro-	legitimus	248
gatione non contat, ei sta-	Vsuarius à fructuario quid	
tur	differat	168
Vestigalia quædam fisci,	Vlucapi vxores solere	170
quædam ciuitatum	Vsura non natura proue-	
Vehiculi vsus plurib. in so-	nit, sed iure percipitur	304
lidum conceditur	vide in voce Fœneratio	
117	Vsurpatio surculo defrin-	
Vehiculum si plurib. trada-	gendo, actus legitimus	252
tur, vtrum pro diuiso an	Vsus, est vsusfr. exiguus	135
pro indiuiso	& vsusfr. interdum idem	136
125	diuisionem recipit	122
Venditæ rei dominium tra-	vtrum diuiduus, an indiui-	
dito instrumento transfer-	duus	131
tur	Vtendi concessio, quando	
76	pro traditione valeat	80
Venditio cur dicatur esse fa-	Vxores à Romanis anno v-	
cti	no vsucapiebantur	169, 170
334	Vxor & concubina. digni-	
Verba legitima	tate differunt	169
236		
Veritas erroribus gestorum		
non vitiatur		
188		
Vicinus vicini ædes con-		
flagrantes potest disturba-		



INDEX  
LOCORVM QVOS AVCTOR  
in hoc libro emendauit.



L.filij.22.§.senatoris.D.ad municip.	fol.20
L.Senator.11.C.de dignitatib.	22
L.nuda.5.C.de contrahend.stipulat.	65
L.3.D.de act.empt.	71
Institut.Caij.	94
L.quoties.59.D.de verb.oblig.	105
L.3.D.de offic.prætor.	107
L.Mæuius.66.§.duorum.D.de legat.ij.	138
L.transigere.18.C.de transact.	155
L.7.de except.rei iud.	195
L.pen.D.de oblig. & act.	199
L.quoties.41.D.eod.	199
L.qui seruum.34.D.eod.	201
L.3.de acceptil.	237
L.5.§.vlr.D.commod.	
L.4.D.de nouat.	238
L.6.de offic.præsid.	187
L.10.C.de adult.	154
L.27.de reg.iur.	266
L.1.§.pen.de acq.pof.	320
L.triplici.142.de verborum significatione.	379
Vlpianus tit.Regul.14.	384

FINIS.

*Ex typographia Antonij Candidi.*







